


荀煥
氏傳



春秋左氏傳序

春秋者魯史記之名也記事者以事繫日以日繫月以月繫時以時繫年所以紀遠近別同異也故史之

春秋左傳卷一

二 耐忍堂

所記必表年以首事年有四時故錯舉以爲所記之名也周禮有史官掌邦國四方之事達四方之志諸侯亦各有國史大事書之於策小事簡牘而已孟子

曰楚謂之檇杙晉謂之乘而魯謂之春秋其實一也韓宣子適魯見易象與魯春秋曰周禮盡在魯矣吾乃今知周公之德與周之所以王韓子所見蓋周之

春秋左傳卷一

二 耐忍堂

舊典禮經也周德既衰官失其守上之人不能使春秋昭明赴告策書諸所記注多違舊章仲尼因魯史策書成文考其真僞而志其典禮上以遵周公之遺

制下以明將來之法其教之所存文之所害則刊而正之以示勸戒其餘則皆即用舊史史有文質辭有詳略不必改也故傳曰其善志又曰非聖人孰能脩

春秋左傳卷十

手肅忍堂

之蓋周公之志仲尼從而明之左丘明受經於仲尼以爲經者不刊之書也故傳或先經以始事或後經以終義或依經以辯理或錯經以合異隨義而發其

例之所重舊史遺文略不盡舉非聖人所脩之要故也身爲國史躬覽載籍必廣記而備言之其文緩其言遠將令學者原始要終尋其枝葉究其所窮優而

春秋左傳卷一

四肅忍堂

柔之使自求之饜而飫之使自趨之若江海之浸膏澤之潤渙然冰釋怡然理順然後爲得也其發凡以言例皆經國之常制周公之垂法史書之舊章仲尼

從而脩之以成一經之通體其微顯闡幽裁成義類者皆據舊例而發義指行事以正褒貶諸稱書不書先書故書不言不稱書曰之類皆所以起新舊發大

春秋左傳卷一

平爾忍堂

義謂之變例然亦有史所不書即以爲義者此蓋春秋新意故傳不言凡曲而暢之也其經無義例因行事而言則傳直言其歸趣而已非例也故發傳之體

有三而爲例之情有五一曰微而顯文見於此而起義在彼稱族尊君命舍族尊夫人梁亡城緣陵之類是也二曰志而晦約言示制推以知例參會不地與

春秋左傳卷一

六爾忍堂

謀曰及之類是也三曰婉而成章曲從義訓以示大順諸所諱辟假許田之類是也四曰盡而不汙直書其事具文見意丹楨刻桷天王求車齊侯獻捷之

類是也五曰懲惡而勸善
求名而亡欲蓋而章書齊
豹盜三叛人名之類是也
推此五體以尋經傳觸類
而長之附于二百四十二
年行事王道之正人倫之

春秋左傳卷一

七
顧忍堂

紀備矣或曰春秋以錯文
見義若如所論則經當有
事同文異而無其義也先
儒所傳皆不其然荅曰春
秋雖以一字爲褒貶然皆
須數句以成言非如八卦

之爻可錯綜爲六十四也
固當依傳以爲斷古今言
左氏春秋者多矣今其遺
文可見者十數家大體轉
相祖述進不成爲錯綜經
文以盡其變退不守丘明

春秋左傳卷一

八
顧忍堂

之傳於丘明之傳有所不
通皆沒而不說而更膚引
公羊穀梁適足自亂預今
所以爲異專脩丘明之傳
以釋經經之條貫必出於
傳傳之義例揔歸諸凡推

變例以正褒貶簡二傳而去異端蓋丘明之志也其有疑錯則備論而闕之以俟後賢然劉子駿創通大義賈景伯父子許惠卿皆先儒之美者也未有穎子

春秋左傳卷一

九韶忍堂

嚴者雖淺近亦復名家故特舉劉賈許穎之違以見同異分經之年與傳之年相附比其義類各隨而解之名曰經傳集解又別集諸例及地名譜第歷數相

與爲部凡四十部十五卷皆顯其異同從而釋之名曰釋例將令學者觀其所聚異同之說釋例詳之也或曰春秋之作左傳及穀梁無明文說者以爲仲尼

春秋左傳卷一

十韶忍堂

自衛反魯脩春秋立素王丘明爲素臣言公羊者亦云黜周而王魯危行言孫以辟當時之害故微其文隱其義公羊經止獲麟而左氏經終孔丘卒敢問所

安荅曰異乎余所聞仲尼曰文王既没文不在茲乎此制作之本意也歎曰鳳鳥不至河不出圖吾已矣夫蓋傷時王之政也麟鳳五靈王者之嘉瑞也今麟

春秋左傳卷一

士面忍堂

出非其時虛其應而失其歸此聖人所以爲感也絕筆於獲麟之一句者所感而起固所以爲終也曰然則春秋何始於魯隱公荅曰周平王東周之始王也

隱公讓國之賢君也考乎其時則相接言乎其位則列國本乎其始則周公之祚胤也若平王能祈天永命紹開中興隱公能弘宣祖業光啟王室則西周之

春秋左傳卷一

士面忍堂

美可尋文武之迹不隊是故因其歷數附其行事采周之舊以會成王義垂法將來所書之王即平王也所用之歷即周正也所稱之公即魯隱也安在其黜

周而王魯乎子曰如有用我者吾其爲東周乎此其義也若夫制作之文所以章往考來情見乎辭言高則言遠辭約則義微此理之常非隱之也聖人包周

春秋左傳卷一

圭爾忍堂

身之防旣作之後方復隱諱以辟患非所聞也子路欲使門人爲臣孔子以爲欺天而云仲尼素王丘明素臣又非通論也先儒以爲制作三年文成致麟旣

已妖妄又引經以至仲尼卒亦又近誣據公羊經止獲麟而左氏小邾射不在三叛之數故余以爲感麟而作作起獲麟則文止於所起爲得其實至於反袂

春秋左傳卷一

圭爾忍堂

拭面稱吾道窮亦無取焉

春秋經傳集解隱公第一

杜氏 盡十一年

傳惠公元妃孟子孟子卒繼室以聲子生隱公宋武

公生仲子仲子生而有文
在其手曰爲魯夫人故仲
子歸于我生桓公而惠公
薨是以隱公立而奉之

經元年春王正月三月公
及邾儀父盟于蔑夏五月

春秋左傳卷一

五十四忍堂

鄭伯克段于鄆秋七月天
王使宰咺來歸惠公仲子
之賵九月及宋人盟于宿
冬十有二月祭伯來公子
益師卒

傳元年春王周正月不書

即位攝也三月公及邾儀
父盟于蔑邾子克也未王
命故不書爵曰儀父貴之
也公攝位而欲求好於邾
故爲蔑之盟夏四月費伯
帥師城郎不書非公命也

春秋左傳卷一

十六忍堂

初鄭武公娶于申曰武姜
生莊公及共叔段莊公寤
生驚姜氏故名曰寤生遂
惡之愛共叔段欲立之亟
請於武公公弗許及莊公
即位爲之請制公曰制巖

邑也。虢叔死焉，他邑唯命。請京使居之，謂之京城。大
叔祭仲曰：「都城過百雉，國
之害也。先王之制，大都
不過參國之一，中五之一，小
九之一。今京不度，非制也。」

春秋左傳卷一

十七 耐忍堂

君將不堪。公曰：「姜氏欲之，
焉辟害？」對曰：「姜氏何厭之
有？不如早爲之所，無使滋蔓。
蔓蔓難圖也。蔓草猶不可
除，況君之寵弟乎？」公曰：「多行
不義，必自斃。」子姑待之。既

而大叔命西鄙、北鄙貳於
己。公子呂曰：「國不堪貳，君
將若之？」何欲與？大叔臣請
事之。若弗與，則請除之。無
生。己心。公曰：「無庸將。」自及
大叔，又收貳以爲己邑。至

春秋左傳卷一

十六 耐忍堂

于廩延。子封曰：「可矣。」厚將
得衆。公曰：「不義，不暱。厚將
崩。」大叔完聚，繕甲兵，具卒
乘，將襲鄭。夫人將啓之。公
聞其期，曰：「可矣。」命子封帥
車二百乘以伐京。京叛大

叔段段入于鄆公伐諸鄆
五月辛丑大叔出奔共書
曰鄭伯克段于鄆段不弟
故不言弟如二君故曰克
稱鄭伯譏失教也謂之鄭
志不言出奔難之也遂寘

春秋左傳卷一

九思堂

姜氏于城潁而誓之曰不
及黃泉無相見也既而悔
之潁考叔爲潁谷封人聞
之有獻於公公賜之食食
舍肉公問之對曰小人
有母皆嘗小人之食矣未

嘗君之羹美請以遺之公曰
爾有母遺緊我獨無潁考
叔曰敢問何謂也公語之
故且告之悔對曰君何患
焉若闕地及泉隧而相見
其誰曰不然公從之公入

春秋左傳卷一

九思堂

而賦大隧之中其樂也融
姜出而賦大隧之外其
樂也洩洩遂爲母子如初
君子曰潁考叔紆孝也愛
其母施及莊公詩曰孝子
不匱永錫爾類其是之謂

乎秋七月天王使宰咺來歸惠公仲子之賵緩且子氏未薨故名天子七月而葬同軌畢至諸侯五月同盟至大夫三月同位至士踰月外姻至贈死不及尸

春秋左傳卷一

主顧忍堂

弔生不及哀豫凶事非禮也八月紀人伐夷夷不告故不書有蜚不爲災亦不書惠公之季年敗宋師于黃公立而求成焉九月及宋人盟于宿始通也冬十

月庚申改葬惠公公弗臨故不書惠公之薨也有宋師大子少葬故有闕是以改葬衛侯來會葬不見公亦不書鄭共叔之亂公孫滑奔衛衛人爲之伐鄭

春秋左傳卷一

主顧忍堂

取廩延鄭人以王師虢師伐衛南鄙請師於邾邾子使私於公子豫豫請往公弗許遂行及邾人鄭人盟于翼不書非公命也新作南門不書亦非公命也十

二月祭伯來非王命也衆父卒公不與小斂故不書日

經二年春公會戎于潛夏五月莒人入向無駭帥師入極秋八月庚辰公及戎

春秋左傳卷一

三三 耐忍堂

盟于唐九月紀裂繻來逆女冬十月伯姬歸于紀紀子帛莒子盟于密十有二月乙卯夫人子氏薨鄭人伐衛

傳二年春公會戎于潛脩

惠公之好也戎請盟公辭莒子娶于向向姜不安莒而歸夏莒人入向以姜氏還司空無駭入極費廛父勝之戎請盟秋盟于唐復脩戎好也九月紀裂繻來

春秋左傳卷一

三三 耐忍堂

逆女卿爲君逆也冬紀子帛莒子盟于密魯故也鄭人伐衛討公孫滑之亂也經三年春王二月己巳日有食之三月庚戌天王崩夏四月辛卯君氏卒秋武

氏子來求賻八月庚辰宋公和卒冬十有二月齊侯鄭伯盟于石門癸未葬宋穆公

傳三年春王三月壬戌平王崩赴以庚戌故書之夏

春秋左傳卷一

孟頫忍堂

君氏卒聲子也不赴于諸侯不反哭于寢不祔于姑故不曰薨不稱夫人故不言葬不書姓爲公故曰君氏鄭武公莊公爲平王卿士王貳于虢鄭伯怨王王

曰無之故周鄭交質王子狐爲質於鄭鄭公子忽爲質於周王崩周人將畀虢公政四月鄭祭足帥師取溫之麥秋又取成周之禾周鄭交惡君子曰信不由

春秋左傳卷一

孟頫忍堂

中質無益也明恕而行要之以禮雖無有質誰能閒之苟有明信澗谿沼沚之毛蘋蘩蕰藻之菜筐筥錡釜之器潢汙行潦之水可薦於鬼神可羞於王公而

況君子結二國之信行之
以禮又焉用質風有采蘋
采蘋雅有行葦泂酌昭忠
信也武氏子來求賻王未
葬也宋穆公疾召大司馬
孔父而屬殤公焉曰先君

春秋左傳卷一

三毛百忍堂

舍與夷而立寡人寡人弗
敢忘若以大夫之靈得保
首領以沒先君若問與夷
其將何辭以對請子奉之
以主社稷寡人雖死亦無
悔焉對曰羣臣願奉馮也

公曰不可先君以寡人爲
賢使主社稷若弃德不讓
是廢先君之舉也豈曰能
賢光昭先君之令德可不
務乎吾子其無廢先君之
功使公子馮出居于鄭八

春秋左傳卷一

三毛百忍堂

月庚辰宋穆公卒殤公即
位君子曰宋宣公可謂知
人矣立穆公其子饗之命
以義夫商頌曰殷受命咸
宜百祿是荷其是之謂乎
冬齊鄭盟于石門尋盧之

盟也庚戌鄭伯之車僨于
濟衛莊公娶于齊東宮得
臣之妹曰莊姜美而無子
衛人所爲賦碩人也又娶于
陳曰厲嬀生孝伯早死其
娣戴嬀生桓公莊姜以爲

春秋左傳卷一

元 顧忍堂

己子公子州吁嬖人之子
也有寵而好兵公弗禁莊
姜惡之石碏諫曰臣聞愛
子教之以義方弗納於邪
驕奢淫佚所自邪也四者
之來寵祿過也將立州吁

乃定之矣若猶未也階之
爲禍夫寵而不驕驕而能
降降而不憾憾而能矜者
鮮矣且夫賤妨貴少陵長
遠閒親新閒舊小加大淫
破義所謂六逆也君義臣

春秋左傳卷一

三 顧忍堂

行父慈子孝兄愛弟敬所
謂六順也去順效逆所以
速禍也君人者將禍是務
去而速之無乃不可乎弗
聽其子厚與州吁游禁之
不可桓公立乃老

經四年春王二月莒人伐杞取牟婁戊申衛州吁弑其君完夏公及宋公遇于清宋公陳侯蔡人衛人伐鄭秋翬帥師會宋公陳侯蔡人衛人伐鄭九月衛人

春秋左傳卷一

三三 耐忍堂

殺州吁于濮冬十有二月衛人立晉

傳四年春衛州吁弑桓公而立公與宋公爲會將尋宿之盟未及期衛人來告亂夏公及宋公遇于清宋

殤公之即位也公子馮出奔鄭鄭人欲納之及衛州吁立將脩先君之怨於鄭而求寵於諸侯以和其已使告於宋曰君若伐鄭以除君害君爲主敝邑以賦

春秋左傳卷一

三三 耐忍堂

與陳蔡從則衛國之願也宋人許之於是陳蔡方睦於衛故宋公陳侯蔡人衛人伐鄭圍其東門五日而還公問於衆仲曰衛州吁其成乎對曰臣聞以德和

已不聞以亂以亂猶治絲而棼之也夫州吁阻兵而安忍阻兵無衆安忍無親衆叛親離難以濟矣夫兵猶火也弗戢將自焚也夫州吁弑其君而虐用其已

春秋左傳卷一

圭臬忍堂

於是乎不務令德而欲以亂成必不免矣秋諸侯復伐鄭宋公使來乞師公辭之羽父請以師會之公弗許固請而行故書曰翬帥師疾之也諸侯之師敗鄭

徒兵取其禾而還州吁未能和其已厚問定君於石子石子曰王覲爲可曰何以得覲曰陳桓公方有寵於王陳衛方睦若朝陳使請必可得也厚從州吁如

春秋左傳卷一

圭臬忍堂

陳石碣使告于陳曰衛國褊小老夫老矣無能爲也此二人者實弑寡君敢即圖之陳人執之而請泣於衛九月衛人使右宰醜泣殺州吁于濮石碣使其宰孺

羊肩涖殺石厚于陳君子曰石
碯紂臣也惡州吁而厚與
焉大義滅親其是之謂乎
衛人逆公子晉于邢冬十
二月宣公即位書曰衛人
立晉衆也

春秋左傳卷一

圭齋忍堂

經五年春公矢魚于棠夏
四月葬衛桓公秋衛師入
邾九月考仲子之宮初獻
六羽邾人鄭人伐宋螟冬
十有二月辛巳公子彊卒
宋人伐鄭圍長葛

傳五年春公將如棠觀魚
者臧僖伯諫曰凡物不足
以講大事其材不足以備
器用則君不舉焉君將納
臣於軌物者也故講事以
度軌量謂之軌取材以章

春秋左傳卷一

圭齋忍堂

物采謂之物不軌不物謂
之亂政亂政亟行所以敗
也故春蒐夏苗秋獮冬狩
皆於農隙以講事也三年
而治兵入而振旅歸而飲
至以數軍實昭文章明貴

賤辨等列順少長習威儀也鳥獸之肉不登於俎皮革齒牙骨角毛羽不登於器則公不射古之制也若夫山林川澤之實器用之資卑隸之事官司之守非

春秋左傳卷一

韋而忍堂

君所及也公曰吾將略地焉遂往陳魚而觀之僖伯稱疾不從書曰公矢魚于棠非禮也且言遠地也曲沃莊伯以鄭人邢人伐翼王使尹氏武氏助之翼侯

本十隨夏葬衛桓公衛亂是以緩四月鄭人侵衛牧以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭

春秋左傳卷一

韋而忍堂

三軍而不虞制人六月鄭二公子以制人敗燕師于北制君子曰不備不虞不可以師曲沃叛王秋王命虢公伐曲沃而立哀侯于翼衛之亂也邲人侵衛故

衛師入郕九月考仲子之
宮將萬焉公問羽數於衆
仲對曰天子用八諸侯用
六大夫四士二夫舞所以
節八音而行八風故自八
以下公從之於是初獻六

春秋左傳卷一

平陽忍堂

羽始用六佾也宋人取邾
田邾人告於鄭曰請君釋
憾於宋敝邑爲道鄭人以
王師會之伐宋入其郛以
報東門之役宋人使來告
命公聞其入郛也將救之

問於使者曰師何及對曰
未及國公怒乃止辭使者
曰君命寡人同恤社稷之
難今問諸使者曰師未及
國非寡人之所敢知也冬
十二月辛巳臧僖伯卒公

春秋左傳卷一

平陽忍堂

曰叔父有憾於寡人寡人
弗敢忘葬之加一等宋人
伐鄭圍長葛以報入郛之
役也

經六年春鄭人來渝平夏
五月辛酉公會齊侯盟于

艾秋七月冬宋人取長葛
傳六年春鄭人來渝平更
成也翼九宗五正頃父之
子嘉父逆晉侯于隨納諸
鄂晉人謂之鄂侯夏盟于
艾始平于齊也五月庚申

春秋左傳卷一

聖百忍堂

鄭伯侵陳大獲往歲鄭伯
請成于陳陳侯不許五父
諫曰親仁善鄰國之寶也
君其許鄭陳侯曰宋衛實
難鄭何能爲遂不許君子
曰善不可失惡不可長其

陳桓公之謂乎長惡不悛
從自及也雖欲救之其將
能乎商書曰惡之易也如
火之燎于原不可鄉邇其
猶可撲滅周任有言曰爲
國家者見惡如農夫之務

春秋左傳卷一

聖百忍堂

去草焉芟夷蕝崇之絕其
本根勿使能殖則善者信
矣秋宋人取長葛冬京師
來告饑公爲之請糴於宋
衛齊鄭禮也鄭伯如周始
朝桓王也王不禮焉周桓

公言於王曰我周之東遷
晉鄭焉依善鄭以勸來者
猶懼不饒況不禮焉鄭不
來矣

經七年春王三月叔姬歸
于紀滕侯卒夏城中丘齊

春秋左傳卷一

聖朝卷一

侯使其弟年來聘秋公伐
邾冬天王使凡伯來聘戎
伐凡伯于楚丘以歸
傳七年春滕侯卒不書名
未同盟也凡諸侯同盟於
是稱名故薨則赴以名告

終稱嗣也以繼好息已謂之
禮經夏城中丘書不時也
齊侯使夷仲年來聘結艾
之盟也秋宋及鄭平七月
庚申盟于宿公伐邾爲宋
討也初戎朝于周發幣于

春秋左傳卷一

聖朝卷一

公卿凡伯弗賓冬王使凡
伯來聘還戎伐之于楚丘
以歸陳及鄭平十二月陳
五父如鄭泣盟壬申及鄭
伯盟歃如忘洩伯曰五父
必不免不賴盟矣鄭良佐

如陳洎盟辛巳及陳侯盟
亦知陳之將亂也鄭公子
忽在王所故陳侯請妻之
鄭伯許之乃成昏

經八年春宋公衛侯遇于
垂三月鄭伯使宛來歸祊

春秋左傳卷一

墨爾忍堂

庚寅我入祊夏六月己亥
蔡侯考父卒辛亥宿男卒
秋七月庚午宋公齊侯衛
侯盟于瓦屋八月葬蔡宣
公九月辛卯公及莒人盟
于浮來螟冬十有二月無

駭卒

傳八年春齊侯將平宋衛
有會期宋公以幣請於衛
請先相見衛侯許之故遇
于犬丘鄭伯請釋泰山之
祀而祀周公以泰山之祊

春秋左傳卷一

墨爾忍堂

易許田三月鄭伯使宛來
歸祊不祀泰山也夏虢公
忌父始作卿士于周四月
甲辰鄭公子忽如陳逆婦
嬀辛亥以嬀氏歸甲寅入
于鄭陳鍼子送女先配而

後祖鍼子曰是不爲夫婦誣其祖矣非禮也何以能育齊人卒平宋衛于鄭秋會于溫盟于瓦屋以釋東門之役禮也八月丙戌鄭伯以齊人朝王禮也公

春秋左傳卷一

四七爾忍堂

及莒人盟于浮來以成紀好也冬齊侯使來告成三國公使衆仲對曰君釋三國之圖以鳩其已君之惠也寡君聞命矣敢不承受君之明德無駭卒羽父請

謚與族公問族於衆仲衆仲對曰天子建德因生以賜姓胙之土而命之氏諸侯以字爲謚因以爲族官有世功則有官族邑亦如之公命以字爲展氏

春秋左傳卷一

四八爾忍堂

經九年春天王使南季來聘三月癸酉大雨震電庚辰大雨雪挾卒夏城郎秋七月冬公會齊侯于防傳九年春王三月癸酉大雨霖以震書始也庚辰大

雨雪亦如之書時失也凡雨自三日以往爲霖平地尺爲大雪夏城郎書不時也宋公不王鄭伯爲王左卿士以王命討之伐宋宋以入郛之役怨公不告命

春秋左傳卷一

哭爾忍堂

公怒絕宋使秋鄭人以王命來告伐宋冬公會齊侯于防謀伐宋也北戎侵鄭鄭伯禦之患戎師曰彼徒我車懼其侵軼我也公子突曰使勇而無剛者嘗寇

而速去之君爲三覆以待之戎輕而不整貪而無親勝不相讓敗不相救先者見獲^後必務進進而遇覆必速奔後者不救則無繼矣乃可以逞從之戎人之

春秋左傳卷一

平爾忍堂

前遇覆者奔祝聃逐之衷戎師前後擊之盡殪戎師大奔十一月甲寅鄭人大敗戎師

經十年春王二月公會齊侯鄭伯于中丘夏翬帥師

會齊人鄭人伐宋六月壬戌公敗宋師于菅辛未取郕辛巳取防秋宋人衛人入鄭宋人蔡人衛人伐載鄭伯伐取之冬十月壬午齊人鄭人入郕

春秋左傳卷一

奎臨忍堂

傳十年春王正月公會齊侯鄭伯于中丘癸丑盟于鄧爲師期夏五月羽父先會齊侯鄭伯伐宋六月戊申公會齊侯鄭伯于老桃壬戌公敗宋師于菅庚午

鄭師入郕辛未歸于我庚辰鄭師入防辛巳歸于我君子謂鄭莊公於是乎可謂正矣以王命討不庭不貪其土以勞王爵正之體也蔡人衛人郕人不會王

春秋左傳卷一

奎臨忍堂

命秋七月庚寅鄭師入郕猶在郊宋人衛人入鄭蔡人從之伐載八月壬戌鄭伯圍載癸亥克之取三師焉宋衛旣入鄭而以伐載召蔡人蔡人怒故不和而

敗九月戊寅鄭伯入宋冬
齊人鄭人入郕討違王命
也

經十有一年春滕侯薛侯
來朝夏公會鄭伯于時來
秋七月壬午公及齊侯鄭

春秋左傳卷一

五十四忍堂

伯入許冬十有一月壬辰

公薨

傳十一年春滕侯薛侯來
朝爭長薛侯曰我先封滕
侯曰我周之卜正也薛庶
姓也我不可以後之公使

羽父請於薛侯曰君與滕
君辱在寡人周諺有之曰
山有木工則度之賓有禮
主則擇之周之宗盟異姓
爲後寡人若朝于薛不敢
與諸任齒君若辱貺寡人

春秋左傳卷一

五十四忍堂

則願以滕君爲請薛侯許
之乃長滕侯夏公會鄭伯
于邾謀伐許也鄭伯將
伐許五月甲辰授兵於大
宮公孫閱與潁考叔爭車
潁考叔挾輶以走子都拔

棘以逐之及大逵弗及子都怒秋七月公會齊侯鄭伯伐許庚辰傅于許潁考叔取鄭伯之旗螯弧以先登子都自下射之顛瑕叔盈又以螯弧登周麾而呼

春秋左傳卷一

畫爾忍堂

曰君登矣鄭師畢登壬午遂入許許莊公奔衛齊侯以許讓公公曰君謂許不共故從君討之許旣伏其罪矣雖君有命寡人弗敢與聞乃與鄭人鄭伯使許

大夫百里奉許叔以居許東偏曰天禍許國鬼神實不逞于許君而假手于我寡人寡人唯是一二父兄不能共億其敢以許自爲功乎寡人有弟不能和協

春秋左傳卷一

畫爾忍堂

而使餬其口於四方其況能久有許乎吾子其奉許叔以撫柔此民也吾將使獲也佐吾子若寡人得沒于地天其以禮悔禍于許無寧茲許公復奉其社稷

唯我鄭國之有請謁焉如舊昏媾其能降以相從也無滋他族實偏處此以與我鄭國爭此土也吾子孫其覆亡之不暇而況能禋祀許乎寡人之使吾子處

春秋左傳卷一

五至爾忍堂

此不唯許國之爲亦聊以固吾圉也乃使公孫獲處許西偏曰凡而器用財賄無寘於許我死乃亟去之吾先君新邑於此王室而旣卑矣周之子孫曰失其

序夫許大岳之胤也天而旣厭周德矣吾其能與許爭乎君子謂鄭莊公於是乎有禮禮經國家定社稷序民人利後嗣者也許無刑而伐之服而舍之度

春秋左傳卷一

五至爾忍堂

德而處之量力而行之相時而動無累後人可謂知禮矣鄭伯使卒出殯行出犬雞以詛射潁考叔者君子謂鄭莊公失政刑矣政以治民刑以正邪旣無德

政又無威刑是以及邪邪而詛之將何益矣王取鄔劉蔿邠之田于鄭而與鄭人蘇忿生之田溫原絺樊隰郕欒茅向盟州陘隤懷君子是以知桓王之失鄭

春秋左傳卷一

孟萬忍堂

也恕而行之德之則也禮之經也已弗能有而以與人人之不至不亦宜乎鄭息有違言息侯伐鄭鄭伯與戰于竟息師大敗而還君子是以知息之將亡也

不度德不量力不親親不徵辭不察有罪犯五不韙而以伐人其喪師也不亦宜乎冬十月鄭伯以虢師伐宋壬戌大敗宋師以報其入鄭也宋不告命故不

春秋左傳卷一

孟萬忍堂

書凡諸侯有命告則書不然則否師出臧否亦如之雖及滅國滅不告敗勝不告克不書于策羽父請殺桓公將以求大宰公曰爲其少故也吾將授之矣使

營菟裘吾將老焉羽父懼
反譖公于桓公而請弑之
公之爲公子也與鄭人戰
于狐壤止焉鄭人囚諸尹
氏賂尹氏而禱於其主鍾
巫遂與尹氏歸而立其主

春秋左傳卷一

空齋忍堂

十一月公祭鍾巫齊于社
圃館于寯氏壬辰羽父使
賊弑公于寯氏立桓公而
討寯氏有死者不書葬不
成喪也

春秋卷第一

春秋左傳卷一

空齋忍堂

春秋經傳集解桓公第二

杜氏 盡十八年

經元年春王正月公即位
三月公會鄭伯于垂鄭伯
以辟假許田夏四月丁未

春秋左傳卷二

十一 昭公

公及鄭伯盟于越秋大水
冬十月
傳元年春公即位脩好于
鄭鄭人請復祀周公卒易
祊田公許之三月鄭伯以
辟假許田爲周公祊故也

夏四月丁未公及鄭伯盟
于越結祊成也盟曰渝盟
無享國秋大水凡平原出
水爲大水冬鄭伯拜盟宋
華父督見孔父之妻子路
目逆而送之曰美而豔

春秋左傳卷二

二 昭公

經二年春王正月戊申宋
督弑其君與夷及其大夫
孔父滕子來朝三月公會
齊侯陳侯鄭伯于稷以成
宋亂夏四月取郕大鼎于
宋戊申納于大廟秋七月

裳幅舄衡紃紕紕昭其度也藻率鞞鞞厲游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也夫德儉而有

春秋左傳卷三

五顏忍堂

度登降有數文物以紀之聲明以發之以臨照百官百官於是乎戒懼而不敢易紀律今滅德立違而寘其賂器於大廟以明示百官百官象之其又何誅焉

國家之敗由官邪也官之失德寵賂章也郅鼎在廟章孰甚焉武王克商遷九鼎于雒邑義士猶或非之而況將昭違亂之賂器於大廟其若之何公不聽周

春秋左傳卷三

六顏忍堂

內史聞之曰臧孫達其有後於魯乎君違不忘諫之以德秋七月杞侯來朝不敬杞侯歸乃謀伐之蔡侯鄭伯會于鄧始懼楚也九月入杞討不敬也公及戎

盟于唐脩舊好也冬公至
自唐告于廟也凡公行告
于宗廟反行飲至舍爵策
勲焉禮也特相會往來稱
地讓事也自參以上則往
稱地來稱會成事也初晉

春秋左傳卷二

七
百忍堂

穆侯之夫人姜氏以條之
役生太子命之曰仇其弟
以千畝之戰生命之曰成
師師服曰異哉君之名子
也夫名以制義義以出禮
禮以體政政以正巳是以

政成而巳聽易則生亂嘉
耦曰妃怨耦曰仇古之命
也今君命太子曰仇弟曰
成師始兆亂矣兄其替乎
惠之廿四年晉始亂故封
桓叔于曲沃靖侯之孫欒

春秋左傳卷二

八
百忍堂

賓傅之師服曰吾聞國家
之立也本大而末小是以
能固故天子建國諸侯立
家卿置側室大夫有貳宗
士有隸子弟庶人工商各
有分親皆有等衰是以巳

服事其上而下無覬覦今
晉甸侯也而建國本旣弱
矣其能久乎惠之卅年晉
潘父弑昭侯而納桓叔不
克晉人立孝侯惠之四十
五年曲沃莊伯伐翼弑孝

春秋左傳卷二

九百忍堂

侯翼人立其弟鄂侯鄂侯
生哀侯哀侯侵涇庭之田
涇庭南鄙啓曲沃伐翼
經三年春正月公會齊侯
于嬴夏齊侯衛侯胥命于
蒲六月公會杞侯于郕秋

七月壬辰朔日有食之旣
公子翬如齊逆女九月齊
侯送姜氏于謹公會齊侯
于謹夫人姜氏至自齊冬
齊侯使其弟年來聘有年
傳三年春曲沃武公伐翼

春秋左傳卷二

十百忍堂

次于涇庭韓萬御戎梁弘
爲右逐翼侯于汾隰驂絳
而止夜獲之及藥共叔會
于嬴成昏于齊也夏齊侯
衛侯胥命于蒲不盟也公
會杞侯于郕杞求成也秋

公子翬如齊逆女脩先君之好故曰公子齊侯送姜氏非禮也凡公女嫁于敵國姊妹則上卿送之以禮於先君公子則下卿送之於大國雖公子亦上卿

春秋左傳卷三

十二
昭忍堂

送之於天子則諸卿皆行公不自送於小國則上大夫送之冬齊仲年來聘致夫人也芮伯萬之母芮姜惡芮伯之多寵人也故逐之出居于魏

經四年春正月公狩于郎夏天王使宰渠伯糾來聘傳四年春正月公狩于郎書時禮也夏周宰渠伯糾來聘父在故名秋秦師侵芮敗焉小之也冬王師秦

春秋左傳卷二

十三
昭忍堂

師圍魏執芮伯以歸經五年春正月甲戌己丑陳侯鮑卒夏齊侯鄭伯如紀天王使仍叔之子來聘葬陳桓公城祝丘秋蔡人衛人陳人從王伐鄭大雩

螽冬州公如曹

傳五年春正月甲戌己丑
陳侯鮑卒再赴也於是陳
亂文公子佗殺太子免而
代之公疾病而亂作國人
分散故再赴夏齊侯鄭伯

春秋左傳卷二

十三
三
百
忍
堂

朝于紀欲以襲之紀人知
之王奪鄭伯政鄭伯不朝
秋王以諸侯伐鄭鄭伯禦
之王爲中軍虢公林父將
右軍蔡人衛人屬焉周公
黑肩將左軍陳人屬焉鄭

子元請爲左拒以當蔡人
衛人爲右拒以當陳人曰
陳亂民莫有鬪心若先犯
之必奔王卒顧之必亂蔡
衛不枝固將先奔旣而萃
於王卒可以集事從之曼

春秋左傳卷二

十四
百
忍
堂

伯爲右拒祭仲足爲左拒
原繁高渠彌以中軍奉公
爲魚麗之陳先偏後伍伍
承彌縫戰于緇葛命二拒
曰旒動而鼓蔡衛陳皆奔
王卒亂鄭師合以攻之王

卒大敗祝聃射王中肩王亦能軍祝聃請從之公曰君子不欲多上人況敢陵天子乎苟自救也社稷無隕多矣夜鄭伯使祭足勞王且問左右仍叔之子來聘

春秋左傳卷二

士孟忍堂

弱也秋大雩書不時也凡祀啓蟄而郊龍見而雩始殺而嘗閉蟄而烝過則書冬渎于公如曹度其國危遂不復經六年春正月寔來夏四

月公會紀侯于成秋八月壬午大閱蔡人殺陳佗九月丁卯子同生冬紀侯來朝

傳六年春自曹來朝書曰寔來不復其國也楚武王

春秋左傳卷二

士孟忍堂

侵隨使蘧章求成焉軍於瑕以待之隨人使少師董成鬬伯比言於楚子曰吾不得志於漢東也我則使然我張吾三軍而被吾甲兵以武臨之彼則懼而協

以謀我故難閒也漢東之
國隨爲大隨張必弃小國
小國離楚之利也少師侈
請羸師以張之熊率且比
曰季梁在何益鬬伯比曰
以爲後圖少師得其君王

春秋左傳卷三

士師忍堂

毀軍而納少師少師歸請
追楚師隨侯將許之季梁
止之曰天方授楚楚之羸
其誘我也君何急焉臣聞
小之能敵大也小道大淫
所謂道忠於己而信於神

也上思利己忠也祝史正
辭信也今己餒而君逞欲
祝史矯舉以祭臣不知其
可也公曰吾牲牷肥腍粢
盛豐備何則不信對曰夫
己神之主也是以聖王先

春秋左傳卷三

士師忍堂

成己而後致力於神故奉
牲以告曰博碩肥腍謂己
力之普存也謂其畜之碩
大蕃滋也謂其不疾疫蠹
也謂其備腍咸有也奉盛
以告曰絜粢豐盛謂其三

時不害而巳和年豐也奉酒醴以告曰嘉粟旨酒謂其上下皆有嘉德而無違心也所謂馨香無譏慝也故務其三時脩其五教親其九族以致其禋祀於是

春秋左傳卷二

九百忍堂

乎巳和而神降之福故動則有成今巳各有心而鬼神之主君雖獨豐其何福之有君姑脩政而親兄弟之國庶免於難隨侯懼而脩政楚不敢伐夏會于成

紀來諮謀齊難也北戎伐齊齊侯使乞師于鄭鄭大子忽帥師救齊六月大敗戎師獲其二帥大良少良甲首三百以獻於齊於是諸侯之大夫戍齊齊人饋

春秋左傳卷二

二百忍堂

之餼使魯爲其班後鄭鄭忽以其有功也怒故有郎之師公之未昏於齊也齊侯欲以文姜妻鄭大子忽大子忽辭人問其故大子曰人各有耦齊大非吾耦

也詩云自求多福在我而
已大國何爲君子曰善自
爲謀及其敗戎師也齊侯
又請妻之固辭人問其故
大子曰無事於齊吾猶不
敢今以君命奔齊之急而

春秋左傳卷上

王昭忍堂

受室以歸是以師昏也臣
其謂我何遂辭諸鄭伯秋
大閱簡車馬也九月丁卯
子同生以天子生之禮舉
之接以大牢卜士負之士
妻食之公與文姜宗婦命

之公問名於申繻對曰
名有五有信有義有象
有假有類以名生爲信以
德命爲義以類命爲象取
於物爲假取於父爲類不
以國不以官不以山川不

春秋左傳卷二

王昭忍堂

以隱疾不以畜牲不以器
幣周人以諱事神名終將
諱之故以國則廢名以官
則廢職以山川則廢主以
畜牲則廢祀以器幣則廢
禮晉以僖侯廢司徒宋以

武公廢司空先君獻武廢
二山是以大物不可以命
公曰是其生也與吾同物
命之曰同冬紀侯來朝請
王命以求成于齊公告不
能

春秋左傳卷二

圭爾忍堂

經七年春二月己亥焚咸
丘夏穀伯綏來朝鄧侯吾
離來朝
傳七年春穀伯鄧侯來朝
名賤之也夏盟向求成于
鄭既而背之秋鄭人齊人

衛人伐盟向王遷盟向之
巳于邾冬曲沃伯誘晉小
子侯殺之

經八年春正月己卯烝天
王使家父來聘夏五月丁
丑烝秋伐邾冬十月雨雪

春秋左傳卷二

圭爾忍堂

祭公來遂逆王后于紀
傳八年春滅翼隨少師有
寵楚鬬伯比曰可矣雖有
釁不可失也夏楚子合諸
侯于沈鹿黃隨不會使蘧
章讓黃楚子伐隨軍於漢

淮之間季梁請下之弗許而後戰所以怒我而怠寇也少師謂隨侯曰必速戰不然將失楚師隨侯禦之望楚師季梁曰楚人上左君必左無與王遇且攻其

春秋左傳卷二

王孟忍堂

右右無良焉必敗偏敗衆乃攜矣少師曰不當王非敵也弗從戰于速杞隨師敗績隨侯逸鬪丹獲其戎車與其戎右少師秋隨及楚平楚子將不許鬪伯比

曰天去其疾矣隨未可克也乃盟而還冬王命虢仲立晉哀侯之弟緡于晉祭公來遂逆王后于紀禮也經九年春紀季姜歸于京師夏四月秋七月冬曹伯

春秋左傳卷二

王孟忍堂

使其世子射姑來朝傳九年春紀季姜歸于京師凡諸侯之女行唯王后書巴子使韓服告于楚請與鄧爲好楚子使道朔將巴客以聘於鄧鄧南鄙鄠

人攻而奪之幣殺道朔及
巴行人楚子使蘧章讓於
鄧鄧人弗受夏楚使闕
廉帥師及巴師圍鄆鄧養
甥聃甥帥師救鄆三逐巴
師不克闕廉衡陳其師於

春秋左傳卷二

左傳卷二

巴師之中以戰而北鄧人
逐之背巴師而夾攻之鄧
師大敗鄆人宵潰秋虢仲
芮伯梁伯荀侯賈伯伐曲
沃冬曹太子來朝賓之以
上卿禮也享曹太子初獻

樂奏而歎施父曰曹太子
其有憂乎非歎所也
經十年春王正月庚申曹
伯終生卒夏五月葬曹桓
公秋公會衛侯于桃丘弗
遇冬十有二月丙午齊侯

春秋左傳卷二

左傳卷二

衛侯鄭伯來戰于郎
傳十年春曹桓公卒虢仲
譖其大夫詹父於王詹父
有辭以王師伐虢夏虢公
出奔虞秋秦人納芮伯萬
于芮初虞叔有玉虞公求

旃弗獻既而悔之曰周諺
有之匹夫無罪懷璧其
罪吾焉用此其以賈害也
乃獻之又求其寶劔叔曰
是無厭也無厭將及我遂
伐虞公故虞公出奔共池

春秋左傳卷二

元祐忍堂

冬齊衛鄭來戰于郎我有
辭也初北戎病齊諸侯救
之鄭公子忽有功焉齊人
餽諸侯使魯次之魯以周
班後鄭鄭人怒請師於齊
齊人以衛師助之故不稱

侵伐先書齊衛王爵也
經十有一年春正月齊人
衛人鄭人盟于惡曹夏五
月癸未鄭伯寤生卒秋七
月葬鄭莊公九月宋人執
鄭祭仲突歸于鄭鄭忽出

春秋左傳卷二

元祐忍堂

奔衛柔會宋公陳侯蔡叔
盟于折公會宋公于夫鍾
冬十有二月公會宋公于
闕
傳十一年春齊衛鄭宋盟
于惡曹楚屈瑕將盟貳軫

鄭人軍於蒲騷將與隨絞
州蓼伐楚師莫敖患之鬬
廉曰鄭人軍其郊必不誠
且曰虞四邑之至也君次
於郊郢以禦四邑我以銳
師宵加於鄭鄭有虞心而

春秋左傳卷二

三石齋忍堂

恃其城莫有鬪志若敗鄭
師四邑必離莫敖曰盍請
濟師於王對曰師克在和
不在衆商周之不敵君之
所聞也成軍以出又何濟
焉莫敖曰卜之對曰卜以

決疑不疑何卜遂敗鄭師
於蒲騷卒盟而還鄭昭公
之敗北戎也齊人將妻之
昭公辭祭仲曰必取之君
多內寵子無大援將不立
三公子皆君也弗從夏鄭

春秋左傳卷二

三石齋忍堂

莊公卒初祭封人仲足有
寵於莊公莊公使爲卿爲
公娶鄧曼生昭公故祭仲
立之宋雍氏女於鄭莊公
曰雍姑生厲公雍氏宗有
寵於宋莊公故誘祭仲而

執之曰不立突將死亦執
厲公而求賂焉祭仲與宋
人盟以厲公歸而立之秋
九月丁亥昭公奔衛己亥
厲公立

經十有二年春正月夏六

春秋左傳卷二

三才願忍堂

月壬寅公會杞侯莒子盟
于曲池秋七月丁亥公會
宋公燕人盟于穀丘八月
壬辰陳侯躍卒公會宋公
于虛冬十有一月公會宋
公于龜丙戌公會鄭伯盟

于武父丙戌衛侯晉卒十
有二月及鄭師伐宋丁未
戰于宋

傳十二年夏盟于曲池平
杞莒也公欲平宋鄭秋公
及宋公盟于句瀆之丘宋

春秋左傳卷二

三才願忍堂

成未可知也故又會于虛
冬又會于龜宋公辭平故
與鄭伯盟于武父遂帥師
而伐宋戰焉宋無信也君
子曰苟信不繼盟無益也
詩曰君子屢盟亂是用

長無信也楚伐絞軍其南門莫敖屈瑕曰絞小而輕則寡謀請無扞采樵者以誘之從之絞人獲卅人明日絞人爭出驅楚役徒於山中楚人坐其北門而

春秋左傳卷二

襄公四年

覆諸山下大敗之爲城下之盟而還伐絞之役楚師分涉於彭羅人欲伐之使伯嘉諗之三巡數之經十有三年春二月公會紀侯鄭伯己巳及齊侯宋

公衛侯燕人戰齊師宋師衛師燕師敗績三月葬衛宣公夏大水秋七月冬十月

春秋左傳卷二

襄公四年

傳十三年春楚屈瑕伐羅鬬伯比送之還謂其御曰莫敖必敗舉趾高心不固矣遂見楚子曰必濟師楚子辭焉入告夫人鄧曼鄧曼曰大夫其非衆之謂其謂君撫小臣以信訓諸司以德而威莫敖以刑也莫

教狃於蒲騷之役將自用也必小羅君若不鎮撫其不設備乎夫固謂君訓衆而好鎮撫之召諸司而勸之以令德見莫教而告諸天之不假易也不然夫

春秋左傳卷二

三毛頤忍堂

豈不知楚師之盡行也楚子使賴人追之不及莫教使徇于師曰諫者有刑及鄢亂次以濟遂無次且不設備及羅羅與盧戎兩軍之大敗之莫教縊于荒谷

羣帥囚于冶父以聽刑楚子曰孤之罪也皆免之宋多責賂於鄭鄭不堪命故以紀魯及齊與宋衛燕戰不書所戰後也鄭人來請脩好

春秋左傳卷二

三毛頤忍堂

經十有四年春正月公會鄭伯于曹無冰夏五鄭伯使其弟語來盟秋八月壬申御廩災乙亥嘗冬十有二月丁巳齊侯祿父卒宋人以齊人蔡人衛人陳人

伐鄭

傳十四年春會于曹曹人致餼禮也夏鄭子人來尋盟且脩曹之會秋八月壬申御廩災乙亥嘗書不害也冬宋人以諸侯伐鄭報

春秋左傳卷二

三
元
陌
忍
堂

宋之戰也焚渠門入及大逵伐東郊取牛首以大宮之椽歸爲盧門之椽經十有五年春二月天王使家父來求車三月乙未天王崩夏四月己巳葬齊

僖公五月鄭伯突出奔蔡鄭世子忽復歸于鄭許叔入于許公會齊侯于艾邾人牟人葛人來朝秋九月鄭伯突入于櫟冬十有一月公會宋公衛侯陳侯于

春秋左傳卷二

四
元
陌
忍
堂

袤伐鄭

傳十五年春天王使家父來求車非禮也諸侯不貢車服天子不私求財祭仲專鄭伯患之使其嬖雍糾殺之將享諸郊雍姬知之

謂其母曰父與夫孰親其母曰人盡夫也父一而已胡可比也遂告祭仲曰雍氏舍其室而將享子於郊吾惑之以告祭仲殺雍糾尸諸周氏之汪公載以出

春秋左傳卷二

聖祖心堂

曰謀及婦人宜其死也夏厲公出奔蔡六月乙亥昭公入許叔入于許公會齊侯于艾謀定許也秋鄭伯因櫟人殺檀伯而遂居櫟冬會于袤謀伐鄭將納厲

公也弗克而還

經十有六年春正月公會宋公蔡侯衛侯于曹夏四月公會宋公衛侯陳侯蔡侯伐鄭秋七月公至自伐鄭冬城向十有一月衛侯

春秋左傳卷二

聖祖心堂

朔出奔齊

傳十六年春正月會于曹謀伐鄭也夏伐鄭秋七月公至自伐鄭以飲至之禮也冬城向書時也初衛宣公烝於夷姜生急子屬諸右

公子爲之娶於齊而美公取之生壽及朔屬壽於左公子夷姜縊宣姜與公子朔搆急子公使諸齊使盜待諸葦將殺之壽子告之使行不可曰弃父之命惡

春秋左傳卷二

聖祖忍堂

用子矣有無父之國則可也及行飲以酒壽子載其旌以先盜殺之急子至曰我之求也此何罪請殺我乎又殺之二公子故怨惠公十一月左公子洩右公

子職立公子黔牟惠公奔齊

經十有七年春正月丙辰公會齊侯紀侯盟于黃二月丙午公會邾儀父盟于越五月丙午及齊師戰于

春秋左傳卷二

聖祖忍堂

奚六月丁丑蔡侯封人卒秋八月蔡季自陳歸于蔡癸巳葬蔡桓侯及宋人衛人伐邾冬十月朔日有食之

傳十七年春盟于黃平齊

紀且謀衛故也及邾儀父盟于趙尋蔑之盟也夏及齊師戰于奚疆事也於是齊人侵魯疆疆吏來告公曰疆場之事慎守其一而備其不虞姑盡所備焉事

春秋左傳卷二

聖而忍堂

至而戰又何謂焉蔡桓侯卒蔡人召蔡季于陳秋蔡季自陳歸于蔡蔡人嘉之也伐邾宋志也冬十月朔日有食之不書日官失之也天子有日官諸侯有日

御日官居卿以底日禮也日御不失日以授百官于朝初鄭伯將以高渠彌爲卿昭公惡之固諫不聽昭公立懼其殺已也辛卯弑昭公而立公子亶君子謂

春秋左傳卷二

聖而忍堂

昭公知所惡矣公子達曰高伯其爲戮乎復惡已甚矣

經十有八年春王正月公會齊侯于濼公與夫人姜氏遂如齊夏四月丙子公

薨于齊丁酉公之喪至自齊秋七月冬十有二月己丑葬我君桓公

傳十八年春公將有行遂與姜氏如齊申繻曰女有家男有室無相瀆也謂之

春秋左傳卷二

哭而忍堂

有禮易此必敗公會齊侯于濼遂及文姜如齊齊侯通焉公謫之以告夏四月丙子享公使公子彭生乘公公薨于車魯人告于齊曰寡君畏君之威不敢寧

居來脩舊好禮成而不反無所歸咎惡於諸侯請以

彭生除之齊人殺彭生秋齊侯師于首止子亶會之高渠彌相七月戊戌齊人殺子亶而輟高渠彌祭仲

春秋左傳卷二

哭而忍堂

逆鄭子于陳而立之是行也祭仲知之故稱疾不往人曰祭仲以知免仲曰信也周公欲弑莊王而立王子克辛伯告王遂與王殺周公黑肩王子克奔燕初

子儀有寵於桓王桓王屬
諸周公平伯諫曰並后匹
嫡兩政耦國亂之本也周
公弗從故及

春秋卷第二

春秋左傳卷二

吳陋忍堂

春秋經傳集解莊公第三

杜氏 盡卅二年

經元年春王正月三月夫人孫于齊夏單伯送王姬秋築王姬之館于外冬十

春秋左傳卷三

一而忍堂

月乙亥陳侯林卒王使榮叔來錫桓公命王姬歸于齊齊師遷紀邢鄆鄆傳元年春不稱即位文姜出故也三月夫人孫于齊不稱姜氏絕不爲親禮也

秋築王姬之館于外爲外禮也

經二年春王二月葬陳莊公夏公子慶父帥師伐於餘丘秋七月齊王姬卒冬十有二月夫人姜氏會齊

春秋左傳卷三

二而忍堂

侯于禚乙酉宋公馮卒傳二年冬夫人姜氏會齊侯于禚書姦也

經三年春王正月溺會齊師伐衛夏四月葬宋莊公五月葬桓王秋紀季以鄆

入于齊冬公次于滑

傳三年春溺會齊師伐衛

疾之也夏五月葬桓王緩

也秋紀季以鄆入于齊紀

於是乎始判冬公次于滑

將會鄭伯謀紀故也鄭伯

春秋左傳卷三

三
百忍堂

辭以難凡師一宿爲舍再

宿爲信過信爲次

經四年春王二月夫人姜

氏享齊侯于祝丘三月紀

伯姬卒夏齊侯陳侯鄭伯

遇于垂紀侯大去其國六

月乙丑齊侯葬紀伯姬秋

七月冬公及齊人狩于禚

傳四年春王三月楚武王

荆尸授師子焉以伐隨將

齊入告夫人鄧曼曰余心

蕩鄧曼歎曰王祿盡矣

春秋左傳 卷三

四
醕忍堂

盈而蕩天之道也先君其

知之矣故臨武事將發大

命而蕩王心焉若師徒無

虧王薨於行國之福也王

遂行卒於櫛木之下令尹

鬪祁莫教屈重除道梁差

營軍臨隨隨人懼行成莫
教以王命入盟隨侯且請
爲會於漢汭而還濟漢而
後發喪紀侯不能下齊以
與紀季夏紀侯大去其國
違齊難也

春秋左傳卷三

五
耐忍堂

經五年春王正月夏夫人
姜氏如齊師秋郕犁來來
朝冬公會齊人宋人陳人
蔡人伐衛
傳五年秋郕犁來來朝名
未王命也冬伐衛納惠公

也

經六年春王正月王人子
突救衛夏六月衛侯朔入
于衛秋公至自伐衛螟冬
齊人來歸衛俘
傳六年春王人救衛夏衛

春秋左傳卷三

六
耐忍堂

侯入放公子黔牟于周放
甯跪于秦殺左公子洩右
公子職乃即位君子以二
公子之立黔牟爲不度矣
夫能固位者必度於本末
而後立衷焉不知其本不

謀知本之不枝弗強詩云
本枝百世冬齊人來歸衛
寶文姜請之也楚文王伐
申過鄧鄧祁侯曰吾甥也
止而享之騅甥聃甥養甥
請殺楚子鄧侯弗許三甥

春秋左傳卷三

七 肅忍堂

曰亡鄧國者必此人也若
不早圖後君噬齊其及圖
之乎圖之此爲時矣鄧侯
曰人將不食吾餘對曰若
不從三臣抑社稷實不血
食而君焉取餘弗從還年

楚子伐鄧十六年楚復伐
鄧滅之

經七年春夫人姜氏會齊
侯于防夏四月辛卯夜恒
星不見夜中星隕如雨秋
大水無麥苗冬夫人姜氏

春秋左傳卷三

八 肅忍堂

會齊侯于穀

傳七年春文姜會齊侯于
防齊志也夏恒星不見夜
明也星隕如雨與雨偕也
秋無麥苗不害嘉穀也
經八年春王正月師次于

郎以俟陳人蔡人甲午治兵夏師及齊師圍郕郕降于齊師秋師還冬十有一月癸未齊無知弑其君諸兒

傳八年春治兵于廟禮也

春秋左傳卷三

九百忍堂

夏師及齊師圍郕郕降于齊師仲慶父請伐齊師公曰不可我實不德齊師何罪罪我之由夏書曰臯陶邁種德德乃降姑務脩德以待時乎秋師還君子是

以善魯莊公齊侯使連稱管至父戍葵丘瓜時而往曰及瓜而代期戍公問不至請代弗許故謀作亂僖公之母弟曰夷仲年生公孫無知有寵於僖公衣服

春秋左傳卷三

十百忍堂

禮秩如適襄公絀之二人因之以作亂連稱有從妹在公宮無寵使間公曰捷吾以女爲夫人冬十有二月齊侯游于姑棼遂田于貝丘見大豕從者曰公子

彭生也公怒曰彭生敢見射之豕人立而啼公懼墜于車傷足喪屨反誅屨於徒人費弗得鞭之見血走出遇賊于門劫而束之費曰我奚御哉袒而示之背

春秋左傳卷三

十一 耐忍堂

信之費請先入伏公而出鬪死于門中石之紛如死于階下遂入殺孟陽于牀曰非君也不類見公之足于戶下遂弑之而立無知初襄公立無常鮑叔牙曰

君使已慢亂將作矣奉公子小白出奔莒亂作管夷吾召忽奉公子糾來奔初公孫無知虐于雍廩

春秋左傳卷三

十三 耐忍堂

齊納子糾齊小白入于齊秋七月丁酉葬齊襄公八月庚申及齊師戰于乾時我師敗績九月齊人取子糾殺之冬浚洙傳九年春雍廩殺無知公

及齊大夫盟于饒齊無君也夏公伐齊納子糾桓公自莒先入秋師及齊師戰于乾時我師敗績公喪戎路傳乘而歸秦子梁子以公旗辟于下道是以皆止

春秋左傳卷三

三石忍堂

鮑叔帥師來言曰子糾親也請君討之管召讎也請受而甘心焉乃殺子糾于生竇召忽死之管仲請囚鮑叔受之及堂阜而稅之歸而以告曰管夷吾治

於高傒使相可也公從之經十年春王正月公敗齊師于長勺二月公侵宋三月宋人遷宿夏六月齊師宋師次于郎公敗宋師于乘丘秋九月荊敗蔡師于

春秋左傳卷三

十四石忍堂

莘以蔡侯獻舞歸冬十月齊師滅譚譚子奔莒傳十年春齊師伐我公將戰曹劌請見其鄉人曰肉食者謀之又何間焉劌曰肉食者鄙未能遠謀乃入

見問何以戰公曰衣食所
安弗敢專也必以分人對
曰小惠未徧民弗從也公
曰犧牲玉帛弗敢加也必
以信對曰小信未孚神弗
福也公曰小大之獄雖不

春秋左傳卷三

十五
百忍堂

能察必以情對曰忠之屬
也可以一戰戰則請從公
與之乘戰于長勺公將鼓
之劇曰未可齊人三鼓劇
曰可矣齊師敗績公將馳
之劇曰未可下視其轍登

春秋左傳卷三

十六
百忍堂

軾而望之曰可矣遂逐齊
師既克公問其故對曰夫
戰勇氣也一鼓作氣再而
衰三而竭彼竭我盈故克
之夫大國難測也懼有伏
焉吾視其轍亂望其旗靡
故逐之夏六月齊師宋師
次于郎公子偃曰宋師不
整可敗也宋敗齊必還請
擊之公弗許自雩門竊出
蒙皐比而先犯之公從之
大敗宋師于乘丘齊師乃

還蔡哀侯娶于陳息侯亦娶焉息嬀將歸過蔡蔡侯曰吾姨也止而見之弗賓息侯聞之怒使謂楚文王曰伐我吾求救於蔡而伐之楚子從之秋九月楚

春秋左傳卷三

十七 耐忍堂

敗蔡師于莘以蔡侯獻舞歸齊侯之出也過譚譚不禮焉及其入也諸侯皆賀譚又不至冬齊師滅譚譚無禮也譚子奔莒同盟故也經十有一年春王正月夏

五月戊寅公敗宋師于鄆秋宋大水冬王姬歸于齊傳十一年夏宋爲乘丘之役故侵我公禦之宋師未陳而薄之敗諸鄆凡師敵未陳曰敗某師皆陳曰戰

春秋左傳卷三

十八 耐忍堂

大崩曰敗績得雋曰克覆而敗之曰取某師京師敗曰王師敗績于某秋宋大水公使弔焉曰天作淫雨害於粢盛若之何不弔對曰孤實不敬天降之災又

以爲君憂拜命之辱臧文仲曰宋其興乎禹湯罪己其興也悖焉桀紂罪人其亡也忽焉且列國有凶稱孤禮也言懼而名禮其庶乎旣而聞之曰公子御說

春秋左傳卷三

九節忍堂

之辭也臧孫達曰是宜爲君有恤己之心冬齊侯來逆共姬乘丘之役公以金僕姑射南宮長萬公右欸孫生搏之宋人請之宋公靳之曰始吾敬子今子魯

囚也吾弗敬子矣病之經十有二年春王三月紀叔姬歸于鄆夏四月秋八月甲午宋萬弑其君捷及其大夫仇牧冬十月宋萬出奔陳

春秋左傳卷三

十節忍堂

傳十一年秋宋萬弑閔公于蒙澤遇仇牧于門批而殺之遇大宰督于東宮之西又殺之立子游羣公子奔蕭公子御說奔毫南宮牛猛獲帥師圍毫冬十月

蕭叔大心及戴武宣穆莊之族以曹師伐之殺南宮牛于師殺子游于宋立桓公猛獲奔衛南宮萬奔陳以乘車輦其母一日而至宋人請猛獲于衛衛人

春秋左傳卷三

王昭忍堂

欲勿與石祁子曰不可天下之惡一也惡於宋而保於我保之何補得一夫而失一國與惡而弃好非謀也衛人歸之亦請南宮萬于陳以賂陳人使婦人飲

之酒而以犀革裹之比及宋手足皆見宋人皆醢之經十有三年春齊侯宋人陳人蔡人邾人會于北杏夏六月齊人滅遂秋七月冬公會齊侯盟于柯

春秋左傳卷三

王昭忍堂

傳十三年春會于北杏以平宋亂遂人不至夏齊人滅遂而戍之冬盟于柯始及齊平也宋人背北杏之會經十有四年春齊人陳人

曹人伐宋夏單伯會伐宋
秋七月荆入蔡冬單伯會
齊侯宋公衛侯鄭伯于鄆
傳十四年春諸侯伐宋齊
請師于周夏單伯會之取
成于宋而還鄭厲公自櫟

春秋左傳卷三

三三 頤忍堂

侵鄭及大陵獲傅瑕傅瑕
曰苟舍我吾請納君與之
盟而赦之六月甲子傅瑕
殺鄭子及其二子而納厲
公初內蛇與外蛇鬪於鄭
南門中內蛇死六年而厲

公入公聞之問於申繻曰
猶有妖乎對曰人之所忌
其氣炎以取之妖由人興
也人無釁焉妖不自作人
弃常則妖興故有妖厲公
入遂殺傅瑕使謂原繁曰
傅

春秋左傳卷三

三三 頤忍堂

瑕貳周有常刑旣伏其罪
矣納我而無二心者吾皆
許之上大夫之事吾願與
伯父圖之且寡人出伯父
無裏言入又不念寡人寡
人憾焉對曰先君桓公命

我先人典司宗祏社稷有主而外其心其何貳如之苟主社稷國內之臣其誰不爲臣臣無二心天之制也子儀在位十四年矣而謀召君者庸非貳乎莊公

春秋左傳卷三

孟西忍堂

之子猶有八人若皆以官爵行賂勸貳而可以濟事君其若之何臣聞命矣乃縊而死蔡哀侯爲莘故繩息媯以語楚子楚子如息以食入享遂滅息以息媯

歸生堵敖及成王焉未言楚子問之對曰吾一婦人而事二夫縱弗能死其又奚言楚子以蔡侯滅息遂伐蔡秋七月楚入蔡君子曰商書所謂惡之易也如

春秋左傳卷三

孟西忍堂

火之燎于原不可鄉邇其猶可撲滅者其如蔡哀侯乎冬會于鄆宋服故也經十有五年春齊侯宋公陳侯衛侯鄭伯會于鄆夏夫人姜氏如齊秋宋人齊

人邾人伐郕鄭人侵宋冬
十月

傳十五年春復會焉齊始
霸也秋諸侯爲宋伐郕鄭
人閒之而侵宋

經十有六年春王正月夏

春秋左傳卷三

三王昭忍堂

宋人齊人衛人伐鄭秋荆
伐鄭冬十有二月會齊侯
宋公陳侯衛侯鄭伯許男
滑伯滕子同盟于幽邾子
克卒

傳十六年夏諸侯伐鄭宋

故也鄭伯自櫟入緩告于
楚秋楚伐鄭及櫟爲不禮
故也鄭伯治與於雍糾之
亂者九月殺公子闕刖強
鉏公父定叔出奔衛三年
而復之曰不可使共叔無

春秋左傳卷三

三王昭忍堂

後於鄭使以十月入曰良
月也就盈數焉君子謂強
鉏不能衛其足冬同盟于
幽鄭成也王使虢公命曲
沃伯以一軍爲晉侯初晉
武公伐夷執夷詭諸蔿國

請而免之既而弗報故子
國作亂謂晉人曰與我伐
夷而取其地遂以晉師伐
夷殺夷詭諸周公忌父出
奔虢惠王立而復之

經十有七年春齊人執鄭

春秋左傳卷三

无詎忍堂

詹夏齊人殲于遂秋鄭詹

自齊逃來冬多麋

傳十七年春齊人執鄭詹

鄭不朝也夏遂因氏領氏

工婁氏須遂氏饗齊成醉

而殺之齊人殲焉

經十八年春王三月日有
食之夏公追戎于濟西
秋有彗冬十月

傳十八年春虢公晉侯朝

王王饗醴命之宥皆賜玉

五穀馬三匹非禮也王命

春秋左傳卷三

三詎忍堂

諸侯名位不同禮亦異數

不以禮假人虢公晉侯鄭

伯使原莊公逆王后于陳

陳嬀歸于京師實惠后夏

公追戎于濟西不言其來

諱之也秋有彗爲災也初

楚武王克權使鬬緡尹之以叛圍而殺之遷權於邾處使閻敖尹之及文王即位與巴人伐申而驚其師巴人叛楚而伐邾處取之遂門于楚閻敖游涌而逸

春秋左傳卷三

壬酉忍堂

楚子殺之其族爲亂冬巴人因之以伐楚

經十有九年春王正月夏四月秋公子結媵陳人之婦于鄆遂及齊侯宋公盟夫人姜氏如莒冬齊人宋

人陳人伐我西鄙

傳十九年春楚子禦之大敗於津還鬻拳弗納遂伐黃敗黃師于蹇陵還及湫有疾夏六月庚申卒鬻拳葬諸夕室亦自殺也而葬

春秋左傳卷三

壬酉忍堂

於經皇初鬻拳強諫楚子楚子弗從臨之以兵懼而從之鬻拳曰吾懼君以兵罪莫大焉遂自刎也楚人以爲大閻謂之大伯使其後掌之君子曰鬻拳可謂

愛君矣諫以自納於刑刑
猶不忘納君於善初王姚
嬖于莊王生子穰子穰有
寵為國為之師及惠王即位
取為國之圃以為囿邊伯
之宮近於王宮王取之王

春秋左傳卷三

三孟爾忍堂

奪子禽祝跪與詹父田而
收膳夫之秩故為國邊伯
石速詹父子禽祝跪作亂
因蘇氏秋五大夫奉子穰
以伐王不克出奔溫蘇子
奉子穰以奔衛衛師燕師

伐周冬立子穰

經十年春王二月夫人姜
氏如莒夏齊大災秋七月
冬齊人伐戎

傳十年春鄭伯和王室不
克執燕仲父夏鄭伯遂以

春秋左傳卷三

三孟爾忍堂

王歸王處于櫟秋王及鄭
伯入于鄆遂入成周取其
寶器而還冬王子穰享五
大夫樂及徧舞鄭伯聞之
見虢叔曰寡人聞之哀樂
失時殃咎必至今王子穰

歌舞不倦樂禍也夫司寇
行戮君爲之不舉而況敢
樂禍乎奸王之位禍孰大
焉臨禍忘憂憂必及之盍
納王乎虢公曰寡人之願
也

春秋左傳卷三

孟頫忍堂

經廿有一年春王正月夏
五月辛酉鄭伯突卒秋七
月戊戌夫人姜氏薨冬十
有二月葬鄭厲公
傳廿一年春胥命于弭夏
同伐王城鄭伯將王自圉

門入虢叔自北門入殺王
子續及五大夫鄭伯享王
于闕西辟樂備王與之武
公之略自虜牢以東原伯
曰鄭伯效尤其亦將有咎
五月鄭厲公卒王巡虢守

春秋左傳卷三

孟頫忍堂

虢公爲王宮于珪王與之
酒泉鄭伯之享王也王以
后之輦鑑予之虢公請器
王予之爵鄭伯由是始惡
於王冬王歸自虢
經廿二年春王正月肆

大書癸丑葬我小君文姜
陳人殺其公子御寇夏五
月秋七月丙申及齊高傒
盟于防冬公如齊納幣

傳廿二年春陳人殺其大
子御寇陳公子完與顓孫

春秋左傳卷三

三毛詒忍堂

奔齊顓孫自齊來奔齊侯
使敬仲爲卿辭曰羈旅之
臣幸若獲宥及於寬政赦
其不閑於教訓而免於罪
戾弛於負擔君之惠也所
獲多矣敢辱高位以速官

謗請以死告詩云翬翬車
乘招我以弓豈不欲往畏
我友朋使爲工正飲桓公
酒樂公曰以火繼之辭曰
臣卜其晝未卜其夜不敢
君子曰酒以成禮不繼以

春秋左傳卷三

三毛詒忍堂

淫義也以君成禮弗納於
淫仁也初懿氏卜妻敬仲
其妻占之曰吉是謂鳳皇
于飛和鳴鏘鏘有嬀之後
將育于姜五世其昌并于
正卿八世之後莫之與京

陳厲公蔡出也故蔡人殺五父而立之生敬仲其少也周史有以周易見陳侯者陳侯使筮之遇觀䷓之否䷋曰是謂觀國之光利用賓于王此其代陳有

春秋左傳卷三

平爾忍堂

國乎不在此其在異國非此其身在其子孫光遠而自他有耀者也坤土也巽風也乾天也風爲天於土上山也有山之材而照之以天光於是乎居土上故

曰觀國之光利用賓于王庭實旅百奉之以玉帛天地之美具焉故曰利用賓于王猶有觀焉故曰其在後乎風行而著於土故曰其在異國乎若在異國必

春秋左傳卷三

平爾忍堂

姜姓也姜大嶽之後也山嶽則配天物莫能兩大陳衰此其昌乎及陳之初亡也陳桓子始大於齊其後亡也成子得政經十有三年春公至自齊

祭叔來聘夏公如齊觀社
公至自齊荆人來聘公及
齊侯遇于穀蕭叔朝公秋
丹桓宮楹冬十有一月曹
伯射姑卒十有二月甲寅
公會齊侯盟于扈

春秋左傳卷三

聖廟忠堂

傳廿三年夏公如齊觀社
非禮也曹劌諫曰不可夫
禮所以整己也故會以訓
上下之則制財用之節朝
以正班爵之義帥長幼之
序征伐以討其不然諸侯

有王王有巡守以大習之
非是君不舉矣君舉必書
書而不法後嗣何觀晉桓
莊之族偪獻公患之士蔿
曰去富子則羣公子可謀
也已公曰爾試其事士蔿

春秋左傳卷三

聖廟忠堂

與羣公子謀譖富子而去
之秋丹桓宮之楹
經十有四年春王三月刻
桓宮桷葬曹莊公夏公如
齊逆女秋公至自齊八月
丁丑夫人姜氏入戊寅大

夫宗婦覲用幣大水冬戎
侵曹曹羈出奔陳赤歸于

曹郭公

傳十四年春刻其桷皆非
禮也御孫諫曰臣聞之儉
德之共也侈惡之大也先

春秋左傳卷三

聖廟忍堂

君有共德而君納諸大惡
無乃不可乎秋哀姜至公
使宗婦覲用幣非禮也御
孫曰男贄大者玉帛小者
禽鳥以章物也女贄不過
榛栗棗脩以告虔也今男

女同贄是無別也男女之
別國之大節也而由夫人
亂之無乃不可乎晉士蔿
又與羣公子謀使殺游氏
之二子士蔿告晉侯曰可
矣不過二年君必無患

春秋左傳卷三

聖廟忍堂

經十有五年春陳侯使女
叔來聘夏五月癸丑衛侯
朔卒六月辛未朔日有食
之鼓用牲于社伯姬歸于
杞秋大水鼓用牲于社于
門冬公子友如陳

傳廿五年春陳女叔來聘
始結陳好也嘉之故不名
夏六月辛未朔日有食之
鼓用牲于社非常也唯正
月之朔慝未作日有食之
於是乎用幣于社伐鼓于

春秋左傳卷三

聖廟忠堂

朝秋大水鼓用牲于社于
門亦非常也凡天災有幣
無牲非日月之眚不鼓晉
士蒍使羣公子盡殺游氏
之族乃城聚而處之冬晉
侯圍聚盡殺羣公子

經廿有六年春公伐戎夏
公至自伐戎曹殺其大夫
秋公會宋人齊人伐徐冬十
有二月癸亥朔日有食之
傳廿六年春晉士蒍爲大
司空夏士蒍爲城絳以深其

春秋左傳卷三

聖廟忠堂

宮秋虢人侵晉冬虢人又
侵晉

經廿有七年春公會杞伯
姬于洮夏六月公會齊侯
宋公陳侯鄭伯同盟于幽
秋公子友如陳葬原仲冬

杞伯姬來莒慶來逆叔姬
杞伯來朝公會齊侯于城
濮

傳十七年春公會杞伯姬
于洮非事也天子非展義
不巡守諸侯非民事不舉

春秋左傳卷三

聖百忍堂

卿非君命不越竟夏同盟
于幽陳鄭服也秋公子友
如陳葬原仲非禮也原仲
季友之舊也冬杞伯姬來
歸寧也凡諸侯之女歸寧
曰來出曰來歸夫人歸寧

春秋左傳卷三

聖百忍堂

曰如某出曰歸于某晉侯
將伐虢士蒍曰不可虢公
驕若驟得勝於我必弃其
已無衆而後伐之欲禦我
誰與夫禮樂慈愛戰所畜
也夫已讓事樂和愛親哀
喪而後可用也虢弗畜也
亟戰將饑王使召伯廖賜
齊侯命且請伐衛以其立
子赧也

經十有八年春王三月甲
寅齊人伐衛衛人及齊人

戰衛人敗績夏四月丁未
邾子瑱卒秋荊伐鄭公會
齊人宋人救鄭冬築郕大
無麥禾臧孫辰告糴于齊
傳廿八年春齊侯伐衛戰
敗衛師數之以王命取賂

春秋左傳卷三

辛卯忍堂

而還晉獻公娶于賈無子
烝於齊姜生秦穆夫人及
大子申生又娶二女於戎
大戎狐姬生重耳小戎子
生夷吾晉伐驪戎驪戎男
女以驪姬歸生奚齊其娣

生卓子驪姬嬖欲立其子
賂外嬖梁五與東關嬖五
使言於公曰曲沃君之宗
也蒲與二屈君之疆也不
可以無主宗邑無主則民
不威疆場無主則啓戎心

春秋左傳卷三

辛卯忍堂

戎之生心民慢其政國之
患也若使大子主曲沃而
重耳夷吾主蒲與屈則可
以威臣而懼戎且旌君伐
使俱曰狄之廣莫於晉爲
都晉之啓土不亦宜乎晉

侯說之夏使大子居曲沃
重耳居蒲城夷吾居屈羣
公子皆鄙唯二姬之子在絳
二五卒與驪姬譖羣公子
而立奚齊晉人謂之二五
耦楚令尹子元欲蠱文夫

春秋左傳卷三

季一耐忍堂

人爲館於其宮側而振萬
焉夫人聞之泣曰先君以
是舞也習戎備也今令尹
不尋諸仇讎而於未亡人
之側不亦異乎御人以告
子元子元曰婦人不忘襲

讎我反忘之秋子元以車
六百乘伐鄭入于桔柣之
門子元鬪御彊鬪梧耿之
不比爲旆鬪班王孫游王
孫喜殿衆車入自紂門及
達市縣門不發楚言而出

春秋左傳卷三

季一耐忍堂

子元曰鄭有人焉諸侯救
鄭楚師夜遁鄭人將奔桐
丘諫告曰楚幕有烏乃止
冬饑臧孫辰告糴于齊禮
也築郿非都也凡邑有宗
廟先君之主曰都無曰邑

邑曰築都曰城

經廿有九年春新延廡夏
鄭人侵許秋有蜚冬十有
二月紀叔姬卒城諸及防
傳廿九年春新作延廡書
不時也凡馬日中而出日

春秋左傳卷三

奎爾忍堂

中而入夏鄭人侵許凡師

有鐘鼓曰伐無曰侵輕曰
襲秋有蜚爲災也凡物不
爲災不書冬十二月城諸
及防書時也凡土功龍見
而畢務戒事也火見而致

用水昏正而裁日至而畢
樊皮叛王

經卅年春王正月夏次于
成秋七月齊人降鄆八月
癸亥葬紀叔姬九月庚午
朔日有食之鼓用牲于社

春秋左傳卷三

奎爾忍堂

冬公及齊侯遇于魯濟齊

人伐山戎

傳卅年春王命虢公討樊
皮夏四月丙辰虢公入樊
執樊仲皮歸于京師楚公
子元歸自伐鄭而處王宮

關射師諫則執而梏之秋
申公闕班殺子元闕穀於
菟爲令尹自毀其家以紓
楚國之難冬遇于魯濟謀
伐山戎也以其病燕故也
經卅有一年春築臺于郎

春秋左傳卷三

春秋左傳卷三

夏四月薛伯卒築臺于薛
六月齊侯來獻戎捷秋築
臺于秦冬不雨
傳卅一年夏六月齊侯來
獻戎捷非禮也凡諸侯有
四夷之功則獻于王王以

警于夷中國則否諸侯不
相遺俘

經卅有二年春城小穀夏
宋公齊侯遇于梁丘秋七
月癸巳公子牙卒八月癸
亥公薨于路寢冬十月己

春秋左傳卷三

春秋左傳卷三

未子般卒公子慶父如齊
狄伐邢

傳卅二年春城小穀爲管
仲也齊侯爲楚伐鄭之故
請會于諸侯宋公請先見
于齊侯夏遇于梁丘秋七

月有神降于莘惠王問諸
內史過曰是何故也對曰
國之將興明神降之監其
德也將亡神又降之觀其
惡也故有得神以興亦有
以亡虞夏商周皆有之王

春秋左傳卷三

五十四忍堂

曰若之何對曰以其物享
焉其至之日亦其物也王
從之內史過往聞虢請命
反曰虢必亡矣虐而聽於
神神居莘六月虢公使祝
應宗區史囂享焉神賜之

土田史囂曰虢其亡乎吾
聞之國將興聽於民將亡
聽於神神聰明正直而壹者
也依人而行虢多涼德其何
土之能得初公築臺臨黨氏
見孟任從之閔而以夫人言

春秋左傳卷三

五十四忍堂

許之割辭盟公生子般焉
雩講于梁氏女公子觀之
圉人犂自牆外與之戲子
般怒使鞭之公曰不如殺
之是不可鞭犂有力焉能
投蓋于稷門公疾問後於

叔牙對曰慶父材問於季友對曰臣以死奉般公曰鄉者牙曰慶父材成季使以君命命僖叔待于鍼巫氏使鍼季酖之曰飲此則有後於魯國不然死且無

春秋左傳卷三

禘爾忍堂

後飲之歸及達泉而卒立叔孫氏八月癸亥公薨于路寢子般即位次于黨氏冬十月己未共仲使圉人犂賊子般于黨氏成季奔陳立閔公

春秋卷第三

春秋左傳卷三

禘爾忍堂

春秋經傳集解閔公第四

杜氏 盡二年

經元年春王正月齊人救邢夏六月辛酉葬我君莊公秋八月公及齊侯盟于

春秋左傳卷四

二酉忍堂

落姑季子來歸冬齊仲孫來

傳元年春不書即位亂故也狄人伐邢管敬仲言於齊侯曰戎狄豺狼不可厭也諸夏親暱不可棄也宴

安酖毒不可懷也詩云豈不懷歸畏此簡書簡書同惡相恤之謂也請救邢以從簡書齊人救邢夏六月葬莊公亂故是以緩秋八月公及齊侯盟于落姑請

春秋左傳卷四

二酉忍堂

復季友也齊侯許之使召諸陳公次于郎以待之季子來歸嘉之也冬齊仲孫湫來省難書曰仲孫亦嘉之也仲孫歸曰不去慶父魯難未已公曰若之何而

去之對曰難不已將自斃
君其待之公曰魯可取乎
對曰不可猶秉周禮周禮
所以本也臣聞之國將亡
本必先顛而後枝莖從之
魯不弃周禮未可動也君

春秋左傳卷四

平陽忠堂

其務寧魯難而親之親有
禮因重固間攜貳覆昏亂
霸王之器也晉侯作二軍
公將上軍太子申生將下
軍趙夙御戎畢萬爲右以
滅耿滅霍滅魏還爲太子

城曲沃賜趙夙耿賜畢萬
魏以爲大夫士蔣曰太子
不得立矣分之都城而位
以卿先爲之極又焉得立
不如逃之無使罪至爲吳
大伯不亦可乎猶有令名

春秋左傳卷四

四詒忍堂

與其及也且諺曰心苟無
瑕何恤乎無家天若祚大
子其無晉乎卜偃曰畢萬
之後必大萬盈數也魏大
名也以是始賞天啓之矣
天子曰北臣諸侯曰萬臣

今名之大以從盈數其必有衆初畢萬筮仕於晉遇屯䷂之比䷇辛廖占之曰吉屯固比入吉孰大焉其必蕃昌震爲土車從馬足居之兄長之母覆之衆

春秋左傳卷四

五陋忍堂

歸之六體不易合而能固安而能殺公侯之卦也公侯之子孫必復其始經二年春王正月齊人遷陽夏五月乙酉吉禘于莊公秋八月辛丑公薨九月

夫人姜氏孫于邾公子慶父出奔莒冬齊高子來盟十有二月狄入衛鄭奔其師

春秋左傳卷四

六陋忍堂

傳二年春虢公敗犬戎于渭汭舟之僞曰無德而祿殃也殃將至矣遂奔晉夏吉禘于莊公速也初公傅奪卜齎田公不禁秋八月辛丑共仲使卜齎賊公于武闈成季以僖公適邾共仲奔莒乃入立之以賂求

共仲于莒莒人歸之及密使公子魚請不許哭而往共仲曰奚斯之聲也乃縊閔公哀姜之姊叔姜之子也故齊人立之共仲通於哀姜哀姜欲立之閔公之

春秋左傳卷四

七
百
忍
堂

死也哀姜與知之故孫于邾齊人取而殺之于夷以其尸歸僖公請而葬之成季之將生也桓公使卜楚丘之父卜之曰男也其名曰友在公之右間于兩社

爲公室輔季氏亡則魯不昌又筮之遇大有䷍之乾䷀曰同復于父敬如君所及生有文在其手曰友遂以命之冬十二月狄人伐衛衛懿公好鶴鶴有

春秋左傳卷四

八
百
忍
堂

乘軒者將戰國人受甲者皆曰使鶴鶴實有祿位余焉能戰公與石祁子玦與甯莊子矢使守曰以此贊國擇利而爲之與夫人繡衣曰聽於二子渠孔御戎

子伯爲右黃夷前驅孔嬰齊殿及狄人戰于熒澤衛師敗績遂滅衛衛侯不去其旗是以甚敗狄人囚史華龍滑與禮孔以逐衛人二人曰我大史也實掌其

春秋左傳卷四

九爾思堂

祭不先國不可得也乃先之至則告守曰不可待也夜與國人出狄入衛遂從之又敗諸河初惠公之即位也少齊人使昭伯烝於宣姜不可強之生齊子戴

公文公宋桓夫人許穆夫人文公爲衛之多患也先適齊及敗宋桓公逆諸河宵濟衛之遺民男女七百有卅人益之以共滕之民爲五千人立戴公以廬于

春秋左傳卷四

十爾思堂

曹許穆夫人賦載馳齊侯使公子無虧帥車三百乘甲士三千人以戍曹歸公乘馬祭服五稱牛羊豕雞狗皆三百與門材歸夫人魚軒重錦卅兩鄭人惡高

克使帥師次于河上久而弗召師潰而歸高克奔陳鄭人爲之賦清人晉侯使大子申生伐東山臯落氏里克諫曰大子奉冢祀社稷之粢盛以朝夕視君膳

春秋左傳卷四

士詁忍堂

者也故曰冢子君行則守有守則從從曰撫軍守曰監國古之制也夫帥師專行謀誓軍旅君與國政之所圖也非大子之事也師在制命而已稟命則不威

專命則不孝故君之嗣適不可以帥師君失其官帥師不威將焉用之且臣聞臯落氏將戰君其舍之公曰寡人有子未知其誰立焉不對而退見大子大子

春秋左傳卷四

士詁忍堂

曰吾其廢乎對曰告之以臨臣教之以軍旅不共是懼何故廢乎且子懼不孝無懼弗得立脩己而不責人則免於難大子帥師公衣之偏衣佩之金玦狐

突御戎先友爲右梁餘子
養御罕夷先丹木爲右羊
舌大夫爲尉先友曰衣身
之偏握兵之要在此行也
子其勉之偏躬無慝兵要
遠災親以無災又何患焉

春秋左傳卷四

圭函忍堂

狐突歎曰時事之徵也衣
身之章也佩衷之旗也故
敬其事則命以始服其身
則衣之紕用其衷則佩之
度今命以時卒閔其事也
衣之龙服遠其躬也佩以

金玦弃其衷也服以遠之
時以閔之龙涼冬殺金寒
玦離胡可恃也雖欲勉之
狄可盡乎梁餘子養曰帥
師者受命於廟受脤於社
有常服矣不獲而龙命可

春秋左傳卷四

圭函忍堂

知也死而不孝不如逃之
罕夷曰龙奇無常金玦不
復雖復何爲君有心矣先
丹木曰是服也狂夫阻之
曰盡敵而反敵可盡乎雖
盡敵猶有内讒不如違之

狐突欲行羊舌大夫曰不可違命不孝弃事不忠雖知其寒惡不可取子其死之大子將戰狐突諫曰不可昔辛伯諗周桓公云內寵並后外寵二政嬖子配

春秋左傳卷四

莊公十四年

適大都耦國亂之本也周公弗從故及於難今亂本成矣立可必乎孝而安已子其圖之與其危身以速罪也成風聞成季之繇乃事之而屬僖公焉故成季

立之僖之元年齊桓公遷邢于夷儀二年封衛于楚丘邢遷如歸衛國忘亡衛文公大布之衣大帛之冠務材訓農通商惠工敬教勸學授方任能元年革車

春秋左傳卷四

莊公十四年

卅乘季年乃三百乘

春秋卷第四

春秋經傳集解上第五

杜氏 盡十五年

經元年春王正月齊師宋師曹師次于聶北救邢夏六月邢遷于夷儀齊師宋

春秋左傳卷五

二 耐忍堂

師曹師城邢秋七月戊辰夫人姜氏薨于夷齊人以歸楚人伐鄭八月公會齊侯宋公鄭伯曹伯邾人于榿九月公敗邾師于偃冬十月壬午公子友帥師敗

莒師于鄆獲莒挈十有二月丁巳夫人氏之喪至自齊

傳元年春不稱即位公出故也公出復入不書諱之也諱國惡禮也諸侯救邢

春秋左傳卷五

二 耐忍堂

邢人潰出奔師師遂逐狄人具邢器用而遷之師無私焉夏邢遷于夷儀諸侯城之救患也凡侯伯救患分災討罪禮也秋楚人伐鄭鄭即齊故也盟于犂謀

救鄭也九月公敗邾師于
偃虛丘之戎將歸者也冬
莒人來求賂公子友敗諸
鄆獲莒子之弟挈非卿也
嘉獲之也公賜季友汶陽
之田及費夫人氏之喪至

春秋左傳卷五

三顧忍堂

自齊君子以齊人之殺哀
姜也爲已甚矣女子從人
者也

經二年春王正月城楚丘
夏五月辛巳葬我小君哀
姜虞師晉師滅下陽秋九

月齊侯宋公江人黃人盟
于貫冬十月不雨楚人侵
鄭

傳二年春諸侯城楚丘而
封衛焉不書所會後也晉
荀息請以屈產之乘與垂

春秋左傳卷五

四顧忍堂

棘之璧假道於虞以伐虢
公曰是吾寶也對曰若得
道於虞猶外府也公曰宮
之竒存焉對曰宮之竒之
爲人也懦而不能強諫且
少長於君君暱之雖諫將

不聽乃使荀息假道於虞
曰異爲不道入自顛軫伐
郕三門異之旣病則亦唯
君故今虢爲不道保於逆
旅以侵敝邑之南鄙敢請
假道以請罪于虢虞公許

春秋左傳卷五

五陋忍堂

之且請先伐虢宮之奇諫
不聽遂起師夏晉里克荀
息帥師會虞師伐虢滅下
陽先書虞賄故也秋盟于
貫服江黃也齊寺人貂始
漏師于多魚虢公敗戎于

桑田晉卜偃曰虢必亡矣
亡下陽不懼而又有功是
天奪之鑒而益其疾也必
易晉而不撫其民矣不可
以五稔冬楚人伐鄭闕章
囚鄭聃伯

春秋左傳卷五

六陋忍堂

經三年春王正月不雨夏
四月不雨徐人取舒六月
雨秋齊侯宋公江人黃人
會于陽穀冬公子友如齊
涖盟楚人伐鄭
傳三年春不雨夏六月雨

自十月不雨至于五月不
曰旱不爲災也秋會于陽
穀謀伐楚也齊侯爲陽穀
之會來尋盟冬公子友如
齊涖盟楚人伐鄭鄭伯欲
成孔叔不可曰齊方勤我

春秋左傳卷五

七
顧忍堂

弃德不祥齊侯與蔡姬乘
舟于圉蕩公公懼變色禁
之不可公怒歸之未之絕
也蔡人嫁之

經四年春王正月公會齊
侯宋公陳侯衛侯鄭伯許

男曹伯侵蔡蔡潰遂伐楚
次于陘夏許男新臣卒楚
屈完來盟于師盟于召陵
齊人執陳轅濤塗秋及江
人黃人伐陳八月公至自
伐楚葬許穆公冬十有二

春秋左傳卷五

八
顧忍堂

月公孫茲帥師會齊人宋
人衛人鄭人許人曹人侵
陳

傳四年春齊侯以諸侯之
師侵蔡蔡潰遂伐楚楚子
使與師言曰君處北海寡

人處南海唯是風馬牛不相及也不虞君之涉吾地也何故管仲對曰昔召康公命我先君大公曰五侯九伯女實征之以夾輔周室賜我先君履東至于海

春秋左傳卷五

九韶忍堂

西至于河南至于穆陵北至于無棣爾貢包茅不入王祭不共無以縮酒寡人是徵昭王南征沒而不復寡人是問對曰貢之不入寡君之罪也敢不共給昭

王之不復君其問諸水濱師進次于陘夏楚子使屈完如師師退次于召陵齊侯陳諸侯之師與屈完乘而觀之齊侯曰豈不穀是爲先君之好是繼與不穀

春秋左傳卷五

十韶忍堂

同好如何對曰君惠徼福於敝邑之社稷辱收寡君寡君之願也齊侯曰以此衆戰誰能禦之以遂攻城何城不克對曰君若以德綏諸侯誰敢不服君若以

力楚國方城以爲城漢水以爲池雖衆無所用之屈完及諸侯盟陳轅濤塗謂鄭申侯曰師出於陳鄭之間國必甚病若出於東方觀兵於東夷循海而歸

春秋左傳卷五

十二節忍堂

其可也申侯曰善濤塗以告齊侯許之申侯見曰師老矣若出於東方而遇敵懼不可用也若出於陳鄭之間共其資糧罪屨其可也齊侯說與之虓牢執

轅濤塗秋伐陳討不忠也許穆公卒于師葬之以侯禮也凡諸侯薨于朝會加一等死王事加二等於是有一以袞斂冬叔孫戴伯帥師會諸侯之師侵陳陳成歸

春秋左傳卷五

十二節忍堂

轅濤塗初晉獻公欲以驪姬爲夫人卜之不吉筮之吉公曰從筮卜人曰筮短龜長不如從長且其繇曰專之渝攘公之翰一薰一蕕十年尚猶有臭必不可

春秋左傳 卷五

士
耐忍堂

春秋左傳 卷五

十四 百忍堂

夷吾奔_十屈

春秋左傳卷五

月諸侯盟于首止鄭伯逃
歸不盟楚人滅弦弦子奔
黃九月戊申朔日有食之
冬晉人執虞公

傳五年春王正月辛亥朔
日南至公既視朔遂登觀

春秋左傳卷五

十五
百忍堂

臺以望而書禮也凡分至
啓閉必書雲物爲備故也
晉侯使以殺大子申生之
故來告初晉侯使士蒍爲
二公子築蒲與屈不愼寘
薪焉夷吾訴之公使讓之

士蒍稽首而對曰臣聞之
無喪而感憂必讎焉無戎
而城讎必保焉寇讎之保
又何愼焉守官廢命不敬
固讎之保不忠失忠與敬
何以事君詩云懷德惟寧

春秋左傳卷五

十六
百忍堂

宗子惟城君其脩德而固
宗子何城如之三年將尋
師焉焉用愼退而賦曰狐
裘尫茸一國三公吾誰適
從及難公使寺人披伐蒲
重耳曰君父之命不校乃

徇曰較者吾讎也踰垣而走披斬其袪遂出奔翟夏公孫茲如牟娶焉會于首止會王太子鄭謀寧周也陳轅宣仲怨鄭申侯之反己於召陵故勸之城

春秋左傳卷五

七 百忍堂

其賜邑曰美城之大名也子孫不忘吾助子請乃爲之請於諸侯而城之美遂譖諸鄭伯曰美城其賜邑將以叛也申侯由是得罪秋諸侯盟王使周公召鄭

伯曰吾撫女以從楚輔之以晉可以少安鄭伯喜於王命而懼其不朝於齊也故逃歸不盟孔叔止之曰國君不可以輕輕則失親失親患必至病而乞盟所

春秋左傳卷五

六 百忍堂

喪多矣君必悔之弗聽逃其師而歸楚鬬穀於菟滅弦弦子奔黃於是江黃道栢方睦於齊皆弦姻也弦子恃之而不事楚又不設備故亡晉侯復假道於虞

以伐虢宮之奇諫曰虢虞之表也虢亡虞必從之晉不可啓寇不可翫一之謂甚其可再乎諺所謂輔車相依脣亡齒寒者其虞虢之謂也公曰晉吾宗也豈

春秋左傳卷五

十九節忍堂

害我哉對曰大伯虞仲大王之昭也大伯不從是以不嗣虢仲虢叔王季之穆也爲文王卿士勲在王室藏於盟府將虢是滅何愛於虞且虞能親於桓莊乎

其愛之也桓莊之族何罪而以爲戮不唯偏乎親以寵偏猶尚害之況以國乎公曰吾享祀豐絜神必據我對曰臣聞之鬼神非人實親惟德是依故周書曰

春秋左傳卷五

二十節忍堂

皇天無親惟德是輔又曰黍稷非馨明德惟馨又曰臣不易物惟德絜物如是則非德臣不和神不享矣神所馮依將在德矣若晉取虞而明德以薦馨香神

其吐之乎弗聽許晉使宮之奇以其族行曰虞不臘矣在此行也晉不更舉矣八月甲午晉侯圍上陽問於卜偃曰吾其濟乎對曰克之公曰何時對曰童謡

春秋左傳卷五

王肅忍堂

云丙之晨龍尾伏辰均服振振取號之旂鶉之賁賁天策燁燁火中成軍號公其奔其九月十月之交乎丙子旦日在尾月在策鶉火中必是時也冬十二月

丙子朔晉滅虢虢公醜奔京師師還館于虞遂襲虞滅之執虞公及其大夫井伯以媵秦穆姬而脩虞祀且歸其職貢於王故書曰晉人執虞公罪虞且言易

春秋左傳卷五

王肅忍堂

也經六年春王正月夏公會齊侯宋公陳侯衛侯曹伯伐鄭圍新城秋楚人圍許諸侯遂救許冬公至自伐鄭

傳六年春晉侯使賈華伐
屈夷吾不能守盟而行將
奔狄卻芮曰後出同走
罪也不如之梁梁近秦而
幸焉乃之梁夏諸侯伐鄭
以其逃首止之盟故也圍

春秋左傳卷五

韋南思堂

新密鄭所以不時城也秋
楚子圍許以救鄭諸侯
救許乃還冬蔡穆侯將許
僖公以見楚子於武城許
男面縛銜璧大夫衰經士
輿櫬楚子問諸逢伯對曰

昔武王克殷微子啓如是
武王親釋其縛受其璧而
祓之焚其櫬禮而命之使
復其所楚子從之

經七年春齊人伐鄭夏小
邾子來朝鄭殺其大夫申

春秋左傳卷五

孟西廌忍堂

侯秋七月公會齊侯宋公
陳世子款鄭世子華盟于
甯母曹伯班卒公子友如
齊冬葬曹昭公

傳七年春齊人伐鄭孔叔
言於鄭伯曰諺有之曰心

則不競何憚於病既不能
彊又不能弱所以斃也國
危矣請下齊以救國公曰
吾知其所由來矣姑少待
我對曰朝不及夕何以待
君夏鄭殺申侯以說于齊

春秋左傳卷五

孟子忍堂

且用陳轅濤塗之譖也
初申侯申出也有寵於楚
文王文王將死與之璧
使行曰唯我知女女專
利而不厭予取予求不女
疵瑕也後之人將求多於

女女必不免我死女必速
行無適小國將不女容焉
既葬出奔鄭又有寵於厲
公子文聞其死也曰古人
有言曰知臣莫若君弗可
改也已秋盟于寧母謀鄭

春秋左傳卷五

孟子忍堂

故也管仲言於齊侯曰臣
聞之招攜以禮懷遠以德
德禮不易無人不懷齊侯
脩禮於諸侯諸侯官受方
物鄭伯使太子華聽命於
會言於齊侯曰洩氏孔氏

子人氏三族實違君命君若去之以爲成我以鄭爲內臣君亦無所不利焉齊侯將許之管仲曰君以禮與信屬諸侯而以姦終之無乃不可乎子父不奸之

春秋左傳卷五

壬子爾忍堂

謂禮守命共時之謂信違此二者姦莫大焉公曰諸侯有討於鄭未捷今苟有釁從之不亦可乎對曰君若綏之以德加之以訓辭而帥諸侯以討鄭鄭將覆

亡之不暇豈敢不懼若惣其罪人以臨之鄭有辭矣何懼且夫合諸侯以崇德也會而列姦何以示後嗣夫諸侯之會其德刑禮義無國不記記姦之位君盟

春秋左傳卷五

壬子爾忍堂

替矣作而不記非盛德也君其勿許鄭必受盟夫子華旣爲大子而求介於大國以弱其國亦必不免鄭有叔詹堵叔師叔三良爲政未可間也齊侯辭焉子

華由是得罪於鄭冬鄭伯使請盟于齊閏月惠王崩襄王惡大叔帶之難懼不立不發喪而告難于齊經八年春王正月公會王人齊侯宋公衛侯許男曹

春秋左傳卷五

无陋忍堂

伯陳世子款盟于洮鄭伯乞盟夏狄伐晉秋七月禘于大廟用致夫人冬十有仁月丁未天王崩傳八年春盟于洮謀王室也鄭伯乞盟請服也襄王

定位而後發喪晉里克帥師梁由靡御虢射爲右以敗狄于采桑梁由靡曰狄無恥從之必大克里克曰懼之而已無速衆狄虢射曰期年狄必至示之弱矣

春秋左傳卷五

无陋忍堂

夏狄伐晉報采桑之役也復期月秋禘而致哀姜焉非禮也凡夫人不薨于寢不殯于廟不赴于同不祔于姑則弗致也冬王人來告喪難故也是以緩宋公

疾大子茲父固請曰目夷
長且仁君其立之公命子
魚子魚辭曰能以國讓仁
孰大焉臣不及也且又不
順遂走而退

經九年春王三月丁丑宋

春秋左傳卷五

三三 耐忍堂

公御說卒夏公會宰周公
齊侯宋子衛侯鄭伯許男
曹伯于葵丘秋七月乙酉
伯姬卒九月戊辰諸侯盟
于葵丘甲子晉侯佹諸卒
冬晉里克殺其君之子奚

齊

傳九年春宋桓公卒未葬
而襄公會諸侯故曰子凡
在喪王曰小童公侯曰子
夏會于葵丘尋盟且脩好
禮也王使宰孔賜齊侯昨

春秋左傳卷五

三三 耐忍堂

曰天子有事于文武使孔
賜伯舅胙齊侯將下拜孔
曰且有後命天子使孔曰
以伯舅耄老加勞賜一級
無下拜對曰天威不遠顔
咫尺小白余敢貪天子之

命無下拜恐隕越于下以遺天子羞敢不下拜下拜登受秋齊侯盟諸侯于葵丘曰凡我同盟之人既盟之後言歸于好宰孔先歸遇晉侯曰可無會也齊侯

春秋左傳卷五

韋雨忍堂

不務德而勤遠略故北伐山戎南伐楚西爲此會也東略之不知西則否矣其在亂乎君務靖亂無勤於行晉侯乃還九月晉獻公卒里克平鄭欲納文公故

以三公子之徒作亂初獻公使荀息傅奚齊公疾召之曰以是藐諸孤辱在大夫其若之何稽首而對曰臣竭其股肱之力加之以忠貞其濟君之靈也不濟

春秋左傳卷五

韋雨忍堂

則以死繼之公曰何謂忠貞對曰公家之利知無不爲忠也送往事居耦俱無猜貞也及里克將殺奚齊先告荀息曰三怨將作秦晉輔之子將何如荀息曰

將死之里克曰無益也荀叔曰吾與先君言矣不可以貳能欲復言而愛身乎雖無益也將焉辟之且人之欲善誰不如我我欲無貳而能謂人已乎冬十月

春秋左傳卷五

孟子卷五

里克殺奚齊于次書曰殺其君之子未葬也荀息將死之人曰不如立卓子而輔之荀息立公子卓以葬十一月里克殺公子卓于朝荀息死之君子曰詩所

謂白圭之玷尚可磨也斯言之玷不可爲也荀息有焉齊侯以諸侯之師伐晉及高粱而還討晉亂也令不及魯故不書晉卻芮使夷吾重賂秦以求入曰人

春秋左傳卷五

孟子卷五

實有國我何愛焉入而能已土於何有從之齊隰朋帥師會秦師納晉惠公秦伯謂卻芮曰公子誰恃對曰臣聞亡人無黨有黨必有讎夷吾弱不好弄能闕

不過長亦不改不識其他
公謂公孫枝曰夷吾其定
乎對曰臣聞之唯則定國
詩曰不識不知順帝之則
文王之謂也又曰不僭不
賊鮮不爲則無好無惡不

春秋左傳卷五

三毛爾忍堂

忌不克之謂也今其言多
忌克難哉公曰忌則多怨
又焉能克是吾利也宋襄
公即位以公子目夷爲仁
使爲左師以聽政於是宋
治故魚氏世爲左師

經十年春王正月公如齊
狄滅溫溫子奔衛晉里克
弑其君卓及其大夫荀息
夏齊侯許男伐北戎晉殺
其大夫里克秋七月冬大
雨雪

春秋左傳卷五

三毛爾忍堂

傳十年春狄滅溫蘇子無
信也蘇子叛王即狄又不
能於狄狄人伐之王不救
故滅蘇子奔衛夏四月周
公忌父王子黨會齊隰朋
立晉侯晉侯殺里克以說

將殺里克公使謂之曰微子則不及此雖然子弑二君與一大夫爲子君者不亦難乎對曰不有廢也君何以興欲加之罪其無辭乎臣聞命矣伏劒而死於

春秋左傳卷五

元祐忍堂

是平鄭聘于秦且謝緩賂故不及晉侯改葬共太子秋狐突適下國遇太子大子使登僕而告之曰夷吾無禮余得請於帝矣將以晉畀秦秦將祀余對曰臣

聞之神不歆非類臣不祀非族君祀無乃殄乎且臣何罪失刑乏祀君其圖之君曰諾吾將復請七日新城西偏將有巫者而見我焉許之遂不見及期而往

春秋左傳卷五

元祐忍堂

告之曰帝許我罰有罪矣敝於韓平鄭之如秦也言於秦伯曰呂甥卻稱冀芮實爲不從若重問以召之臣出晉君君納重耳蔑不濟矣冬秦伯使泠至報問

且召三子卻芮曰幣重而言甘誘我也遂殺平鄭祁舉及七輿大夫左行共華右行賈華叔堅騅歆累虎特宮山祁皆里平之黨也不豹奔秦言於秦伯

春秋左傳卷五

聖祖忍堂

曰晉侯背大主而忌小怨已弗與也伐之必出公曰失衆焉能殺違禍誰能出君經十有一年春晉殺其大夫平鄭父夏公及夫人姜

氏會齊侯于陽穀秋八月大雩冬楚人伐黃

傳十一年春晉侯使以平鄭之亂來告天王使召武公內史過賜晉侯命受玉情過歸告王曰晉侯其無

春秋左傳卷五

聖祖忍堂

後乎王賜之命而情於受瑞先自弃也已其何繼之有禮國之幹也敬禮之輿也不敬則禮不行禮不行則上下昏何以長世夏揚拒泉皐伊雒之戎同伐京

師入王城焚東門王子帶召之也秦晉伐戎以救周秋晉侯平戎于王黃人不歸楚貢冬楚人伐黃

經十有二年春王三月庚午日有食之夏楚人滅黃

春秋左傳卷五

望雨忍堂

秋七月冬十有二月丁丑

陳侯杵臼卒

傳十二年春諸侯城衛楚丘之郛懼狄難也黃人恃諸侯之睦于齊也不共楚職曰自郢及我九百里焉

能害我夏楚滅黃王以戎難故討王子帶秋王子帶奔齊冬齊侯使管夷吾平戎于王使隰朋平戎于晉王以上卿之禮饗管仲管仲辭曰臣賤有司也有

春秋左傳卷五

望雨忍堂

天子之二守國高在若節春秋來承王命何以禮焉陪臣敢辭王曰舅氏余嘉乃勲應乃懿德謂督不忘往踐乃職無逆朕命管仲受下卿之禮而還君子曰

管氏之世祀也宜哉讓不
忘其上詩曰愷悌君子神
所勞矣

經十有三年春狄侵衛夏
四月葬陳宣公公會齊侯
宋公陳侯衛侯鄭伯許男

春秋左傳卷五

墨爾忍堂

曹伯于鹹秋九月大雩冬
公子友如齊
傳十三年春齊侯使仲孫
湫聘于周且言王子帶事
畢不與王言歸復命曰未
可王怒未怠其十年乎不

十年王弗召也夏會于鹹
淮夷病杞故且謀王室也
秋爲戎難故諸侯戍周齊
仲孫湫致之冬晉荐饑使
乞糴于秦秦伯謂子桑與
諸乎對曰重施而報君將

春秋左傳卷五

墨爾忍堂

何求重施而不報其已必
攜攜而討焉無衆必敗謂
百里與諸乎對曰天災流
行國家代有救災恤鄰道
也行道有福平鄭之子豹
在秦請伐晉秦伯曰其君

是惡其已何罪秦於是乎
輸粟于晉自雍及絳相繼
命之曰汎舟之役

經十有四年春諸侯城緣
陵夏六月季姬及鄆子遇
于防使鄆子來朝秋八月

春秋左傳

聖廟忠堂

辛卯沙鹿崩狄侵鄭冬蔡
侯盱卒

傳十四年春諸侯城緣陵
而遷杞焉不書其人有闕
也鄆季姬來寧公怒之以
鄆子之不朝也夏遇于防

而使來朝秋八月辛卯沙
鹿崩晉卜偃曰期年將有
大咎幾亡國冬秦饑使乞
糴于晉晉人弗與慶鄭曰
背施無親幸災不仁貪愛
不祥怒鄰不義四德皆失

春秋左傳卷五

聖廟忠堂

何以守國虢射曰皮之不
存毛將安傅慶鄭曰弃信
背鄰患孰恤之無信患作
失援必斃是則然矣虢射
曰無損於怨而厚於寇不
如勿與慶鄭曰背施幸災

已所弃也近猶讎之況怨敵乎弗聽退曰君其悔是哉

經十有五年春王正月公如齊楚人伐徐三月公會齊侯宋公陳侯衛侯鄭伯

春秋左傳卷五

吳爾忍堂

許男曹伯盟于牡丘遂次于匡公孫敖帥師及諸侯之大夫救徐夏五月日有食之秋七月齊師曹師伐厲八月螽九月公至自會季姬歸于鄆己卯晦震夷

伯之廟冬宋人伐曹楚人敗徐于婁林十有一月壬戌晉侯及秦伯戰于韓獲晉侯

傳十五年春楚人伐徐徐即諸夏故也三月盟于牡

春秋左傳卷五

平爾忍堂

丘尋葵丘之盟且救徐也孟穆伯帥師及諸侯之師救徐諸侯次于匡以待之夏五月日有食之不書朔與日官失之也秋伐厲以救徐也晉侯之入也秦

穆姬屬賈君焉且曰盡納
羣公子晉侯烝於賈君又
不納羣公子是以穆姬怨
之晉侯許賂中大夫既而
皆背之賂秦伯以河外列
城五東盡虢略南及華山

春秋左傳卷五

五三 耐忍堂

內及解梁城既而不與晉
饑秦輸之粟秦饑晉閉之
糴故秦伯伐晉卜徒父筮
之吉涉河侯車敗詰之對
曰乃大吉也三敗必獲晉
君其卦遇蠱䷑曰千乘

三去三去之餘獲其雄狐
夫狐蠱必其君也蠱之貞
風也其悔山也歲云秋矣
我落其實而取其材所以
克也實落材亡不敗何待
三敗及韓晉侯謂慶鄭曰

春秋左傳卷五

五三 耐忍堂

寇深矣若之何對曰君實
深之可若何公曰不孫卜
右慶鄭吉弗使步揚御戎
家僕徒爲右乘小馬鄭入
也慶鄭曰古者大事必乘
其產生其水土而知其人

心安其教訓而服習其道
唯所納之無不如志今乘
異產以從戎事及懼而變
將與人易亂氣狡憤陰血
周作張脉僨興外彊中乾
進退不可周旋不能君必

春秋左傳卷五

聖祖堂

悔之弗聽九月晉侯逆秦
師使韓簡視師復曰師少
於我鬪士倍我公曰何故
對曰出因其資入用其寵
饑食其粟三施而無報是
以來也今又擊之我怠秦

奮倍猶未也公曰一夫不
可狃況國乎遂使請戰曰
寡人不佞能合其衆而不
能離也君若未還無所逃
命秦伯使公孫枝對曰君
之未入寡人懼之入而未

春秋左傳卷五

聖祖堂

定列猶吾憂也苟列定矣
敢不承命韓簡退曰吾幸
而得囚壬戌戰于韓原晉
戎馬還寧而止公號慶鄭
慶鄭曰愼諫違卜固敗是
求又何逃焉遂去之梁由

靡御韓簡射爲右輅秦伯將止之鄭以救公誤之遂失秦伯秦獲晉侯以歸晉大夫反首拔舍從之秦伯使辭焉曰二三子何其慼也寡人之從君而西

春秋左傳卷五

季五 顧忍堂

也亦晉之妖夢是踐豈敢以至晉大夫三拜稽首曰君履后土而戴皇天皇天后土實聞君之言羣臣敢在下風穆姬聞晉侯將至以大子瑩弘與女簡璧登

臺而履薪焉使以免服衰經逆且告曰上天降災使我兩君匪以玉帛相見而以興戎若晉君朝以入則婢子夕以死夕以入則朝以死唯君裁之乃舍諸靈

春秋左傳卷五

季五 顧忍堂

臺大夫請以入公曰獲晉侯以厚歸也旣而喪歸焉用之大夫其何有焉且晉人感憂以重我天地以要我不圖晉憂重其怒也我食吾言背天地也重怒難

任背天不祥必歸晉君公
子執曰不如殺之無聚慝
焉子桑曰歸之而質其大
子必得大成晉未可滅而
殺其君祇以成惡且史佚
有言曰無始禍無怙亂無

春秋左傳卷五

至而忍堂

重怒重怒難任陵人不祥
乃許晉平晉侯使卻乞告
瑕呂飴甥且召之子金教
之言曰朝國人而以君命
賞且告之曰孤雖歸辱社
稷矣其卜貳圉也衆皆哭

晉於是乎作爰田呂甥曰
君亡之不恤而羣臣是憂
惠之至也將若君何衆曰
何爲而可對曰征繕以輔
孺子諸侯聞之喪君有君
羣臣輯睦甲兵益多好我

春秋左傳卷五

至而忍堂

者勸惡我者懼庶有益乎
衆說晉於是乎作州兵初
晉獻公筮嫁伯姬於秦遇
歸妹䷵之睽䷥史蘇
占之曰不吉其繇曰士刳
羊亦無益也女承筐亦無

眚也西鄰責言不可償也
歸妹之睽猶無相也震之
離亦離之震爲雷爲火爲
羸敗姬車說其輶火焚其
旗不利行師敗于宗丘歸
妹睽孤寇張之弧姪其從

春秋左傳卷五

辛酉忍堂

姑六年其逋逃歸其國而
弃其家明年其死於高粱
之虛及惠公在秦曰先君
若從史蘇之占吾不及此
夫韓簡侍曰龜象也筮數
也物生而後有象象而後

有滋滋而後有數先君之
敗德及可數乎史蘇是占
勿從何益詩曰下民之孽
匪降自天傳沓背憎職競
由人震夷伯之廟罪之也
於是展氏有隱隱焉冬宋

春秋左傳卷五

辛酉忍堂

人伐曹討舊怨也楚敗徐
于婁林徐恃救也十月晉
陰飴甥會秦伯盟于王城
秦伯曰晉國和乎對曰不
和小人恥失其君而悼喪
其親不憚征繕以立國也

曰必報讎寧事戎狄君子
愛其君而知其罪不憚征
繕以待秦命曰必報德有
死無二以此不和秦伯曰
國謂君何對曰小人感謂
之不免君子恕以爲必歸

春秋左傳卷五

空齋忍堂

小人曰我毒秦秦豈歸君
君子曰我知罪矣秦必歸
君貳而執之服而舍之德
莫厚焉刑莫威焉服者懷
德貳者畏刑此一役也秦
可以霸納而不定廢而不

立以德爲怨秦不其然秦
伯曰是吾心也改館晉侯
饋七牢焉蛾析謂慶鄭曰
盍行乎對曰陷君於敗敗
而不死又使失刑非人臣
也臣而不臣行將焉入十

春秋左傳卷五

空齋忍堂

一月晉侯歸丁丑殺慶鄭
而後入是歲晉又饑秦伯
又餽之粟曰吾怨其君而
矜其臣且吾聞唐叔之封
也箕子曰其後必大晉其
庸可異乎姑樹德焉以待

能者於是秦始征晉河東
置官司焉

春秋卷第五

春秋左傳卷五

奎臨忍堂

春秋經傳集解僖中第六

杜氏 盡廿六年

經十有六年春王正月戊申朔隕石于宋五_也是月六鷁退飛過宋都三月壬申

春秋左傳卷六

二 耐忍堂

公子季友卒夏四月丙申鄆季姬卒秋七月甲子公孫茲卒冬十有二月公會齊侯宋公陳侯衛侯鄭伯許男邢侯曹伯于淮傳十六年春隕石于宋五

隕星也六鷁退飛過宋都風也周内史叔興聘于宋宋襄公問焉曰是何祥也吉凶焉在對曰今茲魯多大喪明年齊有亂君將得諸侯而不終退而告人曰

春秋左傳卷六

二 耐忍堂

君失問是陰陽之事非吉凶所生也吉凶由人吾不敢逆君故也夏齊伐厲不克救徐而還秋狄侵晉取狐廚受鐸涉汾及昆都因晉敗也王以戎難告于齊

齊徵諸侯戍周冬十一月乙卯鄭殺子華十二月會于淮謀鄆且東略也城鄆役人病有夜登丘而呼曰齊有亂不果城而還經十有七年春齊人徐人

春秋左傳卷六

三耐忍堂

伐英氏夏滅項秋夫人姜氏會齊侯于卞九月公至自會冬十有二月乙亥齊侯小白卒傳十七年春齊人爲徐伐英氏以報婁林之役也夏

晉大子圉爲質於秦秦歸河東而妻之惠公之在梁也梁伯妻之梁嬴孕過期卜招父與其子卜之其子曰將生一男一女招曰然男爲人臣女爲人妾故名

春秋左傳卷六

四耐忍堂

男曰圉女曰妾及子圉西質妾爲宦女焉師滅項淮之會公有諸侯之事未歸而取項齊人以爲討而止公秋聲姜以公故會齊侯于卞九月公至書曰至

自會猶有諸侯之事焉且諱之也齊侯之夫人三王姬徐嬴蔡姬皆無子齊侯好內多內寵內嬖如夫人者六人長衛姬生武孟少衛姬生惠公鄭姬生孝公

春秋左傳卷六

五陋忍堂

葛嬴生昭公密姬生懿公宋華子生公子雍公與管仲屬孝公於宋襄公以爲大子雍巫有寵於衛共姬因寺人貂以薦羞於公亦有寵公許之立武孟管仲

卒五公子皆求立冬十月乙亥齊桓公卒易牙入與寺人貂因內寵以殺羣吏而立公子無虧孝公奔宋十二月乙亥赴辛巳夜殯經十有八年春王正月宋

春秋左傳卷六

六陋忍堂

公曹伯衛人邾人伐齊夏師救齊五月戊寅宋師及齊師戰于贏齊師敗績狄救齊秋八月丁亥葬齊桓公冬邢人狄人伐衛傳十八年春宋襄公以諸

侯伐齊三月齊人殺無虧
鄭伯始朝于楚楚子賜之
金既而悔之與之盟曰無
以鑄兵故以鑄三鐘齊人
將立孝公不勝四公子之
徒遂與宋人戰夏五月宋

春秋左傳卷六

七 耐忍堂

敗齊師于廩立孝公而還
秋八月葬齊桓公冬邢人狄
人伐衛圍菟圃衛侯以國
讓父兄子弟及朝衆曰苟
能治之燬請從焉衆不可
而後師于訾婁狄師還梁

伯益其國而不能實也命
曰新里秦取之

經十有九年春王三月宋
人執滕子嬰齊夏六月宋
公曹人邾人盟于曹南鄆
子會盟于邾己酉邾人執

春秋左傳卷六

八 耐忍堂

鄆子用之秋宋人圍曹衛
人伐邢冬會陳人蔡人楚
人鄭人盟于齊梁亡
傳十九年春遂城而居之
宋人執滕宣公夏宋襄
公使邾文公用鄆子于次睢

之社欲以屬東夷司馬子
魚曰古者六畜不相爲用
小事不用大牲而況敢用
人乎祭祀以爲人也民神
之主也用人其誰饗之齊
桓公存三亡國以屬諸侯

春秋左傳卷六

九
百
忍
堂

義士猶曰薄德今一會而
虐二國之君又用諸淫昏
之鬼將以求霸不亦難乎
得死爲幸秋衛人伐邢以
報菟圃之役於是衛大
旱卜有事於山川不吉甯

莊子曰昔周饑克殷而年
豐今邢方無道諸侯無伯
天其或者欲使衛討邢乎
從之師興而雨宋人圍曹
討不服也子魚言於宋公
曰文王聞崇德亂而伐之

春秋左傳卷六

十
百
忍
堂

軍三旬而不降退脩教而
復伐之因壘而降詩曰刑
于寡妻至于兄弟以御于
家邦今君德無乃猶有所
闕而以伐人若之何盍姑
內省德乎無闕而後動陳

穆公請脩好於諸侯以無
忘齊桓之德冬盟于齊脩
桓公之好也梁亡不書其
主自取之也初梁伯好土
功亟城而弗處民罷而弗
堪則曰某寇將至乃溝公

春秋左傳卷六

士師忍堂

宮曰秦將襲我民懼而潰
秦遂取梁

經十年春新作南門夏郛
子來朝五月乙巳西宮災
鄭人入滑秋齊人狄人盟
于邢冬楚人伐隨

傳十年春新作南門書不
時也凡啓塞從時滑人叛
鄭而服於衛夏鄭公子士
洩堵寇帥師入滑秋齊狄
盟于邢爲邢謀衛難也於
是衛方病邢隨以漢東諸

春秋左傳卷六

士師忍堂

侯叛楚冬楚鬬穀於菟帥
師伐隨取成而還君子曰
隨之見伐不量力也量力
而動其過鮮矣善敗由己
而由人乎哉詩曰豈不夙
夜謂行多露宋襄公欲合

諸侯臧文仲聞之曰以欲從人則可以人從欲鮮濟經十有一年春狄侵衛宋人齊人楚人盟于鹿上夏大旱秋宋公楚子陳侯蔡侯鄭伯許男曹伯會于孟

春秋左傳卷六

圭臬忍堂

執宋公以伐宋冬公伐邾楚人使宜申來獻捷十有二月癸丑公會諸侯盟于薄釋宋公傳十一年春宋人爲鹿上之盟以求諸侯於楚楚人之

許之公子目夷曰小國爭盟禍也宋其亡乎幸而後敗夏大旱公欲焚巫尫臧文仲曰非旱備也脩城郭貶食省用務穡勸分此其務也巫尫何爲天欲殺之

春秋左傳卷六

十四 圭臬忍堂

則如勿生若能爲旱焚之滋甚公從之是歲也饑而不害秋諸侯會宋公于孟子魚曰禍其在此乎君欲已甚其何以堪之於是楚執宋公以伐宋冬會于薄

以釋之子魚曰禍猶未也
未足以懲君任宿須句顓
臾風姓也實司大睥與有
濟之祀以服事諸夏邾人
滅須句須句子來奔因成
風也成風爲之言於公曰

春秋左傳卷六

十五 爾忍堂

崇明祀保小寡周禮也蠻
夷猾夏周禍也若封須句
是崇睥濟而脩祀紓禍也
經廿有二年春公伐邾取
須句夏宋公衛侯許男滕
子伐鄭秋八月丁未及邾

人戰于升陘冬十有一月
己巳朔宋公及楚人戰于
泓宋師敗績

傳廿二年春伐邾取須句
反其君焉禮也三月鄭伯
如楚夏宋公伐鄭子魚曰

春秋左傳卷六

十六 爾忍堂

所謂禍在此矣初平王之
東遷也辛有適伊川見被
髮而祭於野者曰不及百
年此其戎乎其禮先亡矣
秋秦晉遷陸渾之戎于伊
川晉大子圉爲質於秦將

逃歸謂嬴氏曰與子歸乎
對曰子晉大子而辱於秦
子之欲歸不亦宜乎寡君
之使婢子侍執巾櫛以固
子也從子而歸弃君命也
不敢從亦不敢言遂逃歸

春秋左傳卷六

十七 顧忍堂

富辰言於王曰請召大叔
詩曰協比其鄰昏姻孔云
吾兄弟之不協焉能怨諸
侯之不睦王說王子帶自
齊復歸于京師王召之也
邾人以須句故出師公卑

邾不設備而禦之臧文仲
曰國無小不可易也無備
雖衆不可恃也詩曰戰戰
兢兢如臨深淵如履薄冰
又曰敬之敬之天惟顯思
命不易哉先王之明德猶

春秋左傳卷六

十八 顧忍堂

無不難也無不懼也況我
小國乎君其無謂邾小逢螳
蜚有毒而況國乎弗聽八
月丁未公及邾師戰于升
陘我師敗績邾人獲公胄
縣諸魚門楚人伐宋以救

鄭宋公將戰大司馬固諫曰天之弃商久矣君將興之弗可赦也已弗聽冬十一月己巳朔宋公及楚人戰于泓宋人旣成列楚人未旣濟司馬曰彼衆我寡

春秋左傳卷六

元顧忍堂

及其未旣濟也請擊之公曰不可旣濟而未成列又以告公曰未可旣陳而後擊之宋師敗績公傷股門官殲焉國人皆咎公公曰君子不重傷不禽二毛古

之爲軍也不以阻隘也寡人雖亡國之餘不鼓不成列子魚曰君未知戰勅敵之人隘而不列天贊我也阻而鼓之不亦可乎猶有懼焉且今之勅者皆吾敵

春秋左傳卷六

元顧忍堂

也雖及胡者獲則取之何有於二毛明恥教戰求殺敵也傷未及死如何勿重若愛重傷則如勿傷愛其二毛則如服焉三軍以利用也金鼓以聲氣也利而

用之阻隘可也聲盛致志
鼓儼可也丙子晨鄭文夫
人芊氏姜氏勞楚子於柯
澤楚子使師緡示之俘馘
君子曰非禮也婦人送迎
不出門見兄弟不踰閭戎

春秋左傳卷六

王爾忍堂

事不邇女器丁丑楚子入
鄉食于鄭九獻庭實旅百加
籩豆六品享畢夜出文芊
送于軍取鄭二姬以歸
叔詹曰楚王其不沒乎爲
禮卒於無別無別不可謂

禮將何以沒諸侯是以知
其不遂霸也

經廿有三年春齊侯伐宋
圍緡夏五月庚寅宋公茲
父卒秋楚人伐陳冬十有
一月杞子卒

春秋左傳卷六

王爾忍堂

傳廿三年春齊侯伐宋圍
緡以討其不與盟于齊也
夏五月宋襄公卒傷於泓
故也秋楚成得臣帥師伐
陳討其貳於宋也遂取焦
夷城頓而還子文以爲之

功使爲令尹叔伯曰子若國何對曰吾以靖國也夫有大功而無貴仕其人能靖者與有幾九月晉惠公卒懷公命無從亡人期期而不至無赦狐突之子

春秋左傳卷六

王爾忍堂

毛及偃從重耳在秦弗召冬懷公執狐突曰子來則免對曰子之能仕父教之忠古之制也策名委質貳乃辟也今臣之子名在重耳有年數矣若又召之教

之貳也父教子貳何以事君刑之不濫君之明也臣之願也淫刑以逞誰則無罪臣聞命矣乃殺之卜偃稱疾不出曰周書有之乃大明服己則不明而殺人

春秋左傳卷六

王爾忍堂

以逞不亦難乎臣不見德而唯戮是聞其何後之有十一月杞成公卒書曰子杞夷也不書名未同盟也凡諸侯同盟死則赴以名禮也赴以名則亦書之不

然則否辟不敏也晉公子
重耳之及於難也晉人伐
諸蒲城蒲城人欲戰重耳
不可曰保君父之命而享
其生祿於是乎得人有人
而校罪莫大焉吾其奔也

春秋左傳卷六

王孟頫忍堂

遂奔狄從者狐偃趙衰顛
頡魏武子司空季子狄人
伐唐各如獲其二女叔隗
季隗納諸公子公子取季
隗生伯儵叔劉以叔隗妻
趙衰生盾將適齊謂季隗

曰待我廿五年不來而後
嫁對曰我廿五年矣又如
是而嫁則就木焉請待子
處狄十二年而行過衛衛
文公不禮焉出於五鹿乞
食於野人野人與之塊公

春秋左傳卷六

王孟頫忍堂

子怒欲鞭之子犯曰天賜
也稽首受而載之及齊齊
桓公妻之有馬廿乘公子
安之從者以爲不可將行
謀於桑下蠶妾在其上以
告姜氏姜氏殺之而謂公

子曰子有四方之志其聞之者吾殺之矣公子曰無之姜曰行也懷與安實敗名公子不可姜與子犯謀

酒

醉而遣之醒以戈逐子犯

及曹曹共公聞其駢脅欲

春秋左傳卷六

王昭忍堂

觀其裸浴薄而觀之僖負羈之妻曰吾觀晉公子之從者皆足以相國若以相夫子必反其國反其國必得志於諸侯得志於諸侯而誅無禮曹其首也子盍蚤

飲之

自貳焉乃饋盤飧寘璧焉公子受飧反璧及宋宋襄公贈之以馬廿乘及鄭鄭文公亦不禮焉叔詹諫曰臣聞天之所啓人弗及也晉公子有三焉天其或者

春秋左傳卷六

王昭忍堂

將建諸君其禮焉男女同姓其生不蕃晉公子姬出也而至于今一也離外之患而天不靖晉國殆將啓之二也有三士足以上人而從之三也晉鄭同儕其

過子弟固將禮焉況天之
所啓乎弗聽及楚楚子饗
之曰公子若反晉國則何
以報不穀對曰子女玉帛
則君有之羽毛齒革則君
地生焉其波及晉國者君

春秋左傳卷六

无陋忍堂

之餘也其何以報君曰雖
然何以報我對曰若以君
之靈得反晉國晉楚治兵
遇於中原其辟君三舍若
不獲命其左執鞭弭右屬
橐鞬以與君周旋子玉請

殺之楚子曰晉公子廣而
儉文而有禮其從者肅而
寬忠而能力晉侯無親外
內惡之吾聞姬姓唐叔之
後其後衰者也其將由晉
公子乎天將興之誰能廢

春秋左傳卷六

三十一陋忍堂

之違天必有大咎乃送諸
秦秦伯納女五人懷嬴與
焉奉匭沃盥既而揮之怒
曰秦晉匹也何以卑我公
子懼降服而囚他日公享
之子犯曰吾不如衰之文

也請使襄從公子賦河水
公賦六月趙襄曰重耳拜
賜公子降拜稽首公降一
級而辭焉襄曰君稱所以
佐天子者命重耳重耳敢
不拜

春秋左傳卷六

三王忍堂

經廿有四年春王正月夏
狄伐鄭秋七月冬天王出
居于鄭晉侯夷吾卒
傳廿四年春王正月秦伯納
之不書不告入也及河子
犯以璧授公子曰臣負羈

絻從君巡於天下臣之罪甚
多矣臣猶知之而況君乎
請由此亡公子曰所不與
舅氏同心者有如白水投
其餽于河濟河圍令狐入
桑泉取臼襄二月甲午晉

春秋左傳卷六

三王忍堂

師軍于廬柳秦伯使公子
繫如晉師師退軍于郇辛
丑狐偃及秦晉之大夫盟
于郇壬寅公子入于晉師
丙午入于曲沃丁未朝于
武宮戊申使殺懷公于高

梁不書亦不告也呂卻畏
偪將焚公宮而弑晉侯寺
人披請見公使讓之且辭
焉曰蒲城之役君命一宿
女即至其後余從狄君以
田渭濱女爲惠公來求殺

春秋左傳卷六

三石齋忍堂

余命女三宿女中宿至
雖有君命何其速也夫祛
猶在女其行乎對曰臣謂
君之入也其知之矣若猶
未也又將及難君命無二
古之制也除君之惡唯力

是視蒲人狄人余何有焉
今君即位其無蒲狄乎齊
桓公置射鉤而使管仲相
君若易之何辱命焉行者
甚衆豈唯刑臣公見之以
難告三月晉侯潛會秦伯

春秋左傳卷六

三石齋忍堂

于王城己丑晦公宮火瑕
甥卻芮不獲公乃如河上
秦伯誘而殺之晉侯逆夫
人嬴氏以歸秦伯送衛於
晉三千人實紀綱之僕初
晉侯之豎頭須守藏者也

其出也竊藏以逃盡用以
求納之及入求見公辭焉
以沐謂僕人曰沐則心覆
心覆則圖反宜吾不得見
也居者爲社稷之守行者
爲羈紲之僕其亦可也何

春秋左傳卷六

孟子忍堂

必罪居者國君而讎匹夫
懼者甚衆矣僕人以告公
遽見之狄人歸季隗于晉
而請其二子文公妻趙衰
生原同屏括樓嬰趙姬請
逆盾與其母子餘辭姬曰

得寵而忘舊何以使人必
逆之固請許之來以盾爲
才固請于公以爲嫡子而
使其三子下之以叔隗爲
內子而已下之晉侯賞從
亡者介之推不言祿祿亦

春秋左傳卷六

孟子忍堂

弗及推曰獻公之子九人
唯君在矣惠懷無親外內
弃之天未絕晉必將有主
主晉祀者非君而誰天實
置之而二三子以爲己力
不亦誣乎竊人之財猶謂

之盜況貪天之功以爲己力乎下義其罪上賞其姦上下相蒙難與處矣其母曰盍亦求之以死誰懟對曰尤而效之罪又甚焉且出怨言不食其食其母曰

春秋左傳卷六

卷六

亦使知之若何對曰言身之文也身將隱焉用文之是求顯也其母曰能如是乎與女偕隱遂隱而死晉侯求之不獲以縣上爲之田曰以志吾過且旌善人

鄭之入滑也滑人聽命師還又即衛鄭公子士洩堵俞彌帥師伐滑王使伯服游孫伯如鄭請滑鄭伯怨惠王之入而不與厲公爵也又怨襄王之與衛滑也

春秋左傳卷六

卷六

故不聽王命而執二子王怒將以狄伐鄭富辰諫曰不可臣聞之大上以德撫民其次親親以相及也昔周公弔二叔之不咸故封建親戚以蕃屏周管蔡成

霍魯衛毛聃郤雍曹滕畢
原鄆郇文之昭也邠晉應
韓武之穆也凡蔣邢茅胙
祭周公之胤也召穆公思
周德之不類故糾合宗族
于成周而作詩曰常棣之

春秋左傳卷六

平陽忍堂

華鄂不韡韡凡今之人莫
如兄弟其四章曰兄弟閱
于牆外禦其侮如是則兄
弟雖有小忿不廢懿親今
天子不忍小忿以弃鄭親
其若之何庸勲親親暱近

尊賢德之大者也即聾從
昧與頑用嚚姦之大者也
弃德崇姦禍之大者也鄭
有平惠之勲又有厲宣之
親弃嬖寵而用三良於諸
姬爲近四德具矣耳不聽

春秋左傳卷六

平陽忍堂

五聲之和爲聾目不別五
色之章爲昧心不則德義
之經爲頑口不道忠信之
言爲嚚狄皆則之四姦具
矣周之有懿德也猶曰莫
如兄弟故封建之其懷柔

天下也猶懼有外侮扞禦
侮者莫如親親故以親屏
周召穆公亦云今周德旣
衰於是乎又渝周召以從
諸姦無乃不可乎已未忘
禍王又興之其若文武何

春秋左傳卷六

聖二爾忍堂

王弗聽使饋叔桃子出狄
師夏狄伐鄭取櫟王德狄
人將以其女爲后富辰諫
曰不可臣聞之曰報者倦矣
施者未厭狄固貪恠王又
啓之女德無極婦怨無終

狄必爲患王又弗聽初甘
昭公有寵於惠后惠后將
立之未及而卒昭公奔齊
王復之又通於隗氏王替
隗氏饋叔桃子曰我實使
狄狄其怨我遂奉大叔以

春秋左傳卷六

聖二爾忍堂

狄師攻王王御士將禦之王
曰先后其謂我何寧使諸侯
圖之王遂出及坎飲國人
納之秋饋叔桃子奉大叔
以狄師伐周大敗周師獲
周公忌父原伯毛伯富辰

王出適鄭處于汜大叔以
隗氏居于溫鄭子華之弟
子臧出奔宋好聚鵠冠鄭
伯聞而惡之使盜誘之八
月盜殺之于陳宋之間君
子曰服之不衷身之災也

春秋左傳卷六

墨爾忍堂

詩曰彼己之子不稱其服
子臧之服不稱也夫詩曰
自詒伊戚其子臧之謂矣
夏書曰地平天成稱也宋
及楚平宋成公如楚還入
於鄭鄭伯將享之問禮於

皇武子對曰宋先代之後
也於周爲客天子有事膳
焉有喪拜焉豐厚可也鄭
伯從之享宋公有加禮也
冬王使來告難曰不穀不
德得罪于母弟之寵子帶

春秋左傳卷六

墨爾忍堂

鄙在鄭地汜敢告叔父臧
文仲對曰天子蒙塵于外
敢不奔問官守王使簡師
父告于晉使左鄢父告于
秦天子無出書曰天王出
居于鄭辟母弟之難也天

子凶服降名禮也鄭伯與孔將鉏石甲父侯宣多省視官具于汜而後聽其私政禮也衛人將伐邢禮至曰不得其守國不可得也我請昆弟仕焉乃往得仕

春秋左傳卷六

望西忍堂

經廿有五年春王正月丙午衛侯燬滅邢夏四月癸酉衛侯燬卒宋蕩伯姬來逆婦宋殺其大夫秋楚人圍陳納頓子于頓葬衛文公冬十有二月癸亥公

會衛子莒慶盟于洮

傳廿五年春衛人伐邢二禮從國子巡城掖以赴外殺之正月丙午衛侯燬滅邢同姓也故名禮至爲銘曰余掖殺國子莫余敢止

春秋左傳卷六

望西忍堂

秦伯師于河上將納王狐偃言於晉侯曰求諸侯莫如勤王諸侯信之且大義也繼文之業而信宣於諸侯今爲可矣使卜偃卜之曰吉遇黃帝戰于阪泉之

北公曰吾不堪也對曰周禮未改今之王古之帝也公曰筮之筮之遇大有䷍之睽䷥曰吉遇公用享于天子之卦戰克而王饗吉孰大焉且是卦也天爲

春秋左傳卷六

聖祖忍堂

澤以當日天子降心以逆公不亦可乎大有去睽而復亦其所也晉侯辭秦師而下三月甲辰次于陽樊右師圍溫左師逆王夏四月丁巳王入于王城取大

叔于溫殺之于隰城戊午晉侯朝王王享醴命之宥請隧弗許曰王章也未有代德而有二王亦叔父之所惡也與之陽樊溫原欒茅之田晉於是始啓南陽

春秋左傳卷六

哭祖忍堂

陽樊不服圍之倉葛呼曰德以柔中國刑以威四夷宜吾不敢服也此誰非王之親姻其俘之也乃出其臣秋秦晉伐郤楚闕克屈禦寇以申息之師戍商密

秦人過析隈入而係與人
以圍商密昏而傅焉宵坎
血加書僞與子儀子邊盟
者商密人懼曰秦取析矣
戎人反矣乃降秦師秦師
囚申公子儀息公子邊以

春秋左傳卷六

史記卷六

歸楚令尹子玉追秦師弗
及遂圍陳納頓子于頓冬
晉侯圍原命三日之糧原
不降命去之諗出曰原將
降矣軍吏曰請待之公曰
信國之寶也臣之所庇也

得原失信何以庇之所亡
滋多退一舍而原降遷原
伯貫于異趙衰爲原大夫
狐溱爲溫大夫衛人平莒
于我十二月盟于洮脩衛
文公之好且及莒平也晉

春秋左傳卷六

史記卷六

侯問原守於寺人勃鞞對
曰昔趙衰以壺飧從徑餒而
弗食故使處原
經廿有六年春王正月己
未公會莒子衛甯速盟于
向齊人侵我西鄙公追齊

師至鄆弗及夏齊人伐我
北鄙衛人伐齊公子遂如
楚乞師秋楚人滅麇以麇
子歸冬楚人伐宋圍緡公
以楚師伐齊取穀公至自
伐齊

春秋左傳卷六

至爾忍堂

傳廿六年春王正月公會
莒茲平公甯莊子盟于向
尋洮之盟也齊師侵我西
鄙討是二盟也夏齊孝公
伐我北鄙衛人伐齊洮之
盟故也公使展喜犒師使

受命于展禽齊侯未入竟
展喜從之曰寡君聞君親
舉玉趾將辱於敝邑使下
臣犒執事齊侯曰魯人恐
乎對曰小人恐矣君子則
否齊侯曰室如懸磬野無

春秋左傳卷六

至爾忍堂

青草何恃而不恐對曰恃
先王之命昔周公大公股
肱周室夾輔成王成王勞
之而賜之盟曰世世子孫
無相害也載在盟府大師
職之桓公是以糾合諸侯

而謀其不協彌縫其闕而匡救其災昭舊職也及君即位諸侯之望曰其率桓之功我敝邑用不敢保聚曰豈其嗣廿九年而弃命廢職其若先君何君必不

春秋左傳卷六

韋爾忍堂

然恃此以不恐齊侯乃還東門襄仲臧文仲如楚乞師臧孫見子玉而道之伐齊宋以其不臣也蔓子不祀祝融與鬻熊楚人讓之對曰我先王熊摯有疾鬼

神弗赦而自竄于蔓吾是以失楚又何祀焉秋楚成得臣鬬宜申帥師滅蔓以蔓子歸宋以其善於晉侯也叛楚即晉冬楚令尹子玉司馬子西帥師伐宋圍

春秋左傳卷六

韋爾忍堂

緡公以楚師伐齊取穀凡師能左右之曰以實桓公子雍於穀易牙奉之以爲魯援楚申公叔侯戍之桓公之子七人爲七大夫於楚

春秋卷第六

春秋左傳卷六

孟 孟 孟 忍 堂

春秋經傳集解僖下第七

杜氏 盡卅三年

經卅有七年春杞子來朝
夏六月庚寅齊侯昭卒秋
八月乙未葬齊孝公乙巳

春秋左傳卷七

二酉忍堂

公子遂帥師入杞冬楚人陳
侯蔡侯鄭伯許男圍宋十有
二月甲戌公會諸侯盟于宋
傳廿七年春杞桓公來朝
用夷禮故曰子公卑杞杞
不共也夏齊孝公卒有齊

怨不廢喪紀禮也秋入杞
責無禮也楚子將圍宋使子
文治兵於睢終朝而畢不
戮一人子玉復治兵於蔿
終日而畢鞭七人貫三人
耳國老皆賀子文子文飲

春秋左傳卷七

二酉忍堂

之酒蔿為賈尚幼後至不賀
子文問之對曰不知所賀
子之傳政於子玉曰以靖
國也靖諸內而敗諸外所
獲幾何子玉之敗子之舉
也舉以敗國將何賀焉子

玉剛而無禮不可以治民
過三百乘其不能以入矣
苟入而賀何後之有冬楚
子及諸侯圍宋宋公孫固
如晉告急先軫曰報施救
患取威定霸於是乎在矣

春秋左傳卷七

三顧忍堂

狐偃曰楚始得曹而新昏
於衛若伐曹衛楚必救之
則齊宋免矣於是乎蒐子
被廬作三軍謀元帥趙衰
曰卻縠可臣亟聞其言矣
說禮樂而敦詩書詩書義

之府也禮樂德之則也德
義利之本也夏書曰賦納
以言明試以功車服以庸
君其試之乃使卻縠將中
軍卻縠佐之使狐偃將上
軍讓於狐毛而佐之命趙

春秋左傳卷七

四顧忍堂

衰爲卿讓於欒枝先軫使
欒枝將下軍先軫佐之荀
林父御戎魏犢爲右晉侯
始入而教其民二年欲用
之子犯曰民未知義未安
其居於是乎出定襄王入

務利。臣懷生矣。將用之。
子犯曰：「臣未知信，未宣其
用於是乎？」伐原以示之信。
臣易資者，不求豐焉。明徵
其辭。公曰：「可矣。」子犯曰：「臣
未知禮，未生其共於是乎？」

春秋左傳卷七

五福忍堂

太蒐以示之禮，作執秩以
正其官。臣聽不惑而後用
之，出穀戍，釋宋圍，一戰而
霸。文之教也。

經廿有八年春，晉侯侵曹。
晉侯伐衛，公子買戍衛，不

卒，成刺之。楚人救衛。三月
丙午，晉侯入曹，執曹伯，畀
宋人。夏四月己巳，晉侯齊
師，宋師、秦師及楚人戰于
城濮。楚師敗績，楚殺其大
夫得臣。衛侯出奔楚。五月

春秋左傳卷七

六福忍堂

癸丑，公會晉侯、齊侯、宋公、
蔡侯、鄭伯、衛子莒子盟于
踐土。陳侯如會。公朝于王
所。六月，衛侯鄭自楚復歸。
子衛、衛元咺出奔晉。陳侯
款卒。秋，杞伯姬來。公子遂

如齊冬公會晉侯齊侯宋公蔡侯鄭伯陳子莒子邾子秦人于溫天王狩于河陽壬申公朝于王所晉人執衛侯歸之于京師衛元咺自晉復歸于衛諸侯遂

春秋左傳卷七

八
顧忍堂

圍許曹伯襄復歸于曹遂會諸侯圍許

傳廿八年春晉侯將伐曹假道于衛衛人弗許還自南河濟侵曹伐衛正月戊申取五鹿二月晉卻縠卒

原軫將中軍胥臣佐下軍上德也晉侯齊侯盟于斂孟衛侯請盟晉人弗許衛侯欲與楚國人不欲故出其君以說于晉衛侯出居于襄牛公子買戍衛楚人

春秋左傳卷七

八
顧忍堂

救衛不克公懼於晉殺子叢以說焉謂楚人不卒戍也晉侯圍曹門焉多死曹人尸諸城上晉侯患之聽輿人之謀曰稱舍於墓師遷焉曹人兇懼爲其所得

者棺而出之因其兇也而攻之三月丙午入曹數之以其不用僖負羈而乘軒者三百人也且曰獻狀令無入僖負羈之宮而免其族報施也魏犇顛頡怒曰

春秋左傳卷七

九韶忍堂

勞之不圖報於何有熱僖負羈氏魏犇傷於胷公欲殺之而愛其材使問且視之病將殺之魏犇束胷見使者曰以君之靈不有寧也距躍三百曲踊三百乃

舍之殺顛頡以徇于師立舟之僑以爲戎右宋人使門尹般如晉師告急公曰宋人告急舍之則絕告楚不許我欲戰矣齊秦未可若之何先軫曰使宋舍我

春秋左傳卷七

十韶忍堂

而賂齊秦藉之告楚我執曹君而分曹衛之田以賜宋人楚愛曹衛必不許也喜賂怒頑能無戰乎公說執曹伯分曹衛之田以畀宋人楚子入居于申使申

叔去穀使子玉去宋曰無從晉師晉侯在外十九年矣而果得晉國險阻艱難備嘗之矣民之情僞盡知之矣天假之年而除其害天之所置其可廢乎軍志

春秋左傳卷七

士師忍堂

曰允當則歸又曰知難而退又曰有德不可敵此三志者晉之謂矣子玉使伯林請戰曰非敢必有功也願以間執讒慝之口王怒少與之師唯西廣東宮與

若敖之六卒實從之子玉使宛春告於晉師曰請復衛侯而封曹臣亦釋宋之圍子犯曰子玉無禮哉君取一臣取二不可失矣先軫曰子與之定人之謂禮

春秋左傳卷七

士師忍堂

楚一言而定三國我一言而亡之我則無禮何以戰乎不許楚言是弃宋也救而弃之謂諸侯何楚有三施我有三怨怨讎已多將何以戰不如私許復曹衛

以攜之執宛春以怒楚既戰而後圖之公說乃拘宛春於衛且私許復曹衛曹衛告絕於楚子玉怒從晉師晉師退軍吏曰以君辟臣辱也且楚師老矣何故

春秋左傳卷七

圭爾忍堂

退子犯曰師直爲壯曲爲老豈在久乎微楚之惠不及此退三舍辟之所以報也背惠食言以亢其讎我曲楚直其衆素飽不可謂老我退而楚還我將何求

若其不還君退臣犯曲在彼矣退三舍楚衆欲止子玉不可夏四月戊辰晉侯宋公齊國歸父崔夭秦小子慙次于城濮楚師背鄴而舍晉侯患之聽輿人之

春秋左傳卷七

十四爾忍堂

誦曰原田每每舍其舊而新是謀公疑焉子犯曰戰也戰而捷必得諸侯若其不捷表裏山河必無害也公曰若楚惠何欒貞子曰漢陽諸姬楚實盡之思小

惠而忘大恥不如戰也晉侯夢與楚子搏楚子伏己而盥其腦是以懼子犯曰吉我得天楚伏其罪吾且柔之矣子玉使鬬勃請戰曰請與君之士戲君馮軾

春秋左傳卷七

士師忍堂

而觀之得臣與寓目焉晉侯使欒枝對曰寡君聞命矣楚君之惠未之敢忘是以在此爲大夫退其敢當君乎既不獲命矣敢煩大夫謂二三子戒爾車乘敬

爾君事詰朝將見晉車七百乘鞬鞞鞅鞞晉侯登有莘之虛以觀師曰少長有禮其可用也遂伐其木以益其兵己巳晉師陳于莘北胥臣以下軍之佐當陳

春秋左傳卷七

士師忍堂

蔡子玉以若敖之六卒將中軍曰今日必無晉矣子西將左子上將右胥臣蒙馬以虎皮先犯陳蔡陳蔡奔楚右師潰狐毛設二旆而退之欒枝使輿曳柴而

僞遁楚師馬也之原軫卻溱
以中軍公族橫擊之狐毛
狐偃以上軍夾攻子西楚
左師潰楚師敗績子玉收
其卒而止故不敗晉師三
日館穀及癸酉而還甲午

春秋左傳卷七

十一百忍堂

至于衡雍作王宮于踐土
鄉役之三月鄭伯如楚致
其師爲楚師旣敗而懼使
子人九行成于晉晉欒枝
入盟鄭伯五月丙午晉侯
及鄭伯盟于衡雍丁未獻

楚俘于王馬四介百乘徒兵
千鄭伯傅王用平禮也已
酉王享醴命晉侯宥王命
尹氏及王子虎內史叔興
父策命晉侯爲侯伯賜之
大輅之服戎輅之服彤弓

春秋左傳卷七

十一百忍堂

一彤矢百玦弓十玦矢千秬鬯
一卣虎賁三百人曰王謂
叔父敬服王命以綏四國
糾逖王慝晉侯三辭從命
曰重耳敢再拜稽首奉揚
天子之不顯休命受策以

出出入三覲衛侯聞楚師
敗懼出奔楚遂適陳使元
咺奉叔武以受盟癸亥王
子虎盟諸侯于王庭要言
曰皆將王室無相害也有
渝此盟明神殛之俾隊其

春秋左傳卷七

十九 顧忍堂

師無克祚國及而玄孫無
有老幼君子謂是盟也信
謂晉於是役也能以德攻
初楚子玉自爲瓊弁玉纓
未之服也先戰夢河神謂
己曰畀余余賜女孟諸之

麋弗致也大心與子西使
榮黃諫弗聽榮季曰死而
利國猶或爲之況瓊玉乎
是糞土也而可以濟師將
何愛焉弗聽出告二子曰
非神敗令尹令尹其不勤

春秋左傳卷七

二十 顧忍堂

臣實自敗也旣敗王使謂
之曰大夫若入其若申息
之老何子西孫伯曰得臣
將死二臣止之曰君其將
以爲戮及連穀而死晉侯
聞之而後喜可知也曰莫

余毒也已。薦呂臣實爲令尹奉己而已。不在已矣。或訴元咺於衛侯曰：立叔武矣。其子角從公。公使殺之。咺不廢命。奉夷叔以入守。六月，晉人復衛侯甯武子。

春秋左傳卷七

王肅忍堂

與衛人盟于宛濮。曰：天禍衛國，君臣不協。以及此憂也。今天誘其衷，使皆降心以相從也。不有居者誰守？社稷不有行者誰扞？牧圉不協之故，用昭乞盟于爾。

大神以誘天衷。自今日以往，既盟之後，行者無保其力，居者無懼其罪。有渝此盟，以相及也。明神先君是糾，是殛。國人聞此盟也，而後不貳。衛侯先期入甯武子。

春秋左傳卷七

王肅忍堂

先長牂守門，以爲使也。與之乘而入。公子歆犬華仲前驅，叔武將沐聞君至，喜捉髮走出，前驅射而殺之。公知其無罪也，枕之股而哭之。歆犬走出，公使殺之。

元咺出奔晉城濮之戰晉
中軍風于澤亡大旆之左
旃祁瞞奸命司馬殺之以
徇于諸侯使茅茷伐之師
還壬午濟河舟之僑先歸
士會攝右秋七月丙申振

春秋左傳卷七

三三 耐忍堂

旅愷以入于晉獻俘授馘
飲至大賞徵會計貳殺舟
之僑以徇于國臣於是大
服君子謂文公其能刑矣
三罪而已服詩云惠此中
國以綏四方不失賞刑之

謂也冬會于溫討不服也
衛侯與元咺訟甯武子爲
輔鍼莊子爲坐士榮爲大
士衛侯不勝殺士榮刖鍼
莊子謂甯俞忠而免之執
衛侯歸之于京師寘諸深

春秋左傳卷七

三三 耐忍堂

室甯子職納橐饁焉元咺
歸于衛立公子瑕是會也
晉侯召王以諸侯見且使
王狩仲尼曰以臣召君不
可以訓故書曰天王狩于
河陽言非其地也且明德

也壬申公朝于王所丁丑諸侯圍許晉侯有疾曹伯之豎侯孺貨筮史使曰以曹爲解齊桓公爲會而封異姓今君爲會而滅同姓曹叔振鐸文之昭也先君

春秋左傳卷七

王孟頫忍堂

唐叔武之穆也且合諸侯而滅兄弟非禮也與衛偕命而不與偕復非信也同罪異罰非刑也禮以行義信以守禮刑以正邪舍此三者君將若之何公說復

曹伯遂會諸侯于許晉侯作三行以禦狄荀林父將中行屠擊將右行先蔑將左行

經廿有九年春介葛盧來公至自圍許夏六月會王

春秋左傳卷七

王孟頫忍堂

人晉人宋人齊人陳人蔡人秦人盟于翟泉秋大雨雹冬介葛盧來

傳廿九年春介葛盧來朝舍于昌衍之上公在會饋之芻米禮也夏公會王子

虜晉狐偃宋公孫固齊國
歸父陳轅濤塗秦小子憖
盟于翟泉尋踐土之盟且
謀伐鄭也卿不書罪之也
在禮卿不會公侯會伯子
男可也秋大雨雹爲災也

春秋左傳卷七

主一顧忍堂

冬介葛盧來以未見公故
復來朝禮之加燕好介葛
盧聞牛鳴曰是生三犧者
皆用之矣其音云問之而信
經卅年春王正月夏狄侵
齊秋衛殺其大夫元咺及

公子瑕衛侯鄭歸于衛晉
人秦人圍鄭介人侵蕭冬
天王使宰周公來聘公子
遂如京師遂如晉

傳卅年春晉人侵鄭以觀
其可攻與否狄間晉之有

春秋左傳卷七

主一顧忍堂

鄭虞也夏狄侵齊晉侯使
醫衍酖衛侯甯俞貨醫使
薄其酖不死公爲之請納
玉於王與晉侯皆十穀王
許之秋乃釋衛侯衛侯使
賂周欵冶廛曰苟能納我

吾使爾爲卿周冶殺元咺
及子適子儀公入祀先君
周冶旣服將命周欵先入
及門遇疾而死冶廬辭卿
九月甲午晉侯秦伯圍鄭
以其無禮於晉且貳於楚

春秋左傳卷七

三子爾忍堂

也晉軍函陵秦軍汜南佚
之狐言於鄭伯曰國危矣
若使燭之武見秦君師必
退公從之辭曰臣之壯也
猶不如人今老矣無能爲
也已公曰吾不能早用子

今急而求子是寡人之過
也雖然鄭亡子亦有不利焉
許之夜縋而出見秦伯曰
秦晉圍鄭鄭旣知亡矣若
亡鄭而有益於君敢以煩
執事越國以鄙遠君知其

春秋左傳卷七

三子爾忍堂

難也焉用亡鄭以陪鄰鄰
之厚君之薄也若舍鄭以
爲東道主行李之往來共
其乏困君亦無所害且君
嘗爲晉君賜矣許君焦瑕
朝濟而夕設版焉君之所

知也夫晉何厭之有既東
封鄭又欲肆其西封若不闕
秦焉取之闕秦以利晉唯
君圖之秦伯說與鄭人盟
使杞子逢孫揚孫戍之乃
還子犯請擊之公曰不可

孟子卷七

圭函忍堂

微夫人之力不及此因人
之力而敝之不仁失其所
與不知以亂易整不武吾
其還也亦去之初鄭公子
蘭出奔晉從於晉侯伐鄭
請無與圍鄭許之使待命

春秋左傳卷七

圭函忍堂

于東鄭石甲父侯宣多逆
以爲大子以求成于晉晉
人許之冬王使周公閱來
聘饗有昌歆白黑形鹽辭
曰國君文足昭也武可畏
也則有備物之饗以象其
德薦五味羞嘉穀鹽虎形
以獻其功吾何以堪之東
門襄仲將聘于周遂初聘
于晉
經卅有一年春取濟西田
公子遂如晉夏四月四卜

郊不從乃免牲猶三望秋
七月冬杞伯姬來求婦狄
圍衛十有二月衛遷于帝
丘

傳卅一年春取濟西田分
曹地也使臧文仲往宿於

春秋左傳卷七

韋南忠堂

重館重館人告曰晉新得
諸侯必親其共不速行將
無及也從之分曹地自洮
以南東傳于濟盡曹地也
襄仲如晉拜曹田也夏四
月四卜郊不從乃免牲非

禮也猶三望亦非禮也禮
不卜常祀而卜其牲日牛
卜日曰牲牲成而卜郊上
怠慢也望郊之細也不郊
亦無望可也秋晉蒐于清
原作五軍以禦狄趙衰爲

春秋左傳卷七

韋南忠堂

卿冬狄圍衛衛遷于帝丘
卜曰三百年衛成公夢康
叔曰相奪予享公命祀相
甯武子不可曰鬼神非其
族類不歆其祀杞鄆何事
相之不享於此久矣非衛

之罪也不可以間成王周公之命祀請改祀命鄭洩駕惡公子瑕鄭伯亦惡之故公子瑕出奔楚

經卅有二年春王正月夏四月己丑鄭伯捷卒衛人

春秋左傳卷七

王孟頫忍堂

侵狄秋衛人及狄盟冬十有二月己卯晉侯重耳卒傳卅二年春楚鬬章請平于晉晉陽處父報之晉楚始通夏狄有亂衛人侵狄狄請平焉秋衛人及狄

盟冬晉文公卒庚辰將殯于曲沃出絳柩有聲如牛卜偃使大夫拜曰君命大事將有西師過軼我擊之必大捷焉杞子自鄭使告于秦曰鄭人使我掌其北

春秋左傳卷七

王孟頫忍堂

門之管若潛師以來國可得也穆公訪諸蹇叔蹇叔曰勞師以襲遠非所聞也師勞力竭遠主備之無乃不可乎師知所爲鄭必知之勤而無所必有恃心且

行千里其誰不知公辭焉
召孟明西乞白乙使出師
於東門之外蹇叔哭之曰
孟乎吾見師之出而不見
其入也公使謂之曰爾何
知中壽爾墓之木拱矣蹇

春秋左傳卷七

圭師忍堂

叔之子與師哭而送之曰
晉人禦師必於殽殽有二
陵焉其南陵夏后皋之墓
也其北陵文王之所辟風
雨也必死是間余收爾骨
焉秦師遂東

經卅有三年春王二月秦
人入滑齊侯使國歸父來
聘夏四月辛巳晉人及姜
戎敗秦師于殽癸巳葬晉
文公狄侵齊公伐邾取訾
婁秋公子遂帥師伐邾晉

春秋左傳卷七

圭師忍堂

人敗狄于箕冬十月公如
齊十有二月公至自齊乙
巳公薨于小寢隕霜不殺
草李梅實晉人陳人鄭人
伐許
傳卅三年春秦師過周北

門左右免胄而下超乘者
三百乘王孫滿尚幼觀之
言於王曰秦師輕而無禮
必敗輕則寡謀無禮則脫
入險而脫又不能謀能無
敗乎及滑鄭商人弦高將

春秋左傳卷七

孟西忍堂

市於周遇之以乘韋先牛
十二犒師曰寡君聞吾子
將步師出於敝邑敢犒從
者不腆敝邑爲從者之淹
居則具一日之積行則備
一夕之衛且使遽告于鄭

鄭穆公使視客館則束載
厲兵秣馬矣使皇武子辭
焉曰吾子淹久於敝邑唯
是脯資餼牽竭矣爲吾子
之將行也鄭之有原圃猶
秦之有具囿也吾子取其

春秋左傳卷七

早西忍堂

麋鹿以間敝邑若何杞子
奔齊逢孫揚孫奔宋孟明
曰鄭有備矣不可冀也攻
之不克圍之不繼吾其還
也滅滑而還齊國莊子來
聘自郊勞至于贈賄禮成

而加之以敏臧文仲言於公曰國子爲政齊猶有禮君其朝焉臣聞之服於有禮社稷之衛也晉原軫曰秦違蹇叔而以貪勤臣天奉我也奉不可失敵不可

春秋左傳卷七

聖祖忍堂

縱縱敵患生違天不祥必伐秦師欒枝曰未報秦施而伐其師其爲死君乎先軫曰秦不哀吾喪而伐吾同姓秦則無禮何施之爲吾聞之一日縱敵數世之

患也謀及子孫可謂死君乎遂發命遽興姜戎子墨衰經梁弘御戎萊駒爲右夏四月辛巳敗秦師于殽獲百里孟明視西乞術白乙丙以歸遂墨以葬文公

春秋左傳卷七

聖祖忍堂

晉於是始墨文嬴請三帥曰彼實搆吾二君寡君若得而食之不厭君何辱討焉使歸就戮于秦以逞寡君之志若何公許之先軫朝問秦囚公曰夫人請之

吾舍之矣先軫怒曰武夫力而拘諸原婦人暫而免諸國墮軍實而長寇讎亡無日矣不顧而唾公使陽處父追之及諸河則在舟中矣釋左驂以公命贈孟

春秋左傳卷七

望西廂忍堂

明孟明稽首曰君之惠不以累臣釁鼓使歸就戮于秦寡君之以爲戮死且不朽若從君惠而免之三年將拜君賜秦伯素服郊次鄉師而哭曰孤違蹇叔以

辱二三子孤之罪也不替孟明孤之過也大夫何罪且吾不以一眚掩大德狄侵齊因晉喪也公伐邾取訾婁以報升陘之役邾人不設備秋襄仲復伐邾狄

春秋左傳卷七

望西廂忍堂

伐晉及箕八月戊子晉侯敗狄于箕卻缺獲白狄子先軫曰匹夫逞志於君而無討敢不自討乎免胄入狄師死焉狄人歸其元面如生初臼季使過冀見冀

缺耨其妻饁之敬相待如
賓與之歸言諸文公曰敬
德之聚也能敬必有德德
以治己君請用之臣聞之
出門如賓承事如祭仁之
則也公曰其父有罪可乎

春秋左傳卷七

聖祖忍堂

對曰舜之罪也殛鯀其舉
也興禹管敬仲桓之賊也
實相以濟康誥曰父不慈
子不祗兄不友弟不共不
相及也詩曰采芣采芣無
以下體君取節焉可也文

公以爲下軍大夫反自箕
襄公以三命命先且居將
中軍以再命命先茅之縣
賞胥臣曰舉卻缺爲卿復
也以一命命卻缺爲卿復
與之異亦未有軍行冬公

春秋左傳卷七

聖祖忍堂

如齊朝且弔有狄師也反
薨于小寢即安也晉陳鄭
伐許討其貳於楚也楚令
尹子上侵陳蔡陳蔡成遂
伐鄭將納公子瑕門于桔
枳之門瑕覆于周氏之汪

外僕髡屯禽之以獻文夫
人斂而葬之鄆城之下晉
陽處父侵蔡楚子上救之
與晉師夾泚而軍陽子患
之使謂子上曰吾聞之文
不犯順武不違敵子若欲

春秋左傳卷七

聖王爾忍堂

戰則吾退舍子濟而陳遲
速唯命不然紓我老師費
財亦無益也乃駕以待子
上欲涉大孫伯曰不可晉
人無信半涉而薄我悔敗
何及不如紓之乃退舍陽

子宣言曰楚師遁矣遂歸
楚師亦歸大子商臣譖子
上曰受晉賂而辟之楚之
恥也罪莫大焉王殺子上
葬僖公緩作主非禮也凡
君薨卒哭而祔祔而作主

春秋左傳卷七

聖王爾忍堂

特祀於主烝嘗禘於廟

春秋卷第七

春秋經傳集解文上第

杜氏 盡十年

經元年春王正月公即位
二月癸亥日有食之天王
使叔服來會葬夏四月丁

春秋左傳卷八

一而忍堂

巳葬我君僖公天王使毛
伯來錫公命晉侯伐衛叔
孫得臣如京師衛人伐晉
秋公孫教會晉侯于戚冬
十月丁未楚世子商臣弑
其君頤公孫敖如齊

傳元年春王使內史叔服
來會葬公孫敖聞其能相
人也見其二子焉叔服曰
穀也食子難也收子穀也
豐下必有後於魯國於是
閏三月非禮也先王之正

春秋左傳卷八

二而忍堂

時也履端於始舉正於中
歸餘於終履端於始序則
不愆舉正於中已則不惑
歸餘於終事則不悖夏四
月丁巳葬僖公王使毛伯
衛來賜公命叔孫得臣如

周拜晉文公之季年諸侯
朝晉衛成公不朝使孔達
侵鄭伐縣訾及匡晉襄公
既祥使告于諸侯而伐衛
及南陽先且居曰效尤禍
也請君朝王臣從師晉侯

春秋左傳卷八

王昭忍堂

朝王于溫先且居胥臣伐
衛五月辛酉朔晉師圍戚
六月戊戌取之獲孫昭子
衛人使告于陳陳共公曰
更伐之我辭之衛孔達帥
師伐晉君子以爲古古者

春秋左傳卷八

四昭忍堂

越國而謀秋晉侯疆戚田
故公孫敖會之初楚子將
以商臣爲太子訪諸令尹
子上子上曰君之齒未也
而又多愛黜乃亂也楚國
之舉恒在少者且是人也

逢蠅目而豺聲忍人也不可
立也弗聽既又欲立王子
職而黜太子商臣商臣聞
之而未察告其師潘崇曰
若之何而察之潘崇曰享
江芊而勿敬也從之江芊

怒曰呼役夫宜君王之欲
殺女而立職也告潘崇曰
信矣潘崇曰能事諸乎曰
不能能行乎曰不能能行
大事乎曰能冬十月以
宮甲圍成王王請食熊蹯

春秋左傳卷八

五陋忍堂

而死弗聽丁未王縊諡之
曰靈不瞑曰成乃瞑穆王
立以其爲太子之室與潘
崇使爲大師且掌環列之
尹穆伯如齊始聘焉禮也
凡君即位卿出並聘踐脩

舊好要結外援好事鄰國
以衛社稷忠信卑讓之道
也忠德之正也信德之固
也卑讓德之基也殺之役
晉人旣歸秦帥秦大夫及
左右皆言於秦伯曰是敗

春秋左傳卷八

六陋忍堂

也孟明之罪也必殺之秦
伯曰是孤之罪也周芮良
夫之詩曰大風有隧貪人
敗類聽言則對誚言如醉
匪用其良覆俾我悖是貪
故也孤之謂矣孤實貪以

禍夫子夫子何罪復使爲政
經二年春王二月甲子晉
侯及秦師戰于彭衙秦師
敗績丁丑作僖公主三月
乙巳及晉虒父盟夏六
月公孫教會宋公陳侯鄭

春秋左傳卷八

七
西
忍
堂

伯晉士穀盟于垂隴自十
有二月不雨至于秋七月
八月丁卯大事于大廟躋
僖公冬晉人宋人陳人鄭
人伐秦公子遂如齊納幣
傳二年春秦孟明視帥師

伐晉以報殽之役二月晉
侯禦之先且居將中軍趙
衰佐之王官無地御戎狐
鞠居爲右甲子及秦師戰
于彭衙秦師敗績晉人謂
秦拜賜之師戰於殽也晉

春秋左傳卷八

八
西
忍
堂

梁弘御戎萊駒爲右戰之
明日晉襄公縛秦囚使萊
駒以戈斬之囚呼萊駒失
戈狼曠取戈以斬囚禽之
以從公乘遂以爲右箕之
役先軫黜之而立續簡伯

狼蹕怒其友曰盍死之蹕
曰吾未獲死所其友曰吾
與女爲難蹕曰周志有之
勇則害上不登於明堂死
而不義非勇也共用之謂
勇吾以勇求右無勇而黜

春秋左傳卷八

九 耐忍堂

亦其所也謂上不我知黜
而宜乃知我矣子姑待之
及彭衙旣陳以其屬馳秦
師死焉晉師從之大敗秦
師君子謂狼蹕於是乎君
子詩曰君子如怒亂庶遄

沮又曰王赫斯怒爰整其
旅怒不作亂而以從師可
謂君子矣秦伯猶用孟明
孟明增脩國政重施於民
趙城子言於諸大夫曰秦
師又至將必辟之懼而增

春秋左傳卷八

十 耐忍堂

德不可當也詩曰毋念爾
祖聿脩厥德孟明念之矣
念德不怠其可敵乎丁丑
作僖公主書不時也晉人
以公不朝來討公如晉夏
四月己巳晉人使陽處父

盟公以恥之書曰及晉處
父盟以厭之也適晉不書
諱之也公未至六月穆伯
會諸侯及晉司空士穀盟
于垂隴晉討衛故也書士
穀堪其事也陳侯爲衛請

春秋左傳卷八

士爾忍堂

成于晉執孔達以說秋八
月丁卯大事于大廟躋僖
公逆祀也於是夏父弗忌
爲宗伯尊僖公且明見曰
吾見新鬼大故鬼小先大
後小順也躋聖賢明也明

順禮也君子以爲失禮禮
無不順祀國之大事也而
逆之可謂禮乎子雖齊聖
不先父食久矣故禹不先
鯀湯不先契文武不先不
密宋祖帝乙鄭祖厲王猶

春秋左傳卷八

士爾忍堂

上祖也是以魯頌曰春秋
匪解享祀不忒皇皇后帝
皇祖后稷君子曰禮謂其
后稷親而先帝也詩曰問
我諸姑遂及伯姊君子曰
禮謂其姊親而先姑也仲

尼曰臧文仲其不仁者三
不知者三下展禽廢六關
妾織蒲三不仁也作虛器
縱逆祀祀爰居三不知也
冬晉先且居宋公子成陳
轅選鄭公子歸生伐秦取

春秋左傳卷八

圭百忍堂

汪及彭衙而還以報彭衙
之役卿不書爲穆公故尊
秦也謂之崇德襄仲如齊
納幣禮也凡君即位好舅
甥脩昏姻娶元妃以奉粢
盛孝也孝禮之始也

經三年春王正月叔孫得
臣會晉人宋人陳人衛人
鄭人伐沈沈潰夏五月王
子虎卒秦人伐晉秋楚人
圍江雨螽于宋冬公如晉
十有二月己巳公及晉侯

春秋左傳卷八

十四百忍堂

盟晉陽處父帥師伐楚以
救江
傳三年春莊叔會諸侯之
師伐沈以其服於楚也沈
潰凡已逃其上曰潰在上
曰逃衛侯如陳拜晉成也

夏四月乙亥王叔文公卒
來赴弔如同盟禮也秦伯
伐晉濟河焚舟取王官及
郊晉人不出遂自茅津濟
封殽尸而還遂霸西戎用
孟明也君子是以知秦穆

春秋左傳卷八

十五
顧忍堂

之爲君也舉人之周也與人
之壹也孟明之臣也其不
解也能懼思也子桑之忠
也其知人也能舉善也詩
曰予以采芣繫于沼于汙于
以用之公侯之事秦穆有

焉夙夜匪解以事一人孟
明有焉詒厥孫謀以燕翼
子子桑有焉秋雨蝨于宋
隊而死也楚師圍江晉先
僕伐楚以救江冬晉以江
故告于周王叔桓公晉陽

春秋左傳卷八

十六
顧忍堂

處父伐楚以救江門于方
城遇息公子朱而還晉人
懼其無禮於公也請改盟
公如晉及晉侯盟晉侯饗
公賦菁菁者莪莊叔以公
降拜曰小國受命於大國

敢不愼儀君貺之以大禮
何樂如之抑小國之樂大
國之惠也晉侯降辭登成
拜公賦嘉樂

經四年春公至自晉夏逆
婦姜于齊狄侵齊秋楚人

春秋左傳卷八

十七 顧忍堂

滅江晉侯伐秦衛侯使甯
俞來聘冬十有一月壬寅
夫人風氏薨

傳四年春晉人歸孔達于
衛以爲衛之良也故免之
夏衛侯如晉拜曹伯如晉

會正逆婦姜于齊卿不行
非禮也君子是以知出姜
之不允於魯也曰貴聘而
賤逆之君而卑之立而廢
之弃信而壞其主在國必
亂在家必亡不允宜哉詩

春秋左傳卷八

十六 顧忍堂

曰畏天之威于時保之敬
主之謂也秋晉侯伐秦圍
邠新城以報王官之役楚
人滅江秦伯爲之降服出
次不舉過數大夫諫公曰
同盟滅雖不能救敢不矜

乎吾自懼也君子曰詩云
惟彼二國其政不獲惟此
四國爰究爰度其秦穆之
謂矣衛甯武子來聘公與
之宴爲賦湛露及彤弓不
辭又不荅賦使行人私焉

春秋左傳卷八

十九
屈忍堂

對曰臣以爲肄業及之也
昔諸侯朝正於王王宴樂
之於是乎賦湛露則天子
當陽諸侯用命也諸侯敵
王所愾而獻其功王於是
乎賜之彤弓一彤矢百玆

十玆
弓矢千以覺報宴今陪臣
來繼舊好君辱貺之其敢
干大禮以自取戾冬成風
薨

經五年春王正月王使榮
叔歸含且賄三月辛亥葬

春秋左傳卷八

二十
屈忍堂

我小君成風王使召伯來
會葬夏公孫敖如晉秦人
入都秋楚人滅六冬十月
甲申許男業卒

傳五年春王使榮叔來含
且賄召昭公來會葬禮也

初郤叛楚即秦又貳於楚
夏秦人入郤六人叛楚即
東夷秋楚成大心仲歸帥
師滅六冬楚公子變滅蓼
臧文仲聞六與蓼滅曰皐
陶庭堅不祀忽諸德之不

春秋左傳卷八

王爾忍堂

建巳之無援哀哉晉陽處
父聘于衛反過甯甯嬴從
之及溫而還其妻問之嬴
曰以剛商書曰沈漸剛克
高明柔克夫子壹之其不
沒乎天爲剛德猶不干時

況在人乎且華而不實怨
之所聚也犯而聚怨不可
以定身余懼不獲其利而
離其難是以去之晉趙成
子欒貞子霍伯曰季皆卒
經六年春葬許僖公夏季

春秋左傳卷八

王爾忍堂

孫行父如陳秋季孫行父
如晉八月乙亥晉侯驩卒
冬十月公子遂如晉葬晉
襄公晉殺其大夫陽處父
晉狐射姑出奔狄閏月不
告月猶朝于廟

傳六年春晉蒐于夷舍二軍使狐射姑將中軍趙盾佐之陽處父至自溫改蒐于董易中軍陽子成季之屬也故黨於趙氏且謂趙盾能曰使能國之利也是

春秋左傳卷八

三石齋忍堂

以上之宣子於是乎始爲國政制事典正法罪辟獄刑董逋逃由質要治舊洿本秩禮續常職出滯淹旣成以授大傅陽子與大師賈佗使行諸晉國以爲常

法臧文仲以陳衛之睦也欲求好於陳夏季文子聘于陳且娶焉秦伯任好卒以子車氏之三子奄息仲行鍼虎爲殉皆秦之良也國人哀之爲之賦黃鳥君

春秋左傳卷八

三石齋忍堂

子曰秦穆之不爲盟主也宜哉死而弃已先王違世猶詒之法而況奪之善人乎詩曰人之云亡邦國殄瘁無善人之謂若之何奪之古之王者知命之不長

是以並建聖哲樹之風聲
分之采物著之話言爲之
律度陳之藝極引之表儀
予之法制告之訓典教之
防利委之常秩道之以禮
則使毋失其土宜衆隸賴

春秋左傳卷八

孟西忍堂

之而後即命聖王同之今
縱無法以遺後嗣而又收
其良以死難以在上矣君
子是以知秦之不復東征
也秋季文子將聘於晉使
求遭喪之禮以行其人曰

將焉用之文子曰備豫不
虞古之善教也求而無之
實難過求何害八月乙亥
晉襄公卒靈公少晉人以
難故欲立長君趙孟曰立
公子雍好善而長先君愛

春秋左傳卷八

孟西忍堂

之且近於秦秦舊好也置
善則固事長則順立愛則
孝結舊則安爲難故故欲立
長君有此四德者難必抒
矣賈季曰不如立公子樂
辰羸嬖於二君立其子已

必安之趙孟曰辰嬴賤班
在九人其子何震之有且
爲二嬖淫也爲先君子不
能求大而出在小國辟也
母淫子辟無威陳小而遠
無援將何安焉杜祁以君

春秋左傳卷八

王昭忍堂

故讓偏姑而上之以狄故
讓季隗而已次之故班在
四先君是以愛其子而仕
諸秦爲亞卿焉秦大而近
足以爲援母義子愛足以
威已立之不亦可乎使先

蔑士會如秦逆公子雍賈
季亦使召公子樂于陳趙
孟使殺諸郕賈季怨陽子
之易其班也而知其無援
於晉也九月賈季使續鞫
居殺陽處父書曰晉殺其

春秋左傳卷八

王昭忍堂

大夫侵官也冬十月襄仲
如晉葬襄公十一月丙寅
晉殺續簡伯賈季奔狄宣
子使史駢送其帑夷之蒐
賈季戮史駢史駢之人欲
盡殺賈氏以報焉史駢曰

不可吾聞前志有之曰敵惠敵怨不在後嗣忠之道也夫子禮於賈季我以其寵報私怨無乃不可乎介人之寵非勇也損怨益仇非知也以私害公非忠也

春秋左傳卷八

无繇思堂

釋此三者何以事子盡具其帑與其器用財賄親帥扞之送致諸竟閏月不告朔非禮也閏以正時時以作事事以厚生生民之道於是乎在矣不告閏朔

弃時政也何以爲臣經七年春公伐邾三月甲戌取須句遂城郕夏四月宋公王臣卒宋人殺其大夫戊子晉人及秦人戰于令狐晉先蔑奔秦狄侵我

春秋左傳卷八

三子思堂

西鄙秋八月公會諸侯晉大夫盟于扈冬徐伐莒公孫敖如莒泣盟

傳七年春公伐邾閏晉難也三月甲戌取須句寘文公子焉非禮也夏四月宋

成公卒於是公子成爲右師公孫友爲左師樂豫爲司馬鱗矐爲司徒公子蕩爲司城華御事爲司寇昭公將去羣公子樂豫曰不可公族公室之枝葉也若

春秋左傳卷八

三石齋忍堂

去之則本根無所庇蔭矣葛藟猶能庇其本根故君子以爲比況國君乎此諺所謂庇焉而縱尋斧焉者也必不可君其圖之親之以德皆股肱也誰敢攜貳

若之何去之不聽穆襄之族率國人以攻公殺公孫固公孫鄭于公宮六卿和公室樂豫舍司馬以讓公子卬昭公即位而葬書曰宋人殺其大夫不稱名衆

春秋左傳卷八

三石齋忍堂

也且言非其罪也秦康公送公子雍于晉曰文公之入也無衛故有呂卻之難乃多與之徒衛穆嬴日抱大子以啼于朝曰先君何罪其嗣亦何罪舍適嗣不

立而外求君將焉寔此出朝則抱以適趙氏頓首於宣子曰先君奉此子也而屬諸子曰此子也才吾受子之賜不才吾唯子之怨今君雖終言猶在耳而弃

春秋左傳卷八

韋爾忍堂

之若何宣子與諸大夫皆患穆嬴且畏偪乃背先蔑而立靈公以禦秦師箕鄭居守趙盾將中軍先克佐之荀林父佐上軍先蔑將下軍先都佐之步招御戎

戎津爲古及堇陰宣子曰我若受秦秦則寔也不受寇也既不受矣而復緩師秦將生心先人有奪人之心軍之善謀也逐寇如追逃軍之善政也訓卒利兵秣

春秋左傳卷八

韋爾忍堂

馬蓐食潛師夜起戊子敗秦師于令狐至于刳首己丑先蔑奔秦士會從之先蔑之使也荀林父止之曰夫人大子猶在而外求君此必不行子以疾辭若何

不然將及攝卿以往可也
何必子同官爲寮吾嘗同
寮敢不盡心乎弗聽爲賦
板之三章又弗聽及亡荀
伯盡送其帑及其器用財
賄於秦曰爲同寮故也士

春秋左傳卷八

孟子忍堂

會在秦三年不見士伯其
人曰能亡人於國不能見
於此焉用之士季曰吾
與之同罪非義之也將何
見焉及歸遂不見狄侵我
西鄙公使告于晉趙宣子

使因賈季問酆舒且讓之
酆舒問於賈季曰趙衰趙
盾孰賢對曰趙衰冬日之
日也趙盾夏日之日也秋
八月齊侯宋公衛侯陳侯
鄭伯許男曹伯會晉趙盾

春秋左傳卷八

孟子忍堂

盟于扈晉侯立故也公後
至故不書所會凡會諸侯
不書所會後也後至不書
其國辟不敏也穆伯娶于
莒曰戴己生文伯其娣聲
己生惠叔戴己卒又聘于

莒莒人以聲已辭則爲襄
仲聘焉冬徐伐莒莒人來
請盟穆伯如莒涖盟且爲
仲逆及鄆陵登城見之美
自爲娶之仲請攻之公將
許之叔仲惠伯諫曰臣聞

春秋左傳卷八

三毛爾忍堂

之兵作於內爲亂於外爲
寇寇猶及人亂自及也今
臣作亂而君不禁以啓寇
讎若之何公止之惠伯成
之使仲舍之公孫敖反之
復爲兄弟如初從之晉郤

缺言於趙宣子曰日衛不
睦故取其地今已睦矣可
以歸之叛而不討何以示
威服而不柔何以示懷非
威非懷何以示德無德何
以主盟子爲正卿以主諸

春秋左傳卷八

三毛爾忍堂

侯而不務德將若之何夏
書曰戒之用休董之用威
勸之以九歌勿使壞九功
之德皆可歌也謂之九歌
六府三事謂之九功水火
金木土穀謂之六府正德

利用厚生謂之三事義而行之謂之德禮無禮不樂所由叛也若吾子之德莫可歌也其誰來之盍使睦者歌吾子乎宣子說之

經八年春王正月夏四月

春秋左傳卷八

平爾忍堂

秋八月戊申天王崩冬十月壬午公子遂會晉趙盾盟于衡雍乙酉公子遂會雒戎盟于暴公孫敖如京師不至而復丙戌奔莒冬宋人殺其大夫司馬宋司

城來奔

傳八年春晉侯使解揚歸匡戚之田于衛且復致公壻池之封自申至于虎牢之竟夏秦人伐晉取武城以報令狐之役秋襄王崩

春秋左傳卷八

平爾忍堂

晉人以扈之盟來討冬襄仲會晉趙孟盟于衡雍報扈之盟也遂會伊雒之戎書曰公子遂珍之也穆伯如周弔喪不至以幣奔莒從己氏焉宋襄夫人襄王

之姊也昭公不禮焉夫人
因戴氏之族以殺襄公之
孫孔叔公孫鍾離及大司
馬公子叩皆昭公之黨也
司馬握節以死故書以官
司城蕩意諸來奔效節於

春秋左傳卷八

聖王廟忍堂

府人而出公以其官逆之
皆復之亦書以官皆貴之
也夷之蒐晉侯將登箕鄭
父先都而使士穀梁益耳
將中軍先克曰狐趙之勲
不可廢也從之先克奪蒯

得田于堇陰故箕鄭父先
都士穀梁益耳蒯得作亂
經九年春毛伯來求金夫
人姜氏如齊二月叔孫得
臣如京師辛丑葬襄王晉
人殺其大夫先都三月夫

春秋左傳卷八

聖王廟忍堂

人姜氏至自齊晉人殺其
大夫士穀及箕鄭父楚人
伐鄭公子遂會晉人宋人
衛人許人救鄭夏狄侵齊
秋八月曹伯襄卒九月癸
酉地震冬楚子使椒來聘

秦人來歸僖公成風之隧

范曹曰共公

傳九年春王正月己酉使賊殺先克乙丑晉人殺先都梁益耳毛伯衛來求金非禮也不書王命未葬也

春秋左傳卷八

四三 陋忍堂

二月莊叔如周葬襄王三月甲戌晉人殺箕鄭父士穀蒯得范山言於楚子曰晉君少不在諸侯北方可圖也楚子師于狼臯以伐鄭囚公子堅公子尤及樂

春秋左傳卷八

四四 陋忍堂

耳鄭及楚平公子遂會晉趙盾宋華耦衛孔達許大夫救鄭不及楚師卿不書緩也以懲不恪夏楚侵陳克壺丘以其服於晉也秋楚公子朱自東夷伐陳陳人敗之獲公子蔑陳懼乃及楚平冬楚子越椒來聘執幣傲叔仲惠伯曰是必滅若敖氏之宗傲其先君神弗福也秦人來歸僖公成風之隧禮也諸侯相

弔賀也雖不當事苟有禮焉書也以無忘舊好

經十年春王三月辛卯臧孫辰卒夏秦伐晉楚殺其大夫宜申自正月不雨至于秋七月及蘇子盟于女

春秋左傳卷八

四十五 昭忍堂

栗冬狄侵宋楚子蔡侯次于厥貉

傳十年春晉人伐秦取少梁夏秦伯伐晉取北徵初楚范巫裔似謂成王與子玉子西曰三君皆將強死

城濮之役王思之故使止子玉曰毋死不及止子西子西縊而縣絕王使適至遂止之使爲商公汭漢沂江將入郢王在渚宮下見之懼而辭曰臣免於死又

春秋左傳卷八

四十六 昭忍堂

有讒言謂臣將逃臣歸死於司敗也王使爲工尹又與子家謀弑穆王穆王聞之五月殺鬬宜申及仲歸秋七月及蘇子盟于女栗頃王立故也陳侯鄭伯會楚

子于息冬遂及蔡侯次于
厥貉將以伐宋宋華御事
曰楚欲弱我也先爲之弱
乎何必使誘我我實不能
臣何罪乃逆楚子勞且聽
命遂道以田孟諸宋公爲

春秋左傳卷八

哭顏忍堂

右孟鄭伯爲左孟期思公
復遂爲右司馬子朱及文
之無畏爲左司馬命夙駕
載燧宋公違命無畏扶其
僕以徇或謂子舟曰國君
不可戮也子舟曰當官而

行何彊之有詩曰剛亦不
吐柔亦不茹毋從詭隨以
謹罔極是亦非辟彊也敢
愛死以亂官乎厥貉之會
麋子逃歸

春秋左傳卷八

哭顏忍堂

春秋卷第八

春秋經傳集解文下第九

杜氏 盡十八年

經十有一年春楚子伐麇
夏叔彭生會晉卻缺于承
匡秋曹伯來朝公子遂如

春秋左傳卷九

一 百忍堂

宋狄侵齊冬十月甲午叔

孫得臣敗狄于鹹

傳十一年春楚子伐麇成

大心敗麇師於防渚潘崇

復伐麇至于錫穴夏叔仲

惠伯會晉卻缺于承匡謀

諸侯之從於楚者秋曹文
公來朝即位而來見也襄
仲聘于宋且言司城蕩意
諸而復之因賀楚師之不
害也鄭瞞侵齊遂伐我公
卜使叔孫得臣追之吉侯

春秋左傳卷九

二 百忍堂

叔夏御莊叔繇房甥爲右

富父終甥駟乘冬十月甲

午敗狄于鹹獲長狄僑如

富父終甥搯其喉以戈殺

之埋其首於子駒之門以

命宣伯初宋武公之世鄭

瞞伐宋司徒皇父帥師禦
之彤班御皇父充石公子
穀甥爲右司寇牛父駟乘
以敗狄于長丘獲長狄緣
斯皇父之二子死焉宋公
於是以前賞彤班使食其

春秋左傳卷九

春秋左傳卷九

征謂之彤門晉之滅潞也
獲僑如之弟焚如齊襄公
之二年鄭瞞伐齊齊王子
成父獲其弟榮如埋其首
於周首之北門衛人獲其
季弟簡如鄭瞞由是遂亡

邲太子朱儒自安於夫鍾
國人弗徇

經十有二年春王正月邲
伯來奔杞伯來朝二月庚
子子叔姬卒夏楚人圍巢
秋滕子來朝秦伯使術來

春秋左傳卷九

四百里忍堂

聘冬十有二月戊午晉人
秦人戰于河曲季孫行父
帥師城諸及鄆

傳十二年春邲伯卒邲人
立君太子以夫鍾與邲邲
來奔公以諸侯逆之非禮

也故書曰郕伯來奔不書地尊諸侯也杞桓公來朝始朝公也且請絕叔姬而無絕昏公許之二月叔姬卒不言杞絕也書叔姬言非女也楚令尹大孫伯卒

春秋左傳卷九

五陋忍堂

成嘉爲令尹羣舒叛楚夏子孔執舒子平及宗子遂圍巢秋滕昭公來朝亦始朝公也秦伯使西乞術來聘且言將伐晉襄仲辭玉曰君不忘先君之好照臨

魯國鎮撫其社稷重之以大器寡君敢辭玉對曰不腆敝器不足辭也主人三辭賓荅曰寡君願徼福于周公魯公以事君不腆先君之敝器使下臣致諸執

春秋左傳卷九

六陋忍堂

事以爲瑞節要結好命所以藉寡君之命結二國之好是以敢致之襄仲曰不有君子其能國乎國無陋矣厚賄之秦爲令狐之役故冬秦伯伐晉取羈馬晉

人禦之趙盾將中軍荀林父佐之卻缺將上軍史駢佐之欒盾將下軍胥甲佐之范無恤御戎以從秦師于河曲史駢曰秦不能久請深壘固軍以待之從之

春秋左傳卷九

七
百
忍
堂

秦人欲戰秦伯謂士會曰若何而戰對曰趙氏新出其屬曰史駢必實爲此謀將以老我師也趙有側室曰穿晉君之壻也有寵而弱不在軍事好勇而狂且

惡史駢之佐上軍也若使輕者肆焉其可秦伯以璧祈戰于河十二月戊午秦軍掩晉上軍趙穿追之不及反怒曰裒糧坐甲固敵是求敵至不擊將何俟焉軍

春秋左傳卷九

八
百
忍
堂

吏曰將有待也穿曰我不知謀將獨出乃以其屬出宣子曰秦獲穿也獲一卿矣秦以勝歸我何以報乃皆出戰交綏秦行人夜戒晉師曰兩君之士皆未愁

也明日請相見也史駢曰使者目動而言肆懼我也將遁矣薄諸河必敗之胥甲趙穿當軍門呼曰死傷未收而弃之不惠也不待期而薄人於險無勇也乃止

春秋左傳卷九

九
爾忍堂

秦師夜遁復侵晉入瑕城諸及鄆書時也

經十有三年春王正月夏五月壬午陳侯朔卒邾子遽除卒自正月不雨至于秋七月大室屋壞冬公如

晉衛侯會公于沓狄侵衛十有二月己丑公及晉侯盟公還自晉鄭伯會公于棐傳十三年春晉侯使詹嘉處瑕以守桃林之塞晉人患秦之用士會也夏六卿

春秋左傳卷九

十
爾忍堂

相見於諸浮趙宣子曰隨會在秦賈季在狄難日至矣若之何中行桓子曰請復賈季能外事且由舊勳郤成子曰賈季亂且罪大不如隨會能賤而有恥柔

而不犯其知足使也且無罪乃使魏壽餘僞以魏叛者以誘士會執其帑於晉使夜逸請自歸于秦秦伯許之復士會之足於朝秦伯師于河西魏人在東壽餘

春秋左傳卷九

十一
顧忍堂

曰請東人之能與夫二三有司言者吾與之先使士會士會辭曰晉人虐狼也若背其言臣死妻子爲戮無益於君不可悔也秦伯曰若背其言所不歸爾帑

者有如河乃行繞朝贈之以策曰子無謂秦無人吾謀適不用也旣濟魏人譟而還秦人歸其帑其處者爲劉氏邾文公卜遷于繹史曰利於己而不利於君

春秋左傳卷九

十一
顧忍堂

邾子曰苟利於己孤之利也天生己而樹之君以利之也己旣利矣孤必與焉左右曰命可長也君何弗爲邾子曰命在養己死之短長時也己苟利矣遷也

吉莫如之遂遷于繹五月
邾文公卒君子曰知命秋
七月大室之屋壞書不共
也冬公如晉朝且尋盟衛
侯會公于沓請平于晉公
還鄭伯會公于棐亦請平

春秋左傳卷九

十三 頤忍堂

于晉公皆成之鄭伯與公
宴于棐子家賦鴻鴈季文
子曰寡君未免於此文子
賦四月子家賦載馳之四
章文子賦采芣之四章鄭
伯拜公荅拜

經十有四年春王正月公
至自晉邾人伐我南鄙叔
彭生帥師伐邾夏五月乙
亥齊侯潘卒六月公會宋
公陳侯衛侯鄭伯許男曹
伯晉趙盾癸酉同盟于新

春秋左傳卷九

十四 頤忍堂

城秋七月有星孛入于北
斗公至自會晉人納捷菑
于邾弗克納九月甲申公
孫敖卒于齊齊公子商人
弑其君舍宋子哀來奔冬
單伯如齊齊人執單伯齊

人執子叔姬

傳十四年春頃王崩周公
閱與王孫蘇爭政故不赴
凡崩薨不赴則不書禍福
不告亦不書懲不敬也邾
文公之卒也公使弔焉不

春秋左傳卷九

十五 顧忍堂

敬邾人來討伐我南鄙故
惠伯伐邾子叔姬妃齊昭
公生舍叔姬無寵舍無威
公子商人驟施於國而多
聚士盡其家貸於公有司
以繼之夏五月昭公卒舍

即位邾文公元妃齊姜生
定公二妃晉姬生捷菑文
公卒邾人立定公捷菑奔
晉六月同盟于新城從於
楚者服且謀邾也秋七月
乙卯夜齊商人弑舍而讓

春秋左傳卷九

十六 顧忍堂

元元曰爾求之久矣我能
事爾爾不可使多蓄憾將
免我乎爾爲之有星孛入
于北斗周内史叔服曰不
出七年宋齊晉之君皆將
死亂晉趙盾以諸侯之師

八百乘納捷菑于邾邾人
辭曰齊出獵且長宣子曰
辭順而弗從不祥乃還周
公將與王孫蘇訟于晉王
叛王孫蘇而使尹氏與聃
啓訟周公于晉趙宣子平

春秋左傳卷九

十七 昭忍堂

王室而復之楚莊王立子
孔潘崇將襲羣舒使公子
變與子儀守而伐舒蓼二
子作亂城郢而使賊殺子
孔不克而還八月二子以
楚子出將如商密盧戢黎

及叔麋誘之遂殺鬬克及
公子變初鬬克囚于秦秦
有穀之敗而使歸求成成
而不得志公子變求令尹
而不得故二子作亂穆伯
之從己氏也魯人立文伯

春秋左傳卷九

十六 昭忍堂

穆伯生二子於莒而求復
文伯以爲請襄仲使無朝
聽命復而不出三年而盡
室以復適莒文伯疾而請
曰穀之子弱請立難也許
之文伯卒立惠叔穆伯請

重賂以求復惠叔以爲請
許之將來九月卒于齊告
喪請葬弗許宋高哀爲蕭
封人以爲卿不義宋公而
出遂來奔書曰宋子哀來
奔貴之也齊人定懿公使

春秋左傳卷九

十九 昭忍堂

來告難故書以九月齊公
子元不順懿公之爲政也
終不曰公曰夫己氏襄仲
使告于王請以王寵求昭
姬于齊曰殺其子焉用其
母請受而罪之冬單伯如

齊請子叔姬齊人執之又
執子叔姬

經十有五年春季孫行父
如晉三月宋司馬華孫來
盟夏曹伯來朝齊人歸公
孫敖之喪六月辛丑朔日

春秋左傳卷九

二十 昭忍堂

有食之鼓用牲于社單伯
至自齊晉卻缺帥師伐蔡
戊申入蔡秋齊人侵我西
鄙季孫行父如晉冬十有
二月諸侯盟于扈十有二
月齊人來歸子叔姬齊侯

侵我西鄙遂伐曹入其郛
傳十五年春季文子如晉
爲單伯與子叔姬故也三
月宋華耦來盟其官皆從
之書曰宋司馬華孫貴之
也公與之宴辭曰君之先

春秋左傳卷九

三三 耐忍堂

臣督得罪於宋殤公名在
諸侯之策臣承其祀其敢
辱君請承命於亞旅魯人
以爲敏夏曹伯來朝禮也
諸侯五年再相朝以脩王
命古之制也齊人或爲孟

氏謀曰魯爾親也飾棺寘
諸堂阜魯必取之從之卞
人以告惠叔猶毀以爲請
立於朝以待命許之取而
殯之齊人送之書曰齊人
歸公孫敖之喪爲孟氏且

春秋左傳卷九

三三 耐忍堂

國故也葬視共仲聲己不
視帷堂而哭襄仲欲勿哭
惠伯曰喪親之終也雖不
能始善終可也史佚有言
曰兄弟致美救乏賀善弔
災祭敬喪哀情雖不同

毋

絕其愛親之道也子無失
道何怨於人襄仲說帥兄
弟以哭之他年其二子來
孟獻子愛之聞於國或譖
之曰將殺子獻子以告季
文子二子曰夫子以愛我

春秋左傳卷九

王三石忍堂

聞我以將殺子聞不亦遠
於禮乎遠禮不如死一人
門于句鄆一人門于戾丘
皆死六月辛丑朔日有食
之鼓用牲于社非禮也日
有食之天子不舉伐鼓于

社諸侯用幣于社伐鼓于
朝以昭事神訓民事君示
有等威古之道也齊人許
單伯請而赦之使來致命
書曰單伯至自齊貴之也
新城之盟蔡人不與晉郤

春秋左傳卷九

王三石忍堂

缺以上軍下軍伐蔡曰君
弱不可以怠戊申入蔡以
城下之盟而還凡勝國曰滅
之獲大城焉曰入之秋齊人
侵我西鄙故季文子告于
晉冬十一月晉侯宋公衛

侯蔡侯陳侯鄭伯許男曹伯盟于扈尋新城之盟且謀伐齊也齊人賂晉侯故不克而還於是有齊難是以公不會書曰諸侯盟于扈無能爲故也凡諸侯會

春秋左傳卷九

王肅忍堂

公不與不書諱君惡也與而不書後也齊人來歸子叔姬王故也齊侯侵我西鄙謂諸侯不能也遂伐曹入其郛討其來朝也季文子曰齊侯其不免乎已則

無禮而討於有禮者曰女何故行禮禮以順天天之道也已則反天而又以討人難以免矣詩曰胡不相畏不畏于天君子之不虐幼賤畏于天也在周頌曰

春秋左傳卷九

王肅忍堂

畏天之威于時保之不畏于天將何能保以亂取國奉禮以守猶懼不終多行無禮弗能在矣

經十有六年春季孫行父會齊侯于陽穀齊侯弗及盟

夏五月公四不視朔六月
戊辰公子遂及齊侯盟于
鄆丘秋八月辛未夫人姜
氏薨毀泉臺楚人秦人巴
人滅庸冬十有一月宋人
弑其君杵臼

春秋左傳卷九

三毛爾忍堂

傳十六年春王正月及齊
平公有疾使季文子會齊
侯于陽穀請盟齊侯不肯
曰請俟君間夏五月公四
不視朔疾也公使襄仲納
賂于齊侯故盟于鄆丘有

春秋左傳卷九

三毛爾忍堂

蛇自泉宮出入于國如先
君之數秋八月辛未聲姜
薨毀泉臺楚大饑戎伐其
西南至于阜山師于大林
又伐其東南至于陽丘以
侵訾枝庸人帥羣蠻以叛
楚麋人率百濮聚於選將
伐楚於是申息之北門不
啓楚人謀徙於阪高蔣賈
曰不可我能往寇亦能往
不如伐庸夫麋與百濮謂
我饑不能師故伐我也若

我出師必懼而歸百濮離
居將各走其邑誰暇謀人
乃出師旬有五日百濮乃
罷自廬以往振廩同食次
于句瀝使廬戢黎侵庸及
庸方城庸人逐之囚子揚

春秋左傳卷九

二九 耐忍堂

窓三宿而逸曰庸師衆羣
蠻聚焉不如復大師且起
王卒合而後進師叔曰不
可姑又與之遇以驕之彼
驕我怒而後可克先君蚡
冒所以服陘隰也又與之

遇七遇皆北唯裨條魚人
實逐之庸人曰楚不足與
戰矣遂不設備楚子乘駟
會師于臨品分爲二隊子
越自石溪子貝自仞以伐
庸秦人巴人從楚師羣蠻

春秋左傳卷九

三九 耐忍堂

從楚子盟遂滅庸宋公子
鮑禮於國人宋饑竭其粟
而貸之年自七十以上無
不饋詒也時加羞珍異無
日不數於六卿之門國之
材人無不事也親自桓以

下無不恤也公子鮑美而
豔襄夫人欲通之而不可
乃助之施昭公無道國人
奉公子鮑以因夫人於是
華元爲右師公孫友爲左
師華耦爲司馬鱗矐爲司

春秋左傳卷九

三石齋忍堂

徒蕩意諸爲司城公子朝
爲司寇初司城蕩卒公孫
壽辭司城請使意諸爲之
旣而告人曰君無道吾官
近懼及焉弃官則族無所
庇子身之貳也姑紓死焉

雖亡子猶不亡族旣夫人
將使公田孟子諸而殺之公
知之盡以寶行蕩意諸
曰盍適諸侯公曰不能其
大夫至于君祖母以及國
人諸侯誰納我且旣爲人

春秋左傳卷九

三石齋忍堂

君而又爲人臣不如死盡
以其寶賜左右而使行夫
人使謂司城去公對曰臣
之而逃其難若後君何冬
十一月甲寅宋昭公將田
孟諸未至夫人王姬使帥

甸攻而殺之蕩意諸死之
書曰宋人弑其君杵臼君
無道也文公即位使母弟
須爲司城華耦卒而使蕩
虺爲司馬

經十有七年春晉人衛人

春秋左傳卷九

三石齋忍堂

陳人鄭人伐宋夏四月癸
亥葬我小君聲姜齊侯伐
我西鄙六月癸未公及齊
侯盟于穀諸侯會于扈秋
公至自穀冬公子遂如齊
傳十七年春晉荀林父衛

孔達陳公孫寧鄭石楚伐
宋討曰何故弑君猶立文
公而還卿不書失其所也
夏四月癸亥葬聲姜有齊
難是以緩齊侯伐我北鄙
襄仲請盟六月盟于穀晉

春秋左傳卷九

三石齋忍堂

侯蒐于黃父遂復合諸侯
于扈平宋也公不與會齊
難故也書曰諸侯無功也
於是晉侯不見鄭伯以爲
貳於楚也鄭子家使執訐
而與之書以告趙宣子曰

寡君即位三年召蔡侯而與之事君九月蔡侯入于敝邑以行敝邑以侯宣多之難寡君是以不得與蔡侯偕十一月克滅侯宣多而隨蔡侯以朝于執事十

春秋左傳卷九

三孟頫忍堂

二年六月歸生佐寡君之嫡夷以請陳侯于楚而朝諸君十四年七月寡君又朝以蒧陳事十五年五月陳侯自敝邑往朝于君往年正月燭之武往朝夷也

八月寡君又往朝以陳蔡之密邇於楚而不敢貳焉則敝邑之故也雖敝邑之事君何以不免在位之中一朝于襄而再見于君夷與孤之二三臣相及於絳

春秋左傳卷九

三孟頫忍堂

雖我小國則蔑以過之矣今大國曰爾未逞吾志敝邑有亡無以加焉古人有言曰畏首畏尾身其餘幾又曰鹿死不擇音小國之事大國也德則其人也

德則其鹿也鉦而走險急
何能擇命之罔極亦知亡
矣將悉敝賦以待於條唯
執事命之文公二年六月
壬申朝于齊四年二月壬
戌爲齊侵蔡亦獲成於楚

春秋左傳卷九

三王耐忍堂

居大國之閒而從於強令
豈其罪也大國若弗圖無
所逃命晉鞏朔行成於鄭
趙穿公婿池爲質焉秋周
甘歆敗戎于邲垂乘其飲
酒也冬十月鄭太子夷石

楚爲質于晉襄仲如齊拜
穀之盟復曰臣聞齊人將
食魯之麥以臣觀之將不
能齊君之語偷臧文仲有
言曰臣主偷必死

春秋左傳卷九

三王耐忍堂

丑公薨于臺下秦伯瑩卒
夏五月戊戌齊人弑其君
商人六月癸酉葬我君文
公秋公子遂叔孫得臣如
齊冬十月子卒夫人姜氏
歸于齊季孫行父如齊莒

弑其君庶其

傳十八年春齊侯戒師期而有疾醫曰不及秋將死公聞之卜曰尚無及期惠伯令龜卜楚丘占之曰齊侯不及期非疾也君亦不

春秋左傳卷九

平陽忍堂

聞令龜有咎二月丁丑公薨齊懿公之爲公子也與邴歆之父爭田弗勝及即位乃掘而刖之而使歆僕納閭職之妻而使職驂乘夏五月公游于申池二人

浴于池歆以扑扶職職怒歆曰人奪女妻而不怒一扶女庸何傷職曰與刖其父而弗能病者何如乃謀弑懿公納諸竹中歸舍爵而行齊人立公子元六月

春秋左傳卷九

平陽忍堂

葬文公秋襄仲莊叔如齊惠公立故且拜葬也文公二妃敬嬴生宣公敬嬴嬖而私事襄仲宣公長而屬諸襄仲襄仲欲立之叔仲不可仲見于齊侯而請之

齊侯新立而欲親魯許之
冬十月仲殺惡及視而立
宣公書曰子卒諱之也仲
以君命召惠伯其宰公冉
務人止之曰入必死叔仲
曰死君命可也公冉務人曰

春秋左傳卷九

聖祖忍堂

若君命可死非君命何聽
弗聽乃入殺而埋之馬矢
之中公冉務人奉其帑以
奔蔡既而復叔仲氏夫人
姜氏歸于齊大歸也將行
哭而過市曰天乎仲爲不

道殺適立庶市人皆哭魯
人謂之哀姜莒紀公生大
子僕又生季佗愛季佗而
黜僕且多行無禮於國僕
因國人以弑紀公以其寶
玉來奔納諸宣公公命與

春秋左傳卷九

聖祖忍堂

之邑曰今日必授季文子
使司寇出諸竟曰今日必
達公問其故季文子使大
史克對曰先大夫臧文仲
教行父事君之禮行父奉
以周旋弗敢失隊曰見有

禮於其君者事之如孝子
之養父母也見無禮於其
君者誅之如鷹鷂之逐鳥
雀也先君周公制周禮曰
則以觀德德以處事事以
度功功以食民作誓命曰

春秋左傳卷九

墨爾忍堂

毀則爲賊掩賊爲藏竊賄
爲盜盜器爲姦主藏之名
賴姦之用爲大凶德有常
無赦在九刑不忘行父
還觀莒僕莫可則也孝敬
忠信爲吉德盜賊藏姦爲

凶德夫莒僕則其孝敬則
弑君父矣則其忠信則竊
寶玉矣其人則盜賊也其
器則姦兆也保而利之則
主藏也以訓則昏臣無則
焉不度於善而皆在於凶

春秋左傳卷九

墨爾忍堂

德是以去之昔高陽氏有
才子八人蒼舒隕斂檮戢
大臨龙降庭堅仲容叔達
齊聖廣浣明允篤誠天下
之臣謂之八愷高辛氏有
才子八人伯奮仲堪叔獻

季仲伯虎仲熊叔豹季狸
忠肅共懿宣慈惠和天下
之民謂之八元此十六族
也世濟其美不隕其名以
至于堯堯不能舉舜臣堯
舉八愷使主后土以揆百

卷九

聖訓

事莫不時序地平天成舉
八元使布五教于四方父
義母慈兄友弟共子孝內
平外成昔帝鴻氏有不才
子掩義隱賊好行凶德醜
類惡物頑嚚不友是與比

周天下之民謂之渾敦少
皞氏有不才子毀信廢忠
崇飾惡言靖譖庸回服讒
蒐慝以誣盛德天下之民
謂之窮奇顓頊氏有不才
子不可教訓不知話言告

春秋左傳 卷九

聖訓

之則頑舍之則嚚傲很明
德以亂天常天下之民謂
之檮杌此三族也世濟其
凶增其惡名以至于堯堯
不能去緡雲氏有不才子
貪于飲食冒于貨賄侵欲

崇侈不可盈厭聚斂積實
不知紀極不分孤寡不恤
窮匱天下之民以比三凶
謂之饗餐舜臣堯賓于四
門流四凶族渾敦窮奇檮
杌號餐餐投諸四裔以禦
螭

春秋左傳卷九

聖而忍堂

魅是以堯崩而天下如一
同心戴舜以爲天子以其
舉十六相去四凶也故虞
書數舜之功曰慎徽五典
五典克從無違教也曰納
于百揆百揆時序無廢事

也曰賓于四門四門穆穆
無凶人也舜有大功二十而
爲天子今行父雖未獲一
吉人去一凶矣於舜之功
廿之一也庶幾免於戾乎
宋武氏之族道昭公子將

春秋左傳卷九

聖而忍堂

奉司城須以作亂十二月
宋公殺母弟須及昭公子
使戴莊桓之族攻武氏於
司馬子伯之館遂出武穆
之族使公孫師爲司城公
子朝卒使樂呂爲司寇以

靖國人

春秋卷第九

春秋左傳卷九

吳爾忍堂

春秋經傳集解宣上第十

杜氏 盡十一年

經元年春王正月公即位
公子遂如齊逆女三月遂
以夫人婦姜至自齊夏季

春秋左傳 卷十

二 耐忍堂

孫行父如齊晉放其大夫
胥甲父于衛公會齊侯于
平州公子遂如齊六月齊
人取齊西田秋邾子來朝
楚子鄭人侵陳遂侵宋
趙盾帥師救陳宋公陳侯

衛侯曹伯會晉師于裴林
伐鄭冬晉趙穿帥師侵崇
晉人宋人伐鄭

傳元年春王正月公子遂
如齊逆女尊君命也三月
遂以夫人婦姜至自齊尊

春秋左傳 卷十

二 耐忍堂

夫人也夏季文子如齊納
賂以請會晉人討不用命
者放胥甲父于衛而立胥
克先辛奔齊會于平州以
定公位東門襄仲如齊拜
丘六月齊人取濟西之田

爲立公故以賂齊也宋人之弑昭公也晉荀林父以諸侯之師伐宋宋及晉平宋文公受盟于晉又會諸侯于扈將爲魯討齊皆取賂而還鄭穆公曰晉不足

春秋左傳卷十

三國忍堂

與也遂受盟于楚陳共公之卒楚人不禮焉陳靈公受盟于晉秋楚子侵陳遂侵宋晉趙盾帥師救陳宋會于裴林以伐鄭也楚爲賈救鄭遇于北林囚晉

解楊晉人乃還晉欲求斤於秦趙穿曰我侵崇秦急崇必救之吾以求斤焉冬趙穿侵崇秦弗與斤晉人伐鄭以報北林之役於是晉侯侈趙宣子爲政驟諫

春秋左傳卷十

四國忍堂

而不入故不覓於楚經二年春王二月壬子宋華元帥師及鄭公子歸生帥師戰于大棘宋師敗績獲宋華元秦師伐晉夏晉人宋人衛人陳人侵鄭秋

九月乙丑晉趙盾殺其君夷臯冬十月乙亥天王崩傳二年鄭公子歸生受命于楚伐宋宋華元樂呂御之二月壬子戰于大棘宋師敗績囚華元獲樂呂及

春秋左傳卷十

五陋忍堂

甲車四百六十乘俘二百五十人馘百人狂狡輅鄭人鄭人入于井倒戟而出之獲狂狡君子曰失禮違命宜其爲禽也戎昭果毅以聽之之謂禮殺敵爲果

殺果爲毅易之戮也將戰華元殺羊食士其御羊斟不與及戰曰疇昔之羊子爲政今日之事我爲政與入鄭師故敗君子謂羊斟非人也以其私憾敗國殄

春秋左傳卷十

六陋忍堂

民於是刑孰大焉詩所謂人之無良者其羊斟之謂乎殘民以逞宋人以兵車百乘文馬百駟以贖華元于鄭半入華元逃歸立于門外告而入見叔牂曰子

之馬然也對曰非馬也其人也既合而來奔宋圻華元爲植巡功圻者謳曰睥其目瞞其腹弃甲而復于思于思弃甲復來使其驂乘謂之曰牛則有皮犀

春秋左傳卷十

七爾忍堂

兕尚多弃甲則那役人曰從其有皮丹漆若何華元曰去之夫其口衆我寡秦師伐晉以報崇也遂圍焦夏晉趙盾救焦遂自陰地及諸侯之師侵鄭以報大

棘之役楚鬬椒救鄭曰能欲諸侯而惡其難乎遂次于鄭以待晉師趙盾曰彼宗競于楚殆將斃矣姑益其疾乃去之晉靈公不君厚斂以彫牆從臺上彈人

春秋左傳卷十

八爾忍堂

而觀其辟丸也宰夫胹熊蹯不熟殺之寘諸畚使婦人載以過朝趙盾士季見其手問其故而患之將諫士季曰諫而不入則莫之繼也會請先不入則子繼

之三進及溜而後視之曰
吾知所過矣將改之稽首
而對曰人誰無過過而能
改善莫大焉詩曰靡不有
初鮮克有終夫如是則能
補過者鮮矣君能有終則

春秋左傳卷一

九百五十五

社稷之固也豈唯羣臣賴
之又曰衮職有闕惟仲山
甫補之能補過也君能補
過衮不廢矣猶不改宣子
驟諫公患之使鉏麇賊之
晨往寢門闢矣盛服將朝

尚早坐而假寐麇退歎而
言曰不忘共敬君之主也
賊君之主不忠弃君之命
不信有一於此不如死也
觸槐而死秋九月晉侯飲
趙盾酒伏甲將攻之其右

春秋左傳卷一

九百五十六

提彌明知之趨登曰臣侍
君宴過三爵非禮也遂扶
以下公喉夫獒焉明搏而
殺之盾曰弃人用犬雖猛
何爲鬪且出提彌明死之
初宣子田於首山舍于翳

桑見靈輒餓問其病曰不食三日矣食之舍其半問之曰宦三年矣未知母之存否今近焉請以遺之使盡之而爲之簞食與肉寘諸橐以與之旣而與爲公

春秋左傳卷十

十一 顧忍堂

介倒戟以禦公徒而免之問何故對曰翳桑之餓人也問其名居不告而退遂自亡也乙丑趙穿攻靈公於桃園宣子未出山而復大史書曰趙盾弑其君以

示於朝宣子曰不然對曰子爲正卿亡不越竟反不討賊非子而誰宣子曰烏呼我之懷矣自詒伊戚其我之謂矣孔子曰董狐古之良史也書法不隱趙宣

春秋左傳卷十

十二 顧忍堂

子古之良大夫也爲法受惡惜也越竟乃免宣子使趙穿逆公子黑臀于周而立之王申朝于武宮初麗姬之亂詛無畜羣公子自是晉無公族及斤公即位

乃宦卿之適子而爲之田
以爲公族又宦其餘子亦
爲餘子其庶子爲公行晉
於是有公族餘子公行趙
盾請以括爲公族曰君姬
氏之愛子也微君姬氏

春秋左傳卷一

古爾思堂

則臣狄人也公許之冬趙
盾爲旄車之族使屏季以
其故族爲公族大夫
經三年春王正月郊牛之
口傷改卜牛牛死乃不郊
猶三望葬匡王楚子伐陸

渾之戎夏楚人侵鄭秋赤
狄侵齊宋師圍曹冬十月
丙戌鄭伯蘭卒葬鄭穆公
傳三年春不郊而望皆非
禮也望郊之屬也不郊亦
無望可也晉侯伐鄭及延

春秋左傳卷一

古爾思堂

鄭及晉平士會入盟楚子
伐陸渾之戎遂至於雒觀
兵于周疆定王使王孫滿
勞楚子楚子問鼎之大小
輕重焉對曰在德不在鼎
昔夏之方有德也遠方圖

物貢金九牧鑄鼎象物百
物而爲之備使民知神
故民入川澤山林不逢不
若螭魅罔兩莫能逢之用
能協于上下以承天休桀
有昏德鼎遷于商載祀六

春秋左傳卷十

十五
顧忍堂

百商紂暴虐鼎遷于周德
之休明雖小重也其姦回
昏亂雖大輕也天祚明德
有所底止王定鼎于郊
鄠卜世卅卜年七百天所
命也周德雖衰天命未改

鼎之輕重未可問也夏楚
人侵鄭鄭即晉故也宋文
公即位三年殺母弟須及
昭公子武氏之謀也使戴
桓之族攻武氏於司馬子
伯之館盡逐武穆之族武

春秋左傳卷十

十六
顧忍堂

穆之族以曹師伐宋秋宋
師圍曹報武氏之亂也冬
鄭穆公卒初鄭文公有賤
妾曰燕姑夢天使與己蘭
曰余爲伯僚余而祖也以
是爲而子以蘭有國香人

服媚之如是既而文公見之與之蘭而御之辭曰妾不才幸而有子將不信敢徵蘭乎公曰諾生穆公名之曰蘭文公報鄭子之妃曰陳嬀生子華子臧子臧

春秋左傳 卷十

十七 耐忍堂

得罪而出誘子華而殺之南里使盜殺子臧於陳宋之間又娶于江生公子士朝于楚楚人酖之及菜而死又娶于蘇生子瑕子俞彌俞彌早卒洩駕惡瑕文

公亦惡之故不立也公逐羣公子公子蘭奔晉從晉文公伐鄭石癸曰吾聞姬姑耦其子孫必蕃姑吉人也后稷之元妃也今公子蘭姑甥也天或啓之必將

春秋左傳 卷十

十六 耐忍堂

爲君其後必蕃先納之可以元寵與孔將鉏侯宣多納之盟于大宮而立之以與晉平穆公有疾曰蘭死吾其死乎吾所以生也刈蘭而卒

經四年春王正月公及齊侯平莒及邾莒人不肯公伐莒取向秦伯稻卒夏六月乙酉鄭公子歸生弑其君夷赤狄侵齊利公如齊公至自齊冬楚子伐鄭

春秋左傳卷十

九 顧忍堂

傳四年春公及齊侯平莒及邾莒人不肯公伐莒取向非禮也平國以禮不以亂伐而不治亂也以亂平亂何治之有無治何以行禮楚人獻黿於鄭靈公公

子宋與子家將見子公之食指動以示子家曰他日我如此必嘗異味及入宰夫將解黿相視而笑公問之子家以告及食大夫黿召子公而弗與也子公怒

春秋左傳卷十

二十 顧忍堂

染指於鼎嘗之而出公怒欲殺子公子公與子家謀先子家曰畜老猶憚殺之而況君乎反譖子家子家懼而從之夏弑靈公書曰鄭公子歸生弑其君夷權

不足也君子曰仁而不武
無能達也凡弑君稱君君
無道也稱臣臣之罪也鄭
人立子良辭曰以賢則去
疾不足以順則公子堅長
乃立襄公襄公將去穆氏

春秋左傳 卷十

三三爾忍堂

而舍子良子良不可曰穆
氏宜存則固願也若將亡
之則亦皆亡去疾何爲乃
舍之皆爲大夫初楚司馬
子良生子越椒子文曰必
殺之是子也能虎之狀而

豺狼之聲弗殺必滅若敖
氏矣諺曰狼子野心是乃
狼也其可畜乎子良不可
子文以爲大憾及將死聚
其族曰椒也知政乃速行
矣無及於難且泣曰鬼猶

春秋左傳 卷十

三三爾忍堂

求食若敖氏之鬼不其餒
而及令尹子文卒鬬般爲
令尹子越爲司馬蔣賈爲
工正譖子揚而殺之子越
爲令尹己爲司馬子越又
惡之乃以若敖氏之族圉

伯嬴於轅陽而殺之遂處
烝野將攻王王以三王之
子爲質焉弗受師于漳滏
秋七月戊戌楚子與若敖
氏戰于皐澨伯棼射王汰
輅及鼓跗著於丁寧又射

春秋左傳卷十

三石齋忍堂

汰輅以貫笠轂師懼退王
使巡師曰吾先君文王克
息獲三矢焉伯棼竊其二
盡於是矣鼓而進之遂滅
若敖氏初若敖娶於邲生
鬬伯比若敖卒從其母畜

春秋左傳卷十

三石齋忍堂

於邲淫於邲子之女生子
文焉邲夫人使弃諸夢中
虎乳之邲子田見之懼而
歸夫人以告遂使收之楚
人謂乳爲穀謂虎爲於菟故
命之曰鬬穀於菟以其女妻
伯比實爲令尹子文其孫
箴尹克黃使於齊還及宋
聞亂其人曰不可以入矣
箴尹曰弃君之命獨誰受
之君天也天可逃乎遂歸
復命而自拘於司敗王思

子文之治楚國也曰子文無後何以勸善使復其所改命曰生冬楚子伐鄭鄭未服也

經五年春公如齊夏公至自齊秋九月齊高固來逆

春秋左傳卷一

三石齋忍堂

叔姬叔孫得臣卒冬齊高固及子叔姬來楚人伐鄭傳五年春公如齊高固使齊侯止公請叔姬焉夏公至自齊書過也秋九月齊高固來逆女自爲也故書

曰逆叔姬卿自逆也冬來反馬也楚子伐鄭陳及楚平晉荀林父救鄭伐陳經六年春晉趙盾衛孫免侵陳夏四月秋八月螽冬十月

春秋左傳卷一

三石齋忍堂

傳六年春晉衛侵陳陳即楚故也夏定王使子服求后于齊秋赤狄伐晉圍懷及邢丘晉侯欲伐之中行桓子曰使疾其民以盈其貫將可殪也周書曰殪戎

殷此類之謂也冬召蘓公
逆王后于齊楚人伐鄭取
斤而還鄭公子曼滿與王
子伯廖語欲爲卿伯廖告
人曰無德而貪其在周易
豐䷶之離䷝弗過之矣

春秋左傳卷十

孟子忍堂

閒一歲鄭人殺之

經七年春衛侯使孫良夫
來盟夏公會齊侯伐萊秋
公至自伐萊大旱冬公會
晉侯宋公衛侯鄭伯曹伯
于黑壤

傳七年春衛孫桓子來盟
始通且謀會晉也夏公會
齊侯伐萊不與謀也凡師
出與謀曰及不與謀曰會
赤狄侵晉取向陰之禾鄭
及晉平公子宋之謀也故

春秋左傳卷十

孟子忍堂

相鄭伯以會冬盟于黑壤
王叔桓公臨之以謀不睦
晉侯之立也公不朝焉
又不使大夫聘晉人止公
于會盟于黃父公不與盟
以賂免故黑壤之盟不書

諱之也

經八年春公至自會夏六月公子遂如齊至黃乃復辛巳有事于大廟仲遂卒于垂壬午猶繹萬入去籥戊子夫人嬴氏薨晉師白

春秋左傳卷一

三石齋忍堂

狄伐秦楚人滅舒蓼秋七月甲子曰有食之既冬十月己丑葬我小君敬嬴雨不克葬庚寅日中而克葬圻平陽楚師伐陳傳八年春白狄及晉平夏

會晉伐秦晉人獲秦諫殺諸終市六日而蘇有事于大廟襄仲卒而繹非禮也楚爲衆舒叛故伐舒蓼滅之楚子疆之及滑汭盟吳越而還晉胥克有蠱疾卻

春秋左傳卷一

三石齋忍堂

缺爲政秋廢胥克使趙朔佐下軍冬葬敬嬴旱無麻始用葛茀雨不克葬禮也禮卜葬先遠日辟不懷也圻平陽書時也陳及晉平楚師伐陳取斤而還

經九年春王正月公如齊
公至自齊夏仲孫蔑如京
師齊侯伐萊秋取根牟八
月滕子卒九月公會晉侯
宋公衛侯鄭伯曹伯會于
扈晉荀林父帥師伐陳辛

春秋左傳 卷十

三石齋忍堂

酉晉侯黑臀卒于扈冬十
月癸酉衛侯鄭卒宋人圍
滕楚子伐鄭晉卻缺帥師
救鄭陳殺其大夫洩冶
傳九年春王使來徵聘夏
孟獻子聘于周王以爲有

禮厚賄之秋取根牟言易
也滕昭公卒會于扈討不
睦也陳侯不會晉荀林父
以諸侯之師伐陳晉侯卒
于扈乃還冬宋人圍滕因
其喪也陳靈公與孔寧儀

春秋左傳 卷十

三石齋忍堂

行父通于夏姬皆衷其袼
服以戲于朝洩冶諫曰公
卿宣淫臣無效焉且聞不
令君其納之公曰吾能改
矣公告二子二子請殺之
公弗禁遂殺洩冶孔子曰

詩云臣之多辟無自立辟其洩冶之謂乎楚子爲厲之役故伐鄭晉卻缺救鄭鄭伯敗楚師于柳棼國人皆喜唯子良憂曰是國之災也吾死無日矣

春秋左傳 卷十

聖祖忍堂

經十年春公如齊公至自齊齊人歸我濟西田夏四月丙辰日有食之己巳齊侯元卒齊崔氏出奔衛公如齊五月公至自齊癸巳陳夏徵舒弑其君平國六

月宋師伐滕公孫歸父如齊葬齊惠公晉人宋人衛人曹人伐鄭秋天王使王季子來聘公孫歸父帥師伐邾取繹大水季孫行父如齊冬公孫歸父如齊齊

春秋左傳 卷十

聖祖忍堂

侯使國佐來聘饑楚子伐鄭

傳十年春公如齊齊侯以我服故歸濟西之田夏齊惠公卒崔杼有寵於惠公高國畏其偏也公卒而逐

之奔衛書曰崔氏非其罪也且告以族不以名凡諸侯之大夫違告於諸侯曰某氏之守臣某失守宗廟敢告所有玉帛之使者則告不然則否公如齊奔喪

春秋左傳卷十

平公四年

陳靈公與孔寧儀行父飲酒于夏氏公謂行父曰徵舒似女對曰亦似君徵舒病之公出自其廐射而殺之二子奔楚滕人恃晉而不事宋六月宋師伐滕鄭及

春秋左傳卷十

平公四年

楚平諸侯之師伐鄭取斤而還秋劉康公來報聘師伐邾取繹季文子初聘于齊冬子家如齊伐邾故也國武子來報聘楚子伐鄭晉士會救鄭逐楚師于潁北諸侯之師戍鄭鄭子家卒鄭人討幽公之亂斲子家之棺而逐其族改葬幽公諡之曰靈

經十有一年春王正月夏楚子陳侯鄭伯盟于辰陵

公孫歸父會齊人伐莒秋
晉侯會狄于欒函冬十月
楚人殺陳夏徵舒丁亥楚
子入陳納公孫寧儀行父
于陳

傳十一年春楚子伐鄭及

春秋左傳卷十

三王顧忍堂

櫟子良曰晉楚不務德而
兵爭與其來者可也晉楚
無信我焉得有信乃從楚
夏楚盟于辰陵陳鄭服也
楚左尹子重侵宋王待諸
卿令尹蔣艾獵圻沂使封

人慮事以授司徒量功命
日分財用平板榦稱畚築
程土物議遠邇略基趾具
餼糧度有司事三旬而斤
不愆于素晉卻斤子求斤
于衆狄衆狄疾赤狄之役

春秋左傳卷十

三王顧忍堂

遂服于晉秋會于欒函衆
狄服也是行也諸大夫欲
召狄卻斤子曰吾聞之非
德莫如勤非勤何以求人
能勤有繼其從之也詩曰
文王既勤止文王猶勤況

寡德乎冬楚子爲陳夏氏
亂故伐陳謂陳人無動將
討於少西氏遂入陳殺夏
徵舒輟諸栗門因縣陳陳
侯在晉申叔時使於齊反
復命而退王使讓之曰夏

春秋左傳卷十

堯西學堂

徵舒爲不道弑其君寡人
以諸侯討而戮之諸侯縣
公皆慶寡人女獨不慶寡
人何故對曰猶可辭乎王
曰可哉曰夏徵舒弑其君
其罪大矣討而戮之君之

義也抑人亦有言曰牽牛
以蹊人之田而奪之牛牽
牛以蹊者信有罪矣而奪
之牛罰已重矣諸侯之從
也曰討有罪也今縣陳貪
其富也以討召諸侯而以

春秋左傳卷十

卑南學堂

貪歸之無乃不可乎王曰
善哉吾未之聞也反之可
乎對曰可哉吾儕小人所
謂取諸其懷而與之也乃
復封陳鄉取一人焉以歸
謂之夏州故書曰楚子入

陳納公孫寧儀行父于陳
書有禮也厲之役鄭伯逃
歸自是楚未得志焉鄭既
受盟于辰陵又徼事于晉

春秋卷第十

春秋左傳卷第十

望正齋

春秋經傳集解宣下第十一

杜氏 盡十八年

經十有二年春葬陳靈公
楚子圍鄭夏六月乙卯晉
荀林父帥師及楚子戰于

春秋左傳卷十一

二 耐忍堂

邲晉師敗績秋七月冬十
有二月戊寅楚子滅蕭晉
人宋人衛人曹人同盟于
清丘宋師伐陳衛人救陳
傳十二年春楚子圍鄭旬
有七日鄭人卜行斤不吉

卜臨于大宮且巷出車吉
國人大臨守陴者皆哭楚
子退師鄭人脩圻進復圍
之三月克之入自皇門至
于達路鄭伯肉袒牽羊以
逆曰孤不天不能事君使

春秋左傳卷十一

二 耐忍堂

君懷怒以及敝邑孤之罪
也敢不唯命是聽其俘諸
江南以實海濱亦唯命其
翦以賜諸侯使臣妄之亦
唯命若惠顧前好徼福於
厲宣桓武不泯其社稷使

改事君夷於九縣君之惠也孤之願也非所敢望也敢布腹心君實圖之左右曰不可許也得國無赦王曰其君能下人必能信用其已矣庸可幾乎退卅里

春秋左傳卷十一

三顧忍堂

而許之平潘尫入盟子良出質夏六月晉師救鄭荀林父將中軍先穀佐之士會將上軍卻克佐之趙朔將下軍欒書佐之趙括趙嬰齊爲中軍大夫鞏朔韓

穿爲上軍大夫荀首趙同爲下軍大夫韓厥爲司馬及河間鄭旣及楚平桓子欲還曰無及於鄭而勦已焉用之楚歸而動不後隨武子曰善會聞用師觀釁

春秋左傳卷十一

四顧忍堂

而動德刑政事典禮不易不可敵也不爲是征楚君討鄭怒其貳而哀其卑叛而伐之服而舍之德刑成矣伐叛刑也柔服德也二者立矣昔歲入陳今茲入

鄭已不罷勞君無怨譴政
有經矣荆尸而舉商農工
賈不敗其業而卒乘輯睦
事不奸矣薦為教為宰擇楚
國之令典軍行右轅左追
蓐前茅慮無中權後勁百

春秋左傳卷十一

五
百忍堂

官象物而動軍政不戒而
備能用典矣其君之舉也
內姓選於親外姓選於舊
舉不失德賞不失勞老有
加惠旅有施舍君子小人
物有服章貴有常尊賤有

等威禮不逆矣德立刑行
政成事時典從禮順若之
何敵之見可而進知難而
退軍之善政也兼弱攻昧
武之善經也子姑整軍而
經武乎猶有弱而昧者何

春秋左傳卷十一

六
百忍堂


必楚仲虺有言曰取亂侮
亡兼弱也洵曰於鑠王師
遵養時晦耆昧也武曰無
競惟烈撫弱耆昧以務烈
所可也彘子曰不可晉所
以霸師武臣力也今失諸

侯不可謂力有敵而不從
不可謂武由我失霸不如
死且成師以出聞敵彊而
退非夫也命爲軍帥而卒
以非夫唯羣子能我弗爲
也以中軍佐濟知莊子曰


春秋左傳卷十一

七
百忍堂

此師殆哉周易有之在師



之臨



曰師出以

律否臧凶執事順斤爲臧
逆爲否衆散爲弱川壅爲
澤有律以如己也故曰律
不臧且律竭也盈而以竭

天且不整所以凶也不行
之謂臨有帥而不從臨孰
甚焉此之謂矣果遇必敗
彘子尸之雖免而歸必有
大咎韓獻子謂桓子曰彘
子以偏師陷子罪大矣子

春秋左傳卷十一

八
百忍堂

爲元帥師不用命誰之罪
也失屬亡師爲罪已重不
如進也事之不捷惡有所
分與其專罪六人同之不
猶愈乎師遂濟楚子北師
次於邲沈尹將中軍子重

將左子反將右將飲馬於河而歸聞晉師既濟王欲還嬖人伍參欲戰令尹孫叔敖弗欲曰昔歲入陳今茲入鄭不無事矣戰而不捷參之肉其足食乎參曰

春秋左傳

九百忍堂

若事之捷孫叔爲無謀矣不捷參之肉將在晉軍可得食乎令尹南轅反旆伍參言於王曰晉之從政者新未能行令其佐先穀剛愎不仁未肯用命其三帥

者專行不獲聽而無上衆誰適從此行也晉師必敗且君而逃臣若社稷何王病之告令尹改乘轅而北之次于管以待之晉師在敖部之間鄭皇戌使如晉

春秋左傳

卷十一
十百忍堂

師曰鄭之從楚社稷之故也未有貳心楚師驟勝而驕其師老矣而不設備子擊之鄭師爲承楚師必敗彘子曰敗楚服鄭於此在矣必許之欒武子曰楚自

克庸以來其君無日不討
國人而訓之于民生之不
易禍至之無日戒懼之不
可以怠在軍無日不討軍
實而申儆之于勝之不可
保紂之百克而卒無後訓

春秋左傳卷十一

十一 耐忍堂

之以若敖蚡冒篳路藍縷
以啓山林箴之曰民生在
勤勤則不匱不可謂驕先
大夫子犯有言曰師直爲
壯曲爲老我則不德而徼
怨于楚我曲楚直不可謂

老其君之戎分爲二廣廣
有一卒卒偏之兩右廣初
駕數及日中左則受之以
至于昏內官序當其夜以
待不虞不可謂無備子良
鄭之良也師叔楚之崇也

春秋左傳卷十一

十一 耐忍堂

師叔入盟子良在楚楚鄭
親矣來勸我戰我克則來
不克遂往以我卜也鄭不
可從趙括趙同曰率師以
來唯敵是求克敵得屬又
何俟^焉必從彘子知季曰原

屏咎之徒也趙莊子曰藥
伯善哉實其言必長晉國
楚少宰如晉師曰寡君少
遭閔凶不能文聞二先君
之出入此行也將鄭是訓
定豈敢求罪于晉二三子

春秋左傳卷之六

圭臬思堂

無淹久隨季對曰昔平王
命我先君文侯曰與鄭夾
輔周室毋廢王命今鄭不
率寡君使羣臣問諸鄭豈
敢辱候人敢拜君命之辱
彘子以爲諂使趙括從而

春秋左傳卷之六

圭臬思堂

更之曰行人失辭寡君使
羣臣遷大國之迹於鄭曰
無辟敵羣臣無所逃命楚
子又使求斤于晉晉人許
之盟有日矣楚許伯御樂
伯攝叔爲右以致晉師許
伯曰吾聞致師者御靡旌
摩壘而還樂伯曰吾聞致
師者左射以敢代御執轡
御下兩馬掉鞅而還攝叔
曰吾聞致師者右入壘折
馘執俘而還皆行其所聞

而復晉人逐之左右角之
樂伯左射馬而右射人角
不能進矢一而已麋興於
前射麋麗龜晉鮑癸當其
後使攝叔奉麋獻焉曰以
歲之非時獻禽之未至敢

春秋左傳卷十一

士五伯忍堂

膳諸從者鮑癸止之曰其
左善射其右有辭君子也
既免晉魏錡求公族未得
而怒欲敗晉師請致師弗
許請使許之遂往請戰而
還楚潘黨逐之及熒澤

見六麋射一麋以顧獻曰
子有軍事獸人無乃不給
於鮮敢獻於從者叔黨命
去之趙旃求卿未得且怒
於失楚之致師者請挑戰
弗許請召盟許之與魏錡

春秋左傳卷十一

士六伯忍堂

皆^受命而往卻獻子曰二感
往矣弗備必敗彘子曰鄭
人勸戰弗敢從也楚人求
成弗能好也師無成命多
備何爲士季曰備之善若
二子怒楚楚人乘我喪師

無日矣不如備之楚之無
惡除備而盟何損於好若
以惡來有備不敗且雖諸
侯相見軍衛不徹警言也
子不可士季使鞏朔韓穿
帥七覆于敖前故上軍不

春秋左傳卷十一

士師忍堂

敗趙嬰齊使其徒先具舟
于河故敗而先濟潘黨既
逐魏錡趙旃夜至於楚軍
席於軍門之外使其徒入
之楚子爲乘廣卅乘分爲
左右右廣雞鳴而駕日中

而說左則受之日入而說
許偃御右廣養由基爲右
彭名御左廣屈蕩爲右乙
卯王乘左廣以逐趙旃趙
旃弃車而走林屈蕩搏之
得其甲裳晉人懼二子之

春秋左傳卷十一

士師忍堂

怒楚師也使輶車逆之潘
黨望其塵使騁而告曰晉
師至矣楚人亦懼王之入
晉軍也遂出陳孫叔曰進
之寧我薄人無人薄我詩
云元戎十乘以先啟行先

人也軍志曰先人有奪人之心薄之也遂疾進師車馳卒奔乘晉軍桓子不知所爲鼓於軍中曰先濟者有賞中軍下軍爭舟舟中之指可掬也晉師右移上

春秋左傳

左傳忍堂

軍未動工尹齊將右拒卒以逐下軍楚子使唐狡與蔡鳩居告唐惠侯曰不穀不德而貪以遇大敵不穀之罪也然楚不克君之羞也敢藉君靈以濟楚師使

潘黨率游闕四十乘從唐侯以爲左拒以從上軍駒伯曰待諸乎隨季曰楚師方壯若萃於我吾師必盡不如收而去之分謗生且不亦可乎殿其卒而退不

春秋左傳

卷十一

左傳忍堂

敗王見右廣將從之乘屈蕩戶之曰君以此始亦必以終自是楚之乘廣先左晉人或以廣隊不能進楚人憊之脫扃少進馬還又憊之拔旆投衡乃出顧曰

吾不如大國之數奔也趙旃以其良馬二濟其兄與叔父以他馬反遇敵不能去弃車而走林逢大夫與其二子乘謂其二子無顧顧曰趙叟在後怒之使下

春秋左傳卷十一

王爾忍堂

指木曰尸女於是授趙旃綏以免明日以表尸之皆重獲在木下楚熊負羈囚知瑩知莊子以其族反之廚武子御下軍之士多從之每射抽矢敢納諸廚子

之房廚子怒曰非子之求而蒲之愛董澤之蒲可勝既乎知季曰不以人子吾子其可得乎吾不可以苟射故也射連尹襄老獲之遂載其尸射公子穀臣囚

春秋左傳卷十一

王爾忍堂

之以二者還及昏楚師軍於邲晉之餘師不能軍宵濟亦終夜有聲丙辰楚重至於邲遂次于衡雍潘黨曰君盍築武軍而收晉尸以爲京觀臣聞克敵必示

子孫以無忘武功楚子曰
非爾所知也夫文止戈爲
武武王克商作頌曰載戢
干戈載櫜弓矢我求懿
德肆于時夏允王保之又
作武其卒章曰耆定爾功

春秋左傳卷十一

三石齋忍堂

其三曰鋪時繹思我祖惟
求定其六曰綏萬邦屢豐
年夫武禁暴戢兵保大定
功安民和衆豐財者也故
使子孫無忘其章今我使
二國暴骨暴矣觀兵以威

諸侯兵不戢矣暴而不戢
安能保大猶有晉在焉得
定功所違已欲猶多已何
安焉無德而強爭諸侯何
以和衆利人之幾而安人
之亂以爲己榮何以豐財

春秋左傳卷十一

三石齋忍堂

武有七德我無一焉何以
示子孫其爲先君宮告成
事而已武非吾功也古者
明王伐不敬取其鯨鯢而
封之以爲大戮於是乎有
京觀以懲淫慝今罪無所

而已皆盡忠以死君命又
可以爲京觀乎祀于河作先
君宮告成事而還是役也
鄭石制實入楚師將以分
鄭而立公子魚臣辛未鄭
殺僕叔及子服君子曰史
佚所謂毋怙亂者謂是類
也詩曰亂離瘼矣爰其適
歸歸於怙亂者也夫鄭伯
許男如楚秋晉師歸桓子
請死晉侯欲許之士貞子
諫曰不可城濮之役晉師

春秋左傳卷十一

孟子忍堂

三日穀文公猶有憂色左
右曰有喜而憂如有憂而
喜乎公曰得臣猶在憂未
歇也困獸猶鬪況國相乎
及楚殺子玉公喜而後可
知也曰莫余毒也已晉
再克而楚再敗也楚是以
再世不競今天或者大警
晉也而又殺林父以重楚
勝其無乃久不競乎林父
之事君也進思盡忠退思
補過社稷之衛也若之何

春秋左傳卷十一

孟子忍堂

殺之夫其敗也如日月之食焉何損於明晉侯使復其位冬楚子伐蕭宋華椒以蔡人救蕭蕭人囚熊相宜僚及公子丙王曰勿殺吾退蕭人殺之王怒遂圍

春秋左傳卷十一

王伯忍堂

蕭蕭潰申公巫臣曰師人多寒王巡三軍拊而勉之三軍之士皆如挾纊遂傳於蕭圻還無社與司馬卯言號申叔展叔展曰有麥麴乎曰無有山鞠窮乎曰無

河魚腹疾奈何曰目於眚井而拯之若爲茅經哭井則已明日蕭潰申叔視其井則茅經存焉號而出之晉原穀宋華椒衛孔達曹人同盟于清丘曰恤病

春秋左傳卷十一

王伯忍堂

討貳於是乎卿不書不實其言也宋爲盟故伐陳衛人救之孔達曰先君有約言焉若大國討我則死之經十有三年春齊師伐莒夏楚子伐宋秋冬晉殺

其大夫先穀

傳十三年春齊師伐莒莒

恃晉而不事齊故也夏楚

子伐宋以其救蕭也君子

曰清丘之盟唯宋可以免

焉秋赤狄伐晉及清先穀

春秋左傳卷十一

三石齋忍堂

召之也冬晉人討邲之敗

與清之師歸罪於先穀而

殺之盡滅其族君子曰惡

之來也已則取之其先穀

之謂乎清丘之盟晉以衛

之救陳也討焉使人弗去

曰罪無所歸將加而師孔

達曰苟利社稷請以我說

罪我之由我則爲政而亢

大國之討將以誰任我則

死之

經十有四年春衛殺其大

春秋左傳卷十一

三石齋忍堂

夫孔達夏五月壬申曹伯

壽卒晉侯伐鄭秋九月楚

子圍宋莒曹文公冬公孫

歸父會齊侯于穀

傳十四年春孔達縊而死

衛人以說于晉而免遂告

于諸侯曰寡君有不令之臣達構我敝邑于大國既伏其罪矣敢告衛人以爲成勞復室其子使復其位夏晉侯伐鄭爲邲故也告於諸侯蒐焉而還中行桓

春秋左傳卷十一

三石齋忍堂

子之謀也曰示之以整使謀而來鄭人懼使子張代子良于楚鄭伯如楚謀晉故也鄭以子良爲有禮故召之楚子使申舟聘于齊曰無假道于宋亦使公子

馮聘于晉不假道于鄭申舟以孟諸之役惡宋曰鄭昭宋龍耳晉使不害我則必死王曰殺女我伐之見犀而行及宋宋人止之華元曰過我而不假道鄙我也

春秋左傳卷十一

三石齋忍堂

鄙我亡也殺其使者必伐我伐我亦亡也亡一也乃殺之楚子聞之投袂而起屨及於室皇劍及於寢門之外車及於蒲胥之市秋九月楚子圍宋冬公孫歸

父會齊侯于穀見晏桓子
與之言魯樂桓子告高宣
子曰子家其亡乎懷於魯
矣懷必貪貪必謀人謀人
人亦謀己一國謀之何以
不亡孟獻子言於公曰臣

孟子卷十一

孟子卷十一

聞小國之免於大國也聘
而獻物於是有庭實旅百
朝而獻功於是有容貌采
章嘉淑而有加貨謀其不
免也誅而薦賄則無及也
今楚在宋君其圖之公說

經十有五年春公孫歸父
會楚子于宋夏五月宋人
及楚人平六月癸卯晉師
滅赤狄潞氏以潞子嬰兒
歸秦人伐晉王札子殺召
伯毛伯秋螽仲孫蔑會齊

春秋左傳卷十一

春秋左傳卷十一

高固于無婁初稅畝冬螽
生饑

傳十五年春公孫歸父會
楚子于宋宋人使樂嬰齊
告急于晉晉侯欲救之伯
宗曰不可古人有言曰雖

鞭之長不及馬腹天方授
楚未可與爭雖晉之彊能
違天乎諺曰高下在心川
澤納汙山藪藏疾瑾瑜匿
瑕國君含垢天之道也君
其待之乃止使解揚如宋

春秋左傳卷十一

王肅忍堂

使無降楚曰晉師悉起將
至矣鄭人囚而獻諸楚楚
子厚賂之使反其言不許
三而許之登諸樓車使呼
宋人而告之遂致其君命
楚子將殺之使與之言曰

爾既許不穀而反之何故
非我無信女則弃之速即
爾刑對曰臣聞之君能制
命爲義臣能承命爲信信
載義而行之爲利謀不失
利以衛社稷臣之主也義

春秋左傳卷十一

王肅忍堂

無二信信無二命君之賂
臣不知命也受命以出有
死無賈又可賂乎臣之
許君以成命也死而成命
臣之祿也寡君有信臣下
臣獲考死又何求楚子舍

之以歸夏五月楚師將去
宋申犀稽首於王之馬前
曰母畏知死而不敢廢王
命王弃言焉王不能荅申
叔時僕曰築室反耕者宋
必聽命從之宋人懼使華

春秋左傳卷十一

三王百忍堂

元夜入楚師登子反之牀
起之曰寡君使元以病告
曰敝邑易子而食析骸以
爨雖然城下之盟有以國
斃不能從也去我卅里唯
命是聽子反懼與之盟而

告王退卅里宋及楚平華
元爲質盟曰我無爾詐爾
無我虞潞子嬰兒之夫人
晉景公之姊也鄆舒爲政
而殺之又傷潞子之目晉
侯將伐之諸大夫皆曰不

春秋左傳卷十一

三王百忍堂

可鄆舒有三雋才不如待
後之人伯宗曰必伐之狄
有五罪雋才雖多何補焉
不祀一也耆酒二也弃仲
章而奪黎氏地三也虐我
伯姬四也傷其君目五也

怙其雋才而不以茂德茲
益罪也後之人或者將敬
奉德義以事神人而申固
其命若之何待之不討有罪
曰將待後後有辭而討焉
毋乃不可乎夫恃才與衆

春秋左傳卷十一

三石齋忍堂

亡之道也商紂由之故滅
天反時爲災地反物爲妖
臣反德爲亂亂則妖災生
故文反正爲乏盡在狄矣
晉侯從之六月癸卯晉荀
林父敗赤狄于曲梁辛亥

滅潞鄆舒奔衛衛人歸
諸晉晉人殺之王孫蘇與
召氏毛氏爭政使王子捷
殺召戴公及毛伯衛卒立
召襄秋七月秦桓公伐晉
次于輔氏壬午晉侯治兵

春秋左傳卷十一

三石齋忍堂

于稷以略狄土立黎侯而
還及雒魏顆敗秦師于輔
氏獲杜回秦之力人也初
魏武子有嬖妾無子武子
疾命顆曰必嫁是疾病則
曰必以爲殉及卒顆嫁之曰

疾病則亂吾從其治也及輔氏之役顓見老人結草以亢杜回杜回躓而顛故獲之夜夢之曰余而所嫁婦人之父也爾用而先人之治命余是以報晉侯賞桓

春秋左傳卷十一

聖祖忍堂

子狄臣千室亦賞士伯以瓜衍之縣曰吾獲狄土子之功也微子吾喪伯氏矣羊舌職說是賞也曰周書所謂庸庸祗祗者謂此物也夫士伯庸中行伯君信

之亦庸士伯此之謂明德矣文王所以造周不是過也故詩曰陳錫載周能施也率是道也其何不濟晉侯使趙同獻狄俘于周不敬劉康公曰不及十年原

春秋左傳卷十一

聖祖忍堂

叔必有大咎天奪之魄矣初稅畝非禮也穀出不過藉以豐財也冬蟃生饑幸之也經十有六年春王正月晉人滅赤狄甲氏及留吁夏

成周宣榭火秋郟伯姬來歸冬大有年

傳十六年春晉士會帥師滅赤狄甲氏及留吁鐸辰三月獻狄俘晉侯請于王戊申以黻冕命士會將中

春秋左傳卷十一

望雨忍堂

軍且爲大傅於是晉國之盜逃奔于秦羊舌職曰吾聞之禹稱善人不善人遠此之謂也夫詩曰戰戰兢兢如臨深淵如履薄冰善人在上也善人在上則國

無幸已諺曰已之多幸國之不幸也是無善人之謂也夏成周宣榭火人火之也凡火人火曰火天火曰災秋郟伯姬來歸出也爲毛召之難故王室復亂王

春秋左傳卷十一

望雨忍堂

孫蘇奔晉晉人復之冬晉侯使士會平王室定王享之原襄公相禮殺烝武子私問其故王聞之召武子曰季氏而弗聞乎王享有體薦宴有折俎公當享卿

當宴王室之禮也武子歸而講求典禮以脩晉國之法

經十有七年春王正月庚子許男錫我卒丁未蔡侯申卒夏葬許昭公葬蔡文

春秋左傳卷十一

四庫全書
聖祖
頤恩堂

公六月癸卯日有食之己未公會晉侯衛侯曹伯邾子同盟于斷道秋公至自會冬十有一月壬午公弟叔肝卒
傳十七年春晉侯使卻克

徵會于齊齊頃公帷婦人使觀之卻子登婦人笑於房獻子怒出而誓曰所不此報無能涉河獻子先歸使藥京廬待命于齊曰不得齊事無復命矣卻子至

春秋左傳卷十一

四庫全書
聖祖
頤恩堂

請伐齊晉侯弗許請以其私屬又弗許齊侯使高固晏弱蔡朝南郭偃會及斂孟高固逃歸夏會于斷道討貳也盟于卷楚辭齊人晉人執晏弱于野王

執蔡朝于原執南郭偃于
溫苗賁皇使見晏桓子歸
言於晉侯曰夫晏子何罪
昔者諸侯事吾先君皆如
不逮舉言羣臣不信諸侯
皆有貳志齊君恐不得禮

春秋左傳卷十一

四七 耐忍堂

故不出而使四子來左右
或沮之曰君不出必執吾
使故高子及斂孟而逃夫
三子者曰若絕君好寧歸
死焉爲是犯難而來吾若
善逆彼以懷來者吾又執

之以信齊沮吾不旣過矣
乎過而不改而又久之以
成其悔何利之有焉使反
者得辭而害來者以懼諸
侯將焉用之晉人緩之逸
秋八月晉師還范武子將

春秋左傳卷十一

四八 耐忍堂

老召文子曰變乎吾聞之
喜怒以類者鮮易者實多
詩曰君子如怒亂庶遄沮
君子如祉亂庶遄已君子
之喜怒以已亂也弗已者
必益之郤子其或者欲已

亂於齊乎不然余懼其益之也余將老使郤子逞其志庶有豸乎爾從二三子唯敬乃請老郤獻子爲政冬公弟叔肸卒公母弟也凡大子之母弟公在曰公

春秋左傳卷十一

晁昞忍堂

子不在曰弟凡稱弟皆母弟也

經十有八年春晉侯衛世子臧伐齊公伐杞夏四月秋七月邾人戕郕子于郕甲戌楚子旅卒公孫歸父

如晉冬十月壬戌公薨于路寢歸父還自晉至笙遂奔齊

傳十八年春晉侯衛大子臧伐齊至于陽穀齊侯會晉侯盟于緡以公子彊爲

春秋左傳卷十一

晁昞忍堂

質于晉晉師還蔡朝南郭偃逃歸夏公使如楚乞師將欲以伐齊秋邾人戕郕子于郕凡自內虐其君曰弑自外曰戕楚莊王卒楚師不出旣而用晉師楚於

是乎有蜀之役公孫歸父
以襄仲之立公也有寵欲
去三桓以張公室與公謀
而聘于晉欲以晉人去之
冬公薨季文子言於朝曰
使我殺適立庶以失大援

春秋左傳卷十一

春秋左傳卷十一

者仲也夫臧宣叔怒曰當
其時不能治也後之人何
罪子欲去之許請去之遂
逐東門氏子家還及笙壇
帷復命於介既復命袒括
髮即位哭三踊而出遂奔

齊書曰歸父還自晉善之
也

春秋卷第十一

春秋左傳卷十一

春秋左傳卷十一

春秋經傳集解成上第十二

杜氏 盡十年

經元年春王正月公即位
二月辛酉葬我君宣公無
冰三月作丘甲夏臧孫許

春秋左傳卷十一

二肅忍堂

及晉侯盟于赤棘秋王師
敗績于茅戎冬十月
傳元年春晉侯使瑕嘉平
戎于王單襄公如晉拜成
劉康公徼戎將遂伐之叔
服曰背盟而欺大國此必

敗背盟不祥欺大國不義
神人弗助將何以勝不聽
遂伐茅戎三月癸未敗績
于徐吾氏爲齊難故作丘
甲聞齊將出楚師夏盟于
赤棘秋王人來告敗冬臧

春秋左傳卷十一

二肅忍堂

宣叔令脩賦繕完具守備
曰齊楚結好我新與晉盟
晉楚爭盟齊師必至雖晉
人伐齊楚必救之是齊楚
同我也知難而有備乃可
以逞

經二年春齊侯伐我北鄙
夏四月丙戌衛孫良夫帥
師及齊師戰于新築衛師
敗績六月癸酉季孫行父
臧孫許叔孫僑如公孫嬰
齊帥師會晉卻克衛孫良
夫曹公子首及齊侯戰于
鞌齊師敗績秋七月齊侯
使國佐如師己酉及國佐
盟于袤婁八月壬午宋公
鮑卒庚寅衛侯速卒取汶
陽之田冬楚師鄭師侵衛十

有一月公會楚公子嬰齊
于蜀丙申公及楚人秦人
宋人陳人衛人鄭人齊人曹
人邾人薛人鄆人盟于蜀
傳二年春齊侯伐我北鄙
圍龍頃公之嬖人盧蒲就
魁門焉龍人囚之齊侯曰
勿殺吾與而盟無入而封
弗聽殺而膊諸城上齊侯
親鼓士陵城三日取龍遂
南侵及巢丘衛侯使孫良
夫石稷甯相向禽將侵齊

與齊師遇石子欲還孫子
曰不可以師伐人遇其師
而還將謂君何若知不能
則如無出今既遇矣不如
戰也夏有石成子曰師敗
矣子不少須衆懼盡子喪

春秋左傳卷五

平南忠堂

師徒何以復命皆不對又
曰子國卿也隕子辱矣子
以衆退我此乃止且告車
來甚衆齊師乃止次于鞠
居新築人仲叔于奚救孫
桓子桓子是以免既衛人

賞之以邑辭請曲縣繫纓
以朝許之仲尼聞之曰惜
也不如多與之邑唯器與
名不可以假人君之所司
也名以出信信以守器器
以藏禮禮以行義義以生

春秋左傳卷五

平南忠堂

利利以平已政之大節也
若以假人與人政也政亡
則國家從之弗可止也已
孫桓子還於新築不入遂
如晉乞師臧宣叔亦如晉
乞師皆主卻獻子晉侯許

之七百乘郤子曰此城濮之賦也有先君之明與先大夫之肅故捷克於先大夫無能爲役請八百乘許之郤克將中軍士燮佐上軍欒書將下軍韓厥爲司

春秋左傳卷二

卷二

馬以救魯衛臧宣叔逆晉師且道之季文子帥師會之及衛地韓獻子將斬人郤獻子馳將救之至則旣斬之矣郤子使速以徇告其僕曰吾以分謗也師從

齊師于莘六月壬申師至于靡笄之下齊侯使請戰曰子以君師辱於敝邑不腆敝賦詰朝請見對曰晉與魯衛兄弟也來告曰大國朝夕釋憾於敝邑之地

春秋左傳卷二

卷二

寡君不忍使羣臣請於大國無令輿師淹於君地能進不能退君無所辱命齊侯曰大夫之許寡人之願也若其不許亦將見也齊高固入晉師桀石以投人

禽之而乘其車繫桑本焉
以徇齊壘曰欲勇者賈余
餘勇癸酉師陳于鞌邴夏
御齊侯逢丑父爲右晉解
張御卻克鄭丘緩爲右齊侯
曰余姑翦滅此而朝食不介

春秋左傳卷三

九韶忠堂

馬而馳之卻克傷於矢流血
及屨未絕鼓音曰余病
矣張侯曰自始合而矢貫
余手及肘余折以御左輪
朱殷豈敢言病吾子忍之
緩曰自始合苟有險余必

下推車子豈識之然子病
矣張侯曰師之耳目在吾
旗鼓進退從之此車一人
殿之可以集事若之何其
以病敗君之大事也擐甲
執兵固即死也病未及死

春秋左傳卷三

十韶忠堂

吾子勉之左并轡右援枹
而鼓馬逸不能止師從之
齊師敗績逐之三周華不
注韓厥夢子輿謂己曰旦
辟左右故中御而從齊侯
邴夏曰射其御者君子也

公曰謂之君子而射之非禮也射其左越于車下射其右斃于車中綦毋張喪車從韓厥曰請寓乘從左右皆肘之使立於後韓厥俛定其右逢丑父與公易

春秋左傳卷十二

士師忍堂

位將及華泉驂絙於木而止丑父寢於轡中蛇出於其下以肱擊之傷而匿之故不能推車而及韓厥執繫馬前再拜稽首奉觴加璧以進曰寡君使羣臣爲

魯衛請曰無令與師陷入君地下臣不幸屬當戎行無所逃隱且懼奔辟而忝兩君臣辱戎士敢告不敏攝官承乏丑父使公下如華泉取飲鄭周父御佐車

春秋左傳卷十二

士師忍堂

宛茂爲右載齊侯以免韓厥獻丑父郤獻子將戮之呼曰自今無有代其君任患者有一於此將爲戮乎郤子曰人不難以死免其君我戮之不祥赦之以勸

事君者乃免之齊侯免求
丑父三入三出每出齊師
以帥退入于狄卒狄卒皆
抽戈楯冒之以入于衛師
衛師免之遂自徐關入齊侯
見保者曰勉之齊師敗矣

春秋左傳卷三

莊公八年

辟女子女子曰君免乎曰
免矣曰銳司徒免乎曰免
矣曰苟君與吾父免矣可
若何乃奔齊侯以爲有禮
既而問之辟司徒之妻也
予之石窀晉師從齊師入

春秋左傳卷三

莊公八年

自丘輿擊馬陘齊侯使賓
媚人賂以紀甌玉磬與地
不可則聽客之所爲賓媚
人致賂晉人不可曰必以
蕭同叔子爲質而使齊之
封內盡東其畝對曰蕭同
叔子非他寡君之母也若
以匹敵則亦晉君之母也
吾子布大命於諸侯而曰
必質其母以爲信其若王
命何且是以不孝令也詩
曰孝子不匱永錫爾類若

以不孝令於諸侯其無乃
非德類也乎先王疆理天
下物土之宜而布其利故
詩曰我疆我理南東其畝
今吾子疆理諸侯而曰盡
東其畝而已唯吾子戎車

春秋左傳卷二

卷二

是利無顧土宜其無乃非
先王之命也乎反先王則
不義何以爲盟主其晉實
有闕四王之王也樹德而
濟同欲焉五伯之霸也勤
而撫之以役王命今吾子

求合諸侯以逞無疆之欲
詩曰布政優優百祿是適
子實不優而弃百祿諸侯
何害焉不然寡君之命使
臣則有辭矣曰子以君師
辱於敝邑不腆敝賦以犒

春秋左傳卷二

卷二

從者畏君之震師徒撓敗
吾子惠徼齊國之福不泯
其社稷使繼舊好唯是先
君之敝器土地不敢愛子
又不許請收合餘燼背城
借一敝邑之幸亦云從也

況其不幸敢不唯命是聽
魯衛諫曰齊疾我矣其死
亡者皆親暱也子若不許
讎我必甚唯子則又何求
子得其國寶我亦得地而
紓於難其榮多矣齊晉亦

春秋左傳卷十二

士匄忍堂

唯天所授豈必晉晉人許
之對曰羣臣帥賦輿以爲
魯衛請若苟有以藉口而
復於寡君君之惠也敢不
唯命是聽禽鄭自師逆公
秋七月晉師及齊國佐盟

于爰婁使齊人歸我汶陽
之田公會晉師于上鄆賜
三帥先路三命之服司馬
司空輿帥候正亞旅皆受
一命之服八月宋文公卒
始厚葬用蜃炭益車馬始

春秋左傳卷十二

六匄忍堂

用殉重器備槨有四阿棺
有翰檜君子謂華元樂舉
於是乎不臣臣治煩去惑
者也是以伏死而爭今二
子者君生則縱其惑死又
益其侈是弃君於惡也何

臣之爲九月衛穆公卒晉三子自役弔焉哭於大門之外衛人逆之婦人哭於門內送亦如之遂常以葬楚之討陳夏氏也莊王欲納夏姬申公巫臣曰不可

春秋左傳卷十二

九百忍堂

君召諸侯以討罪也今納夏姬貪其色也貪色爲淫淫爲大罰周書曰明德慎罰文王所以造周也明德務崇之之謂也慎罰務去之之謂也若興諸侯以取

大罰非慎之也君其圖之王乃止子反欲取之巫臣曰是不祥人也是天子蠻殺御叔弑靈侯戮夏南出孔儀喪陳國何不祥如是一生實難其有不獲死乎

春秋左傳卷十二

九百忍堂

天下多美婦人何必是子反乃止王以予連尹襄老襄老死於邲不獲其尸其子黑要烝焉巫臣使道焉曰歸吾聘女又使自鄭召之曰尸可得也必來逆之

姬以告王王問諸屈巫對
曰其信知瑩之父成公之
嬖也而中行伯之季弟也
新佐中軍而善鄭皇戌甚
愛此子其必因鄭而歸王
子與襄老之尸以求之鄭

春秋左傳卷十二

莊公十年

人懼於邲之役而欲求媚
於晉其必許之王遣夏姬
歸將行謂送者曰不得尸
吾不反矣巫臣聘諸鄭鄭
伯許之及共王即位將爲
陽橋之役使屈巫聘于齊

春秋左傳卷十二

莊公十年

且告師期巫臣盡室以行
申叔跪從其父將適郢遇
之曰異哉夫子有三軍之
懼而又有桑中之喜宜將
竊妻以逃者也及鄭使介
反幣而以夏姬行將奔齊
齊師新敗曰吾不處不勝
之國遂奔晉而因卻至以
臣於晉晉人使爲邢大夫
子反請以重幣錮之王曰
止其自爲謀也則過矣其
爲吾先君謀也則忠忠社

稷之固也所蓋多矣且彼若能利國家雖重幣晉將可乎若無益於晉晉將弃之何勞錮焉晉師歸范文子後入武子曰無爲吾望爾也乎對曰師有功國人

春秋左傳卷五

韋南思堂

喜以逆之先入必屬耳目焉是代帥受名也故不敢武子曰吾知免矣卻伯見公曰子之力也夫對曰君之訓也二三子之力也臣何力之有焉范叔見勞之

如卻伯對曰庚所命也克之制也變何力之有焉欒伯見公亦如之對曰變之詔也士用命也書何力之有焉宣公使求好于楚莊王卒宣公薨不克作好公

春秋左傳卷五

韋南思堂

即位受盟于晉會晉伐齊衛人不行使于楚而亦受盟于晉從於伐齊故楚令尹子重爲陽橋之役以救齊將起師子重曰君弱羣臣不如先大夫師衆而後

可詩曰濟濟多士文王以
寧夫文王猶用衆況吾儕
乎且先君莊王屬之曰無
德以及遠方莫如惠恤其
已而善用之乃大戶已責
逮鰥救乏赦罪悉師王卒

春秋左傳卷十三

重刊思堂

盡行彭名御戎蔡景公爲
左許靈公爲右二君弱皆
強冠之冬楚師侵衛遂侵
我師于蜀使臧孫往辭曰
楚遠而久固將退矣無功
而受名臣不敢楚侵及陽

春秋左傳卷十三

重刊思堂

橋孟孫請往賂之以執斲
執鉞織紵皆百人公衡爲
質以請盟楚人許平十一
月公及楚公子嬰齊蔡侯
許男秦右大夫說宋華元
陳公孫寧衛孫良夫鄭公
子去疾及齊國之大夫盟
于蜀卿不書匱盟也於是
乎畏晉而竊與楚盟故曰
匱盟蔡侯許男不書乘楚
車也謂之失位君子曰位
其不可不慎也乎蔡許之

君一失其位不得列於諸侯況其下乎詩曰不解于位已之攸暨其是之謂矣楚師及宋公衡逃歸臧宣叔曰衡父不忍數年之不宴以弃魯國國將若之何

春秋左傳卷二十一

襄公二十一年

誰居後之人必有任是夫國棄矣是行也晉辟楚畏其衆也君子曰衆之不可以已也大夫爲政猶以衆克況明君而善用其衆乎大誓所謂商兆已離周十

人同者衆也晉侯使鞏朔獻齊捷于周王弗見使單襄公辭焉曰蠻夷戎狄不式王命淫湎毀常王命伐之則有獻捷王親受而勞之所以懲不敬勸有功也

春秋左傳卷二十一

襄公二十一年

兄弟甥舅侵敗王略王命伐之告事而已不獻其功所以敬親暱禁淫慝也今叔父克遂有功于齊而不使命卿鎮撫王室所使來撫余一人而鞏伯實來未

有職司於王室又奸先王之禮余雖欲於鞏伯其敢廢舊典以忝叔父夫齊甥舅之國也而大師之後也寧不亦淫從其欲以怒叔父抑豈不可諫誨士莊

春秋左傳卷之六

襄公二十六年

伯不能對王使委於三吏禮之如侯伯克敵使大夫告慶之禮降於卿禮一等王以鞏伯宴而私賄之使相告之曰非禮也勿藉經三年春王正月公會晉

春秋左傳卷之六

襄公二十六年

侯宋公衛侯曹伯伐鄭辛亥葬衛穆公二月公至自伐鄭甲子新宮災三日哭乙亥葬宋文公夏公如晉鄭公子去疾帥師伐許公至自晉秋叔孫僑如帥師圍棘大雩晉卻克衛孫良夫伐唐咎如冬十有一月晉侯使荀庚來聘衛侯使孫良夫來聘丙午及荀庚盟丁未及孫良夫盟鄭伐許

傳三年春諸侯伐鄭次于
伯牛討邲之役也遂東侵
鄭鄭公子偃帥師禦之使
東鄙覆諸鄆敗諸丘輿皇
戌如楚獻捷夏公如晉拜
汶陽之田許恃楚而不事

春秋左傳卷二

左傳卷二

鄭鄭子良伐許晉人歸楚
公子穀臣與連尹襄老之
尸于楚以求知罃於是荀
首佐中軍矣故楚人許之
王送知罃曰子其怨我乎
對曰二國治戎臣不才不

勝其任以爲俘馘執事不
以釁鼓使歸即戮君之惠
也臣實不才又誰敢怨王
曰然則德我乎對曰二國
圖其社稷而求紓其民各
懲其忿以相宥也兩釋

春秋左傳卷二

左傳卷二

累囚以成其好二國有
好臣不與及其誰敢德王
曰子歸何以報我對曰臣
不任受怨君亦不任受德
無怨無德不知所報王曰
雖然必告不穀對曰以君

之靈累臣得歸骨於晉寡
君之以爲戮死且不朽若
從君之惠而免之以賜君
之外臣首首其請於寡君
而以戮於宗亦死且不朽
若不獲命而使嗣宗職次

春秋左傳卷十一

韋爾忍堂

及於事而帥偏師以脩封
疆雖遇執事其弗敢違其
竭力致死無有二心以盡
臣禮所以報也王曰晉未
可與爭重爲之禮而歸之
秋叔孫僑如圍棘取汶陽

之田棘不服故圍之晉卻
克衛孫良夫伐唐咎如討
赤狄之餘焉唐咎如潰上
失臣也冬十一月晉侯使
荀庚來聘且尋盟衛侯使
孫良夫來聘且尋盟公問

春秋左傳卷十一

韋爾忍堂

諸臧宣叔曰中行伯之於
晉也其位在三孫子之於
衛也位爲上卿將誰先對
曰次國之上卿當大國之
中中當其下下當其上大
夫小國之上卿當大國之

下卿中當其上大夫下當其下大夫上下如是古之制也衛在晉不得爲次國晉爲盟主其將先之丙午盟晉丁未盟衛禮也十二月甲戌晉作六軍韓厥趙

春秋左傳卷十二

孟子忍堂

括鞬朔韓穿荀騅趙旃皆爲卿賞鞏之功也齊侯朝于晉將授玉卻克趨進曰此行也君爲御人之笑辱也寡君未之敢任晉侯享齊侯齊侯視韓厥韓厥曰

君知厥也乎齊侯曰服改矣韓厥登舉爵曰臣之不敢愛死爲兩君之在此堂也荀罃之在楚也鄭賈人有將寘諸褚中以出旣謀之未行而楚人歸之賈人

春秋左傳卷十二

孟子忍堂

如晉荀罃善視之如實出己賈人曰吾無其功敢有其實乎吾小人不可以厚誣君子遂適齊經四年春宋公使華元來聘三月壬申鄭伯堅卒杞

伯來朝夏四月甲寅臧孫
許卒公如晉葬鄭襄公秋
公至自晉冬城鄆鄭伯伐
許

傳四年春宋華元來聘通
嗣君也杞伯來朝歸叔姬

春秋左傳卷十三

韋而忍堂

故也夏公如晉晉侯見公
不敬季文子曰晉侯必不
免詩曰敬之敬之天惟顯
思命不易哉夫晉侯之命
在諸侯矣可不敬乎秋公
至自晉欲求成于楚而叛

晉季文子曰不可晉雖無
道未可叛也國大臣睦而
邇於我諸侯聽焉未可以
貳史佚之志有之曰非我
族類其心必異楚雖大非
吾族也其肯字我乎公乃

春秋左傳卷十三

韋而忍堂

止冬十一月鄭公孫申帥
師疆許田許人敗諸展陂
鄭伯伐許取鉏任泠敦之
田晉欒書將中軍荀首佐
之士燮佐上軍以救許伐
鄭取汜祭楚子反救鄭鄭

伯與許男訟焉皇戍攝鄭伯之辭子反不能決也曰君若辱在寡君寡君與其二三臣共聽兩君之所欲成其可知也不然側不足以知二國之成晉趙嬰通

春秋左傳卷十二

平陽忍堂

于趙莊姬

經五年春王正月杞叔姬來歸仲孫蔑如宋夏叔孫僑如會晉荀首于穀梁山崩秋大水冬十有一月己酉天王崩十有二月己丑

公會晉侯齊侯宋公衛侯鄭伯曹伯邾子杞伯同盟于蟲牢

傳五年春原屏放諸齊嬰曰我在故欒氏不作我亡吾二昆其憂哉且人各有

春秋左傳卷十二

平陽忍堂

能有不能舍我何害弗聽嬰夢天使謂己祭余余福女使問諸士貞伯貞伯曰不識也既而告其人曰神福仁而禍淫淫而無罰福也祭其得亡乎祭之之明日而

亡孟獻子如宋報華元也
夏晉荀首如齊逆女故宣
伯餽諸穀梁山崩晉侯以
傳召伯宗伯宗辟重曰辟
傳重人曰待我不如捷之
速也問其所曰絳人也問

春秋左傳卷五

聖王廟忠堂

絳事焉曰梁山崩將召伯
宗謀之問將若之何曰山
有朽壤而崩可若何國主
山川故山崩川竭君爲之
不舉降服乘縵徹樂出次
祝幣史辭以禮焉其如此

而已雖伯宗若之何伯宗
請見之不可遂以告而從
之許靈公愬鄭伯于楚六
月鄭悼公如楚訟不勝楚
人執皇戌及子國故鄭伯
歸使公子偃請成于晉秋

春秋左傳卷五

聖王廟忠堂

八月鄭伯及晉趙同盟于
垂棘宋公子圍龜爲質于
楚而歸華元享之請鼓譟
以出鼓譟以復入曰習攻
華氏宋公殺之冬同盟于
蟲牢鄭服也諸侯謀復會

宋公使向爲人辭以子靈之難十一月己酉定王崩經六年春王正月公至自會二月辛巳立武宮取鄆衛孫良夫帥師侵宋夏六月邾子來朝公孫嬰齊如

春秋左傳卷十二

聖祖忍堂

晉壬申鄭伯費卒秋仲孫蔑叔孫僑如帥師侵宋楚公子嬰齊帥師伐鄭冬季孫行父如晉晉欒書帥師救鄭傳六年春鄭伯如晉拜成

子游相授玉于東楹之東士貞伯曰鄭伯其死乎自弃也已視流而行速不安其位宜不能久二月季文子以鞶之功立武宮非禮也聽於人以救其難不可

春秋左傳卷十二

聖祖忍堂

以立武立武由己非由人也取鄆言易也三月晉伯宗夏陽說衛孫良夫甯相鄭人伊雒之戎陸渾蠻氏侵宋以其辭會也師于鉞衛人不保說欲龍衣衛曰

雖不可入多俘而歸有罪
不及死伯宗曰不可衛唯
信晉故師在其郊而不設
備若襲之是弃信也雖多
衛俘而晉無信何以求諸
侯乃止師還衛人登陴晉

春秋左傳卷三

聖廟忠堂

人謀去故絳諸大夫皆曰
必居郕瑕氏之地沃饒而
近鹽國利君樂不可失也
韓獻子將新中軍且爲僕
大夫公揖而入獻子從公
立於寢庭謂獻子曰何如

對曰不可郕瑕氏土薄水
淺其惡易覲易覲則臣愁
臣愁則墊隘於是乎有沈
溺重膂之疾不如新田土
厚水深居之不疾有汾澮
以流其惡且臣從教十世

春秋左傳卷三

聖廟忠堂

之利也夫山澤林鹽國之
寶也國饒則臣驕佚近
寶公室乃貧不可謂樂
公說從之夏四月丁丑晉
遷于新田六月鄭悼公卒
子叔聲伯如晉命伐宋秋

孟獻子叔孫宣伯侵宋晉命也楚子重伐鄭鄭從晉故也冬季文子如晉賀遷也晉欒書救鄭與楚師遇於繞角楚師還晉師遂侵蔡楚公子申公子成以申

春秋左傳卷十三

聖而忍堂

息之師救蔡禦諸桑隧趙同趙括欲戰請於武子武子將許之知壯子范文子韓獻子諫曰不可吾來救鄭楚師去我吾遂至於此是遷戮也戮而不已又怒楚

師戰必不克雖克不令成師以出而敗楚之二縣何榮之有焉若不能敗爲辱已甚不如還也乃遂還於是軍帥之欲戰者衆或謂欒武子曰聖人與衆同欲

春秋左傳卷十三

聖而忍堂

是以濟事子盍從衆子爲大政將酌於已者也子之佐十一人其不欲戰者三人而已欲戰者可謂衆矣商書曰三人占從二人衆故也武子曰善鈞從衆夫

善衆之主也三卿爲主可謂衆矣從之不亦可乎

經七年春王正月鼯鼠食郊牛角改卜牛鼯鼠又食其角乃免牛吳伐郟夏五月曹伯來朝不郊猶三望

春秋左傳卷十三

吳爾忍堂

秋楚公子嬰齊帥師伐鄭公會晉侯齊侯宋公衛侯曹伯莒子邾子杞伯救鄭八月戊辰同盟于馬陵公至自會吳入州來冬大雩衛孫林父出奔晉

春秋左傳卷十三

辛爾忍堂

傳七年春吳伐郟郟成季文子曰中國不振旅蠻夷入伐而莫之或恤無弔者也夫詩曰不弔昊天亂靡有定其此之謂乎有上不弔其誰不受亂吾亡無日

矣君子曰知懼如是斯不亡矣鄭子良相成公以如晉見且拜師夏曹宣公來朝秋楚子重伐鄭師于汜諸侯救鄭鄭共仲侯羽軍楚師囚鄭公鍾儀獻諸晉

八月同盟于馬陵尋蟲牢之盟且莒服故也晉人以鍾儀歸囚諸軍府楚圍宋之役師還子重請取於申呂以爲賞田王許之申公巫臣曰不可此申呂所以

春秋左傳卷十二

王孫思堂

邑也是以爲賦以御北方若取之是無申呂也晉鄭必至于漢王乃止子重是以怨巫臣子反欲取夏姬巫臣止之遂取以行子反亦怨之及共王即位子重

子反殺巫臣之族子閻子蕩及清尹弗忌及襄老之子黑要而分其室子重取子閻之室使沈尹與王子罷分子蕩之室子反取黑要與清尹之室巫臣自晉

春秋左傳卷十二

王孫思堂

遺二子書曰爾以讒慝貪怵事君而多殺不辜余必使爾罷於奔命以死巫臣請使於吳晉侯許之吳子壽夢說之乃通吳于晉以兩之一卒適吳舍偏兩之

一焉與其射御教吳乘車
教之戰陳教之叛楚寘其
子狐庸焉使爲行人於吳
吳始伐楚伐巢伐徐子重
奔命馬陵之會吳入州來
子重自鄭奔命子重子反

春秋左傳卷十一

韋廉忍堂

於是乎一歲七奔命蠻夷
屬於楚者吳盡取之是以
始大通吳於上國衛定
公惡孫林父冬孫林父
出奔晉衛侯如晉晉反戚
焉

經八年春晉侯使韓穿來
言汶陽之田歸之于齊晉
欒書帥師侵蔡公孫嬰齊
如莒宋公使華元來聘夏
宋公使公孫壽來納幣晉
殺其大夫趙同趙括秋七

春秋左傳卷十二

韋廉忍堂

月天子使召伯來賜公命
冬十月癸卯杞叔姬卒晉
侯使士燮來聘叔孫僑如
會晉士燮齊人邾人伐郟
衛人來媵
傳八年春晉侯使韓穿

來言汶陽之田歸之于齊
季文子餞之私焉曰大國
制義以爲盟主是以諸侯
懷德畏討無有貳心謂
汶陽之田敝邑之舊也而
用師於齊使歸諸敝邑

春秋左傳

卷二

今有二命曰歸諸齊信以
行義義以成命小國所望
而懷也信不可知義無
所立四方諸侯其誰不解
體詩曰女也不爽士貳其
行士也罔極二三其德七

年之中一與一奪二三孰
甚焉士之二三猶喪妃耦
而況霸主霸主將德是
以而二三之其何以長有
諸侯乎詩曰猶之未遠是
用大簡行父懼晉之不遠

春秋左傳

卷二

猶而失諸侯也是以敢私
言之晉欒書侵蔡遂侵
楚獲申驪楚師之還也晉
侵沈獲沈子揖初從知
范韓也君子曰從善如流
宜哉詩曰愷悌君子遐不

作人求善也夫作人斯有
功績矣是行也鄭伯將會
晉師門于許東門大獲
焉聲伯如莒逆也宋華元
來聘聘共姬也夏宋公使
公孫壽來納幣禮也晉趙

春秋左傳卷五

季孫思堂

莊姬爲趙嬰之亡故譖之
于晉侯曰原屏將爲亂
欒卻爲徵六月晉討趙同
趙括武從姬氏畜于公宮
以其田與祁奚韓厥言於
晉侯曰成季之勲宣孟之

忠而無後爲善者其懼
矣三代之令王皆數百年
保天之祿夫豈無辟王賴
前哲以免也周書曰不敢
侮鰥寡所以明德也乃立
武而反其田焉秋召桓公

春秋左傳卷五

季孫思堂

來賜公命晉侯使申公巫
臣如吳假道于莒與渠丘
公立於池上曰城已惡莒
子曰辟陋在夷其孰以我
爲虞對曰夫狡焉思啓封
疆以利社稷者何國蔑有

唯然故多大國矣唯或思
或縱也勇夫重閉況國乎
冬杞叔姬卒來歸自杞故
書晉士燮來聘言伐郟也
以其事吳故公賂之請緩
師文子不可曰君命無貳

春秋左傳

卷二

失信不立禮無加貨事無
二成君後諸侯是寡君不
得事君也燮將復之季孫
懼使宣伯帥師會伐郟
衛人來媵共姬禮也凡諸
侯嫁女同姓媵之異姓則

否

經九年春王正月杞伯來
逆叔姬之喪以歸公會晉
侯齊侯宋公衛侯鄭伯曹
伯莒子杞伯同盟于蒲公
至自會二月伯姬歸于宋

春秋左傳

卷三

夏季孫行父如宋致女晉
人來媵秋七月丙子齊侯
無野卒晉人執鄭伯晉欒
書帥師伐鄭冬十有一月
葬齊頃公楚公子嬰齊帥
師伐莒庚申莒潰楚人入

鄆秦人白狄伐晉鄭人圍許城中城

傳九年春杞桓公來逆叔姬之喪請之也杞叔姬卒爲杞故也逆叔姬爲我也爲歸汶陽之田故諸侯貳

於晉晉人懼會於蒲以尋馬陵之盟季文子謂范文子曰德則不競尋盟何爲范文子曰勤以撫之寬以待之堅彊以御之明神以要之柔服而伐貳德之次

也是行也將始會吳吳人不至二月伯姬歸于宋楚人以重賂求鄭鄭伯會楚公子成于鄧夏季文子如宋致女復命公享之賦韓弈之五章穆姜出于房再拜曰大夫勤辱不忘先君以及嗣君施及未亡人先君猶有望也敢拜大夫之重勤又賦綠衣之卒章而入晉人來媵禮也秋鄭伯如晉晉人討其貳於楚也

執諸銅鞮藥書伐鄭鄭人使伯蠲行成晉人殺之非禮也兵交使在其間可也楚子重侵陳以救鄭晉侯觀于軍府見鍾儀問之曰南冠而縶者誰也有司對

春秋左傳卷二

李商隱注

曰鄭人所獻楚囚也使稅之召而弔之再拜稽首問其族對曰泠人也公曰能樂乎對曰先父之職官也敢有二事使與之琴操南音公曰君王何如對曰非

小人之所得知也固問之對曰其爲大子也師保奉之以朝于嬰齊而夕于側也不知其他公語范文子文子曰楚囚君子也言稱先職不背本也樂操土風

春秋左傳卷二

李商隱注

不忘舊也稱大子抑無私也名其二卿尊君也不背本仁也不忘舊信也無私忠也尊君敏也仁以接事信以守之忠以成之敏以行之事雖大必濟君盍歸

之使合晉楚之成公從之
重爲之禮使歸求成冬十
一月楚子重自陳伐莒圍
渠丘渠丘城惡衆潰奔莒
戊申楚入渠丘莒人囚楚
公子平楚人曰勿殺吾歸

春秋左傳卷三

筆而忠堂

而俘莒人殺之楚師圍莒
莒城亦惡庚申莒潰楚遂
入鄆莒無備故也君子曰
恃陋而不備罪之大者也
備豫不虞善之大者也
莒恃其陋而不脩城郭浹辰之

閒而楚克其三都無備也
夫詩曰雖有絲麻無弃菅
蒯雖有姬姜無弃蕉萃凡
百君子莫不代匱言備之
不可以已也秦人白狄伐
晉諸侯貳故也鄭人圍許

春秋左傳卷三

筆而忠堂

示晉不急君也是則公孫
申謀之曰我出師以圍許
爲將改立君者而紓晉使
晉必歸君城中城書時也
十二月楚子使公子辰如
晉報鍾儀之使請脩好結

成

經十年春衛侯之弟黑背帥師侵鄭夏四月五卜郊不從乃不郊五月公會晉侯齊侯宋公衛侯曹伯伐鄭齊人來媵丙午晉侯

春秋左傳卷十二

李爾忍堂

孺卒秋七月公如晉冬十月傳十年春晉侯使糴莠如楚報大宰子商之使也衛子叔黑背侵鄭晉命也鄭公子班聞叔申之謀三月

子如立公子繻夏四月鄭人殺繻立髡頑子如奔許欒武子曰鄭人立君我執一人焉何益不如伐鄭而歸其君以求成焉晉侯有疾五月晉立太子州蒲以

春秋左傳卷十三

李爾忍堂

爲君而會諸侯伐鄭鄭子罕賂以襄鐘子然盟于脩澤子馬爲質辛巳鄭伯歸晉侯夢大厲被髮及地搏膺而踊曰殺余孫不義余得請於帝矣壞大門及寢

門而入公懼入于室又壞
戶公覺召桑田巫巫言如
夢公曰何如曰不食新矣
公疾病求醫于秦秦伯使
醫緩爲之未至公夢疾爲
二豎子曰彼良醫也懼傷

春秋左傳卷五

宋南忠堂

我焉逃之其一曰居肅之
上膏之下若我何醫至曰
疾不可爲也在肅之上膏
之下攻之不可達之不及
藥不至焉不可爲也公曰
良醫也厚爲之禮而歸之

六月丙午晉侯欲麥使甸
人獻麥饋人爲之召桑田
巫示而殺之將食張如廁
陷而卒小臣有晨夢負公
以登天及日中負晉侯出
諸廁遂以爲殉鄭伯討立

春秋左傳卷五

宋南忠堂

君者戊申殺叔申叔禽君
子曰忠爲令德非其人猶
不可況不令乎秋公如晉
晉人止公使送葬於是糴
芻未反冬葬晉景公公送
葬諸侯莫在魯人辱之故

不書諱之也

春秋卷第十二

春秋左傳卷第十二

春秋左傳卷第十二

春秋經傳集解成下第十三

杜氏 盡十八年

經十有一年春王三月公
至自晉晉侯使卻犇來聘
己丑及卻犇盟夏季孫行

春秋左傳卷第十三

十二節 忠堂

父如晉秋叔孫僑如如齊
冬十月

傳十一年春王三月公至
自晉晉人以公爲貳於楚
故止公公請受盟而後使
歸卻犇來聘且涖盟聲伯

春秋左傳卷第十三

十二節 忠堂

之母不聘穆姜曰吾不以
妾爲姒生聲伯而出之嫁
於齊管子奚生二子而寡
以歸聲伯聲伯以其外弟
爲大夫而嫁其外妹於施
孝叔卻犇來聘求婦於聲

伯聲伯奪施氏婦以與之婦
人曰鳥獸猶不失儷子將
若何曰吾不能死亡婦人
遂行生二子於卻氏卻氏
亡晉人歸之施氏施氏逆
諸河沈其二子婦人怒曰

已不能庇其伉儷而亡之
又不能字人之孤而殺之
將何以終遂誓施氏夏季
文子如晉報聘且泣盟也
周公楚惡惠襄之偏也且
與伯與爭政不勝怒而出

春秋左傳卷三

平南忠堂

及陽樊王使劉子復之盟
于鄆而入三日復出奔晉
秋宣伯聘于齊以脩前好
晉卻至與周爭鄆田王命
劉康公單襄公訟諸晉卻
至曰溫吾故也故不敢失

劉子單子曰昔周克商使
諸侯撫封蘇忿生以溫爲
司寇與檀伯達封于河蘇
氏即狄又不能於狄而奔
衛襄王勞文公而賜之溫
狐氏陽氏先處之而後及

春秋左傳卷三

中南忠堂

子若治其故則王官之邑
也子安得之晉侯使卻至
勿敢爭宋華元善於令尹
子重又善於欒武子聞楚
人既許晉糴伐成而使歸
復命矣冬華元如楚遂如晉

合晉楚之成秦晉爲成將
會于令狐晉侯先至焉秦
伯不肯涉河次于王城使
史黶盟晉侯于河東晉卻
鮒盟秦伯于河西范文子
曰是盟也何益齊盟所以

春秋左傳卷三

卷三

質信也會所信之始也始
之不從其可質乎秦伯歸
而背晉成

經十有二年春周公出奔
晉夏公會晉侯衛侯于瑣
澤秋晉人敗狄于交剛冬

十月
傳十二年春王使以周公
之難來告書曰周公出奔
晉凡自周無出周公自出
故也宋華元克合晉楚之
成夏五月晉士燮會楚公

春秋左傳卷三

卷三

子罷許偃癸亥盟于宋西
門之外曰凡晉楚無相加
戎好惡同之同恤菑危備
救凶患若有害楚則晉伐
之在晉楚亦如之交贄往
來道路無雍謀其不協而

詩不庭有渝此盟明神殛之俾隊其師無克胙國鄭伯如晉聽成會于瑣澤成故也狄人閒宋之盟以侵晉而不設備秋晉人敗狄于交剛晉卻至如楚聘且

春秋左傳卷三

十七兩忠堂

泣盟楚子享之子反相爲地室而縣焉卻至將登金奏作於下驚而走出子反曰日云莫矣寡君須矣吾子其入也賓曰君不忘先君之好施及下臣貺之以

大禮重之以備樂如天之福兩君相見何以代此下臣不敢子反曰如天之福兩君相見無亦唯是一矢以相加遺焉用樂寡君須矣吾子其入也賓曰若讓

春秋左傳卷三

十八兩忠堂

之以一矢禍之大者其何福之爲世之治也諸侯閒於天子之事則相朝也於是乎有享宴之禮享以訓共儉宴以示慈惠共儉以行禮而慈惠以布政政以禮

成已是以息百官承事朝而不夕此公侯之所以扞城其已也故詩曰赳赳武夫公侯干城及其亂也諸侯貪冒侵欲不忌爭尋常以盡其已略其武夫以爲

春秋左傳卷三

九節忍堂

已腹心股肱爪牙故詩曰赳赳武夫公侯腹心天下有道則公侯能爲已干城而制其腹心亂則反之今吾子之言亂之道也不可爲法然吾子主也至敢

不從遂入卒事歸以語范文子文子曰無禮必食言吾死無日矣夫冬楚公子罷如晉聘且涖盟十二月晉侯及楚公子罷盟于赤棘

春秋左傳卷三

十節忍堂

經十有三年春晉侯使卻錡來乞師三月公如京師夏五月公至自京師遂會晉侯齊侯宋公衛侯鄭伯曹伯邾人滕人伐秦曹伯盧卒于師秋七月公至自

伐秦冬葬曹宣公

傳十三年春晉侯使卻錡來乞師將事不敬孟獻子曰卻氏其亡乎禮身之幹也敬身之基也卻子無基且先君之嗣卿也受命以

春秋左傳

卷一三

求師將社稷是衛而惰弃君命也不亡何爲三月公如京師宣伯欲賜請先使王以行人之禮禮焉孟獻子從王以爲介而重賄之公及諸侯朝王遂從劉康

公成肅公會晉侯伐秦成子受脤于社不敬劉子曰吾聞之民受天地之中以生所謂命也是以有動作禮義威儀之則以定命也能者養之以福不能者敗

春秋左傳

卷一三

以取禍是故君子勤禮小人盡力勤禮莫如致敬盡力莫如敦篤敬在養神篤在守業國之大事在祀與戎祀有執膳戎有受脤神之大節也今成子惰弃其

命矣其不反乎夏四月戊午晉侯使呂相絕秦曰昔逮我獻公及穆公相好勳力同心申之以盟誓重之以昏姻天禍晉國文公如齊惠公如秦無祿獻公即世穆公不忘舊德俾我惠公用能奉祀于晉又不能成大勲而爲韓之師亦悔于厥心用集我文公是穆之成也文公躬擐甲胄跋履山川踰越險阻征東之

諸侯虞夏商周之胤而朝諸秦則亦旣報舊德矣鄭人怒君之疆場我文公帥諸侯及秦圍鄭秦大夫不詢于我寡君擅及鄭盟諸侯疾之將致命于秦文公恐懼綏靜諸侯秦師克還無害則是我有大造于西也無祿文公即世穆爲不弔蔑死我君寡我襄公迭我殽地奸絕我好伐我保城殄滅我費滑散離我兄

弟撓亂我同盟傾覆我國
家我襄公未忘君之舊勲
而懼社稷之隕是以有穀
之師猶願赦罪于穆公穆
公弗聽而即楚謀我天誘
其衷成王隕命穆公是以

不克還志于我穆襄即世
康靈即位康公我之自出
又欲闕翦我公室傾覆我
社稷帥我螫賊以來蕩搖
我邊疆我是以有令狐之
役康猶不悛入我河曲伐

我涑川俘我王官翦我羈
馬我是以有河曲之戰東
道之不通則是康公絕我
好也及君之嗣也我君景
公引領西望曰庶撫我乎
君亦不惠稱盟利吾有狄

難入我河縣焚我箕郤芟
夷我農功虔劉我邊垂我
是以有輔氏之聚君亦悔
禍之延而欲徼福于先君
獻穆使伯車來命我景公
曰吾與女同好弃惡復脩

舊德以追念前勲言誓未就景公即世我寡君是以有令狐之會君又不祥背弃盟誓白狄及君同州君之仇讎而我昏姻也君來賜命曰吾與女伐狄寡君

春秋左傳卷之六

卷之六

不敢顧昏姻畏君之威而受命于吏君有二心於狄曰晉將伐女狄應且憎是用告我楚人惡君之二三其德也亦來告我曰秦背令狐之盟而來求盟于我

昭告昊天上帝秦三公楚三王曰余雖與晉出入余唯利是視不穀惡其無成德是用宣之以懲不壹諸侯備聞此言斯是用痛心疾首暱就寡人寡人帥以

春秋左傳卷之六

卷之六

聽命唯好是求君若惠顧諸侯矜哀寡人而賜之盟則寡人之願也其承寧諸侯以退豈敢徼亂君若不施大惠寡人不佞其不能以諸侯退矣敢盡布之執

事俾執事實圖利之秦桓公既與晉厲公爲令狐之盟而又召狄與楚欲道以伐晉諸侯是以睦於晉晉欒書將中軍荀庚佐之士燮將上軍卻錡佐之韓厥

春秋左傳卷三

十九 昭公三年

將下軍荀罃佐之趙旃將新軍卻至佐之卻縠御戎欒鍼爲右孟獻子曰晉師乘和師必有大功五月丁亥晉師以諸侯之師及秦師戰于麻隧秦師敗績獲

秦成差及不更女父曹宣公卒于師師遂濟涇及侯麗而還迺晉侯于新楚成肅公卒于瑕六月丁卯夜鄭公子班自訾求入于大宮不能殺子印子羽反軍

春秋左傳卷三

二十 昭公四年

于市己巳子駟帥國人盟于大宮遂從而盡焚之殺子如子駟孫叔孫知曹人使公子負芻守使公子欣時逆曹伯之喪秋負芻殺其大子而自立也諸侯乃

請討之晉人以其役之勞
請俟他年冬葬曹宣公既
葬子臧將亡國人皆將從
之成公乃懼告罪且請焉
乃反而致其邑

經十有四年春王正月莒

春秋左傳卷十三

王伯忍堂

子朱卒夏衛孫林父自晉
歸于衛秋叔孫僑如如齊
逆女鄭公子喜帥師伐許
九月僑如以夫人婦姜氏
至自齊冬十月庚寅衛侯
臧卒秦伯卒

傳十四年春衛侯如晉晉
侯強見孫林父焉定公不
可夏衛侯既歸晉侯使卻
犇送孫林父而見之衛侯
欲辭定姜曰不可是先君
宗卿之嗣也大國又以為

春秋左傳卷十三

王伯忍堂

請不許將亡雖惡之不猶
愈於亡乎君其忍之安民
而宥宗卿不亦可乎衛侯
見而復之衛侯饗苦成叔
甯惠子相苦成叔傲甯子
曰苦成家其亡乎古之為

享食也以觀威儀省禍福也故詩曰兕觥其觶旨酒思柔彼交匪傲萬福來求今夫子傲取禍之道也秋宣伯如齊逆女稱族尊君命也八月鄭子罕伐許敗

春秋左傳卷三

韋南堂

焉戊戌鄭伯復伐許庚子入其郛許人平以叔申之封九月僑如以夫人婦姜氏至自齊舍族尊夫人也故君子曰春秋之稱微而顯志而晦婉而成章盡而

不汙懲惡而勸善非聖人誰能脩之衛侯有疾使孔成子甯惠子立敬妣之子衍以爲太子冬十月衛定公卒夫人姜氏旣哭而息見太子之不哀也不內酌

春秋左傳卷三

韋南堂

飲歎曰是夫也將不唯衛國之敗其必始於未亡人烏呼天禍衛國也夫吾不獲鱄也使主社稷大夫聞之無不聳懼孫文子自是不敢舍其重器於衛盡實

諸戚而甚善晉大夫

經十有五年春王二月葬
衛定公三月乙巳仲嬰齊
卒癸丑公會晉侯衛侯鄭
伯曹伯宋世子成齊國佐
邾人同盟于戚晉侯執曹

春秋左傳卷五

圭爾忍堂

伯歸于京師公至自會夏
六月宋公固卒楚子伐鄭
秋八月庚辰葬宋共公宋
華元出奔晉宋華元自
晉歸于宋宋殺其大夫山
宋魚石出奔楚冬十有一

月叔孫僑如會晉士燮齊
高無咎宋華元衛孫林父
鄭公子鮑邾人會吳于鍾
離許遷于菜

傳十五年春會于戚討曹
成公也執而歸諸京師書

春秋左傳卷五

圭爾忍堂

曰晉侯執曹伯不及其民
也凡君不道於其民諸侯
討而執之則曰某人執某
侯不然則否諸侯將見子
臧於王而立之子臧辭曰
前志有之曰聖達節次守

節下失節爲君非吾節也
雖不能聖敢失守乎遂逃
奔宋夏六月宋共公卒楚
將北師子囊曰新與晉盟
而背之無乃不可乎子反
曰敵利則進何盟之有申

春秋左傳卷三

主和忍堂

叔時老矣在申聞之曰子
反必不免信以守禮禮以
庇身信禮之亡欲免得乎
楚子侵鄭及暴隧遂侵衛
及首止鄭子罕侵楚取新
石藥武子欲報楚韓獻子

曰無庸使重其罪臣將叛
之無臣孰戰秋八月葬宋
共公於是華元爲右師魚
石爲左師蕩澤爲司馬華
喜爲司徒公孫師爲司城
向爲人爲大司寇鱗朱爲

春秋左傳卷三

主和忍堂

少司寇向帶爲大宰魚府
爲少宰蕩澤弱公室殺公
子肥華元曰我爲右師君
臣之訓師所司也今公室
卑而不能正吾罪大矣不
能治官敢賴寵乎乃出奔

晉二華戴族也司城莊族也六官者皆桓族也魚石將止華元魚府曰右師反必討是無桓氏也魚石曰右師苟獲反雖許之討必不敢且多大功國人與之不

春秋左傳卷三

卷三

反懼桓氏之無祀於宋也右師討猶有戍在桓氏雖亡必偏魚石自止華元于河上請討許之乃反使華喜公孫師帥國人攻蕩氏殺子山書曰宋殺其大夫

山言背其族也魚石向爲人鱗朱向帶魚府出舍於睢上華元使止之不可冬十月華元自止之不可乃反魚府曰今不從不得入矣右師視速而言疾有異

春秋左傳卷三

卷三

志焉若不我納今將馳矣登丘而望之則馳騁而從之則決睢蒞閉門登陴矣左師二司寇二宰遂出奔楚華元使向戌爲左師老佐爲司馬樂裔爲司寇以

靖國人晉三卻害伯宗譖而殺之及欒弗忌伯州犂奔楚韓獻子曰卻氏其不免乎善人天地之紀也而驟絕之不亡何待初伯宗每朝其妻必戒之曰盜憎

春秋左傳卷十三

三王耐忍堂

主人臣惡其上子好直言必及於難十一月會吳于鍾離始通吳也許靈公畏偪于鄭請遷于楚辛丑楚公子申遷許于茷經十有六年春王正月雨

木冰夏四月辛未滕子卒鄭公子喜帥師侵宋六月丙寅朔日有食之晉侯使欒黶來乞師甲午晦晉侯及楚子鄭伯戰于鄢陵楚子鄭師敗績楚殺其大夫

春秋左傳卷十三

三王耐忍堂

公子側秋公會晉侯齊侯衛侯宋華元邾人于沙隨不見公公至自會公會尹子晉侯齊國佐邾人伐鄭曹伯歸自京師九月晉人執季孫行父舍之于莒

冬十月乙亥叔孫僑如出
奔齊十有二月乙丑季孫
行父及晉卻犇盟于扈公
至自會乙酉刺公子偃
傳十六年春楚子自武城
使公子成以汝陰之田求

春秋左傳卷三

三國志卷三

成于鄭鄭叛晉子駟從楚
子盟于武城夏四月滕文
公卒鄭子罕伐宋宋將鉏
樂懼敗諸洧陂退舍於夫
渠不做鄭人覆之敗諸洧
陵獲將鉏樂懼宋恃勝也

春秋左傳卷三

三國志卷三

衛侯伐鄭至于鳴鴈爲晉
故也晉侯將伐鄭范文子
曰若逞吾願諸侯皆叛晉
可以逞若唯鄭叛晉國之
憂可立俟也欒武子曰不
可以當吾世而失諸侯必
伐鄭乃興師欒書將中軍
士燮佐之卻錡將上軍荀
偃佐之韓厥將下軍卻至
佐新軍荀罃居守卻犇如
衛遂如齊皆乞師焉欒黶
來乞師孟獻子曰有勝

矣戊寅晉師起鄭人聞有
晉師使告于楚姚句耳與
往楚子救鄭司馬將中軍
令尹將左右尹子辛將右
過申子反入見申叔時曰
師其何如對曰德刑詳義

春秋左傳卷三

韋昭忍堂

禮信戰之器也德以施惠
刑以正邪詳以事神義以
建利禮以順時信以守物
民生厚而德正用利而事
節時順而物成上下和睦
周旋不逆求無不具各知

其極故詩曰立我烝民莫
匪爾極是以神降之福時
無災害民生敦龐和同以
聽莫不盡力以從上命致
死以補其闕此戰之所由
克也今楚內弃其民而外

春秋左傳卷三

韋昭忍堂

絕其好瀆齊盟而食話言
奸時以動而疲民以逞民
不知信進退罪也人恤所
底其誰致死子其勉之吾
不復見子矣姚句耳先歸
子馬問焉對曰其行速過

險而不整速則失志不整
喪列志失列喪將何以戰
楚懼不可用也五月晉師
濟河聞楚師將至范文子
欲反曰我僞逃楚可以紓
憂夫合諸侯非吾所能也

春秋左傳卷三

韋廉士堂

以遺能者我若^退羣臣輯睦
以事君多矣武子曰不可
六月晉楚遇於鄢陵范文
子不欲戰卻至曰韓之戰
惠公不振旅箕之役先軫
不反命邲之師荀伯不復

春秋左傳卷三

韋廉士堂

從皆晉之恥也子亦見先
君之事矣今我辟楚又益
恥也文子曰吾先君之亟
戰也有故秦狄齊楚皆彊
不盡力子孫將弱今三彊
服矣敵楚而已唯聖人能
外內無患自非聖人外寧
必有內憂盍釋楚以爲外
懼乎甲午晦楚晨壓晉軍
而陳軍吏患之范匄趨進
曰塞井夷竈陳於軍中而
䟽行首晉楚唯天所授何

患焉文子執戈逐之曰國之存亡天也童子何知焉藥書曰楚師輕窵固壘而待之三日必退退而擊之必獲勝焉郤至曰楚有六閒不可失也其二卿相惡

春秋左傳卷十三

韋南思堂

王卒以舊鄭陳而不整蠻軍而不陳陳不違晦在陳而踴合而加踴各顧其後莫有關心舊不必良以犯天忌我必克之楚子登巢車以望晉軍子重使大宰伯

州犁侍于王後王曰騁而左右何也曰召軍吏也皆聚於中軍矣曰合謀也張幕矣曰虔卜於先君也徹塵上矣曰將塞井夷竈而

春秋左傳卷十三

韋南思堂

爲行也皆乘矣左右執兵而下矣曰聽誓也戰乎曰未可知也乘而左右皆下矣曰戰禱也伯州犁以公卒告王苗賁皇在晉侯之側亦以王卒告皆曰國士

在且厚不可當也苗賁皇
言於晉侯曰楚之良在其
中軍王族而已請分良以
擊其左右而三軍萃於王
卒必大敗之公筮之史曰
吉其卦遇復䷗曰南國蹇

春秋左傳卷三

中書忍堂

射其元王中厥目國蹇王
傷不敗何待公從之有淖
於前乃皆左右相違於淖
步毅御晉厲公欒鍼爲右
彭名御楚共王潘黨爲右
石首御鄭成公唐苟爲右

欒范以其族夾公行陷於
淖欒書將載晉侯鍼曰書
退國有大任焉得專之且
侵官冒也失官慢也離局
姦也有三罪焉不可犯也
乃掀公以出於淖癸巳潘

春秋左傳卷三

中書忍堂

尫之黨與養由基蹲甲而
射之徹七札焉以示王曰
君有二臣如此何憂於戰
王怒曰大辱國詰朝爾射
死藝呂錡夢射月中之退
入於泥占之曰姬姓日也

異姓月也必楚王也射而中之退入於泥亦必死矣及戰射共王中目王召養由基與之兩矢使射呂錡中項伏弋以一矢復命卻至三遇楚子之卒見楚子

春秋左傳卷三

聖廟忠堂

必下免胄而趨風楚子使工尹襄問之以弓曰方事之殷也有韎韁之跗注君子也識見不穀而趨無乃傷乎卻至見客免胄承命曰君之外臣至從寡君之

戎事以君之靈間蒙甲胄不敢拜命敢告不寧君命之辱爲事之故敢肅使者三肅使者而退晉韓厥從鄭伯其御杜溷羅曰速從之其御屢顧不在馬可及

春秋左傳卷三

聖廟忠堂

也韓厥曰不可以再辱國君乃止卻至從鄭伯其右第翰胡曰諫輅之余從之乘而俘以下卻至曰傷國君有刑亦止石首曰衛懿公唯不去其旗是以敗於

熒乃內旌於弣中唐苟謂
石首曰子在君側敗者壹
大我不如子子以君免我
請止乃死楚師薄於險叔
山冉謂養由基曰雖君有
命爲國故子必射乃射再

春秋左傳卷三

聖王爾忍堂

發盡殪叔山冉搏人以投
中車折軾晉師乃止囚楚
公子茂藥鍼見子重之旌
請曰楚人謂夫旌子重之
麾也彼其子重也曰臣之
使於楚也子重問晉國之

勇臣對曰好以衆整曰又
何如臣對曰好以暇今兩國
治戎行人不使不可謂整
臨事而食言不可謂暇請
攝飲焉公許之使行人執
榼承飲造于子重曰寡君

春秋左傳卷三

聖王爾忍堂

乏使使鍼御持矛是以不
得犒從者使某攝飲子重
曰夫子嘗與吾言於楚必
是故也不亦識乎受而飲
之免使者而復鼓旦而戰
見星未巳子反命軍吏察

夷傷補卒乘純甲兵展車
馬雞鳴而食唯命是聽晉
人患之苗賁皇徇曰蒐乘
補卒秣馬利兵脩陳固列
蓐食申禱明日復戰乃逸
楚囚王聞之召子反謀穀

春秋左傳卷十三

聖廟忠堂

陽豎獻飲於子反子反醉
而不能見王曰天敗楚也
夫余不可以待乃宵遁晉
入楚軍三日穀館范文子立
於戎馬之前曰君幼諸臣
不佞何以及此君其戒之

周書曰惟命不于常有德
之謂楚師還及瑕王使謂
子反曰先大夫之覆師徒
者君不在子無以爲過不
穀之罪也子反再拜稽首
曰君賜臣死死且不朽臣

春秋左傳卷十三

聖廟忠堂

之卒實奔臣之罪也子重
使謂子反曰初隕師徒者
而亦聞之矣盍圖之對
曰雖微先大夫有之大
夫命側側敢不義側亡
君師敢忘其死王使止之

弗及而卒戰之日齊國佐
高無咎至于師衛侯出于
衛公出于壞隕宣伯通於
穆姜欲去季孟而取其室
將行穆姜送公而使逐二
子公以晉難告曰請反而

春秋左傳卷之六

史記卷之六

聽命姜怒公子偃公子鉏
趨過指之曰女不可是皆
君也公待於壞隕申宮傲
備設守而後行是以後使
孟獻子守于公宮秋會于
沙隨謀伐鄭也宣伯使告

春秋左傳卷之六

史記卷之六

卻犢曰魯侯待于壞隕以
待勝者卻犢將新軍且爲
公族大夫以主東諸侯取
貨于宣伯而訴公于晉侯
晉侯不見公曹人請于晉
曰自我先君宣公卽廿國
人曰若之何憂猶未弭而
又討我寡君以亡曹國社
稷之鎮公子是大泝曹也
先君無乃有罪乎若有罪
則君列諸會矣君唯不遺
德刑以伯諸侯豈獨遺諸

敝邑敢私布之七月公會
尹武公及諸侯伐鄭將行
姜又命公如初公又申守
而行諸侯之師次于鄭西
我師次于督揚不敢過鄭
子叔聲伯使叔孫豹請逆

春秋左傳卷一

卷一

于晉師爲食於鄭郊師逆
以至聲伯四日不食以待
之食使者而後食諸侯遷
于制田知武子佐下軍以
諸侯之師侵陳至于鳴鹿
遂侵蔡未反諸侯遷于潁

上戊午鄭子罕宵軍之宋
齊衛皆失軍曹人復請于
晉晉侯謂子臧反吾歸而
君子臧反曹伯歸子臧盡
致其邑與卿而不出宣伯
使告卻轡曰魯之有季孟

春秋左傳卷一

卷一

猶晉之有欒范也政令於
是乎成今其謀曰晉政多
門不可從也寧事齊楚有
亡而已蔑從晉矣若欲得
志於魯請止行父而殺之
我斃蔑也而事晉蔑有貳

矣魯不貳小國必睦不然
歸必叛矣九月晉人執季
文子于荅丘公還待于鄆
使子叔聲伯請季孫于晉
卻驪曰苟去仲孫蔑而止
季孫行父吾與子國親於

春秋左傳卷主

韋南思堂

公室對曰僑如之情子必
聞之矣若去蔑與行父是
大弃魯國而罪寡君也若
猶不弃而惠徼周公之福
使寡君得事晉君則夫二
人者魯國社稷之臣也若

朝亡之魯必夕亡以魯之
密邇仇讎亡而爲讎治之
何及卻驪曰吾爲子請邑
對曰嬰齊魯之常隸也敢
介大國以求厚焉承寡君
之命以請若得所請吾子

春秋左傳卷主

韋南思堂

之賜多矣又何求范文子
謂欒武子曰季孫於魯相
二君矣妾不衣帛馬不食
粟可不謂忠乎信讒慝而
弃忠良若諸侯何子叔嬰
齊奉君命無私謀國家不

貳圖其身不忘其君若虛其請是弃善人也子其圖之乃許魯平赦季孫冬十月出叔孫僑如而盟之僑如奔齊十二月季孫及郤犇盟于扈歸刺公子偃召

春秋左傳卷十三

季孫忍堂

叔孫豹于齊而立之齊聲

孟子通僑如使立於高國之間僑如曰不可以再罪奔衛亦間於卿晉侯使郤至獻楚捷于周與單襄公語驟稱其伐單子語諸大

夫曰溫季其亡乎位於七人之下而求掩其上怨之所聚亂之本也多怨而階亂何以在位夏書曰怨豈在明不見是圖將慎其細也今而明之其可乎

春秋左傳卷十三

季孫忍堂

經十有七年春衛北宮括帥師侵鄭夏公會尹子單子晉侯齊侯宋公衛侯曹伯邾人伐鄭六月乙酉同盟于柯陵秋公至自會齊高無咎出奔莒九月辛丑

用郊晉侯使荀罃來乞師
冬公會單子晉侯宋公衛
侯曹伯齊人邾人伐鄭十
有一月公至自伐鄭壬申
公孫嬰齊卒于貍脰十有
二月丁巳朔日有食之邾

孟子卷之七

子驪且卒晉殺其大夫卻
錡卻犇卻至楚人滅舒庸
傳十七年春王正月鄭子
駟侵晉虛滑衛北宮括救
晉侵鄭至于高氏夏五月
鄭大子髡頑侯孺爲質於

春秋左傳卷之七

孟子卷之七

楚楚公子成公子寅戍鄭
公會尹武公單襄公及諸
侯伐鄭自戲童至于曲洧
晉范文子反自鄆陵使其
祝宗祈死曰君驕侈而克
敵是天益其疾也難將作

矣愛我者唯祝我使我速
死無及於難范氏之福也
六月戊辰士燮卒乙酉同
盟于柯陵尋戚之盟也楚
子重救鄭師于首止諸侯
還齊慶克通于聲孟子與

婦人蒙衣乘輦而入于閔
鮑牽見之以告國武子武
子召慶克而謂之慶克久
不出而告夫人曰國子謫
我夫人怒國子相靈公以
會高鮑處守及還將至閉

春秋左傳卷三

先師名堂

門而索客孟子訴之曰高
鮑將不納君而立公子角
國子知之秋七月壬寅刑
鮑牽而逐高無咎無咎奔
莒高弱以盧叛齊人來召
鮑國而立之初鮑國去鮑

氏而來爲施孝叔臣施氏
卜宰匡句須吉施氏之宰
有百室之邑與匡句須邑
使爲宰以讓鮑國而致邑
焉施孝叔曰子實吉對曰
能與忠良吉孰大焉鮑國

春秋左傳卷三

先師名堂

相施氏忠故齊人取以爲
鮑氏後仲尼曰鮑莊子之
知不如葵葵猶能衛其足
冬諸侯伐鄭十月庚午圍
鄭楚公子申救鄭師于汝
上十一月諸侯還初聲伯

夢涉洹或與已瓊瑰食之
泣而爲瓊瑰盈其懷從而
歌之曰濟洹之水贈我以
瓊瑰歸乎歸乎瓊瑰盈吾
懷乎懼不敢占也還自鄭
壬申至于貍脰而占之曰

春秋左傳卷十三

奎韻忍堂

余恐死故不敢占也今衆
繁而從余三年矣無傷
也言之之莫而卒齊侯使
崔杼爲大夫使慶克佐之
帥師圍盧國佐從諸侯圍
鄭以難請而歸遂如盧師

殺慶克以穀叛齊侯與之
盟于徐關而復之十二月
盧降使國勝告難于晉待
命于清晉厲公侈多外嬖反
自鄆陵欲盡去羣大夫而
立其左右胥童以胥克之

春秋左傳卷十三

奎韻忍堂

廢也怨郤氏而嬖於厲公
郤錡奪夷陽五田五亦嬖
於厲公郤犇與長魚矯爭
田執而梏之與其父母妻
子同一轅旣矯亦嬖於厲
公藥書怨郤至以其不從

己而敗楚師也欲廢之使
楚公子筏告公曰此戰也
卻至實召寡君以東師之
未至也與軍帥之不具也
曰此必敗吾山奉孫周
事君公告藥書書曰其有

春秋左傳卷十三

左傳卷十三

焉不然豈其死之不恤而
受敵使乎君盍嘗使諸周
而察之卻至聘于周藥書
使孫周見之公使覘之信
遂怨卻至厲公田與婦人
先殺而飲酒後使大夫殺

卻至奉豕寺人孟張奪之
卻至射而殺之公曰季子
欺余厲公將作難胥童曰
必先三卻族大多怨去大
族不偪敵多怨有庸公曰
然卻氏聞之卻錡欲攻公

春秋左傳卷十三

左傳卷十三

曰雖死君必危卻至曰人
所以立信知勇也信不叛
君知不害臣勇不作亂失
茲三者其誰與我死而多
怨將安用之君實有臣而
殺之其謂君何我之有罪

吾死後矣若殺不辜將失其民欲安得乎待命而已受君之祿是以聚黨有黨而爭命罪孰大焉壬午胥童夷羊五帥甲八百將攻卻氏長魚矯請無用衆公

春秋左傳卷之

卷之

使清沸魋助之抽戈結衽而僞訟者三卻將謀於榭矯以戈殺駒伯苦成叔於其位溫季曰逃威也遂趨矯及諸其車以戈殺之皆尸諸朝胥童以甲劫欒書中

春秋左傳卷之

卷之

行偃於朝矯曰不殺二子憂必及君公曰一朝而尸三卿余不忍益也對曰人將忍君臣聞亂在外爲姦在內爲軌御姦以德御軌以刑不施而殺不可謂德

臣偪而不討不可謂刑德刑不立姦軌並至臣請行遂出奔狄公使辭於二子曰寡人有討於卻氏卻氏既伏其辜矣大夫無辱其復職位皆再拜稽首曰君

討有罪而免臣於死君之惠也二臣雖死敢忘君德乃皆歸公使胥童爲卿公遊于匠麗氏藥書中行偃遂執公焉召士匄士匄辭召韓厥韓厥辭曰昔吾畜

春秋左傳卷一三

李商隱堂

於趙氏孟姬之讒吾能違兵古人有言曰殺老牛莫之敢尸而況君乎二三子不能事君焉用厥也舒庸人以楚師之敗也道吳人圍巢伐駕圍釐虺遂恃吳

而不設備楚公子橐師襲舒庸滅之閏月乙卯晦藥書中行偃殺胥童已不與卻氏胥童道君爲亂故皆書曰晉殺其大夫

春秋左傳卷一三

李商隱堂

殺其大夫胥童庚申晉弑其君州蒲齊殺其大夫國佐公如晉夏楚子鄭伯伐宋宋魚石復入于彭城公至自晉晉侯使士匄來聘秋杞伯來朝八月邾子來

朝築鹿囿己丑公薨于路
寢冬楚人鄭人侵宋晉侯
使士魴來乞師十有二月
仲孫蔑會晉侯宋公衛侯
邾子齊崔杼同盟于虛朶
丁未葬我君成公

春秋左傳卷十三

充爾忍堂

傳十八年春王正月庚申
晉欒書中行偃使程滑弑
厲公葬之于翼東門之外
以車一乘使荀罃士魴逆
周子于京師而立之生十
四年矣大夫逆于清原周

子曰孤始願不及此雖及
此豈非天乎抑人之求君
使出命也立而不從將安
用君二三子用我今日否
亦今日共而從君神之所
福也對曰羣臣之願也敢

春秋左傳卷十三

半爾忍堂

不唯命是聽庚午盟而入
館于伯子同氏辛巳朝于
武宮逐不臣者七人周子
有兄而無慧不能辨菽麥
故不可立齊爲慶氏之難
故甲申晦齊侯使士華免

以戈殺國佐于內宮之朝
師逃于夫人之宮書曰齊
殺其大夫國佐弃命專殺
以穀叛故也使清人殺國
勝國弱來奔王湫奔萊慶
封爲大夫慶佐爲司寇旣

齊侯反國弱使嗣國氏禮

也二月乙酉朔晉悼公即
位于朝始命百官施舍已
責逮鰥寡振廢滯匡乏困
救災患禁淫慝薄賦斂宥
罪戾節器用時用民欲無

犯時使魏相士魴魏頡趙
武爲卿荀家荀會欒黶韓
無忌爲公族大夫使訓卿
之子弟共儉孝弟使士渥
濁爲大傅使脩范武子之
法右行辛爲司空使脩士

春秋左傳卷十三

三三忍堂

爲之法弁糾御戎校正屬
焉使訓諸御知義荀賓爲
右司士屬焉使訓夏力之
士時使卿無共御立軍尉
以攝之祁奚爲中軍尉羊
舌職佐之魏絳爲司馬張

老爲候奄鐸遏寇爲上軍
尉籍偃爲之司馬使訓卒乘
親以聽命程鄭爲乘馬御
六騶屬焉使訓羣騶知禮
凡六官之長皆已譽也舉
不失職官不易方爵不踰

卷之五

七圭齋忍堂

德師不陵正旅不偪師臣
無謗言所以復霸也公如
晉朝嗣君也夏六月鄭伯
侵宋及曹門外遂會楚子
伐宋取朝郟楚子辛鄭皇
辰侵城郛取幽丘同伐彭

城納宋魚石向爲人鱗朱
向帶魚府焉以三百乘戍
之而還書曰復入凡去其
國國逆而立之曰入復其
位曰復歸諸侯納之曰歸
以惡曰復入宋人患之西

春秋左傳卷三

七南蘭忍堂

鉏吾曰何也若楚人與吾
同惡以德於我吾固事之
也不敢貳矣大國無厭鄙
我猶憾不然而收吾憎使
贊其政以間吾讐亦吾患
也今將崇諸侯之姦而披其

地以塞夷庚逞姦而攜服
毒諸侯而懼吳晉吾庸多
矣非吾憂也且事晉何爲
晉必恤之公至自晉晉范
宣子來聘且拜朝也君子
謂晉於是乎有禮秋杞桓

春秋左傳

卷三

公來朝勞公且問晉故公
以晉君語之杞伯於是驟
朝于晉而請爲昏七月宋
老佐華喜圍彭城老佐卒
焉八月邾宣公來朝即位
而來見也築鹿囿書不時

也已丑公薨于路寢言道
也冬十一月楚子重救彭
城伐宋宋華元如晉告急
韓獻子爲政曰欲求得人
必先勤之成霸安疆自宋
始矣晉侯師于台谷以救

春秋左傳

卷三

宋遇楚師於靡角之谷楚
師還晉士魴來乞師季文
子問師數於臧武仲對曰
伐鄭之役知伯實來下軍
之佐也今彘季亦佐下軍
如伐鄭可也事大國無失

班爵而加敬焉禮也從之
十二月孟獻子會于虛打
謀救宋也宋人辭諸侯而
請師以圍彭城孟獻子請
於諸侯而先歸會葬丁未
葬我君成公書順也

孟子卷第十三

春秋卷第十三

春秋經傳集解襄元第十四

杜氏 盡九年

經元年春王正月公即位
仲孫蔑會晉欒黶宋華元
衛甯殖曹人莒人邾人滕

春秋左傳 卷十四

一 爾忍堂

人薛人圍宋彭城夏晉韓
厥帥師伐鄭仲孫蔑會齊
崔杼曹人邾人杞人次于
郕秋楚公子壬夫帥師侵
宋九月辛酉天王崩邾子
來朝冬衛侯使公孫剽來

聘晉侯使荀罃來聘

傳元年春己亥圍宋彭城
非宋地追書也於是爲宋
討魚石故稱宋且不登叛
人也謂之宋志彭城降晉
晉人以宋五大夫在彭城

春秋左傳 卷十四

二 爾忍堂

者歸寘諸瓠丘齊人不會
彭城晉人以爲討二月齊
大子光爲質於晉夏五月
晉韓厥荀偃帥諸侯之師
伐鄭入其郛敗其徒兵於
洧上於是東諸侯之師次

于郕以待晉師晉師自鄭
以郕之師侵楚焦夷及陳
晉侯衛侯次于戚以爲之
援秋楚子辛救鄭侵宋呂
留鄭子然侵宋取犬丘九
月邾子來朝禮也冬衛子

春秋左傳卷十四

平陽公堂

叔晉知武子來聘禮也凡
諸侯即位小國朝之大國
聘焉以繼好結信謀事補
闕禮之大者也

經二年春王正月葬簡王
鄭師伐宋夏五月庚寅夫

人姜氏薨六月庚辰鄭伯
踰卒晉師宋師衛甯殖侵
鄭秋七月仲孫蔑會晉荀
罃宋華元衛孫林父曹人
邾人于戚己丑葬我小君
齊姜叔孫豹如宋冬仲孫

春秋左傳卷十四

四庫全書

蔑會晉荀罃齊崔杼宋華
元衛孫林父曹人邾人滕
人薛人小邾人于戚遂城
虎牢楚殺其大夫公子申
傳二年春鄭師侵宋楚令
也齊侯伐萊萊人使正輿

子賂夙沙衛以索馬牛皆百匹齊師乃還君子是以知齊靈公之爲靈也夏齊姜薨初穆姜使擇美櫓以自爲櫓與頌琴季文子取以葬君子曰非禮也禮無

所逆婦養姑者也虧姑以成婦逆莫大焉詩曰其惟哲人告之話言順德之行季孫於是爲不哲矣且姜氏君之妣也詩曰爲酒爲醴烝畀祖妣以洽百禮降

福孔偕齊侯使諸姜宗婦來送葬召萊子萊子不會故晏弱城東陽以徧之鄭成公疾子駟請息肩於晉公曰楚君以鄭故親集矢於其目非異人任寡人也

若背之是弃力與言其誰暱我免寡人唯二三子秋七月庚辰鄭伯睞卒於是子罕當國子駟爲政子國爲司馬晉師侵鄭諸大夫欲從晉子駟曰官命未改

會于戚謀鄭故也孟獻子
曰請城虎牢以徧鄭知武
子曰善鄆之會吾子聞崔
子之言今不來矣滕薛小
邾之不至皆齊故也寡君
之憂不唯鄭罃將復於寡

春秋左傳卷十四

士師忍堂

君而請於齊得請而告吾
子之功也若不得請事將
在齊吾子之請諸侯之福
也豈唯寡君賴之穆叔聘
于宋通嗣君也冬復會于
戚齊崔武子及滕薛小邾

之大夫皆會知武子之言
故也遂城虎牢鄭人乃成
楚公子申爲右司馬多受
小國之賂以徧子重子辛
楚人殺之故書曰楚殺其
大夫公子申

春秋左傳卷十四

士師忍堂

經三年春楚公子嬰齊帥
師伐吳公如晉夏四月壬
戌公及晉侯盟于長樗公
至自晉六月公會單子晉
侯宋公衛侯鄭伯莒子邾
子齊世子光己未同盟于

雞澤陳侯使袁僑如會戊寅叔孫豹及諸侯之大夫及陳袁僑盟秋公至自會冬晉荀罃帥師伐許

傳三年春楚子重伐吳爲簡之師克鳩兹至于衡山

春秋左傳卷十四

九願忍堂

使鄧廖帥組甲三百被練三千以侵吳吳人要而擊之獲鄧廖其能免者組甲八十被練三百而已子重歸既飲至三日吳人伐楚取駕駕良邑也鄧廖亦楚

之良也君子謂子重於是役也所獲不如所亡楚人以是咎子重子重病之遂遇心疾而卒公如晉始朝也夏盟于長樗孟獻子相公稽首知武子曰天子在

春秋左傳卷十四

十一願忍堂

而君辱稽首寡君懼矣孟獻子曰以敝邑介在東表密邇仇讎寡君將君是望敢不稽首晉爲鄭服故且欲脩吳好將合諸侯使士匄告于齊曰寡君使匄以

歲之不易不虞之不戒寡
君願與一二兄弟相見以
謀不協請君臨之使句乞
盟齊侯欲勿許而難爲不
協乃盟于彤外祁奚請老
晉侯問嗣焉稱解狐其讎

春秋左傳卷十四

十二節忍堂

也將立之而卒又問焉對
曰午也可於是羊舌職死
矣晉侯曰孰可以代之對
曰赤也可於是使祁午爲
中軍尉羊舌赤佐之君子
謂祁奚於是能舉善矣稱

其讎不爲諂立其子不爲
比舉其偏不爲黨商書曰
無偏無黨王道蕩蕩其祁
奚之謂矣解狐得舉祁午
得位伯華得官建一官而
三物成能舉善也夫唯善

春秋左傳卷十四

十三節忍堂

故能舉其類詩云惟其有
之是以似之祁奚有焉六
月公會單頃公及諸侯己
未同盟于雞澤晉侯使荀
會逆吳子于淮上吳子不
至楚子辛爲令尹侵欲於

小國陳成公使素僑如會求成晉侯使和組父告于諸侯秋叔孫豹及諸侯之大夫及陳素僑盟陳請服也晉侯之弟揚干亂行於曲梁魏絳戮其僕晉侯怒

春秋左傳卷十四

韋爾忍堂

謂羊舌赤曰合諸侯以爲榮也揚干爲戮何辱如之必殺魏絳無失也對曰絳無貳志事君不辟難有罪不逃刑其將來辭何辱命焉言終魏絳至授僕人書

將伏劒士魴張老止之公讀其書曰日君乏使使臣斯司馬臣聞師衆以順爲武軍事有死無犯爲敬君合諸侯臣敢不敬君師不武執事不敬罪莫大焉臣

春秋左傳卷十四

十四 韋爾忍堂

懼其死以及揚干無所逃罪不能致訓至於用鉞臣之罪重敢有不從以怒君心請歸死於司寇公跣而出曰寡人之言親愛也吾子之討軍禮也寡人有弟

弗能教訓使干大命寡人之過也子無重寡人之過敢以爲請晉侯以魏絳爲能以刑佐已矣反役與之禮食使佐新軍張老爲中軍司馬士富爲候奄楚司

春秋左傳卷中

孟子卷中

馬公子何忌侵陳陳叛故也許靈公事楚不會于雞澤冬晉知武子帥師伐許經四年春王三月己酉陳侯午卒夏叔孫豹如晉秋七月戊子夫人如氏薨葬

陳成公八月辛亥葬我小君定姒冬公如晉陳人圍頓

傳四年春楚師爲陳叛故猶在繁陽韓獻子患之言於朝曰文王帥殷之叛國

春秋左傳卷中

孟子卷中

以事紂唯知時也今我易之難哉三月陳成公卒楚人將伐陳聞喪乃止陳人不聽命臧武仲聞之曰陳不服於楚必亡大國行禮焉而不服在大猶有咎而

況小乎夏楚彭名侵陳陳
無禮故也穆叔如晉報知
武子之聘也晉侯享之金
奏肆夏之三不拜工歌文
王之三又不拜歌鹿鳴之
三三拜韓獻子使行人子

春秋左傳卷十四

士肅忍堂

負問之曰子以君命辱於
敝邑先君之禮藉之以樂
以辱吾子吾子舍其大而
重拜其細敢問何禮也對
曰三夏天子所以享元侯
也使臣弗敢與聞文王兩

君相見之樂也臣不敢及
鹿鳴君所以嘉寡君也敢
不拜嘉四牡君所以勞使
臣也敢不重拜皇皇者華
君教使臣曰必諮於周臣
聞之訪問於善爲咨咨親

春秋左傳卷十四

士肅忍堂

爲詢咨禮爲度咨事爲諏
咨難爲謀臣獲五善敢不
重拜秋定如薨不殯于廟
無襯不虞匠慶謂季文子
曰子爲正卿而小君之喪
不成不終君也君長誰受

其咎初季孫爲己樹六檟於蒲圃東門之外匠慶請木季孫曰略匠慶用蒲圃之檟季孫不御君子曰志所謂多行無禮必自及也其是之謂乎冬公如晉聽

卷之九

十九

政晉侯享公公請屬鄆晉侯不許孟獻子曰以寡君之密邇於仇讎而願固事君無失官命鄆無賦於司馬爲執事朝夕之命敝邑敝邑褊小闕而爲罪寡君

卷之九

十九

是以願借助焉晉侯許之楚人使頓間陳而侵伐之故陳人圍頓無終子嘉父使孟樂如晉因魏莊子納虎豹之皮以請和諸戎晉侯曰戎狄無親而貪不如伐之魏絳曰諸侯新服陳新來和將觀於我我德則睦否則攜貳勞師於戎而楚伐陳必弗能救是弃陳也諸華必叛戎禽獸也獲戎失華無乃不可乎夏訓有

之曰有窮后羿公曰后羿何如對曰昔有夏之方衰也后羿自鉏遷于窮石因夏亡以代夏政恃其射也不脩己事而淫于原獸弃武羅伯因熊髡尨圍而用

春秋左傳卷十四

主事忍堂

寒浞寒浞伯明氏之讒子弟也伯明后寒弃之夷羿收之信而使之以爲己相浞行媚于內而施賂于外愚弄其民而虞羿于田樹之詐慝以取其國家外內

咸服羿猶不悛將歸自田家衆殺而亨之以食其子其子不忍食諸死于窮門靡奔有鬲氏浞因羿室生澆及豷恃其讒慝詐僞而不德于民使澆用師滅斟

春秋左傳卷十四

主事忍堂

灌及斟尋氏處澆于過處豷于戈靡自有鬲氏收二國之燼以滅浞而立少康少康滅澆于過后杼滅豷于戈有窮由是遂亡失人故也昔周辛甲之爲大史

也命百官官箴王闕於虞人之箴曰芒芒禹迹畫爲九州經啓九道已有寢廟獸有茂草各有攸處德用不擾在帝夷羿冒于原獸忘其國恤而思其麀牡武

孟子卷之七

盡心篇

不可重用不恢于夏家獸臣司原敢告僕夫虞箴如是可不懲乎於是晉侯好田故魏絳及之公曰然則莫如和戎乎對曰和戎有五利焉戎狄荐居貴貨易

春秋左傳卷中

孟子卷之七

土土可賈焉一也邊鄙不聳已狎其野穡人成功二也戎狄事晉四鄰振動諸侯威懷三也以德綏戎師徒不勤甲兵不頓四也鑒于后羿而用德度遠至邇安五也君其圖之公說使魏絳盟諸戎脩民事田以時冬十月邾人莒人伐郕臧紇救郕侵邾敗於狐駘國人逆喪者皆髹魯於是乎始髹國人誦之曰臧之

狐裘敗我於狐駘我君小子
朱儒是使朱儒朱儒使我
敗於邾

經五年春公至自晉夏鄭
伯使公子發來聘叔孫豹
郕卅子巫如晉仲孫蔑衛

春秋左傳卷十四

王孟昭忍堂

孫林父會吳于善道秋大
雩楚殺其大夫公子壬夫
公會晉侯宋公陳侯衛侯
鄭伯曹伯莒子邾子滕子
薛伯齊卅子光吳人郕人
于戚公至自會冬戍陳楚

公子貞帥師伐陳公會晉
侯宋公衛侯鄭伯曹伯齊
卅子光救陳十有二月公
至自救陳辛未季孫行父
卒

傳五年春公至自晉王使

春秋左傳卷十四

王孟昭忍堂

王叔陳生愬戎于晉晉人
執之士魴如京師言王叔
之貳於戎也夏鄭子國來
聘通嗣君也穆叔覲鄭大
子于晉以成屬鄭書曰叔
孫豹郕大子巫如晉言比

諸魯大夫也吳子使壽越如晉辭不會于雞澤之故且請聽諸侯之好晉人將爲之合諸侯使魯衛先會吳且告會期故孟獻子孫文子會吳于善道秋大雩

春秋左傳卷十四

王肅忍堂

旱也楚人討陳叛故曰由令尹子辛實侵欲焉乃殺之書曰楚殺其大夫公子壬夫貪也君子謂楚共王於是不刑詩曰周道挺挺我心局局講事不令集人

來定已則無信而殺人以逞不亦難乎夏書曰成允成功九月丙午盟于戚會吳且命戍陳也穆叔以屬郕爲不利使郕大夫聽命于會楚子囊爲令尹范宣

春秋左傳卷十四

王肅忍堂

子曰我喪陳矣楚人討貳而立子囊必改行而疾討陳陳近於楚臣朝夕急能無往乎有陳非吾事也無之而後可冬諸侯戍陳子囊伐陳十一月甲午會于

城棣以救之季文子卒大夫入斂公在位宰庀家器爲葬備無衣帛之妾無食粟之馬無藏金玉無重器備君子是以知季文子之忠於公室也相三君矣而

春秋左傳卷十四

元爾忍堂

無私積可不謂忠乎

經六年春王三月壬午杞伯姑容卒夏宋華弱來奔秋葬杞桓公滕子來朝莒人滅鄆冬叔孫豹如邾季孫宿如晉十有二月齊侯

滅萊

傳六年春杞桓公卒始赴以名同盟故也宋華弱與樂轡少相狎長相優又相謗也子蕩怒以弓梏華弱于朝平公見之曰司武而

春秋左傳卷十四

三爾忍堂

梏於朝難以勝矣遂逐之夏宋華弱來奔司城子罕曰同罪異罰非刑也專戮於朝罪孰大焉亦逐子蕩子蕩射子罕之門曰幾日而不我從子罕善之如初

秋滕成公來朝始朝公也
莒人滅鄆鄆恃賂也冬穆
叔如邾聘且脩平晉人以
鄆故來討曰何故亡鄆季
武子如晉見且聽命十一
月齊侯滅萊萊恃謀也於

春秋左傳卷十四

圭臬忍堂

鄭子國之來聘也四月晏
弱城東陽而遂圍萊甲寅
堙之環城傳於垓及杞桓
公卒之月乙未王湫帥師
及正輿子棠人軍齊師齊
師大敗之丁未入萊萊共

公浮柔奔棠正輿子王湫
奔莒莒人殺之四月陳無
宇獻萊宗器于襄宮晏弱
圍棠十一月丙辰而滅之
遷萊于郕高厚崔杼定其田
經七年春邾子來朝夏四

春秋左傳卷十四

圭臬忍堂

月三十郊不從乃免牲小
邾子來朝城費秋季孫宿
如衛八月螽冬十月衛侯
使孫林父來聘壬戌及孫
林父盟楚公子貞帥師圍
陳十有二月公會晉侯宋

公陳侯衛侯曹伯莒子邾
子于鄆鄭伯髡頑如會未
見諸侯丙戌卒于鄆陳侯
逃歸

傳七年春邾子來朝始朝
公也夏四月三卜邾不從

春秋左傳卷十四

韋爾忍堂

乃免牲孟獻子曰吾乃今
而後知有卜筮夫邾祀后
稷以祈農事也是故啓蟄
而郊邾而後耕今旣耕而
後卜邾宜其不從也南遺
爲費宰叔仲昭伯爲隧正

欲善季氏而求媚於南遺
謂遺請城費吾多與而役
故季氏城費小邾穆公來
朝亦始朝公也秋季武子
如衛報子叔之聘且辭緩
報非貳也冬十月晉韓獻

春秋左傳卷十四

韋爾忍堂

子告老公族穆子有廢疾
將立之辭曰詩曰豈不夙
夜謂行多露又曰弗躬弗
親庶民弗信無忌不才讓
其可乎請立起也與田蘇
游而曰好仁詩曰靖共爾

位好是正直神之聽之介
爾景福恤民爲德正直爲
正正曲爲直參和爲仁如
是則神聽之介福降之立
之不亦可乎庚戌使宣子
朝遂老晉侯謂韓無忌仁

春秋左傳卷十四

盡雨忠堂

使掌公族大夫衛孫文子
來聘且拜武子之言而尋
孫桓子之盟公登亦登叔
孫穆子相趨進曰諸侯之
會寡君未嘗後衛君今吾
子不後寡君寡君未知所

過吾子其少安孫子無辭
亦無悛容穆叔曰孫子必
亡爲臣而君過而不悛亡
之本也詩曰退食自公委
蛇委蛇謂從者也衡而委
蛇必折楚子囊圍陳會于

春秋左傳卷十四

盡雨忠堂

鄒以救之鄭僖公之爲大
子也於成之十六年與子
罕適晉不禮焉又與子豐
適楚亦不禮焉及其元年
朝于晉子豐欲愬諸晉而
廢之子罕止之及將會于

鄒子駟相又不禮焉侍者諫不聽又諫殺之及鄒子駟使賊夜弑僖公而以瘡疾赴于諸侯簡公生五年奉而立之陳人患楚慶虐慶寅謂楚人曰吾使公子

春秋左傳卷十四

主事司馬

黃往而執之楚人從之二慶使告陳侯于會曰楚人執公子黃矣君若不來羣臣不忍社稷宗廟懼有二圖陳侯逃歸
經八年春王正月公如晉

夏葬鄭僖公鄭人侵蔡獲蔡公子變季孫宿會晉侯鄭伯齊人宋人衛人邾人于邢丘公至自晉莒人伐我東鄙秋九月大雩冬楚公子貞帥師伐鄭晉侯使

春秋左傳卷十四

主事司馬

士匄來聘
傳八年春公如晉朝且聽朝聘之數鄭羣公子以僖公之死也謀子駟子駟先之夏四月庚辰辟殺子狐子熙子侯子丁孫擊孫惡

出奔衛庚寅鄭子國子耳
侵蔡獲蔡司馬公子變鄭
人皆喜唯子產不順曰小國
無文德而有武功禍莫大
焉楚人來討能勿從乎從
之晉師必至晉楚伐鄭自

春秋左傳卷中

先爾忍堂

今鄭國不四五年弗得寧
矣子國怒之曰爾何知國
有大命而有正卿童子_何言
焉將爲戮矣五月甲辰會
于邢丘以命朝聘之數使
諸侯之大夫聽命季孫宿

齊高厚宋向戌衛甯殖邾
大夫會之鄭伯獻捷于會
故親聽命大夫不書尊晉
侯也莒人伐我東鄙以疆
郕田秋九月大雩旱也冬
楚子囊伐鄭討其侵蔡也

春秋左傳卷中

先爾忍堂

子駟子國子耳欲從楚子
孔子矯子展欲待晉子駟
曰周詩有之曰俟河之清
人壽幾何北云詢多職競
作羅謀之多族已之多違
事滋無成已急矣姑從楚

以紓吾民晉師至吾又從之敬共幣帛以待來者小國之道也犧牲玉帛待於二竟以待彊者而庇民焉寇不爲害民不罷病不亦可乎子展曰小所以事大

春秋左傳卷十四

聖廟忍堂

信也小國無信兵亂日至亡無日矣五會之信今將背之雖楚救我將安用之親我無成鄙我是欲不可從也不如待晉晉君方明四軍無闕八卿和睦必不

弃鄭楚師遼遠糧食將盡必將速歸何患焉舍之間之杖莫如信完守以老楚杖信以待晉不亦可乎子駟曰詩云謀夫孔多是用不集發言盈庭誰敢執其

春秋左傳卷十四

聖廟忍堂

咎如匪行邁謀是用不得于道請從楚駢也受其咎乃及楚平使王子伯駢告于晉曰君命敝邑脩而車賦敝而師徒以討亂略蔡人不從敝邑之人不敢寧處

悉索敝賦以討于蔡獲司馬變獻于邢丘今楚來討曰女何故稱兵于蔡焚我郊保馮陵我城郭敝邑之衆夫婦男女不皇啓處以相救也翦焉傾覆無所控

春秋左傳卷四

聖廟忍堂

告已死亡者非其父兄即其子弟夫人愁痛不知所庇已知窮困而受盟于楚孤也與其二三臣不能禁止不敢不告知武子使行人子貢對之曰君有楚命

亦不使一个行李告于寡君而即安于楚君之所欲也誰敢違君寡君將帥諸侯以見于城下唯君圖之晉范宣子來聘且拜公之辱告將用師于鄭公享之

春秋左傳卷四

聖廟忍堂

宣子賦標有梅季武子曰誰敢哉今驛於草木寡君在君君之臭味也歡以承命何時之有武子賦角弓賓將出武子賦彤弓宣子曰城濮之役我先君文公

獻功于衡雍受彤弓于襄
王以爲子孫藏匄也先君
守官之嗣也敢不承命君
子以爲知禮

經九年春宋災夏季孫宿
如晉五月辛酉夫人姜氏

春秋左傳卷一四

吳頤忍堂

薨秋八月癸未葬我小君
穆姜冬公會晉侯宋公衛
侯曹伯莒子邾子滕子薛
伯杞伯小邾子齊世子光
伐鄭十有二月己亥同盟
于戲楚子伐鄭

傳九年春宋災樂喜爲司
城以爲政使伯氏司里火
所未至徹小屋塗大屋陳
畚梲具綆缶備水器量輕
重蓄水潦積土塗巡丈城
繕守備表火道使華臣具

春秋左傳卷一四

吳頤忍堂

正徒令隧正納郊保奔火
所使華閱討右官官庀其
司向戍討左亦如之使樂
遄庀刑器亦如之使皇鄖
命校正出馬工正出車備
甲兵庀武守使西鉏吾庀

府守令司宮巷伯倣宮二
師命四鄉正敬享祝宗用
馬于四墉祀盤庚于西門
之外晉侯問於士弱曰吾
聞之宋災於是乎知有天
道何故對曰古之火正或

春秋左傳卷十四

卷十四

食於心或食於味以出內
火是故味爲鶉火心爲大
火陶唐氏之火正閼伯居
商丘祀大火而火紀時焉
相土因之故商主大火商
人閱其禍敗之釁必始於

火是以日知其有天道也
公曰可必乎對曰在道國
亂無象不可知也夏季武
子如晉報宣子之聘也穆
姜薨于東宮始往而筮之
遇艮之八_䷳史曰是謂艮

春秋左傳卷十四

卷十四

之隨_䷐隨其出也君必速
出姜曰亡是於周易曰隨
元亨利貞無咎元體之長
也亨嘉之會也利義之和
也貞事之幹也體仁足以
長人嘉德足以合禮利物

足以和義貞固足以幹事
然故不可誣也是以雖隨
無咎今我婦人而與於亂
固在下位而有不仁不可
謂元不靖國家不可謂亨
作而害身不可謂利弃位

春秋左傳卷十四

吳南忠堂

而姣不可謂貞有四德者
隨而無咎我皆無之豈
隨也哉我則取惡能無咎
乎必死於此弗得出矣秦
景公使士雅乞師于楚將
以伐晉楚子許之子囊曰

不可當今吾不能與晉爭
晉君類能而使之舉不失
選官不易方其卿讓於善
其大夫不失守其士競於
教其庶人力於農穡商工
阜隸不知遷業韓厥老矣

春秋左傳卷十四

李南忠堂

知罃稟焉以爲政范匄少
於中行偃而上之使佐中
軍韓起少於欒黶而欒黶
士魴上之使佐上軍魏絳
多功以趙武爲賢而爲之
佐君明臣忠上讓下競當

是時也晉不可敵事之而後可君其圖之王曰吾既許之矣雖不及晉必將出師秋楚子師于武城以爲秦援秦人侵晉晉饑弗能報也冬十月諸侯伐鄭庚

春秋左傳卷之

季康公

午季武子齊崔杼宋皇郎從荀罃士匄門于鄆門衛北宮括曹人邾人從荀偃韓起門于師之梁滕人歸人從欒黶士魴門于北門杞人邠人從趙武魏絳斬

行栗甲戌師于汜令於諸侯曰脩器備盛饌糧歸老幼居疾于虎牢肆眚圍鄭鄭人恐乃行成中行獻子曰遂圍之以待楚人之救也而與之戰不然無成知武

春秋左傳卷之

季康公

子曰許之盟而還師以敝楚人吾三分四軍與諸侯之銳以逆來者於我未病楚不能矣猶愈於戰暴骨以逞不可以爭大勞未艾君子勞心小人勞力先王

之制也諸侯皆不欲戰乃
許鄭成十一月己亥同盟
于戲鄭服也將盟鄭六卿
公子駢公子發公子嘉公
孫輒公孫薑公孫舍之及
其大夫門子皆從鄭伯晉

春秋左傳卷一四

春秋左傳卷一四

士莊子爲載書曰自今日
既盟之後鄭國而不唯晉
命是聽而或有異志者有
如此盟公子駢趨進曰天
禍鄭國使介居二大國之
間大國不加德音而亂以

要之使其鬼神不獲歆其
禋祀其臣人不獲享其土
利夫婦辛苦墊隘無所底
告自今日既盟之後鄭國
而不唯有禮與彊可以庇
臣者是從而敢有異志者

春秋左傳卷一四

春秋左傳卷一四

亦如之荀偃曰改載書公
孫舍之曰昭大神要言焉
若可改也大國亦可叛也
知武子謂獻子曰我實不
德而要人以盟豈禮也哉非
禮何以主盟姑盟而退脩

德息師而來終必獲鄭何
必今日我之不德已將弃
我豈唯鄭若能休和遠人
將至何恃於鄭乃盟而還
晉人不得志於鄭以諸侯
復伐之十二月癸亥門其

春秋左傳卷十四

襄公四年

三門閏月戊寅濟于陰阪
侵鄭次于陰口而還子孔
曰晉師可擊也師老而勞
且有歸志必大克之子展
曰不可公送晉侯晉侯以
公宴于河上問公年季武

子對曰會于沙隨之歲寡
君以生晉侯曰十二年矣是
謂一終一星終也國君十五
而生子冠而生子禮也君
可以冠矣大夫盍爲冠具
武子對曰君冠必以裸享

春秋左傳卷十四

襄公四年

之禮行之以金石之樂節
之以先君之祧處之今寡
君在行未可具也請及兄
弟之國而假備焉晉侯曰
諾公還及衛冠于成公之
廟假鐘磬焉禮也楚子伐

鄭子駟將及楚平子孔子
矯曰與大國盟口血未乾
而背之可乎子駟子展曰
吾盟固云唯彊是從今楚
師至晉不我救則楚彊矣
盟誓之言豈敢背之且要

春秋左傳卷一四

春秋左傳卷一四

盟無質神弗臨也所臨唯
信信者言之瑞也善之主
也是故臨之明神不蠲要
盟背之可也乃及楚平公
子罷戎入盟同盟于中分
楚莊夫人卒王未能定鄭

而歸晉侯歸謀所以息已
魏絳請施舍輸積聚以貸
自公以下苟有積者盡出
之國無滯積亦無困人公
無禁利亦無貪已所以幣
更賔以特牲器用不作車

春秋左傳卷一四

春秋左傳卷一四

服從給行之期年國乃有
節三駕而楚不能與爭

春秋卷第十四

春秋經傳集解襲二第十五

杜氏 盡十五年

經十年春公會晉侯宋公
衛侯曹伯莒子邾子滕子
薛伯杞伯小邾子齊世子

春秋左傳卷五

十南忍堂

光會吳于柤夏五月甲午
遂滅偃陽公至自會楚公
子貞鄭公孫輒帥師伐宋
晉師伐秦秋莒人伐我東
鄙公會晉侯宋公衛侯曹
伯莒子邾子齊世子光滕

子薛伯杞伯小邾子伐鄭
冬盜殺鄭公子駢公子發
公孫輒戍鄭虎牢楚公子
貞帥師救鄭公至自伐鄭
傳十年春會于柤會吳子
壽夢也三月癸丑齊高厚

春秋左傳卷五

南忍堂

相大子光以先會諸侯于
鍾離不敬士莊子曰高子
相大子以會諸侯將社稷
是衛而皆不敬弃社稷也
其將不免乎夏四月戊午
會于柤晉荀偃士匄請伐

偃陽而封宋向戌焉荀瑩
曰城小而固勝之不武弗
勝爲笑固請兩寅圍之弗
克孟氏之臣秦堇父犖重
如役偃陽人啓門諸侯之
士門焉縣門發耶人紇挾

春秋左傳卷五

平爾忍堂

之以出門者狄虓彌建大
車之輪而蒙之以甲以爲
櫓左執之右拔戟以成一
隊孟獻子曰詩所謂有力
如虓者也主人縣布堇父
登之及堦而絕之墜則又

縣之蘇而復上者三主人
辭焉乃退帶其斷以徇於
軍三日諸侯之師久於偃
陽荀偃士匄請於荀瑩曰
水潦將降懼不能歸請班
師知伯怒投之以机出於

春秋左傳卷五

四爾忍堂

其閒曰女成二事而後告
余余恐亂命以不女違女
旣勤君而興諸侯牽帥老
夫以至于此旣無武守而
又欲易余罪曰是實班師
不然克矣余羸老也可重

任乎七日不克必爾乎取之五月庚寅荀偃士匄帥卒攻偁陽親受矢石甲午滅之書曰遂滅偁陽言自會也以與向戌向戌辭曰君若猶辱鎮撫宋國而以

春秋左傳卷五

平陽公室

偁陽光啓寡君羣臣安矣其何貺如之若專賜臣是臣興諸侯以自封也其何罪大焉敢以死請乃予宋公宋公享晉侯於楚丘請以桑林荀罃辭荀偃士匄

曰諸侯宋魯於是觀禮魯有禘樂賓祭用之宋以桑林享君不亦可乎舞師題以旌夏晉侯懼而退入于房去旌卒享而還及著雍疾卜桑林見荀偃士匄欲

春秋左傳卷五

六師忍堂

奔請禱焉荀罃不可曰我辭禮矣彼則以之猶有鬼神於彼加之晉侯有間以偁陽子歸獻于武宮謂之夷俘偁陽嬖姓也使周内史選其族嗣納諸霍人禮

也師歸孟獻子以秦董父
爲右生秦丕茲事仲尼六
月楚子囊鄭子耳伐宋師
于訾毋庚午圍宋門于桐
門晉荀罃伐秦報其侵也
衛侯救宋師于襄牛鄭子

春秋左傳卷十五

七 昭忍堂

展曰必伐衛不然是不與
楚也得罪於晉又得罪於
楚國將若之何子駟曰國
病矣子展曰得罪於二大
國必亡病不猶愈於亡乎
諸大夫皆以爲然故鄭皇

耳帥師侵衛楚令也孫文
子卜追之獻兆於定姜姜
氏問繇曰兆如山陵有夫
出征而喪其雄姜氏曰征
者喪雄禦寇之利也大夫
圖之衛人追之孫蒯獲鄭

春秋左傳卷十五

八 昭忍堂

皇耳于犬丘秋七月楚子
囊鄭子耳侵我西鄙還圍
蕭八月丙寅克之九月子
耳侵宋北鄙孟獻子曰鄭
其有災乎師競已甚周猶
不堪競況鄭乎有災其執

政之三士乎莒人間諸侯
之有事也故伐我東鄙諸
侯伐鄭齊崔杼使太子光
先至于師故長於滕己酉
師于牛首初子駟與尉止
有爭將禦諸侯之師而黜

卷之二十一

十一

其車尉止獲又與之爭子
駟抑尉止曰爾車非禮也
遂弗使獻初子駟爲田洳
司氏堵氏侯氏子師氏皆
喪田焉故五族聚羣不逞
之人因公子之徒以作亂

卷之二十一

十一

於是子駟當國子國爲司
馬子耳爲司空子孔爲司
徒冬十月戊辰尉止司臣
侯晉堵女父子師僕帥賊
以入晨攻執政于西宮之
朝殺子駟子國子耳劫鄭
伯以如北宮子孔知之故
不死書曰盜言無大夫焉
子西聞盜不做而出尸而
追盜盜入於北宮乃歸授
甲臣妾多逃器用多喪子
產聞盜爲門者庀羣司閉

府庫慎閉藏完守備成列而後出兵車十七乘尸而攻盜於北宮子蟜帥國人助之殺尉止子師僕盜衆盡死侯晉奔晉堵女父司臣尉翩司齊奔宋子孔當

春秋左傳卷五

士爾忍堂

國爲載書以位序聽政辟大夫諸司門子弗順將誅之子產止之請爲之焚書子孔不可曰爲書以定國衆怒而焚之是衆爲政也國不亦難乎子產曰衆怒

難犯專欲難成合二難以安國危之道也不如焚書以安衆子得所欲衆亦得安不亦可乎專欲無成犯衆興禍子必從之乃焚書於倉門之外衆而後定諸

春秋左傳卷五

士爾忍堂

侯之師城虎牢而戍之晉師城梧及制士魴魏絳戍之書曰戍鄭虎牢非鄭地也言將歸焉鄭及晉平楚子囊救鄭十一月諸侯之師還鄭而南至于陽陵楚

師不退知武子欲退曰今
我逃楚楚必驕驕則可與
戰矣欒黶曰逃楚晉之恥
也合諸侯以益恥不如死
我將獨進師遂進己亥與
楚師夾潁而軍子蟜曰諸

春秋左傳卷五

辛酉忍堂

侯既有成行必不戰矣從
之將退不從亦退退楚必
圍我猶將退也不如從楚
亦以退之宵涉潁與楚人
盟欒黶欲伐鄭師荀罃
不可曰我實不能禦楚又

不能庇鄭鄭何罪不如致
怨焉而還今伐其師楚必
救之戰而不克為諸侯
笑克不可命不如還也丁
未諸侯之師還侵鄭北鄙
而歸楚人亦還王叔陳生

春秋左傳卷五

十四爾忍堂

與伯與爭政王右伯與王
叔陳生怒而出奔及河王
復之殺史狡以說焉不入
遂處之晉侯使士匄平王
室王叔與伯與訟焉王叔
之宰與伯與之大夫瑕禽

坐獄於王庭士臼聽之王
叔之寧曰簞門閨竇之人
而皆陵其上其難爲上矣
瑕禽曰昔平王東遷吾七
姓從王牲用備具王賴之
而賜之駢旄之盟曰廿廿

春秋左傳

卷一五

無失職若簞門閨竇其能
來東底乎且王何賴焉今
自王叔之相也政以賄成
而刑放於寵官之師旅不
勝其富吾能無簞門閨竇
乎唯大國圖之下而無直

則何謂正矣范宣子曰天
子所右寡君亦右之所左
亦左之使王叔氏與伯輿
合要王叔氏不能舉其契
王叔奔晉不書不告也單
靖公爲卿士以相王室

春秋左傳

卷一五

經十有一年春王正月作
三軍夏四月四卜郊不從
乃不郊鄭公孫舍之帥師
侵宋公會晉侯宋公衛侯
曹伯齊世子光莒子邾子
滕子薛伯杞伯小邾子伐

鄭秋七月己未同盟于亳
城北公至自伐鄭楚子鄭
伯伐宋公會晉侯宋公衛
侯曹伯齊世子光莒子邾
子滕子薛伯杞伯小邾子
伐鄭會于蕭魚公至自會

春秋左傳卷五

十一 顧忍堂

楚人執鄭行人良霄冬秦
人伐晉

傳十一年春季武子將作
三軍告叔孫穆子曰請爲
三軍各征其軍穆子曰政
將及子子必不能武子固

請之穆子曰然則盟諸乃
盟諸僖閔詛諸五父之衢
正月作三軍三分公室而
各有其一三子各毀其乘
季氏使其乘之人以其役
邑入者無征不入者倍征

春秋左傳卷五

十二 顧忍堂

孟氏使半爲臣若子若弟
叔孫氏使盡爲臣不然不
舍鄭人患晉楚之故諸大
夫曰不從晉國幾亡楚弱
於晉晉不吾疾也晉疾楚
將辟之何爲而使晉師致

死於我楚弗敢敵而後可
固與也子展曰與宋爲惡
諸侯必至吾從之盟楚師
至吾又從之則晉怒甚矣
晉能驟來楚將不能吾乃
固與晉大夫說之使疆場

春秋左傳卷十五

九百忍堂

之司惡於宋宋向戌侵鄭
大獲子展曰師而伐宋可
矣若我伐宋諸侯之伐
我必疾吾乃聽命焉且告
於楚楚師至吾又與之盟
而重賂晉師乃免矣夏鄭

子展侵宋四月諸侯伐鄭
己亥齊太子光宋向戌先
至于鄭門于東門其莫晉
荀罃至于西郊東侵舊許
衛孫林父侵其北鄙六月
諸侯會于北林師于向右

春秋左傳卷十五

千兩忍堂

還次于瑣圍鄭觀兵于南
門西濟于濟隧鄭人懼乃
行成秋七月同盟于亳范
宣子曰不慎必失諸侯諸
侯道敝而無成能無貳乎
乃盟載書曰凡我同盟毋

邇年母壅利毋保姦毋留
憝救災患恤禍亂同好惡
將王室或間茲命司慎司
盟名山名川羣神羣祀先
王先公七姓十二國之祖
明神殛之俾失其已墜命

春秋左傳卷五

王昭忍堂

亡氏踣其國家楚子囊乞
旅于秦秦右大夫詹帥師
從楚子將以伐鄭鄭伯逆
之丙子伐宋九月諸侯悉
師以復伐鄭鄭人使良霄
大宰石彘如楚告將服于

晉曰孤以社稷之故不能
懷君君若能以玉帛綏晉
不然則武震以攝威之孤
之願也楚人執之書曰行
人言使人也諸侯之師觀
兵于鄭東門鄭人使王子

春秋左傳卷五

王昭忍堂

伯駢行成甲戌晉趙武入
盟鄭伯冬十月丁亥鄭子
展出盟晉侯十二月戊寅
會于蕭魚庚辰赦鄭囚皆
禮而歸之納斥侯禁侵掠
晉侯使叔肸告于諸侯公使

臧孫紇對曰凡我同盟小國有罪大國致討苟有以藉手鮮不赦宥寡君聞命矣鄭人賂晉侯以師悝師觸師蠲廣車軫車淳十五乘甲兵備凡兵車百乘歌

春秋左傳 卷十五

王西廂忍堂

鐘二肆及其鎛磬女樂二八晉侯以樂之半賜魏絳曰子教寡人和諸戎狄以正諸華八年之中九合諸侯如樂之和無所不諧請與子樂之辭曰夫和戎狄

國之福也八年之中九合諸侯諸侯無慝君之靈也二三子之勞也臣何力之有焉抑臣願君之安其樂而思其終也詩曰樂旨君子子殿天子之邦樂旨君子

春秋左傳 卷十五

王西廂忍堂

福祿攸同便蕃左右亦是帥從夫樂以安德義以處之禮以行之信以守之仁以厲之而後可以殿邦國同福祿來遠人所謂樂也書曰居安思危思則有備

有備無患敢以此規公曰
子之教敢不承命抑微
子寡人無以待戎不能濟
河夫賞國之典也藏在盟
府不可廢也子其受之魏
絳於是乎始有金石之樂

孟子卷五

禮也秦庶長鮑庶長武帥
師伐晉以救鄭鮑先入晉
地士魴禦之少秦師而弗
設備壬午武濟白輔氏與
鮑交伐晉師己丑秦晉戰
于櫟晉師敗績易秦故也

經十有二年春王三月莒
人伐我東鄙圍台季孫宿
帥師救台遂入鄆夏晉侯
使士魴來聘秋九月吳子
乘卒冬楚公子貞帥師侵
宋公如晉

春秋左傳卷五

孟子忍堂

傳十二年春莒人伐我東
鄙圍台季武子救台遂入
鄆取其鐘以爲公盤夏晉
士魴來聘且拜師秋吳子
壽夢卒臨於周廟禮也凡
諸侯之喪異姓臨於外同

姓於宗廟同宗於祖廟同族於禰廟是故魯爲諸姬臨於周廟爲邢凡蔣茅胙祭臨於周公之廟冬楚子囊秦庶長無地伐宋師于揚梁以報晉之取鄭也靈

春秋左傳卷五

韋昭忍堂

王求后于齊齊侯問對於晏桓子桓子對曰先王之禮辭有之天子求后於諸侯諸侯對曰夫婦所生若而人妾婦之子若而人無女而有姊妹及姑姊妹則

曰先守某公之遺女若而人齊侯許昏王使陰里結之公如晉朝且拜士魴之辱禮也秦嬴歸于楚楚司馬子庚聘于秦爲夫人寧禮也

春秋左傳卷五

韋昭忍堂

經十有三年春公至自晉夏取邾秋九月庚辰楚子審卒冬城防

傳十三年春公至自晉孟獻子書勞于廟禮也夏邾亂分爲三師救邾遂取之

凡書取言易也用大師焉
曰滅弗地曰入荀罃士魴
卒晉侯蒐于縣上以治兵
使士匄將中軍辭曰伯游
長昔臣習於知伯是以佐
之非能賢也請從伯游荀

春秋左傳卷五

左傳卷五

偃將中軍士匄佐之使韓
起將上軍辭以趙武又使
欒黶辭曰臣不如韓起韓
起願上趙武君其聽之使
趙武將上軍韓起佐之欒
黶將下軍魏絳佐之新軍

無帥晉侯難其人使其什
吏率其卒乘官屬以從於下
軍禮也晉國之民是以大
和諸侯遂睦君子曰讓禮
之主也范宣子讓其下皆
讓欒黶爲汰弗敢違也晉

春秋左傳卷五

左傳卷五

國以平數世賴之刑善也
夫一人刑善百姓休和可
不務乎書曰一人有慶兆
民賴之其寧惟永其是之
謂乎周之興也其詩曰儀
刑文王萬邦作孚言刑善

也及其衰也其詩曰大夫不均我從事獨賢言不讓也世之治也君子尚能而讓其下小人農力以事其上是以上下有禮而讒慝黜遠由不爭也謂之懿德

春秋左傳卷五

主顧忍堂

及其亂也君子稱其功以加小人小人伐其技以馮君子是以上下無禮亂虐並生由爭善也謂之昏德國家之敝恒必由之楚子疾告大夫曰不穀不德少

主社稷生十年而喪先君未及習師保之教訓而應受多福是以不德而亡師于鄢以辱社稷爲大夫憂其弘多矣若以大夫之靈獲保首領以沒於地唯是

春秋左傳卷五

主顧忍堂

春秋寔寔之事所以從先君於禰廟者請爲靈若厲大夫擇焉莫對及五命乃許秋楚共王卒子囊謀謚大夫曰君有命矣子囊曰君命以共若之何毀之赫

赫楚國而君臨之撫有蠻夷奄征南海以屬諸夏而知其過可不謂共乎請謚之共大夫從之吳侵楚養由基奔命子庚以師繼之養叔曰吳乘我喪謂我不

春秋左傳卷五

韋而忍堂

能師也必易我而不戒子爲三覆以待我我請誘之子庚從之戰于庸浦大敗吳師獲公子黨君子以吳爲不弔詩曰不弔昊天亂靡有定冬城防書事時也

於是將早城臧武仲請俟畢農事禮也鄭良霄大宰石彘猶在楚石彘言於子囊曰先王卜征五年而歲習其祥祥習則行不習則增脩德而改卜今楚實不

春秋左傳卷五

三言而忍堂

競行人何罪止鄭一卿以除其偏使睦而疾楚以固於晉焉用之使歸而廢其使怨其君以疾其大夫而相牽引也不猶愈乎楚人歸之

經十有四年春王正月季
孫宿叔老會晉士匄齊人
宋人衛人鄭公孫薑曹人
莒人邾人滕人薛人杞人
小邾人會吳于向二月乙
未朔日有食之夏四月叔

春秋左傳卷五

三十一 昭忍堂

孫豹會晉荀偃齊人宋人
衛北宮括鄭公孫薑曹人
莒人邾人滕人薛人杞人
小邾人伐秦己未衛侯出
奔齊莒人侵我東鄙秋楚
公子貞帥師伐吳冬季孫

宿會晉士匄宋華閱衛孫
林父鄭公孫薑莒人邾人
于戚

傳十四年春吳告敗于晉
會于向爲吳謀楚故也范
宣子數吳之不德也以退

春秋左傳卷五

三十二 昭忍堂

吳人執莒公子務婁以其
通楚使也將執戎子駒支
范宣子親數諸朝曰來姜
戎氏昔秦人迫逐乃祖吾
離于瓜州乃祖吾離被苦
蓋蒙荆棘以來歸我先君

我先君惠公有不腆之田
與女剖分而食之今諸侯
之事我寡君不如昔者蓋
言語漏洩則職女之由詰
朝之事爾無與焉與將執
女對曰昔秦人負恃其衆

春秋左傳卷五

孟子卷五

貪于土地逐我諸戎惠公
蠲其大德謂我諸戎是四
嶽之裔胄也母是翦弃賜
我南鄙之田狐狸所居豺
狼所嗥我諸戎除翦其荆
棘驅其狐狸豺狼以爲先

君不侵不叛之臣至于今
不貳昔文公與秦伐鄭秦
人竊與鄭盟而舍戍焉於
是乎有殽之師晉禦其上
戎亢其下秦師不復我諸
戎實然譬如捕鹿晉人角

春秋左傳卷五

孟子卷五

之諸戎掎之與晉踣之戎
何以不免自是以來晉之
百役與我諸戎相繼于時
以從執政猶殽志也豈敢
離邊今官之師旅無乃實
有所闕以攜諸侯而罪我

諸戎我諸戎飲食衣服不
與華同贄幣不通言語不
達何惡之能爲不與於會
亦無謗焉賦青蠅而退宣
子辭焉使即事於會成愷
悌也於是子叔齊子爲季

春秋左傳卷五

羊左傳卷五

武子介以會自是晉人輕
魯幣而益敬其使吳子諸
樊旣除喪將立季札季札
辭曰曹宣公之卒也諸侯
與曹人不義曹君將立子
臧子臧去之遂弗爲也以

成曹君君子曰能守節君
義嗣也誰敢奸君有國非
吾節也札雖不才願附於
子臧以無失節固立之弃
其室而耕乃舍之夏諸侯
之大夫從晉侯伐秦以報

春秋左傳卷五

羊左傳卷五

櫟之役也晉侯待于竟使
六卿帥諸侯之師以進及
涇不濟叔向見叔孫穆子
穆子賦匏有苦葉叔向退
而具舟魯人莒人先濟鄭
子蟠見衛北宮懿子曰與

人而不固取惡莫甚焉若
社稷何懿子說二子見諸
侯之師而勸之濟濟涇而
次秦人毒涇上流師人多
死鄭司馬子蟜帥鄭師以
進師皆從之至于械林不

春秋左傳卷五

聖百忍堂

獲成焉荀偃令曰雞鳴而
駕塞井夷竈唯余馬首是
瞻欒黶曰晉國之命未是
有也余馬首欲東乃歸下
軍從之左史謂魏莊子曰
不待中行伯乎莊子曰夫

子命從帥欒伯吾帥也吾
將從之從帥所以待夫子
也伯游曰吾令實過悔之
何及多遺秦禽乃命大還
晉人謂之遷延之役欒鍼
曰此役也報欒之敗也役

春秋左傳卷五

聖百忍堂

又無功晉之恥也吾有二
位於戎路敢不恥乎與士
鞅馳秦師死焉士鞅反欒
黶謂士句曰余弟不欲往
而子召之余弟死而子來
是而子殺余之弟也弗逐

余亦將殺之士鞅奔秦於是齊崔杼宋華閱仲江會伐秦不書情也向之會亦如之衛北宮括不書於向書於伐秦攝也秦伯問於士鞅曰晉大夫其誰先亡

春秋左傳卷十五

聖祖忍堂

對曰其欒氏乎秦伯曰以其汰乎對曰然欒黶汰虐已甚猶可以免其在盈乎秦伯曰何故對曰武子之德在民如周人之思召公焉愛其甘棠況其子乎欒

厭黶死盈之善未能及人武子所施沒矣而厭黶之怨實章將於是乎在秦伯以爲知言爲之請於晉而復之衛獻公戒孫文子甯惠子食皆服而朝曰盱不召而

春秋左傳卷十五

聖祖忍堂

射鴻於囿二子從之不釋皮冠而與之言二子怒孫文子如戚孫蒯入使公飲之酒使大師歌巧言之卒章大師辭師曹請爲之初公有嬖妾使師曹誨之琴

師曹鞭之公怒鞭師曹三百故師曹欲歌之以怒孫子以報公使歌之遂誦之蒯懼告文子文子曰君忌我矣弗先必死并帑於戚而入見蘧伯玉曰君

春秋左傳卷三

聖南忠堂

之暴虐子所知也大懼社稷之傾覆將若之何對曰君制其國臣敢奸之雖奸之庸知愈乎遂行從近關出公使子蟜子伯子皮與孫子盟于丘宮孫子皆殺

春秋左傳卷三

聖南忠堂

之四月己未子展奔齊公如鄆使子行於孫子孫子又殺之公出奔齊孫氏追之敗公徒于阿澤鄆人執之初尹公佗學射於庾公差庾公差學射於公孫丁二子追公公孫丁御公子魚曰射爲背師不射爲戮射爲禮乎射兩輶而還尹公佗日子爲師我則遠矣乃反之公孫丁授公轡而射之貫髀子鮮從公及

竟公使祝宗告亡且告無罪定姜曰無神何告若有不可誣也有罪若何告無舍大臣而與小臣謀一罪也先君有冢卿以爲師保而蔑之二罪也余以巾櫛

春秋左傳卷一五

東晉惠堂

事先君而暴妾使余三罪也告亡而已無告無罪公使厚成叔弔于衛曰寡君使瘠聞君不撫社稷而越在他竟若之何不弔以同盟之故使瘠敢私於執事

曰有君不弔有臣不敏君不赦宥臣亦不帥職增淫發洩其若之何衛人使大叔儀對曰羣臣不佞得罪於寡君寡君不以即刑而悼棄之以爲君憂君不忘

春秋左傳卷一五

東晉惠堂

先君之好辱弔羣臣又重恤之敢拜君命之辱重拜大貺厚孫歸復命語臧武仲曰衛君其必歸乎有大叔儀以守有母弟鱣以出或撫其內或營其外能無

歸乎齊人以邾寄衛侯及其復也以邾糧歸右宰穀從而逃歸衛人將殺之辭曰余不說初矣余狐裘而羔袖乃赦之衛人立公孫剽孫林父甯殖相之以聽

春秋左傳卷五

吳爾忍堂

命於諸侯衛侯在邾臧紇如齊唁衛侯衛侯與之言虐退而告其人曰衛侯其不得入矣其言糞土也亡而不變何以復國子展子鮮聞之見臧紇與之言道

臧孫說謂其人曰衛君必入夫二子者或輓之或推之欲無入得乎師歸自伐秦晉侯舍新軍禮也成國不過半天子之軍周爲六軍諸侯之大者三軍可也

春秋左傳卷五

吳爾忍堂

於是知朔生盈而死盈生六年而武子卒彘裘亦幼皆未可立也新軍無帥故舍之師曠侍於晉侯晉侯曰衛人出其君不亦甚乎對曰或者其君實甚良君

之諫失常也天之愛民甚矣豈其使一人肆於民上以從其淫而弃天地之性必不然矣秋楚子爲庸浦之役故子囊師于棠以伐吳吳不出而還子囊殿以

春秋左傳卷五

五十四忍堂

吳爲不能而弗做吳人自皐舟之隘要而擊之楚人不能相救吳人敗之獲楚公子宜穀王使劉定公賜齊侯命曰昔伯舅大公右我先王股肱周室師保萬

民世胙大師以表東海王室之不壞繫伯舅是賴今余命女環茲率舅氏之典纂乃祖考無忝乃舊敬之哉無廢朕命晉侯問衛故於中行獻子對曰不如因

春秋左傳卷五

五十四忍堂

而定之衛有君矣伐之未可以得志而勤諸侯史佚有言曰因重而撫之仲虺有言曰亡者侮之亂者取之推亡固存國之道也君其定衛以待時乎冬會于

戚謀定衛也范宣子假羽
毛於齊而弗歸齊人始貳
楚子囊還自伐吳卒將死
遺言謂子庚必城郢君子
謂子囊忠君薨不忘增其
名將死不忘衛社稷可不

春秋左傳卷五

韋南忠堂

謂忠乎忠臣之望也詩曰
行歸于周萬民所望忠也
經十有五年春宋公使向
戌來聘二月己亥及向戌
盟于劉劉夏逆王后于齊
夏齊侯伐我北鄙圍成公

救成至遇季孫宿叔孫豹
帥師城成郛秋八月丁巳
日有食之邾人伐我南
鄙冬十有一月癸亥晉侯
周卒

春秋左傳卷五

韋南忠堂

且尋盟見孟獻子尤其室
曰子有令聞而美其室非
所望也對曰我在晉吾兄
爲之毀之重勞且不敢間
官師從單靖公逆王后于
齊卿不行非禮也楚公子

午爲令尹公子罷戎爲右
尹蔦爲子馮爲大司馬公子
橐師爲右司馬公子成爲
左司馬屈到爲莫敖公子
追舒爲箴尹屈蕩爲連尹
養由基爲宮廩尹以靖國

春秋左傳卷五

李昉忍堂

人君子謂楚於是乎能官
人官人國之急也能官人
則民無覲心詩云嗟我懷
人寘彼周行能官人也王
及公侯伯子男甸采衛大
夫各居其列所謂周行也

鄭尉氏司氏之亂其餘盜
在宋鄭人以子西伯有子
產之故納賂于宋以馬四
十乘與師蒧師慧三月公
孫黑爲質焉司城子罕以
堵女父尉翩司齊與之良

春秋左傳卷五

李昉忍堂

司臣而逸之託諸季武子
武子寘諸卞鄭人醢之三
人也師慧過宋朝將私焉
其相曰朝也慧曰無人焉
相曰朝也何故無人慧曰
必無人焉若猶有人豈其

以千乘之相易淫樂之蒙必無人焉故也子罕聞之圖請而歸之夏齊侯圖成貳於晉故也於是乎城成郭秋邾人伐我南鄙使告于晉晉將爲會以討邾莒

曰我以不貪爲寶爾以玉爲寶若以與我皆喪寶也不若人有其寶稽首而告曰小人懷璧不可以越鄉納此以請死也子罕寘諸其里使玉人爲之攻之富而後使復其所十二月鄭人奪堵狗之妻而歸諸范氏

春秋卷第十五

春秋經傳集解襄三第十六

杜氏 盡廿二年

經十有六年春王正月葬
晉悼公三月公會晉侯宋
公衛侯鄭伯曹伯莒子邾

春秋左傳 卷十六

一 耐忍堂

子薛伯杞伯小邾子子湏
梁戊寅大夫盟晉人執莒
子邾子以歸齊侯伐我北
鄙夏公至自會五月甲子
地震叔老會鄭伯晉荀偃
衛甯殖宋人伐許秋齊侯

伐我北鄙圍成大雩冬叔
孫豹如晉

傳十六年春葬晉悼公平
公即位羊舌肸爲傅張君
臣爲中軍司馬祁奚韓襄
欒盈士鞅爲公族大夫虞

春秋左傳 卷十六

二 耐忍堂

丘書爲乘馬御改服脩官
烝于曲沃警守而下會于
湏梁命歸侵田以我故執
邾宣公莒犁比公且曰通
齊楚之使晉侯與諸侯宴
于溫使諸大夫舞曰歌詩

必類齊高厚之詩不類荀偃怒且曰諸侯有異志矣使諸大夫盟高厚高厚逃歸於是叔孫豹晉荀偃宋向戌衛甯殖鄭公孫蠆小邾之大夫盟曰同討不庭

許男請遷于晉諸侯遂遷許許大夫不可晉人歸諸侯鄭子驍聞將伐許遂相鄭伯以從諸侯之師穆叔從公齊子帥師會晉荀偃書曰會鄭伯爲夷故也夏

六月次于楫林庚寅伐許次于囿氏晉荀偃欒黶帥師伐楚以報宋揚梁之役楚公子格帥師及晉師戰于湛阪楚師敗績晉師遂侵方城之外復伐許而還

秋齊侯圍成孟孺子速徼之齊侯曰是好勇去之以爲之名速遂塞海陘而還冬穆叔如晉聘且言齊故晉人曰以寡君之未禘祀與已之未息不然不敢忘

穆叔曰以齊人之朝夕繹憾於敝邑之地是以大請敝邑之急朝不及夕引領西望曰庶幾乎比執事之間恐無及也見中行獻子賦圻父獻子曰偃知罪矣

春秋左傳卷十六

五陋忍堂

敢不從執事以同恤社稷而使魯及此見范宣子賦鴻鴈之卒章宣子曰勾在此敢使魯無鳩乎經十有七年春王二月庚午邾子貜卒宋人伐陳夏

衛石買帥師伐曹秋齊侯伐我北鄙圍桃高厚帥師伐我北鄙圍防九月大雩宋華臣出奔陳冬邾人伐我南鄙

春秋左傳卷十六

六陋忍堂

獲司徒卬卑宋也衛孫蒯田于曹隧飲馬于重丘毀其瓶重丘人閉門而詢之曰親逐而君爾父爲厲是不憂而何以田爲夏衛石買孫蒯伐曹取重丘曹

人愬于晉齊人以其未得志于我故秋齊侯伐我北鄙圍桃高厚圍臧紇于防師自陽關逆臧孫至于旅松耶叔紇臧疇臧賈帥甲三百宵犯齊師送之而復

春秋左傳卷十六

七 昭忍堂

齊師去之齊人獲臧堅齊侯使夙沙衛唁之且曰無死堅稽首曰拜命之辱抑君賜不終姑又使其刑臣禮於士以杙扶其傷而死冬邾人伐我南鄙爲齊

故也宋華閱卒華臣弱臯比之室使賊殺其宰華吳賊六人以鉞殺諸盧門合左師之後左師懼曰老夫無罪賊曰臯比私有討於吳遂幽其妻曰畀余而大

春秋左傳卷十六

八 昭忍堂

辟宋公聞之曰臣也不唯其宗室是暴大亂宋國之政必逐之左師曰臣也亦卿也大臣不順國之恥也不如蓋之乃舍之左師爲己短策苟過華臣之門必

騁十一月甲午國人逐瘞
狗瘞狗入於華臣氏國人
從之華臣懼遂奔陳宋皇
國父爲大宰爲平公築臺
妨於農收子罕請俟農功
之畢公弗許築者謳曰澤

春秋左傳卷十六

九韶忍堂

門之哲實興我役邑中之
黔實慰我心子罕聞之親
執扑以行築者而扶其不
勉者曰吾儕小人皆有闔
廬以辟燥濕寒暑今君爲
一臺而不速成何以爲役

謳者乃止或問其故子罕
曰宋國區區而有詛有祝
禍之本也齊晏桓子卒晏
嬰麇縶斬苴經帶杖菅屨
食糲居倚廬寢苫枕草其
老曰非大夫之禮也曰唯

春秋左傳卷十六

十韶忍堂

卿爲大夫

經十有八年春白狄來夏
晉人執衛行人石買秋齊
師伐我北鄙冬十月公會
晉侯宋公衛侯鄭伯曹伯
莒子邾子滕子薛伯杞伯

小邾子同圍齊曹伯負芻
卒于師楚公子午帥師伐
鄭

傳十八年春白狄始來夏
晉人執衛行人石買于長
子執孫蒯于紆留爲曹故

春秋左傳卷十六

士而忍堂

也秋齊侯伐我北鄙中行
獻子將伐齊夢與厲公訟
弗勝公以戈擊之首墜於
前跪而戴之奉之以走見
梗陽之巫臯他日見諸道
與之言同巫曰今茲主必

死若有事於東方則可以
逞獻子許諾晉侯伐齊將

濟河獻子以朱絲係玉二
穀而禱曰齊環怙恃其險
負其衆庶弃好背盟陵虐
神主曾臣彪將率諸侯以

春秋左傳卷十六

士而忍堂

討焉其官臣偃實先後之
苟捷有功無作神羞官臣
偃無敢復濟唯爾有神裁
之沈玉而濟冬十月會于
魯濟尋淝梁之言同伐齊
齊侯禦諸平陰塹防門而

守之廣里夙沙衛曰不能
戰莫如守險弗聽諸侯之
士門焉齊人多死范宣子
告析文子曰吾知子敢匿
情乎魯人莒人皆請以車
千乘自其鄉入既許之矣

春秋左傳卷六

孟西伯忍堂

若入君必失國子盍圖之
子家以告公公恐晏嬰聞
之曰君固無勇而又聞是
弗能久矣齊侯登巫山以
望晉師晉人使司馬斥山
澤之險雖所不至必旆而

䟽陳之使乘車者左實右
僞以旆先輿曳柴而從之
齊侯見之畏其衆也乃脫
歸丙寅晦齊師夜遁師曠
告晉侯曰烏烏之聲樂齊
師其遁邢伯告中行伯曰

春秋左傳卷六

孟西伯忍堂

有班馬之聲齊師其遁叔
向告晉侯曰城上有烏齊
師其遁十一月丁卯朔入
平陰遂從齊師夙沙衛連
大車以塞隧而殿殖綽郭
最曰子殿國師齊之辱也

子姑先乎乃代之殿衛殺馬於隘以塞道晉州綽及之射殖綽中肩兩矢夾脰曰止將爲三軍獲不止將取其衷顧曰爲私誓州綽曰有如日乃弛弓而自後

春秋左傳卷十六

十六 昭公十五年

縛之其右具丙亦舍兵而縛郭最皆衿甲面縛坐于中軍之鼓下晉人欲逐歸者魯衛請攻險己卯荀偃士匄以中軍克京茲乙酉魏絳欒盈以下軍克邾趙

武韓起以上軍圍盧弗克十二月戊戌及秦周伐雍門之萩范鞅門于雍門其御追喜以戈殺犬于門中孟莊子斬其櫓以爲公琴已亥焚雍門及西郭南郭劉

春秋左傳卷十六

十六 昭公十五年

難士弱率諸侯之師焚申池之竹木壬寅焚東郭北郭范鞅門于揚門州綽門于東門左驂迫還于門中以枚數闔齊侯駕將走郵棠大子與郭榮扣馬曰師

速而疾略也將退矣君何懼焉且社稷之主不可以輕輕則失衆君必待之將犯之太子抽劒斷鞅乃止甲辰東侵及濰南及沂鄭子孔欲去諸大夫將叛晉

春秋左傳卷十六

士酉忍堂

而起楚師以去之使告子庚子庚弗許楚子聞之使揚豚尹宜告子庚曰國人謂不穀主社稷而不出師死不從禮不穀即位於今五年師徒不出人其以不

穀爲自逸而忘先君之業矣大夫圖之其若之何子庚歎曰君王其謂午懷安乎吾以利社稷也見使者稽首而對曰諸侯方睦於晉臣請嘗之若可君而繼

春秋左傳卷十六

士酉忍堂

之不可收師而退可以無害君亦無辱子庚帥師治兵於汾於是子蟜伯有子張從鄭伯伐齊子孔子展子西守二子知子孔之謀完守入保子孔不敢會楚

師楚師伐鄭次於魚陵右
師城上棘遂涉潁次于旃
然蒍子馮公子格率銳師
侵費滑胥靡獻于雍梁右
回梅山侵鄭東北至于蟲
牢而反子庚門于紆門信

春秋左傳卷十六

左傳卷十六

于城下而還涉於魚齒之
下甚雨及之楚師多凍役
徒幾盡晉人聞有楚師師
曠曰不害吾驟歌北風又
歌南風南風不競多死聲
楚必無功董叔曰天道多

在西北南師不時必無功
叔向曰在其君之德也
經十有九年春王正月諸
侯盟于祝柯晉人執邾子
公至自伐齊取邾田自漵
水季孫宿如晉葬曹成公

春秋左傳卷十六

平陽忍堂

夏衛孫林父帥師伐齊秋
七月辛卯齊侯環卒晉士
臼帥師侵齊至穀聞齊侯
卒乃還八月丙辰仲孫蔑
卒齊殺其大夫高厚鄭殺
其大夫公子嘉冬葬齊靈

公城西郭叔孫豹會晉士
句于柯城武城

傳十九年春諸侯還自沂
上盟於督揚曰大母侵小
執邾悼公以其伐我故遂
次于泗上疆我田取邾田

春秋左傳卷六

主顧忍堂

自鄆水歸之于我晉侯先
歸公享晉六卿于蒲圃
賜之三命之服軍尉司馬
司空輿尉候奄皆受一命
之服賄荀偃束錦加璧乘
馬先吳壽夢之鼎荀偃瘁

疽生瘍於頭濟河及著雍
病日出大夫先歸者皆反
士句請見弗內請後曰鄭
甥可二月甲寅卒而視不
可含宣子盟而撫之曰事
吳敢不如事主猶視藥懷

春秋左傳卷六

主顧忍堂

子曰其爲未卒事於齊故也
乎乃復撫之曰主苟終所不
嗣事于齊者有如河乃瞑
受含宣子出曰吾淺之爲
丈夫也晉欒魴帥師從衛
孫文子伐齊季武子如晉

拜師晉侯享之范宣子爲政賦黍苗季武子興再拜稽首曰小國之仰大國也如百穀之仰膏雨焉若常膏之其天下輯睦豈唯敝邑賦六月季武子以所得

春秋左傳卷十六

韋爾忍堂

於齊之兵作林鐘而銘魯功焉臧武仲謂季孫曰非禮也夫銘天子令德諸侯言時計功大夫稱伐今稱伐則下等也計功則借人也言時則妨良多矣何

以爲銘且夫大伐小取其所得以作彝器銘其功烈以示子孫昭明德而懲無禮也今將借人之力以救其死若之何銘之小國幸於大國而昭所獲焉以怒

春秋左傳卷十六

韋爾忍堂

之亡之道也齊侯娶于魯曰顏懿姬無子其姪駸聲姬生光以爲太子諸子仲子戎子戎子嬖仲子生牙屬諸戎子戎子請以爲大子許之仲子曰不可廢常

不祥間諸侯難光之立也
列於諸侯矣今無故而廢
之是專黜諸侯而以難犯
不祥也君必悔之公曰在
我而已遂東太子光使高
厚傅牙以爲太子夙沙衛

春秋左傳卷十六

齊靈公卒莊公即位

爲少傅齊侯疾崔杼微逆
光疾病而立之光殺戎子
尸諸朝非禮也婦人無刑
雖有刑不在朝市夏五月
壬辰晦齊靈公卒莊公即
位執公子牙於句瀆之丘

以夙沙衛易己衛奔高唐
以叛晉士匄侵齊及穀聞
喪而還禮也於四月丁未
鄭公孫薑卒赴於晉大夫
范宣子言於晉侯以其善
於伐秦也六月晉侯請於

春秋左傳卷十六

齊靈公卒莊公即位

王王追賜之大路使以行
禮也秋八月齊崔杼殺高
厚於灑藍而兼其室書曰
齊殺其大夫從君於昏也
鄭子孔之爲政也專國人
患之乃討西宮之難與紂

門之師子孔當罪以其甲
及子革子良氏之甲守甲
辰子展子西率國人伐之殺
子孔而分其室書曰鄭殺
其大夫專也子然子孔宋
子之子也士子孔圭嬀之

春秋左傳 卷十六

圭嬀忍堂

子也圭嬀之班亞宋子而
相親也二子孔亦相親也
僖之四年子然卒簡之元
年士子孔卒司徒孔實相
子革子良之室三室如一
故及於難子革子良出奔

楚子革爲右尹鄭人使子
展當國子西聽政立子產
爲卿齊慶封圍高唐弗克
冬十一月齊侯圍之見衛
在城上號之乃下問守備
焉以無備告揖之乃登聞

春秋左傳 卷十六

二天耐忍堂

師將傅食高唐人殖綽工
僂會夜縋納師醢衛于軍
城西郭懼齊也齊及晉平
盟于大隧故穆叔會范宣
子于柯穆叔見叔向賦載
馳之四章叔向曰盱敢不

承命穆叔歸曰齊猶未也
不可以不懼乃城武城衛
石共子卒悼子不哀孔成
子曰是謂變其本必不有
其宗

經十年春王正月辛亥仲

春秋左傳卷十六

素齋忠堂

孫速會莒人盟于向夏六
月庚申公會晉侯齊侯宋
公衛侯鄭伯曹伯莒子邾
子滕子薛伯杞伯小邾子
盟于澶泺秋公至自會
仲孫速帥師伐邾蔡殺其

春秋左傳卷十六

素齋忠堂

大夫公子變蔡公子履出
奔楚陳侯之弟黃出奔楚
叔老如齊冬十月丙辰朔
日有食之季孫宿如宋
傳十年春及莒平孟莊子
會莒人盟于向督揚之盟
故也夏盟于澶泺齊成故
也邾人驟至以諸侯之事
弗能報也秋孟莊子伐邾
以報之蔡公子變欲以蔡
之晉蔡人殺之公子履其
母弟也故出奔楚陳慶虓

慶寅畏公子黃之偏愬諸
楚曰與蔡司馬同謀楚人
以爲討公子黃出奔楚初
蔡文侯欲事晉曰先君與
於踐土之盟晉不可弃且
兄弟也畏楚不能行而卒

春秋左傳卷十六

三石齋忍堂

楚人使蔡無常公子變求
從先君以利蔡不能而死
書曰蔡殺其大夫公子變
言不與已同欲也陳侯之
弟黃出奔楚言非其罪也
公子黃將出奔呼於國曰

慶氏無道求專陳國暴蔑
其君而去其親五年不滅
是無天也齊子初聘于齊
禮也冬季武子如宋報向
戌之聘也褚師段逆之以
受享賦常棣之七章以卒

春秋左傳卷十六

三石齋忍堂

宋人重賄之歸復命公享
之賦魚麗之卒章公賦南
山有臺武子去所曰臣不
堪也衛甯惠子疾召悼子
曰吾得罪於君悔而無及也
名藏於諸侯之策曰孫林

父甯殖出其君君入則掩之若能掩之則吾子也若不能猶有鬼神吾有餒而巳不來食矣悼子許諾惠子遂卒

經廿有一年春王正月公

春秋左傳卷十六

三國志堂

如晉邾庶其以漆問丘來奔夏公至自晉秋晉欒盈出奔楚九月庚戌朔日有食之冬十月庚辰朔日有食之曹伯來朝公會晉侯齊侯宋公衛侯鄭伯曹伯

莒子邾子于商任

傳廿一年春公如晉拜師及取邾田也邾庶其以漆問丘來奔季武子以公姑姊妻之皆有賜於其從者於是魯多盜季孫謂臧武

春秋左傳卷十六

三國志堂

仲曰子盍詰盜武仲曰不可詰也紇又不能季孫曰我有四封而詰其盜何故不可子爲司寇將盜是務去若之何不能武仲曰子召外盜而大禮焉何以止

吾盜子爲正卿而來外盜使紇去之將何以能庶其竊邑於邾以來子以姬氏妻之而與之邑其從者皆有賜焉若大盜禮焉以君之姑姊與其大邑其次阜

春秋左傳卷十六

三王昭忍堂

牧輿馬其小者衣裳劔帶是賞盜也賞而去之其或難焉紇也聞之在上位者洒濯其心壹以待人軌度其信可明徵也而後可以治人夫上之所爲臣之歸

也上所不爲而臣或爲之是以加刑罰焉而莫敢不懲若上之所爲而臣亦爲之乃其所也又可禁乎夏書曰念茲在茲釋茲在茲名言茲在茲允出茲在茲

春秋左傳卷十六

三王昭忍堂

惟帝念功將謂由己壹也信由己壹而後功可念也庶其非卿也以地來雖賤必書重地也齊侯使慶佐爲大夫復討公子牙之黨執公子買于句瀆之丘公

子鉏來奔叔孫還奔燕夏
楚子庚卒楚子使薳子馮
爲令尹訪於申叔豫叔豫
曰國多寵而王弱國不可
爲也遂以疾辭方暑闕地
下冰而牀焉重繭衣裘鮮

春秋左傳卷十六

三十一 耐忍堂

食而寢楚子使醫視之復
曰瘠則甚矣而血氣未動
乃使子南爲令尹欒桓子
娶於范宣子生懷子范鞅
以其亡也怨欒氏故與欒
盈爲公族大夫而不相能

桓子卒欒祁與其老州賔
通幾亡室矣懷子患之祁
懼其討也愬諸宣子曰盈
將爲亂以范氏爲死桓主
而專政矣曰吾父逐鞅也
不怒而以寵報之又與吾

春秋左傳卷十六

三十二 耐忍堂

同官而專之吾父死而益
富死吾父而專於國有死
而已吾幾從之矣其謀如
是懼害於主吾不敢不言
范鞅爲之徵懷子好施士
多歸之宣子畏其多士也

信之懷子爲下卿宣子使
城著而遂逐之秋欒盈出
奔楚宣子殺箕遺黃泚嘉
父司空靖邴豫董叔邴師
申書羊舌虎叔羅囚伯華
叔向籍偃人謂叔向曰子

春秋左傳卷十六

先雨忍堂

離於罪其爲不知乎叔向
曰與其死亡若何詩曰優
哉游哉聊以卒歲知也樂
王鮒見叔向曰吾爲子請
叔向弗應出不拜其人皆
咎叔向叔向曰必祁大夫

室老聞之曰樂王鮒言於
君無不行求救吾子吾子
不許祁大夫所不能也而
曰必由之何也叔向曰樂
王鮒從君者也何能行祁
大夫外舉不棄讎內舉不

春秋左傳卷十六

早雨忍堂

失親其獨遺我乎詩曰有
覺德行四國順之夫子覺
者也晉侯問叔向之罪於
樂王鮒對曰不棄其親其有
焉於是祁奚老矣聞之乘
駟而見宣子曰詩曰惠我

無疆子孫保之書曰聖有
謨勲明徵定保夫謀而鮮
過惠訓不倦者叔向有焉
社稷之固也猶將十世宥
之以勸能者今壹不免其
身以弃社稷不亦惑乎

春秋左傳卷十六

里二爾忍堂

殛而禹興伊尹放大甲而
相之卒無怨色管蔡爲戮
周公右王若之何其以虐
也弃社稷子爲善誰敢不
勉多殺何爲宣子說與之
乘以言諸公而免之不見

叔向而歸叔向亦不告免
焉而朝初叔向之母妬叔
虐之母美而不使其子皆
諫其母其母曰深山大澤
實生龍蛇彼美余懼其生
龍蛇以禍女女敝族也國

春秋左傳卷十六

里三爾忍堂

多大寵而不仁人間之不亦
難乎余何愛焉使往視寢
生叔虐美而有勇力藥懷
子嬖之故羊舌氏之族及
於難藥盈出奔楚過於周周
西鄙掠之辭於行人曰天

子陪臣盈得罪於王之守
臣將逃罪罪重於郊甸無
所伏竄敢布其死昔陪臣
書能輸力於王室王施惠
焉其子魘不能保任其父
之勞大君若不弃書之力

春秋左傳卷十六

四庫全書

亡臣猶有所逃若弃書之
力而思魘之罪臣戮餘也
將歸死於尉氏不敢還矣
敢布四體唯大君命焉王
曰尤而效之其又甚焉使
司徒禁掠欒氏者歸所取

焉使侯出諸轅轅冬曹武
公來朝始見也會於商任
錮欒氏也齊侯衛侯不敬
叔向曰二君者必不免會
朝禮之經也禮政之輿也
政身之守也怠禮失政失

春秋左傳卷十六

四庫全書

政不立是以亂也知起中
行喜州綽邢蒯出奔齊皆
欒氏之黨也樂王鮒謂范
宣子曰盍反州綽邢蒯勇
士也宣子曰彼欒氏之勇
也余何獲焉王鮒曰子爲

彼欒氏乃亦子之勇也齊
莊公朝指殖綽郭最曰是
寡人之雄也州綽曰君以
爲雄誰敢不雄然臣不敏
平陰之役先二子鳴莊公
爲勇爵殖綽郭最欲與焉

春秋左傳卷十六

聖爾忍堂

州綽曰東閭之役臣左驂
迫還於門中識其枚數其
可以與於此乎公曰子爲
晉君也對曰臣爲隸新然
二子者辟於禽獸臣食其
肉而寢處其皮矣

經廿有二年春王正月公
至自會夏四月秋七月辛
酉叔老卒冬公會晉侯齊
侯宋公衛侯鄭伯曹伯莒
子邾子薛伯杞伯小邾子
于沙隨公至自會楚殺其

春秋左傳卷十六

聖爾忍堂

大夫公子追舒

傳廿二年春臧武仲如晉
雨過御叔御叔在其邑將
飲酒曰焉用聖人我將飲
酒而已雨行何以聖爲穆叔
聞之曰不可使也而傲使

人國之蠹也令倍其賦夏
晉人徵朝于鄭鄭人使少
正公孫僑對曰在晉先君
悼公九年我寡君於是即
位即位八月而我先大夫
子駟從寡君以朝于執事

春秋左傳 卷十六

哭 酈忍堂

執事不禮於寡君寡君懼
因是行也我二年六月朝
于楚晉是以有戲之役楚
人猶競而申禮於敝邑敝
邑欲從執事而懼爲大尤
曰晉其謂我不共有禮是

以不敢攜貳於楚我四年
三月先大夫子驕又從寡
君以觀釁於楚晉於是乎
有蕭魚之役謂我敝邑邇
在晉國譬諸草木吾臭味
也而何敢差池楚亦不競

春秋左傳 卷十六

哭 酈忍堂

寡君盡其土實重之以宗
器以受齊盟遂帥羣臣隨于
執事以會歲終貳於楚者
子侯石孟歸而討之湓梁
之明年子驕老矣公孫夏
從寡君以朝于君見於嘗

耐與執燔焉間二年間君將靖東夏四月又朝以聽事期不朝之間無歲不聘無役不從以大國政令之無常國家罷病不虞荐至無日不惕豈敢忘職大國

春秋左傳卷六

平西忍堂

若安定之其朝夕在庭何辱命焉若不恤其患而以爲口實其無乃不堪任命而翦爲仇讎敝邑是懼其敢忘君命委諸執事執事實重圖之秋藥盈自楚適

齊晏平仲言於齊侯曰商任之會受命於晉今納藥氏將安用之小所以事大信也失信不立君其圖之弗聽退告陳文子曰君人執信臣人執共忠信篤敬

春秋左傳卷十六

平西忍堂

上下同之天之道也君自弃也弗能久矣九月鄭公孫黑肱有疾歸邑于公召室老宗人立段而使黜官薄祭祭以特羊殷以少牢足以共祀盡歸其餘邑曰

吾聞之生於亂世貴而能
貧已無求焉可以後亡敬
共事君與二三子生在敬
戒不在富也已已伯張卒
君子曰善戒詩曰慎爾侯
度用戒不虞鄭子張其有

春秋左傳 卷十六

至二 頤忍堂

焉冬會于沙隨復錮欒氏
也欒盈猶在齊晏子曰禍
將作矣齊將伐晉不可以
不懼楚觀起有寵於令尹
子南未益祿而有馬數十
乘楚人患之王將討焉子

南之子弃疾爲王御士王
每見之必泣弃疾曰君三
泣臣矣敢問誰之罪也王
曰令尹之不能爾所知也
國將討焉爾其居乎對曰
父戮子居君焉用之洩命

春秋左傳 卷十六

至二 頤忍堂

重刑臣亦不爲王遂殺子
南於朝轅觀起於四竟子
南之臣謂弃疾請徙子尸
於朝曰君臣有禮唯二三
子三日弃疾請尸王許之
既葬其徒曰行乎曰吾與

殺吾父行將焉入曰然則
臣王乎曰棄父事讎吾弗
忍也遂縊而死復使遠子
馮爲令尹公子齏爲司馬
屈建爲莫敖有寵於遠子
者八人皆無祿而多馬他

春秋左傳卷六

韋而忍堂

日朝與申叔豫言弗應而
退從之入於人中又從之
遂歸退朝見之曰子三困
我於朝吾懼不敢不見吾
過子姑告我何疾我也對
曰吾不免是懼何敢告子

曰何故對曰昔觀起有寵
於子南子南得罪觀起車
裂何故不懼自御而歸不
能當道至謂八人者曰吾
見申叔夫子所謂生死而
肉骨也知我者如夫子則

春秋左傳卷六

韋而忍堂

可不然請止辭八人者而
後王安之十二月鄭游販
將如晉未出竟遭逆妻者
奪之以館于邑丁巳其夫
攻子明殺之以其妻行子
展廢良而立大叔曰國卿

君之貳也臣之主也不可
以苟請舍子明之類求亡
妻者使復其所使游氏勿
怨曰無昭惡也

春秋卷第十六

春秋左傳卷十六

韋
五
耐
忍
堂

春秋經傳集解裏四第十七

杜氏 盡廿五年

經廿有三年春王二月癸酉朔日有食之三月己巳杞伯勾卒夏邾卑我來奔

春秋左傳 卷十七

二 耐忍堂

葬杞孝公陳殺其大夫慶虎及慶寅陳侯之弟黃自楚歸于陳晉欒盈復入于晉入于曲沃秋齊侯伐衛遂伐晉八月叔孫豹帥師救晉次于雍榆己卯仲孫

速卒冬十月乙亥臧孫紇出奔邾晉人殺欒盈齊侯襲莒

傳廿三年春杞孝公卒晉悼夫人喪之平公不徹樂非禮也禮爲鄰國闕陳侯

春秋左傳 卷十七

二 耐忍堂

如楚公子黃愬二慶於楚楚人召之使慶樂往殺之慶氏以陳叛夏屈建從陳侯圍陳陳人城板墜而殺人役人相命各殺其長遂殺慶虎慶寅楚人納公子

黃君子謂慶氏不義不可肆也故書曰惟命不于常晉將嫁女于吳齊侯使析歸父媵之以藩載藥盈及其士納諸曲沃藥盈夜見胥午而告之對曰不可天

春秋左傳卷十七

平陽忍堂

之所廢誰能興之子必不免吾非愛死也知不集也盈曰雖然因子而死吾無悔矣我實不天子無咎焉許諾伏之而觴曲沃人樂作午言曰今也得藥孺子

何如對曰得主而爲之死猶不死也皆歎有泣者爵行又言皆曰得主何貳之有盈出徧拜之四月藥盈帥曲沃之甲因魏獻子以晝入絳初藥盈佐魏莊子

春秋左傳卷十七

四節忍堂

於下軍獻子私焉故因之趙氏以原屏之難怨藥氏韓趙方睦中行氏以伐秦之役怨藥氏而固與范氏和親知悼子少而聽於中行氏程鄭嬖於公唯魏氏

及七輿大夫與之樂王鮒
侍坐於范宣子或告曰欒
氏至矣宣子懼桓子曰奉
君以走固宮必無害也且
欒氏多怨子爲政欒氏自
外子在位其利多矣既有

春秋左傳卷十七

五誦忍堂

利權又執已柄將何懼焉
欒氏所得其唯魏氏乎而
可強取也夫克亂在權子
無解矣公有姻喪王鮒使
宣子墨繅冒經二婦人輦
以如公奉公以如固宮范

鞅逆魏舒則成列旣乘
將逆欒氏矣趨進曰欒氏
帥賊以入鞅之父與二三
子在君所矣使鞅逆吾子
鞅請驂乘持帶遂超乘右
撫劒左援帶命驅之出僕

春秋左傳卷十七

六誦忍堂

請鞅曰之公宣子逆諸階
執其手賂之以曲沃初斐
豹隸也著於丹書欒氏之
力臣曰督戎國人懼之斐
豹謂宣子曰苟焚丹書我
殺督戎宣子喜曰而殺之

所不請於君焚丹書者有
如日乃出豹而閉之督戎
從之踰隱而待之督戎踰
入豹自後擊而殺之范氏
之徒在臺後欒氏乘公門
宣子謂鞅曰矢及君屋死

春秋左傳卷十七

七爾忍堂

之鞅用劒以帥卒欒氏退
捕車從之遇欒樂曰樂免
之死將訟女於天樂射之
不中又注則乘槐本而覆
或以戟鉤之斷肘而死欒
魴傷欒盈奔曲沃晉人圍

之秋齊侯伐衛先驅穀榮
御王孫揮召揚爲右申驅
成秩御莒恒申鮮虞之傅
摯爲右曹開御戎晏父戎
爲右貳廣上之登御邢公
盧蒲癸爲右啓牢成御襄

春秋左傳卷十七

八爾忍堂

罷師狼蘧䟽爲右肱商子
車御侯朝桓跳爲右大殿
商子游御夏之御寇崔如
爲右燭庸之越駟乘自衛
將遂伐晉晏平仲曰君恃
勇力以伐盟主若不濟國

之福也不德而有功憂必
及君崔杼諫曰不可臣聞
之小國間大國之敗而毀
焉必受其咎君其圖之弗
聽陳文子見崔武子曰將
如君何武子曰吾言於君

春秋左傳卷十七

九韶忍堂

君弗聽也以爲盟主而利
其難羣臣若急君於何有
子姑止之文子退告其人
曰崔子將死乎謂君甚而
又過之不得其死過君以
義猶自抑也況以惡乎齊

侯遂伐晉取朝歌爲二隊
入孟門登大行張武軍於
熒庭戍郛邵封少水以報
平陰之役乃還趙勝帥東
陽之師以追之獲晏釐八
月叔孫豹帥師救晉次于

春秋左傳卷十七

十韶忍堂

雍榆禮也季武子無適子
公彌長而愛悼子欲立之
訪於申豐曰彌與紇吾皆
愛之欲擇才焉而立之申
豐趨退歸盡室將行他日
又訪焉對曰其然將具敝

車而行乃止訪於臧紇臧紇曰飲我酒吾爲子立之季氏飲大夫酒臧紇爲客既獻臧孫命北面重席新樽絜之召悼子降逆之大夫皆起及旅而召公鉏使

春秋左傳卷十七

士爾忍堂

與之齒季孫失色季氏以公鉏爲馬正愠而不出閔子馬見之曰子無然禍福無門唯人所召爲人子者患不孝不患無所敬共父命何常之有若能孝敬富

倍季氏可也姦回不軌禍倍下民可也公鉏然之敬共朝夕恪居官次季孫喜使飲己酒而以具往盡舍旃故公鉏氏富又出爲公左宰孟孫惡臧孫季孫愛

春秋左傳 卷十七

士爾忍堂

之孟氏之御騶豐點好羯也曰從余言必爲孟孫再三云羯從之孟莊子疾豐點謂公鉏苟立羯請饑臧氏公鉏謂季孫曰孺子秩固其所也若羯立則季氏信

有力於臧氏矣弗應己卯
孟孫卒公鉏奉謁立于戶
側季孫至入哭而出曰秩
焉在公鉏曰謁在此矣季
孫曰孺子長公鉏曰何長
之有唯其才也且夫子之

春秋左傳卷十七

三耐忍堂

命也遂立謁秩奔邾臧孫
入哭甚哀多涕出其御曰
孟孫之惡子也而哀如是
季孫若死其若之何臧孫
曰季孫之愛我疾疢也孟
孫之惡我藥石也美疢不

如惡石夫石猶生我疢之
美其毒滋多孟孫死吾亡
無日矣孟氏閉門告於季
孫曰臧氏將爲亂不使我
葬季孫不信臧孫聞之戒
冬十月孟氏將辟藉除於

春秋左傳卷十七

十四耐忍堂

臧氏臧孫使正夫助之除
於東門甲從己而視之孟
氏又告季孫季孫怒命攻
臧氏乙亥臧紇斬鹿門之
闕以出奔邾初臧宣叔娶
于鑄生賈及爲而死繼室

以其姪穆姜之姨子也生紇長於公宮姜氏愛之故立之臧賈臧爲出在鑄臧武仲自邾使告臧賈且致大蔡焉曰紇不佞失守宗祧敢告不弔紇之罪不及

春秋左傳卷十七

士五陋忍堂

不祀子以大蔡納請其可賈曰是家之禍也非子之過也賈聞命矣再拜受龜使爲以納請遂自爲也臧孫如防使來告曰紇非能害也知不足也非敢私請

苟守先祀無廢二勲敢不辟邑乃立臧爲臧紇致防而奔齊其人曰其盟我乎臧孫曰無辭將盟臧氏季孫召外史掌惡臣而問盟首焉對曰盟東門氏也曰

春秋左傳卷十七

士五陋忍堂

毋或如東門遂不聽公命殺適立庶盟叔孫氏也曰毋或如叔孫僑如欲廢國常蕩覆公室季孫曰臧孫之罪皆不及此孟椒曰盍以其犯門斬關季孫用之

乃盟臧氏曰無或如臧孫
紇干國之紀犯門斬關臧
孫聞之曰國有人焉誰居
其孟椒乎晉人克欒盈于
曲沃盡殺欒氏之族黨欒
魴出奔宋書曰晉人殺欒

春秋左傳卷十七

主顧忠堂

盈不言大夫言自外也齊
侯還自晉不入遂襲莒門
于且于傷股而退明日將
復戰期于壽舒杞殖華還
載甲夜入且于之隧宿於
莒郊明日先遇莒子於蒲

春秋左傳卷十七

主顧忠堂

侯氏莒子重賂之使無死
曰請有盟華周對曰貪貨
弃命亦君所惡也昏而受
命日未中而弃之何以事
君莒子親鼓之從而伐之
獲杞梁莒人行成齊侯歸
遇杞梁之妻於郊使弔之
辭曰殖之有罪何辱命焉
若免於罪猶有先人之敝
廬在下妾不得與郊弔齊
侯弔諸其室齊侯將為臧紇
田臧孫聞之見齊侯與之

言伐晉對曰多則多矣抑君似鼠夫鼠晝伏夜動不穴於寢廟畏人故也今君聞晉之亂而後作焉寧將事之非鼠如何乃弗與田仲尼曰知之難也有臧武

春秋左傳卷十七

九百忍堂

仲之知而不容於魯國抑有由也作不順而施不恕也夏書曰念茲在茲順事恕施也

經廿有四年春叔孫豹如晉仲孫羯帥師侵齊夏楚

子伐吳秋七月甲子朔日有食之既齊崔杼帥師伐莒大水八月癸巳朔日有食之公會晉侯宋公衛侯鄭伯曹伯莒子邾子滕子薛伯杞伯小邾子于夷儀

春秋左傳卷十七

千兩忍堂

冬楚子蔡侯陳侯許男伐鄭公至自會陳鍼宜咎出奔楚叔孫豹如京師大饑傳廿四年春穆叔如晉范宣子逆之問焉曰古人有言曰死而不朽何謂也穆

叔未對宣子曰昔勾之祖
自虞以上爲陶唐氏在夏
爲御龍氏在商爲豕韋氏
在周爲唐杜氏晉主夏盟
爲范氏其是之謂乎穆叔
曰以豹所聞此之謂世祿

春秋左傳卷十七

主顧忍堂

非不朽也魯有先大夫曰
臧文仲旣沒其言立其是
之謂乎豹聞之大上有立
德其次有立功其次有立
言雖久不廢此之謂不朽
若夫保姓受氏以守宗祊

世不絕祀無國無之祿之
大者不可謂不朽范宣子
爲政諸侯之幣重鄭人病
之二月鄭伯如晉子產寓
書於子西以告宣子曰子
爲晉國四鄰諸侯不聞今

春秋左傳卷十七

主顧忍堂

德而聞重幣僑也惑之僑
聞君子長國家者非無賄
之患而無令名之難夫諸
侯之賄聚於公室則諸侯
貳若吾子賴之則晉國貳
諸侯貳則晉國壞晉國貳

則子之家壞何沒沒也將
焉用賄夫令名德之興也
德國家之基也有基無壞
無亦是務乎有德則樂樂
則能久詩云樂旨君子邦
家之基有令德也夫上帝

春秋左傳卷一七

韋而忍堂

臨女無貳爾心有令名也
夫恕思以明德則令名載
而行之是以遠至邇安毋
寧使人謂子子實生我而
謂子浚我以生乎象有齒
以焚其身賄也宣子說乃

輕幣是行也鄭伯朝晉爲
重幣故且請伐陳也鄭伯
稽首宣子辭子西相曰以
陳國之介恃大國而陵虐
於敝邑寡君是以請罪焉
敢不稽首孟孝伯侵齊晉

春秋左傳卷一七

韋而忍堂

故也夏楚子爲舟師以伐
吳不爲軍政無功而還齊
侯旣伐晉而懼將欲見楚
子楚子使遠啓彊如齊聘
且請期齊社蒐軍實使客
觀之陳文子曰齊將有寇

吾聞之兵不戢必取其族
秋齊侯聞將有晉師使陳
無宇從遠啓彊如楚辭且
乞師崔杼帥師送之遂伐
莒侵介根會于夷儀將以
伐齊水不克冬楚子伐鄭

春秋左傳卷十七

孟頫忍堂

以救齊門于東門次于棘
澤諸侯還救鄭晉侯使張
骼輔躒致楚師求御于鄭
鄭人卜宛射犬吉子大叔
戒之曰大國之人不可與
也對曰無有衆寡其上一

也大叔曰不然部婁無松
柏二子在幄坐射犬于外
既食而後食之使御廣車
而行已皆乘乘車將及楚
師而後從之乘皆踞轉而
鼓琴近不告而馳之皆取

春秋左傳卷十七

孟頫忍堂

胄於橐而胄入壘皆下搏
人以投收禽挾囚弗待而
出皆超乘抽弓而射既免
復踞轉而鼓琴曰公孫同
乘兄弟也胡再不謀對曰
曩者志入而已今則怯也

皆笑曰公孫之亟也楚子
自棘澤還使遠啓彊帥師
送陳無宇吳人爲楚舟師
之役故召舒鳩人舒鳩人
叛楚楚子師于荒浦使沈
尹壽與師祁犁讓之舒鳩

春秋左傳卷十七

王右軍忍堂

子敬逆二子而告無之且
請受盟二子復命王欲伐
之遠子曰不可彼告不叛
且請受盟而又伐之伐無
罪也姑歸息已以待其卒
卒而不貳吾又何求若猶

叛我無辭有庸乃還陳人
復討慶氏之黨鍼宜咎出
奔楚齊人城邾穆叔如周
聘且賀城王嘉其有禮也
賜之大路晉侯嬖程鄭使
佐下軍鄭行人公孫揮如

春秋左傳卷十七

王右軍忍堂

晉聘程鄭問焉曰敢問降
階何由子羽不能對歸以
語然明然明曰是將死矣
不然將亡貴而知懼懼而
思降乃得其階下人而已
又何問焉且夫旣登而求

降階者知入也不在程鄭
其有亡覺乎不然其有感
疾將死而憂也

經廿有五年春齊崔杼帥
師伐我北鄙夏五月乙亥
齊崔杼弑其君光公會晉

春秋左傳卷十七

三石齋忍堂

侯宋公衛侯鄭伯曹伯莒
子邾子滕子薛伯杞伯小
邾子于夷儀六月壬子鄭
公孫舍之帥師入陳秋八
月己巳諸侯同盟于重丘
公至自會衛侯入于夷儀

楚屈建帥師滅舒鳩冬鄭
公孫夏帥師伐陳十有二
月吳子遏伐楚門于巢卒
傳廿五年春齊崔杼帥師
伐我北鄙以報孝伯之師
也公患之使告于晉孟公

春秋左傳卷十七

三石齋忍堂

綽曰崔子將有大志不在
病我必速歸何患焉其來
也不寇使臣不嚴異於他
日齊師徒歸齊棠公之妻
東郭偃之姊也東郭偃臣
崔武子棠公死偃御武子

以弔焉見棠姜而美之使
偃取之偃曰男女辨姓今
君出自丁臣出自桓不可
武子筮之遇困三三之大過
三三史皆曰吉示陳文子文
子曰夫從風風隕妻不可

春秋左傳卷十七

王肅忍堂

娶也且其繇曰困于石據
于蒺藜入于其宮不見其
妻凶困于石往不濟也據
于蒺藜所恃傷也入于其
宮不見其妻凶無所歸也
崔子曰嫠也何害先夫當

之矣遂取之莊公通焉驟
如崔氏以崔子之冠賜人
侍者曰不可公曰不爲崔
子其無冠乎崔子因是又
以其閒伐晉也曰晉必將
報欲弑公以說于晉而不

春秋左傳卷十七

王肅忍堂

獲閒公鞭侍人賈舉而又
近之乃爲崔子閒公夏五
月莒爲且于之役故莒子
朝于齊甲戌饗諸北郭崔
子稱疾不視事乙亥公問
崔子遂從姜氏姜入于

室與崔子自側戶出公拊楹而歌侍人賈舉止衆從者而入閉門甲興公登臺而請弗許請盟弗許請自刃於廟弗許皆曰君之臣杼疾病不能聽命近於公

春秋左傳卷十七

孟子忍堂

宮陪臣干擲有淫者不知二命公踰牆又射之中股反墜遂弑之賈舉州綽邴師公孫敖封具鐸父襄伊婁堙皆死祝佗父祭於高唐至復命不說弁而死於

崔氏申蒯侍漁者退謂其宰曰爾以帑免我將死其宰曰免是反子之義也與之皆死崔氏殺駿蔑于平陰晏子立於崔氏之門外其人曰死乎曰獨吾君也

春秋左傳卷十七

孟子忍堂

乎哉吾死也曰行乎曰吾罪也乎哉吾亡也曰歸乎曰君死安歸君已者豈以陵已社稷是主臣君者豈爲其口實社稷是養故君爲社稷死則死之爲社稷

亡則亡之若爲己死而爲
己亡非其私暱誰敢任之
且人有君而弑之吾焉得
死之而焉得亡之將庸何
歸門啓而入枕尸股而哭
興三踊而出人謂崔子必

春秋左傳卷十七

三才齋忍堂

殺之崔子曰臣之望也舍
之得臣盧蒲癸奔晉王何
奔莒叔孫宣伯之在齊也
叔孫還納其女於靈公嬖
生景公丁丑崔杼立而相
之慶封爲左相盟國人於

大宮曰所不與崔慶者有
如上帝晏子仰天歎曰嬰
所不唯忠於君利社稷者
是與有如上帝乃歆辛巳
公與大夫及莒子盟太史
書曰崔杼弑其君崔子殺

春秋左傳卷十七

三才齋忍堂

之其弟嗣書而死者二人
其弟又書乃舍之南史氏
聞大史盡死執簡以往聞
既書矣乃還問丘嬰以帷
縛其妻而載之與申鮮虞
乘而出鮮虞推而下之曰

君昏不能匡危不能救死
不能死而知匿其暱其誰
納之行及弇中將舍嬰曰
崔慶其追我鮮虞曰一與
一誰能懼我遂舍枕轡而
寢食馬而食駕而行出弇

春秋左傳卷十七

孟子忍堂

謂嬰曰速驅之崔慶之
衆不可當也遂來奔崔氏
側莊公于北郭丁亥葬諸
士孫之里四嬖不蹕下車
七乘不以兵甲晉侯濟自
泮會于夷儀伐齊以報朝

春秋左傳卷十七

孟子忍堂

歌之役齊人以莊公說使
隰鉏請成慶封如師男女
以班賂晉侯以宗器樂器
自六正五吏卅帥三軍之
大夫百官之正長師旅及
處守者皆有賂晉侯許之
使叔向告於諸侯公使子
服惠伯對曰君舍有罪以
靖小國君之惠也寡君聞
命矣晉侯使魏舒宛逆
衛侯將使衛與之夷儀崔
子止其帑以求五鹿初陳

侯會楚子伐鄭當陳隧者井堙木刊鄭人怨之六月鄭子展子產帥車七百乘伐陳宵突陳城遂入之陳侯扶其大子偃師奔墓遇司馬桓子曰載余曰將巡城

春秋左傳卷十七

平陽忍堂

遇賈獲載其母妻下之而授公車公曰舍而母辭曰不祥與其妻扶其母以奔墓亦免子展命師無入公宮與子產親御諸門陳侯使司馬桓子賂以宗器陳

侯免擁社使其衆男女別而纍以待於朝子展執紼而見再拜稽首承飲而進獻子美入數俘而出祝祓社司徒致尸司馬致節司空致地乃還秋七月己巳

春秋左傳卷十七

平陽忍堂

同盟于重丘齊成故也趙文子爲政令薄諸侯之幣而重其禮穆叔見之謂穆叔曰自今以往兵其少弭矣齊崔慶新得政將求善於諸侯武也知楚令尹若

敬行其禮道之以文辭以靖諸侯兵可以弭楚遠子馮卒屈建爲令尹屈蕩爲莫敖舒鳩人卒叛楚令尹子木伐之及離城吳人救之子木遽以右師先子彊

春秋左傳卷十七

聖爾忍堂

息桓子捷子駢子孟帥左師以退吳人居其閒七日子彊曰久將墊隘隘乃禽也不如速戰請以其私卒誘之簡師陳以待我我克則進奔則亦視之乃可以

免不然必爲吳禽從之五人以其私卒先擊吳師吳師奔登山以望見楚師不繼復逐之傳諸其軍簡師會之吳師大敗遂圍舒鳩舒鳩潰八月楚滅舒鳩衛

春秋左傳卷十七

聖爾忍堂

獻公入于夷儀鄭子產獻捷于晉戎服將事晉人問陳之罪對曰昔虞閼父爲周陶正以服事我先王我先王賴其利器用也與其神明之後也庸以元女大

姬配胡公而封諸陳以備
三恪則我周之自出至于
今是賴桓公之亂蔡人欲
立其出我先君莊公奉五
父而立之蔡人殺之我又
與蔡人奉戴厲公至于莊

春秋左傳卷十七

聖祖忍堂

宣皆我之自立夏氏之亂
成公播蕩又我之自入君
所知也今陳忘周之大德
蔑我大惠弃我姻親介恃
楚衆以馮陵我敝邑不可
億逞我是以有往年之告

未獲成命則有我東門之
役當陳隧者井堙木刊敝
邑大懼不競而恥大姬天
誘其衷啓敝邑心陳知其
罪授手于我用敢獻功晉
人曰何故侵小對曰先王

春秋左傳卷十七

聖祖忍堂

之命唯罪所在各致其辟
且昔天子之地一圻列國
一同自是以衰今大國多
數圻矣若無侵小何以至
焉晉人曰何故戎服對曰
我先君武莊爲平桓卿士

城濮之役文公布命曰各復舊職命我文公戎服輔王以授楚捷不敢廢王命故也士莊伯不能詰復於趙文子文子曰其辭順犯順不祥乃受之冬十月子

春秋左傳卷十七

聖賢集卷十七

展相鄭伯如晉拜陳之功子西復伐陳陳及鄭平仲尼曰志有之言以足志文以足言不言誰知其志言之無文行而不遠晉爲伯鄭入陳非文辭不爲功慎

春秋左傳卷十七

聖賢集卷十七

辭哉楚爲掩爲司馬子木使庀賦數甲兵甲午爲掩書土田度山林鳩藪澤辨京陵表淳鹵數疆潦規偃豬町原防牧隰臯井衍沃量入脩賦賦車籍馬賦車兵徒兵甲楯之數旣成以授子木禮也十二月吳子諸樊伐楚以報舟師之役門于巢巢牛臣曰吳王勇而輕若啓之將親門我獲射之必殪是君也死疆其

少安從之吳子門焉牛臣
隱於短牆以射之卒楚子
以滅舒鳩賞子木辭曰先
大夫為子之功也以與為
掩晉程鄭卒子產始知然
明問為政焉對曰視民如

春秋左傳卷十七

聖賢堂

子見不仁者誅之如鷹鷂
之逐鳥雀也子產喜以語
子大叔且曰他日吾見幾
之面而已今吾見其心矣
子大叔問政於子產子產
曰政如農功日夜思之思

其始而成其終朝夕而行
之行無越思如農之有畔
其過鮮矣衛獻公自夷儀
使與甯喜言甯喜許之大
叔文子聞之曰烏呼詩所
謂我躬不說皇恤我後者

春秋左傳卷十七

聖賢堂

甯子可謂不恤其後矣將
可乎哉殆必不可君子之
行思其終也思其復也書
曰慎始而敬終終以不困
詩曰夙夜匪解以事一人
今甯子視君不如弈棋其

何以免乎弈者舉棋不定
不勝其耦而況置君而弗
定乎必不免矣九世之鄉
族一舉而滅之可哀也哉

春秋卷第十七

春秋左傳卷十七

罍醕忍堂

春秋經傳集解卷五第十八

杜氏 盡廿八年

傳會于夷儀之歲齊人城邾其五月秦晉爲成晉韓起如秦涖盟秦伯車如晉

春秋左傳卷六

一 兩忍堂

涖盟成而不結

經廿有六年春王二月辛

卯衛甯喜弑其君剽衛孫

林父入于戚以叛甲午衛

侯衎復歸于衛夏晉侯使

荀吳來聘公會晉人鄭良

霄宋人曹人于澶淵秋宋公殺其世子痤晉人執衛

甯喜八月壬午許男甯卒

于楚冬楚子蔡侯陳侯伐

鄭葬許靈公

傳廿六年春秦伯之弟鍼

春秋左傳卷六

二 兩忍堂

如晉脩成叔向命召行人

子負行人子朱曰朱也當

御三云叔向不應子朱怒

曰班爵同何以黜朱於朝

撫劍從之叔向曰秦晉不

和久矣今日之事幸而集

晉國賴之不集三軍暴骨
子負道二國之言無私子
常易之姦以事君者吾所
能御也拂衣從之人救之
平公曰晉其庶乎吾臣之
所爭者大師曠曰公室懼

春秋左傳卷六

手疏忍堂

卑臣不心競而力爭不務
德而爭善私欲已侈能無
卑乎衛獻公使子鮮爲復
辭敬如強命之對曰君無
信臣懼不免敬如曰雖然
以吾故也許諾初獻公使

與甯喜言甯喜曰必子鮮
在不然必敗故公使子鮮
子鮮不獲命於敬如以公
命與甯喜言曰苟反政由
甯氏祭則寡人甯喜告遽
伯玉伯玉曰瑗不得聞

春秋左傳卷六

四萌忍堂

君之出敢聞其入遂行從
近關出告右宰穀右宰穀
曰不可獲罪於兩君天下
誰畜之悼子曰吾受命於
先人不可以貳穀曰我請
使焉而觀之遂見公於夷

儀反曰君淹恤在外十二年矣而無憂色亦無寬言猶夫人也若不已死無日矣悼子曰子鮮在右宰穀曰子鮮在何益多而能亡於我何爲悼子曰雖然不

春秋左傳

卷一八

可以已孫文子在戚孫嘉聘於齊孫襄居守二月庚寅甯喜右宰穀伐孫氏不克伯國傷甯子出舍於郊伯國死孫氏夜哭國人召甯子甯子復攻孫氏克之辛

卯殺子叔及太子角書曰甯喜弑其君剽言罪之在甯氏也孫林父以戚如晉書曰入于戚以叛罪孫氏也臣之祿君實有之義則進否則奉身而退專祿以

春秋左傳

卷一八

周旋戮也甲午衛侯入書曰復歸國納之也大夫逆於竟者執其手而與之言道逆者自車揖之逆於門者頷之而已公至使讓大叔文子曰寡人淹恤在外

二三子皆使寡人朝夕聞
衛國之言吾子獨不在寡
人古人有言曰非所怨勿
怨寡人怨矣對曰臣知罪
矣臣不佞不能負羈絏以
從扞牧圉臣之罪一也有

春秋左傳卷六

七 耐忍堂

出者有居者臣不能貳通
外內之言以事君臣之罪
二也有二罪敢忘其死乃
行從近關出公使止之衛
人侵戚東鄙孫氏愬于晉
晉戍茅氏殖綽伐茅氏殺

晉戍三百人孫蒯追之弗
敢擊文子曰厲之不如遂
從衛師敗之圍雍鉏獲殖
綽復愬于晉鄭伯賞入陳
之功三月甲寅朔享子展
賜之先路三命之服先八

春秋左傳卷六

八 耐忍堂

邑賜子產次路再命之服
先六邑子產辭邑曰自上
以下降殺以兩禮也臣之
位在四且子展之功也臣
不敢及賞禮請辭邑公固
予之乃受三邑公孫揮曰

子產其將知政矣讓不失禮晉人爲孫氏故召諸侯將以討衛也夏中行穆子來聘召公也楚子秦人侵吳及雩婁聞吳有備而還遂侵鄭五月至于城麋鄭

春秋左傳卷六

九
爾忍堂

皇頡戍之出與楚師戰敗穿封戍囚皇頡公子圍與之爭之正於伯州犂伯州犂曰請問於囚乃立囚伯州犂曰所爭君子也其何不知上其手曰夫子爲王

子圍寡君之貴介弟也下其手曰此子爲穿封戍方城外之縣尹也誰獲子囚曰頡遇王子弱焉戍怒抽戈逐王子圍弗及楚人以皇頡歸印堇父與皇頡戍

春秋左傳卷六

十
爾忍堂

城麋楚人囚之以獻於秦鄭人取貨於印氏以請之子大叔爲令正以爲請子產曰不獲受楚之功而取貨於鄭不可謂國秦不其然若曰拜君之勤鄭國微

君之惠楚師其猶在敝邑之城下其可弗從遂行秦人不予更幣從子產而後獲之六月公會晉趙武宋向戌鄭良霄曹人于澶泚以討衛疆戚田取衛西

春秋左傳卷六

主顧忍堂

鄙懿氏六十以與孫氏趙武不書尊公也向戌不書後也鄭先宋不失所也於是衛侯會之晉人執甯喜北宮遺使女齊以先歸衛侯如晉晉人執而囚之於

士弱氏秋七月齊侯鄭伯爲衛侯故如晉晉侯兼享之晉侯賦嘉樂國景子相齊侯賦蓼蕭子展相鄭伯賦緇衣叔向命晉侯拜二君曰寡君敢拜齊君之安

春秋左傳卷六

主顧忍堂

我先君之宗祧也敢拜鄭君之不貳也國子使晏平仲私於叔向曰晉君宣其明德於諸侯恤其患而補其闕正其違而治其煩所以爲盟主也今爲臣執君

若之何叔向告趙文子文子以告晉侯晉侯言衛侯之罪使叔向告二君國子賦轡之柔矣子展賦將仲子兮晉侯乃許歸衛侯叔向曰鄭七穆罕氏其後亡

春秋左傳卷六

韋爾忍堂

者也子展儉而壹初宋芮司徒生女子赤而毛棄諸堤下共姬之妾取以入名之曰弃長而美平公入夕共姬與之食公見弃也而視之尤姬納諸御嬖生佐

惡而婉太子痤美而很合左師畏而惡之寺人惠牆伊戾爲太子內師而無寵秋楚客聘於晉過宋太子知之請野享之公使往伊戾請從之公曰夫不惡女

春秋左傳卷六

韋爾忍堂

乎對曰小人之事君子也惡之不敢遠好之不敢近敬以待命敢有貳心乎縱有共其外莫共其內臣請往也遣之至則欲用牲加書徵之而騁告公曰太子

將爲亂旣與楚客盟矣公
曰爲我子又何求對曰欲
速公使視之則信有焉問
諸夫人與左師則皆曰固
聞之公囚太子太子曰唯
佐也能免我召而使請曰

春秋左傳卷六

士五陋忍堂

日中不來吾知死矣左師
聞之聒而與之語過期乃
縊而死佐爲太子公徐聞
其無罪也乃亨伊戾左師
見夫人之步馬者問之對
曰君夫人氏也左師曰誰

爲君夫人余胡弗知圉人
歸以告夫人夫人使饋之
錦與馬先之以玉曰君之
妾弃使某獻左師改命曰
君夫人而後再拜稽首受
之鄭伯歸自晉使子西如

春秋左傳卷六

士六陋忍堂

晉聘辭曰寡君來煩執事
懼不免於戾使夏謝不敏
君子曰善事大國初楚伍
參與蔡大師子朝友其子
伍舉與聲子相善也伍舉
娶於王子牟王子牟爲申

公而亡楚人曰伍舉實送之伍舉奔鄭將遂奔晉聲子將如晉遇之於鄭郊班荆相與食而言復故聲子曰子行也吾必復子及宋向戌將平晉楚聲子通使

春秋左傳卷六

十七 昭忍堂

於晉還如楚令尹子木與之語問晉故焉且曰晉大夫與楚孰賢對曰晉卿不如楚其大夫則賢皆卿材也如杞梓皮革自楚往也雖楚有材晉實用之子木

曰夫獨無族姻乎對曰雖有而用楚材實多歸生聞之善爲國者賞不僭而刑不濫賞僭則懼及淫人刑濫則懼及善人若不幸而過寧僭無濫與其失善寧

春秋左傳卷六

十六 昭忍堂

其利淫無善人則國從之詩曰人之云亡邦國殄瘁無善人之謂也故夏書曰與其殺不辜寧失不經懼失善也商頌有之曰不僭不濫不敢怠皇命于下國

封建厥福此湯所以獲天
福也古之治已者勸賞而
畏刑恤已不倦賞以春夏
刑以秋冬是以將賞爲之
加膳加膳則飫賜此以知
其勸賞也將刑爲之不舉

春秋左傳卷六

平陽忠堂

不舉則徹樂此以知其畏
刑也夙興夜寐朝夕臨政
此以知其恤已也三者禮
之大節也有禮無敗今楚
多淫刑其大夫逃死於四
方而爲之謀主以害楚國

不可救療所謂不能也子
儀之亂析公奔晉晉人寘
諸戎車之殿以爲謀主繞
角之役晉將遁矣析公曰
楚師輕窵易震蕩也若多
鼓鈞聲以夜軍之楚師必

春秋左傳卷六

平陽忠堂

遁晉人從之楚師宵潰晉
遂侵蔡襲沈獲其君敗申
息之師於桑隧獲申麗而
還鄭於是不敢南面楚失
華夏則析公之爲也雍子
之父兄譖雍子君與大夫

不善是也雍子奔晉晉人與之郤以爲謀主彭城之役晉楚遇於靡角之谷晉將遁矣雍子發命於軍曰歸老幼反孤疾二人役歸一人簡兵蒐乘秣馬蓐食

春秋左傳卷六

主師忍堂

師陳焚次明日將戰行歸者而逸楚囚楚師宵潰晉降彭城而歸諸宋以魚石歸楚失東夷子辛死之則雍子之爲也子反與子靈爭夏姬而雍害其事子靈

奔晉晉人與之邢以爲謀主扞禦北狄通吳於晉教吳叛楚教之乘車射御驅侵使其子狐庸爲吳行人焉吳於是伐巢取駕克棘入州來楚罷於奔命至今

春秋左傳卷六

主師忍堂

爲患則子靈之爲也若敖之亂伯賁之子賁皇奔晉晉人與之苗以爲謀主鄢陵之役楚晨壓晉軍而陳晉將遁矣苗賁皇曰楚師之良在其中軍王族而已

若塞井夷竈成陳以當之
藥范易行以誘之中行二
卻必克二穆吾乃四萃於
其王族必大敗之晉人從
之楚師大敗王夷師燔子
反死之鄭叛吳興楚失諸

春秋左傳卷六

圭函忍堂

侯則苗賁皇之爲也子木
曰是皆然矣聲子曰今又
有甚於此椒舉娶於申
公子羊子牟得戾而亡君
大夫謂椒舉女實遣之懼
而奔鄭引領南望曰庶幾

赦予亦弗圖也今在晉矣
晉人將與之縣以比叔向
彼若謀害楚國豈不爲患
子木懼言諸王益其祿爵
而復之聲子使椒鳴逆之
許靈公如楚請伐鄭曰師

春秋左傳卷六

圭函忍堂

不興孤不歸矣八月卒于
楚楚子曰不伐鄭何以求
諸侯冬十月楚子伐鄭鄭
人將禦之子產曰晉楚將
平諸侯將和楚王是故昧
於一來不如使逞而歸乃

易成也夫小人之性鬻於
勇嗇於禍以足其性而
求名焉者非國家之利也
若何從之子展說不禦寇
十二月乙酉入南里墮其
城涉于樂氏門于師之梁

春秋左傳卷六

王肅忍堂

縣門發獲九人焉涉于汜
而歸而後葬許靈公衛人
歸衛姬于晉乃釋衛侯君
子是以知平公之失政也
晉韓宣子聘于周王使請
事對曰晉士起將歸時事

於宰旅無他事矣王聞之
曰韓氏其昌阜於晉乎辭
不失舊齊人城邾之歲其
夏齊烏餘以廩丘奔晉襲
衛羊角取之遂襲我高魚
有大雨自其竇入介于其

春秋左傳卷六

王肅忍堂

庫以登其城克而取之又
取邑于宋於是范宣子卒
諸侯弗能治也及趙文子
爲政乃卒治之文子言於
晉侯曰晉爲盟主諸侯或
相侵也則討而使歸其地

今烏餘之邑皆討類也而
貪之是無以爲盟主也請
歸之公曰諾孰可使也對
曰胥梁帶能無用師晉侯
使往

經廿有七年春齊侯使慶

封來聘夏叔孫豹會晉趙
武楚屈建蔡公孫歸生衛
石惡陳孔奐鄭良霄許人
曹人于宋衛殺其大夫甯
喜衛侯之弟鱣出奔晉秋
七月辛巳豹及諸侯之大

夫盟于宋冬十有二月乙
亥朔日有食之

傳廿七年春胥梁帶使諸
喪邑者具車徒以受地必
周使烏餘具車徒以受封
烏餘以其衆出使諸侯僞
效烏餘之封者而遂執之
盡獲之皆取其邑而歸諸
侯諸侯是以睦於晉齊慶
封來聘其車美孟孫謂叔
孫曰慶季之車不亦美乎
叔孫曰豹聞之服美不稱

必以惡終美車何爲叔孫
與慶封食不敬爲賦相鼠
亦不知也衛甯喜專公患
之公孫免餘請殺之公曰
微甯子不及此吾與之言
矣事未可知祇成惡名止

春秋左傳卷一

毛爾忍堂

也對曰臣殺之君勿與知
乃與公孫無地公孫臣謀
使攻甯氏弗克皆死公曰
臣也無罪父子死余矣夏
免餘復攻甯氏殺甯喜及
右宰穀尸諸朝石惡將會

宋之盟受命而出衣其尸
枕之股而哭之欲斂以亡
懼不免且曰受命矣乃行
子鮮曰逐我者出納我者
死賞罰無章何以沮勸君
失其信而國無刑不亦難

春秋左傳卷六

毛爾忍堂

乎且鱄實使之遂出奔晉
公使止之不可及河又使
止之止使者而盟於河託
於木門不鄉衛國而坐木
門大夫勸之仕不可曰仕
而廢其事罪也從之昭吾

所以出也將誰想乎吾不
可以立於人之朝矣終身
不仕公喪之如稅服終身
公與免餘邑六十辭曰唯
卿備百邑臣六十矣下有
上祿亂也臣弗敢聞且

春秋左傳卷六

三子孫忍堂

甯子唯多邑故死臣懼死
之速及也公固與之受其
半以爲少師公使爲卿辭
曰大叔儀不貳能贊大事
君其命之乃使文子爲卿
宋向戌善於趙文子又善

春秋左傳卷六

三子孫忍堂

於令尹子木欲弭諸侯之
兵以爲名如晉告趙孟趙
孟謀於諸大夫韓宣子曰
兵民之殘也財用之蠹小
國之大菑也將或弭之雖
曰不可必將許之弗許楚
將許之以召諸侯則我失
爲盟主矣晉人許之如楚
楚亦許之如齊齊人難
之陳文子曰晉楚許之
我焉得已且人曰弭兵而
我弗許則固攜吾民矣將

焉用之齊人許之告於秦
秦亦許之皆告於小國爲
會於宋五月甲辰晉趙武
至於宋丙午鄭良霄至六
月丁未朔宋人享趙文子
叔向爲介司馬置折俎禮

春秋左傳卷六

三石齋忍堂

也仲尼使舉是禮也以爲
多文辭戊申叔孫豹齊慶
封陳須無衛石惡至甲寅
晉荀盈從趙武至丙辰邾
悼公至壬戌楚公子黑肱
先至成言於晉丁卯向

戌如陳從子木成言於楚
戊辰滕成公至子木謂向
戌請晉楚之從交相見也
庚午向戌復於趙孟趙孟
曰晉楚齊秦匹也晉之不
能於齊猶楚之不能於秦

春秋左傳卷六

三石齋忍堂

也楚君若能使秦君辱於
敝邑寡君敢不固請於齊
壬申左師復言於子木子
木使駟謁諸王王曰釋齊
秦他國請相見也秋七月
戊寅左師至是夜也趙孟

及子皙盟以齊言廋辰子
木至自陳陳孔奭蔡公孫
歸生至曹許之大夫皆至
以藩爲軍晉楚各處其偏
伯夙謂趙孟曰楚氛甚惡
懼難趙孟曰吾左還入於

宋若我何辛巳將盟於宋
西門之外楚人衷甲伯州
犁曰合諸侯之師以爲不
信無乃不可乎夫諸侯望
信於楚是以來服若不信
是弃其所以服諸侯也固

請釋甲子木曰晉楚無信
久矣事利而已苟得志焉
焉用有信大宰退告人曰
令尹將死矣不及三年求
逞志而弃信志將逞乎志
以發言言以出信信以立

志參以定之信亡何以及
三趙孟患楚衷甲以告叔
向叔向曰何害也匹夫一
爲不信猶不可單斃其死
若合諸侯之卿以爲不信
必不捷矣食言者不病非

子之患也夫以信召人而以僭濟之必莫之與也安能害我且吾因宋以守病則夫能致死與宋致死雖倍楚可也子何懼焉又不及是曰弭兵以召諸侯而

春秋左傳卷六

韋爾忍堂

稱兵以害我吾庸多矣非所患也季武子使謂叔孫以公命曰視邾滕旣而齊人請邾宋人請滕皆不與盟叔孫曰邾滕人之私也我列國也何故視之宋衛

吾匹也乃盟故不書其族言違命也晉楚爭先晉人曰晉固爲諸侯盟主未有先晉者也楚人曰子言晉楚匹也若晉常先是楚弱也且晉楚狎主諸侯之盟

春秋左傳卷六

韋爾忍堂

也久矣豈專在晉叔向謂趙孟曰諸侯歸晉之德只非歸其尸盟也子務德無爭先且諸侯盟小國固必有尸盟者楚爲晉細不亦可乎乃先楚人書先晉晉

有信也壬午宋公兼享晉
楚之大夫趙孟爲客子木
與之言弗能對使叔向待
言焉子木亦不能對也乙
酉宋公及諸侯之大夫盟
于蒙門之外子木問於趙

春秋左傳卷六

堯圃忍堂

孟曰范武子之德何如對
曰夫子之家事治言於晉
國無隱情其祝史陳信於
鬼神無愧辭子木歸以語
王王曰尚矣哉能歆神人
宜其光輔五君以爲盟主

也子木又語王曰宜晉之
伯也有叔向以佐其卿楚
無以當之不可與爭晉荀
盈遂如楚涖盟鄭伯享趙
孟于垂隴子展伯有子西
子產子大叔二子石從趙

春秋左傳卷六

堯圃忍堂

孟曰七子從君以寵武也
請皆賦以卒君貺武亦以
觀七子之志子展賦草蟲
趙孟曰善哉已之主也抑
武也不足以當之伯有賦
鶉之賁賁趙孟曰牀第之

言不踰閭況在野乎非使
人之所得聞也子西賦黍
苗之四章趙孟曰寡君在
武何能焉子產賦隰桑趙
孟曰武請受其卒章子大
叔賦野有蔓草趙孟曰吾

春秋左傳卷六

聖雨忍堂

子之惠也印段賦蟋蟀趙
孟曰善哉保家之主也吾
有望矣公孫段賦桑扈趙
孟曰匪交匪敖福將焉往
若保是言也欲辭福祿得
乎卒享文子告叔向曰伯

有將爲戮矣詩以言志志
誣其上而公怨之以爲賓
榮其能久乎幸而後亡叔
向曰然已侈所謂不及五
稔者夫子之謂矣文子曰
其餘皆數世之主也子展

春秋左傳卷六

聖雨忍堂

其後亡者也在上不忘降
印氏其次也樂而不荒樂
以安民不淫以使之後亡
不亦可乎宋左師請賞曰
請免死之邑公與之邑六
十以示子罕子罕曰凡諸

侯小國晉楚所以兵威之
畏而後上下慈和慈和而
後能安靖其國家以事大
國所以存也無威則驕驕
則亂生亂生必滅所以亡
也天生五材已並用之廢

春秋左傳卷六

四聖齋忍堂

一不可誰能去兵兵之設
久矣所以威不軌而昭文
德也聖人以興亂人以廢
廢興存亡昏明之術皆兵
之由也而子求去之不亦
誣乎以誣道蔽諸侯罪莫

大焉縱無大討而又求賞
無厭之甚也削而投之左
師辭邑向氏欲攻司城左
師曰我將亡夫子存我德
莫大焉又可攻乎君子曰
彼己之子邦之司直樂喜

春秋左傳卷六

四聖齋忍堂

之謂乎何以恤我我其收
之向戌之謂乎齊崔杼生
成及彊而寡娶東郭姜生
明東郭姜以孤入曰棠无
咎與東郭偃相崔氏崔成
有疾而廢之而立明成請

老子崔崔子許之偃與无咎弗予曰崔宗邑也必在宗主成與彊怒將殺之告慶封曰夫子之身亦子所知也唯无咎與偃是從父兄莫得進矣大恐害夫子

春秋左傳卷六

聖祖忍堂

敢以告慶封曰子姑退吾圖之告盧蒲癸盧蒲癸曰彼君之讎也天或者將弃彼矣彼實家亂子何病焉崔之薄慶之厚也他日又告慶封曰苟利夫子必去

之難吾助女九月庚辰崔成崔彊殺東郭偃棠无咎於崔氏之朝崔子怒而出其衆皆逃求人使駕不得使圉人駕寺人御而出且曰崔氏有福止余猶可遂見

春秋左傳卷六

聖祖忍堂

慶封慶封曰崔慶一也是何敢然請爲子計之使盧蒲癸帥甲以攻崔氏崔氏堙其宮而守之弗克使國人助之遂滅崔氏殺成與彊而盡俘其家其妻縊癸

復命於崔子且御而歸之
至則無歸矣乃縊崔明夜
辟諸大墓辛巳崔明來奔
慶封當國楚遠罷如晉泣
盟晉侯享之將出賦既醉
叔向曰遠氏之有後於楚

春秋左傳卷之六

聖西廬堂

國也宜哉承君命不忘敏
子蕩將知政矣敏以事君
必能養已政其焉往崔氏
之亂申鮮虞來奔僕賃於
野以喪莊公冬楚人召之
遂如楚爲右尹十一月乙

亥朔日有食之辰在申司
歷過也再失閏矣

經廿有八年春無冰夏衛
石惡出奔晉邾子來朝秋
八月大雩仲孫羯如晉冬
齊慶封來奔十有一月公

春秋左傳卷之六

聖西廬堂

如楚十有二月甲寅天王
崩乙未楚子昭卒

傳廿八年春無冰梓慎曰
今茲宋鄭其饑乎歲在星
紀而淫於玄枵以有時菑
陰不堪陽蛇乘龍龍宋鄭

之星也宋鄭必饑玄枵虛中也枵耗名也土虛而已耗不饑何爲夏齊侯陳侯蔡侯北燕伯杞伯胡子沈子白狄朝于晉宋之盟故也齊侯將行慶封曰我不

春秋左傳卷十八

哭而忍堂

與盟何爲於晉陳文子曰先事後賄禮也小事大未獲事焉從之如志禮也雖不與盟敢叛晉乎重丘之盟未可忘也子其勸行衛人討甯氏之黨故石惡出

奔晉衛人立其從子圉以守石氏之祀禮也邾悼公來朝時事也秋八月大雩旱也蔡侯歸自晉入于鄭鄭伯享之不敬子產曰蔡侯其不免乎日其過此也

春秋左傳 卷十八

辛而忍堂

君使子展廷勞於東門之外而傲吾曰猶將更之今還受享而惰乃其心也君小國事大國而惰傲以爲己心將得死乎若不免必由其子其爲君也淫而不

父僑聞之如是者恒有子
禍孟孝伯如晉告將爲宋
之盟故如楚也蔡侯之如
晉也鄭伯使游吉如楚及
漢楚人還之曰宋之盟君
實親辱今吾子來寡君謂

春秋左傳卷六

季二肅忍堂

吾子姑還吾將使駟奔問
諸晉而以告子大叔曰宋
之盟君命將利小國而亦
使安定其社稷鎮撫其臣
人以禮承天之休此君之
憲令而小國之望也寡君

是故使吉奉其皮幣以歲
之不易聘於下執事今執
事有命曰女何與政令之
有必使而君弃而封守跋
涉山川蒙犯霜露以逞君
心小國將君是望敢不唯

春秋左傳卷六

季二肅忍堂

命是聽無乃非盟載之言
以闕君德而執事有不利
焉小國是懼不然其何勞
之敢憚子大叔歸復命告
子展曰楚子將死矣不脩
其政德而貪昧於諸侯以

逞其願欲久得乎周易有
之在復䷗之頤䷚曰迷
復凶其楚子之謂乎欲復
其願而弃其本復歸無所
是謂迷復能無凶乎君其
往也送葬而歸以快楚心

春秋左傳 卷六

五十四 忍堂

楚不幾十年未能恤諸侯
也吾乃休吾已矣裨竈曰
今茲周王及楚子皆將死
歲弃其次而旅於明年之
次以害鳥帑周楚惡之九
月鄭游吉如晉告將朝于

楚以從宋之盟子產相鄭
伯以如楚草舍不爲壇外僕
言曰昔先大夫相先君適
四國未嘗不爲壇自是至
今亦皆循之今子草舍無
乃不可乎子產曰大適小

春秋左傳 卷六

五十四 忍堂

則爲壇小適大苟舍而已
焉用壇僑聞之大適小有
五美宥其罪戾赦其過失
救其菑患賞其德刑教其
不及小國不困懷服如歸
是故作壇以昭其功宣告

後人無怠於德小適大有五
惡說其罪戾請其不足行其
政事共其職貢從其時命
不然則重其幣帛以賀其
福而弔其凶皆小國之禍
也焉用作壇以昭其禍所

春秋左傳卷六

孟子師忍堂

以告子孫無昭禍焉可也
齊慶封好田而者酒與慶
舍政則以其內實遷于盧
蒲嫫氏易內而飲酒數日
國遷朝焉使諸亡人得賊
者以告而反之故反盧蒲

癸癸臣子之有寵妻之慶
舍之士謂盧蒲癸曰男女
辨姓子不辟宗何也曰宗
不余辟余獨焉辟之賦詩
斷章余取所求焉惡識
宗癸言王何而反之二人

春秋左傳卷六

孟子師忍堂

皆嬖使執寢戈而先後之
公膳日雙雞饗人竊更之
以驚御者知之則去其肉
而以其洎饋子雅子尾怒
慶封告盧蒲嫫盧蒲嫫曰
譬之如禽獸吾寢處之矣

使析歸父告晏平仲平仲
曰嬰之衆不足用也知無
能謀也言弗敢出有盟可
也子家曰子之言云又焉
用盟告北郭子車子車曰
人各有以事君非佐之所

春秋左傳卷六

至老耐忍堂

能也陳文子謂桓子曰禍
將作矣吾其何得對曰得
慶氏之木百車於莊文子
曰可慎守也已盧蒲癸王
何卜攻慶氏示子之兆曰
或卜攻讎敢獻其兆子之

曰克見血冬十月慶封田
于萊陳無宇從丙辰文子
使召之請曰無宇之母疾
病請歸慶季卜之示之兆
曰死奉龜而泣乃使歸慶
嗣聞之曰禍將作矣謂子

春秋左傳卷六

至老耐忍堂

家速歸禍作必於嘗歸猶
可及也子家弗聽亦無悛
志子息曰亡矣幸而獲在
吳越陳無宇濟水而戕舟
發梁盧蒲姜謂癸曰有事
而不告我必不捷矣癸告

之姜曰夫子復莫之止將
不出我請止之癸曰諾十
一月乙亥嘗于大公之廟慶
舍泣事盧蒲姜告之且止之
弗聽曰誰敢者遂如公麻
嬰爲尸慶集爲上獻盧蒲

春秋左傳卷六

孟孟忍堂

癸王何執寢戈慶氏以其
甲環公宮陳氏鮑氏之圍
人爲優慶氏之馬善驚士
皆釋甲束馬而飲酒且觀
優至於魚里欒高陳鮑之
徒介慶氏之甲子尾抽桷

擊扉三盧蒲癸自後刺子
之王何以戈擊之解其左
肩猶援廟桷動於薨以俎
壺投殺人而後死遂殺慶
繩麻嬰公懼鮑國曰羣臣
爲君故陳^也須無以公歸稅

春秋左傳卷十八

平孟忍堂

服而如內宮慶封歸遇告
亂者丁亥伐西門弗克還
伐北門克之入伐內宮弗
克反陳于嶽請戰弗許遂
來奔獻車於季武子美澤
可以鑑展莊叔見之曰車

甚澤人必庠宜其亡也叔
孫穆子食慶封慶封汜祭
穆子弗說使工爲之誦茅
鷄亦不知旣而齊人來讓
奔吳吳句餘予之朱方聚
其族焉而居之富於其舊

春秋左傳卷六

空齋忍堂

子服惠伯謂孫叔曰天殆
富淫人慶封又富矣穆子
曰善人富謂之賞淫人富
謂之殃天其殃之也其將
聚而殲旃癸巳天王崩未
來赴亦未書禮也崔氏之

亂喪羣公子故鉏在魯叔
孫還在燕賈在句瀆之丘
及慶氏亡皆召之具其器
用而反其邑焉與晏子邶
殿其鄙六十弗受子尾曰
富人之所欲也何獨弗欲

春秋左傳卷六

空齋忍堂

對曰慶氏之邑足欲故亡
吾邑不足欲也益之以邶
殿乃足欲足欲亡無日矣
在外不得宰吾一邑不受
邶殿非惡富也恐失富也
且夫富如布帛之有幅焉

爲之制度使無遷也夫民
生厚而用利於是乎正德
以幅之使無黜嫚謂之幅
利利過則爲敗吾不敢貪
多所謂幅也與北郭佐邑
六十受之與子雅邑辭多

春秋左傳卷六

奎爾忍堂

受少與子尾邑受而稍致
之公以爲忠故有寵釋盧
蒲嬖于北竟求崔杼之尸
將戮之不得叔孫穆子曰
必得之武王有亂十人
崔杼其有乎不十人不足

以葬旣崔氏之臣曰與我
其拱璧吾獻其柩於是得
之十二月乙亥朔齊人遷
莊公殯于大寢以其棺尸
崔杼於市國人猶知之皆
曰崔子也爲宋之盟故公

春秋左傳卷六

奎爾忍堂

及宋公陳侯鄭伯許男如楚
公過鄭鄭伯不在伯有迂勞
於黃崖不敬穆叔曰伯有
無戾於鄭鄭必有大咎敬
已之主也而弃之何以承
守鄭人弗討必受其辜濟

澤之阿行潦之蘋藻寘諸宗室季蘭尸之敬也敬可弃乎及漢楚康王卒公欲反叔仲昭伯曰我楚國之爲豈爲一人行也子服惠伯曰君子有遠慮小人從

春秋左傳卷十八

奎爾忍堂

邇飢寒之不恤誰遑其後不如姑歸也叔孫穆子曰叔仲子專之矣子服子始學者也榮成伯曰遠圖者忠也公遂行宋向戌曰我一人之爲非爲楚也飢寒

之不恤誰能恤楚姑歸而息民待其立君而爲之備宋公遂反楚屈建卒趙文子喪之如同盟禮也王人來告喪問崩日以甲寅告故書之以徵過也

春秋左傳卷十八

奎爾忍堂

春秋卷第十八

春秋經傳集解纂要第六

杜氏 盡卅一年

經廿有九年春王正月公
在楚夏五月公至自楚庚
午衛侯衎卒閭弒吳子餘

春秋左傳卷九

十甫忍堂

祭仲孫羯會晉荀盈齊高
止宋華定衛廿叔儀鄭公
孫段曹人莒人滕人薛人
小邾人城杞晉侯使士鞅
來聘杞子來盟吳子使札
來聘秋九月葬衛獻公齊

高止出奔北燕冬仲孫羯
如晉

傳廿九年春王正月公在
楚釋不朝正于廟也楚人
使公親祔公患之穆叔曰
祔殯而祔則布幣也乃使

春秋左傳卷九

十甫忍堂

巫以桃茢先祔殯楚人弗
禁旣而悔之二月癸卯齊
人葬莊公於北郭夏四月
葬楚康王公及陳侯鄭伯
許男送葬至于西門之外
諸侯之大夫皆至于墓楚

邾敖即位王子圍爲令尹
鄭行人子羽曰是謂不冝
必代之昌松柏之下其草
不殖公還及方城季武子
取卞使公冶問璽書追而
予之曰聞守卞者將叛臣

春秋左傳卷十九

丰甯忍堂

帥徒以討之旣得之矣敢
告公冶致使而退及舍而
後聞取卞公曰欲之而言
祇見䟽也公謂公冶曰吾
可以入乎對曰君實有國
誰敢違君公與公冶冕服

半后

辭固強之而後受公欲無
入榮成伯賦式微乃歸五
月公至自楚公冶致其邑
於季氏而終不入焉曰欺
其君何必使余季孫見之
則言季氏如他日不見則

春秋左傳卷十九

四甯忍堂

終不言季氏及疾聚其臣
曰我死必無以冕服斂非
德賞也且無使季氏葬我
葬靈王鄭上卿有事子展
使印段往伯有曰弱不可
子展曰與其莫往弱不猶

愈乎詩云王事靡盬不皇
啓處東西南北誰敢寧處
堅事晉楚以蕃王室也王事
無曠何常之有遂使印段
如周吳人伐越獲俘焉以
爲閭使守舟吳子餘祭觀

春秋左傳卷九

季雨忍堂

舟閭以刀弑之鄭子展卒
子皮即位於是鄭饑而未
及麥已病子皮以子展之
命餽國人粟戶一鍾是以
得鄭國之已故罕氏常掌
國政以爲上卿宋司城子

罕聞之曰鄰於善已之望
也宋亦饑請於平公出公
粟以貸使大夫皆貸司城
氏貸而不書爲大夫之無
者貸宋無飢人叔向聞之
曰鄭之罕宋之樂其後亡

春秋左傳卷九

六節忍堂

者也二者其皆得國乎民
之歸也施而不德樂氏加
焉其以宋升降乎晉平公
杞出也故治杞六月知悼
子合諸侯之大夫以城杞
孟孝伯會之鄭子大叔與

伯石往子大叔見大叔文
子與之語文子曰甚乎其
城杞也子大叔曰若之何
哉晉國不恤周宗之闕而
夏肄是屏其弃諸姬亦可
知也已諸姬是弃其誰歸

春秋左傳卷九

七南忍堂

之吉也聞之弃同即異是
謂離德詩曰協比其鄰昏
姻孔云晉不鄰矣其誰云
之高子容與宋司徒見
知伯女齊相禮賓出司馬
侯言於知伯曰二子皆將

不免子容專司徒侈皆亡
家之主也知伯曰何如對
曰專則速及侈將以其力
斃專則人實斃之將及
矣范獻子來聘拜城杞也
公享之展莊叔執幣射者

春秋左傳卷九

八南忍堂

三耦公臣不足取於家臣
家臣展瑕展王父爲一耦
公臣公巫召伯仲顏莊叔
爲一耦鄆鼓父黨叔爲一
耦晉侯使司馬女叔侯來
治杞田弗盡歸也晉悼夫

人愠曰齊也取貨先君若有知也不尚取之公告叔侯叔侯曰虞虢焦滑霍揚韓魏皆姬姓也晉是以大若非侵小將何所取武獻以下兼國多矣誰得治之

春秋左傳卷九

九百忍堂

杞夏餘也而即東夷魯周公之後也而睦於晉以杞封魯猶可而何有焉魯之於晉也職貢不乏玩好時至公卿大夫相繼於朝史不絕書府無虛月如是可

矣何必瘠魯以肥杞且先君而有知也毋寧夫人而焉用老臣杞文公來盟書曰子賤之也吳公子札來聘見叔孫穆子說之謂穆子曰子其不得死乎好善

春秋左傳卷九

十百忍堂

而不能擇人吾聞君子務在擇人吾子爲魯宗卿而任其大政不慎舉何以堪之禍必及子請觀於周樂使工爲之歌周南召南曰美哉始基之矣猶未也然

勤而不怨矣爲之歌邶鄘
衛曰美哉汎乎憂而不困
者也吾聞衛康叔武公之
德如是是其衛風乎爲之
歌王曰美哉思而不懼其
周之東乎爲之歌鄭曰美

春秋左傳卷十九

十二
爾忍堂

哉其細已甚已弗堪也是
其先亡乎爲之歌齊曰美
哉泱泱乎大風也哉表東
海者其大公乎國未可量
也爲之歌豳曰美哉蕩乎
樂而不淫其周公之東乎

爲之歌秦曰此之謂夏聲
夫能夏則大大之至也其
周之舊乎爲之歌魏曰美
哉渢渢乎大而婉險而易
行以德輔此則明主也爲
之歌唐曰思深哉其有陶

春秋左傳卷十九

十三
爾忍堂

唐氏之遺已乎不然何其
憂之遠也非令德之後誰
能若是爲之歌陳曰國無
主其能久乎自鄆以下無
譏焉爲之歌小雅曰美哉
思而不貳怨而不言其周

德之衰乎猶有先王之遺
民焉爲之歌大雅曰廣哉
熙熙乎曲而有直體其文
王之德乎爲之歌頌曰至
矣哉直而不倨曲而不屈
邇而不偏遠而不攜遷而

春秋左傳卷九

辛酉忠堂

不淫復而不厭哀而不愁
樂而不荒用而不匱廣而
不宣施而不費取而不貪
處而不底行而不流五聲
和八風平節有度守有序
盛德之所同也見舞象箚

南籥者曰美哉猶有憾見
舞大武者曰美哉周之盛
也其若此乎見舞韶濩者
曰聖人之弘也而猶有慙
德聖人之難也見舞大夏
者曰美哉勤而不德非禹

春秋左傳卷九

辛酉忠堂

其誰能脩之見舞韶箚者
曰德至矣哉大矣如天之
無不幬也如地之無不載也
雖甚盛德其蔑以加於此
矣觀止矣若有他樂吾不
敢請已其出聘也通嗣君

也故遂聘于齊說晏平仲
謂之曰子速納邑與政無
邑無政乃免於難齊國之
政將有所歸未獲所歸難
未歇也故晏子因陳桓子
以納政與邑是以免於藥

春秋左傳卷九

事南堂

高之難聘於鄭見子產如
舊相識與之縞帶子產獻
紵衣焉謂子產曰鄭之執
政侈難將至矣政必及子
子爲政慎之以禮不然鄭
國將敗適衛說蘧瑗史狗

史鮑公子荊公叔發公子
朝曰衛多君子未有患也
自衛如晉將宿於戚聞鐘
聲焉曰異哉吾聞之也辯
而不德必加於戮夫子獲
罪於君以在此懼猶不足

春秋左傳卷九

事南堂

而又何樂夫子之在此也
猶燕之巢于幕上君又在
殯而可以樂乎遂去之文
子聞之終身不聽琴瑟適
晉說趙文子韓宣子魏獻
子曰晉國其萃於三族乎

說叔向將行謂叔向曰吾子勉之君侈而多良大夫皆富政將在家吾子好直必思自免於難秋九月齊公孫薑公孫竈放其大夫高止於北燕乙未出書曰

春秋左傳卷九

十七 耐忍堂

出奔罪高止也高止好以事自爲功且專故難及之冬孟孝伯如晉報范叔也爲高氏之難故高豎以盧叛十月庚寅閭丘嬰帥師圍盧高豎曰苟使高氏有

後請致邑齊人立敬仲之

曾孫鄆良敬仲也十一月乙卯高豎致盧而出奔晉晉人城縣而寘旃鄭伯有使公孫黑如楚辭曰楚鄭方惡而使余往是殺余也

春秋左傳卷九

十六 耐忍堂

伯有曰廿行也子皙曰可則往難則已何廿之有伯有將強使之子皙怒將伐伯有氏大夫和之十二月己巳鄭大夫盟於伯有氏裨諶曰是盟也其與幾何

詩曰君子屢盟亂是用長
今是長亂之道也禍未歇
也必三年而後能紓然明
曰政將焉往裨諶曰善之
代不善天命也其焉辟子
產舉不踰等則位班也擇

春秋左傳卷九

十九 顧忍堂

善而舉則世隆也天又除
之奪伯有魄子西即世將
焉辟之天禍鄭久矣其必
使子產息之乃猶可以戾
不然將亡矣

經卅年春王正月楚子使

遠罷來聘夏四月蔡世子
般弑其君固五月甲午宋
災宋伯姬卒天王殺其弟
佞夫王子瑕奔晉秋七月
叔弓如宋葬宋共姬鄭良
霄出奔許自許入于鄭鄭

春秋左傳卷九

二十 顧忍堂

人殺良霄冬十月葬蔡景
公晉人齊人宋人衛人鄭
人曹人莒人邾人滕人薛
人杞人小邾人會于澶泺
宋災故

傳卅年春王正月楚子使

遠罷來聘通嗣君也穆叔
問王子之爲政何如對
曰吾儕小人食而聽事猶
懼不給命而不免於戾焉
與知政固問焉不告穆叔
告大夫曰楚令尹將有大

春秋左傳卷九

主南忠堂

事子蕩將與焉助之匿其
情矣子產相鄭伯以如晉
叔向問鄭國之政焉對曰
吾得見與否在此歲也駟
良方爭未知所成若有所
成吾得見乃可知也叔向

曰不旣和矣乎對曰伯有
侈而愎子皙好在人上莫
能相下也雖其和也猶相
積惡也惡至無日矣二月
癸未晉悼夫人食輿人之
城杞者絳縣人或年長矣

春秋左傳卷九

主南忠堂

無子而往與於食有與
疑年使之年曰臣小人也
不知紀年臣生之歲正月
甲子朔四百有四十五甲
子矣其季於今三之一也
吏走問諸朝師曠曰魯叔

仲惠伯會卻成子于承
匡之歲也是歲也狄伐魯
叔孫莊叔於是乎敗狄于
鹹獲長狄僑如及虺也豹
也而皆以名其子七十三
年矣史趙曰亥有二首六

春秋左傳卷一九

春秋左傳卷一九

身下二如身是其日數也
士文伯曰然則二萬六千
六百有六旬也趙孟問其
縣大夫則其屬也召之而
謝過焉曰武不才任君之
大事以晉國之多虞不能

由吾子使吾子辱在泥塗
久矣武之罪也敢謝不才
遂仕之使助爲政辭以老
與之田使爲君復陶以爲
絳縣師而廢其輿尉於是
魯使者在晉歸以語諸大

春秋左傳卷一九

春秋左傳卷一九

夫季武子曰晉未可媮也
有趙孟以爲大夫有伯瑕
以爲佐有史趙師曠而咨
度焉有叔向女齊以師保
其君其朝多君子其庸可
媮乎勉事之而後可夏四

月己亥鄭伯及其大夫盟
君子是以知鄭難之不已
也蔡景侯爲太子般娶于
楚通焉太子弑景侯初王
僖季卒其子括將見王而
歎單公子愆旗爲靈王御

春秋左傳卷九

王肅忍堂

士過諸廷聞其歎而言曰
烏呼必有此夫入以告王
且曰必殺之不感而願大
視躁而足高心在他矣不
殺必爲害王曰童子何知
及靈王崩僖括欲立王子

佞夫佞夫弗知戊子僖括
圍蕞逐成愆成愆奔平時
五月癸巳尹言多劉毅單
蔑甘過鞏成殺佞夫括瑕
廖奔晉書曰天王殺其弟
佞夫罪在王也或叫于宋

春秋左傳卷九

王肅忍堂

大廟曰譐譐出出烏鳴于
亳社如曰譐譐甲午宋大
災宋伯姬卒待姆也君子
謂宋共姬女而不婦女待
人婦義事也六月鄭子產
如陳泣盟歸復命告大夫

曰陳亡國也不可與也聚
禾粟繕城郭恃此二者而
不撫其民其君弱植公子
侈大子卑大夫教政多門
以介於大國能無亡乎不
過十年矣秋七月叔弓如

春秋左傳卷十九

王伯忍堂

宋葬共姬也鄭伯有者酒
爲窟室而夜飲酒擊鐘焉
朝至未已朝者曰公焉在
其人曰吾公在壑谷皆自
朝布路而罷旣而朝則又
將使子皙如楚歸而飲酒

庚子子皙以駟氏之甲伐
而焚之伯有奔雍梁醒而
後知之遂奔許大夫聚謀
子皮曰仲虺之志云亂者
取之亡者侮之推亡固存
國之利也罕馬豐同生伯

春秋左傳卷十九

王伯忍堂

有汰侈故不免人謂子產
就直助彊子產曰豈爲我
徒國之禍難誰知所敝或
主彊直難乃不生姑成吾
所辛丑子產斂伯有氏之
死者而殯之不及謀而遂

行印段從之子皮止之衆
曰人不我順何止焉子皮
曰夫子禮於死者況生者
乎遂自止之壬寅子產入
癸卯子石入皆受盟於子
皙氏乙巳鄭伯及其大夫

春秋左傳卷九

左傳卷九

盟于大宮盟國人于師之
梁之外伯有聞鄭人之盟
已也怒聞子皮之甲不與
攻已也喜曰子皮與我矣
癸丑晨自墓門之瀆入因
馬師頡介于襄庫以伐舊

北門駟帶率國人以伐之
皆召子產子產曰兄弟而
及此吾從天所與伯有死
於羊肆子產襚之枕之股
而哭之斂而殯諸伯有之
臣在市側者旣而葬諸斗

春秋左傳卷九

左傳卷九

城子駟氏欲攻子產子皮
怒之曰禮國之幹也殺有
禮禍莫大焉乃止於是游
吉如晉還聞難不入復命
于介八月甲子奔晉四帶
追之及酸棗與子上盟用

兩珪質于河使公孫盱入盟大夫己巳復歸書曰鄭人殺良霄不稱大夫言自外入也於子蟜之卒也將葬公孫揮與裨竈晨會事焉過伯有氏其門上生

春秋左傳卷九

韋而忍堂

莠子羽曰其莠猶在乎於是歲在降婁降婁中而旦裨竈指之曰猶可以終歲歲不及此次也已及其亡也歲在娵訾之口其明年乃及降婁僕展從伯有

與之皆死羽頡出奔晉爲任大夫雞澤之會鄭樂成奔楚遂適晉羽頡因之與之比而事趙文子言伐鄭之說焉以宋之盟故不可子皮以公孫鉏爲馬師楚

春秋左傳卷九

韋而忍堂

公子圍殺大司馬蘧掩而取其室申無宇曰王子必不免善人國之主也王子相楚國將善是封殖而虐之是禍國也且司馬令尹之偏而王之四體也絕已

之主去身之偏艾王之體
以禍其國無不祥大焉何
以得免爲宋災故諸侯之
大夫會以謀歸宋財冬十
月叔孫豹會晉趙武齊公
孫薑宋向戌衛北宮佗鄭

春秋左傳卷九

韋而忍堂

罕庠及小邾之大夫會于
澶泲旣而無歸於宋故不
書其人君子曰信其不可
不慎乎澶泲之會卿不書
不信也夫諸侯之上卿會
而不信寵名皆弃不信之

不可也如是詩曰文王陟
降在帝左右信之謂也又
曰淑慎爾止無載爾僞不
信之謂也書曰某人某人
會于澶泲爲宋災故尤之
也不書魯大夫諱之也鄭

春秋左傳卷九

韋而忍堂

子皮授子產政辭曰國小
而偏族大寵多不可爲也
子皮曰庠帥以聽誰敢犯
子子善相之國無小小能
事大國乃寬子產爲政有
事伯石賂與之邑子大叔

曰國皆其國也奚獨賂焉
子產曰無欲實難皆得其
欲以從其事而要其成非
我有成其在人乎何愛於
邑邑將焉往子大叔曰若
四國何子產曰非相違也

春秋左傳卷九

三才圖會

而相從也四國何尤焉鄭
書有之曰安定國家必大
焉先姑先安大以待其所
歸既伯石懼而歸邑卒與
之伯有既死使大史命伯
石爲卿辭大史退則請命

焉復命之又辭如是三乃
受策入拜子產是以惡其
爲人也使次已位子產使
都鄙有章上下有服田有
封洫廬井有伍大人之忠
儉者從而與之泰侈者因

春秋左傳卷九

三才圖會

而斃之豐卷將祭請田焉
弗許曰唯君用鮮衆給而
已子張怒退而徵役子產
奔晉子皮止之而逐豐卷
豐卷奔晉子產請其田里
三年而復之反其田里及

其入焉從政一年與人誦
之曰取我衣冠而褚之取
我田疇而伍之孰殺子產
吾其與之及三年又誦之
曰我有子弟子產誨之我
有田疇子產殖之子產而

春秋左傳卷九

三才而忍堂

死誰其嗣之

經卅有一年春王正月夏
六月辛巳公薨于楚宮秋
九月癸巳子野卒己亥仲
孫羯卒冬十月滕子來會
葬癸酉葬我君襄公十有

二月莒人弑其君密州
傳卅一年春王正月穆叔
至自會見孟孝伯語之曰
趙孟將死矣其語偷不似
已主且年未盈五十而諄
諄焉如八九十者弗能久

春秋左傳卷九

三才而忍堂

矣若趙孟死爲政者其韓
子乎吾子盍與季孫言之可
以樹善君子也晉君將失
政矣若不樹焉使早備魯
旣而政在大夫韓子懦弱
大夫多貪求欲無厭齊楚

未足與也魯其懼哉孝伯曰人生幾何誰能無偷朝不及夕將安用樹穆叔出而告人曰孟孫將死矣吾語諸趙孟之偷也而又甚焉又與季孫語晉故季孫

春秋左傳卷十九

夷爾忍堂

不從及趙文子卒晉公室卑政在侈家韓宣子爲政不能圖諸侯魯不堪晉求讒慝弘多是以有平丘之會齊子尾害問丘嬰欲殺之使帥師以伐陽州我問

師故夏五月子尾殺問丘嬰以說于我師工倮灑渚竈孔虺賈寅出奔莒莒出羣公子公作楚宮穆叔曰大誓云臣之所欲天必從之君欲楚也夫故作其宮若

春秋左傳卷十九

夷爾忍堂

不復適楚必死是宮也六月辛巳公薨于楚宮叔仲帶竊其拱璧以與御人納諸其懷而從取之由是得罪立胡女敬歸之子子野次于季氏秋九月癸巳卒

毀也已亥孟孝伯卒立敬歸之娣齊歸之子公子稠穆叔不欲曰大子死有母弟則立之無則立長年鈞擇賢義鈞則卜古之道也非適嗣何必娣之子且是

春秋左傳 卷九

聖一爾忍堂

人也居喪而不哀在感而有嘉容是謂不度不度之人鮮不爲患若果立之必爲季氏憂武子不聽卒立之比及葬三易衰衰衽如故衰於是昭公十九年矣

猶有童心君子是以知其不能終也冬十月滕成公來會葬情而多涕子服惠伯曰滕君將死矣怠於其位而哀已甚兆於死所矣能無從乎癸酉葬襄公公

春秋左傳 卷九

聖一爾忍堂

薨之月子產相鄭伯以如晉晉侯以我喪故未之見也子產使盡壞其館之垣而納車馬焉士文伯讓之曰敝邑以政刑之不脩寇盜充斥無若諸侯之屬辱

在寡君者何是以令吏人
完客所館高其閑閤厚其
牆垣以無憂客使今吾子
壞之雖從者能戒其若異
客何以敝邑之爲盟主
繕完葺牆以待賓客若皆

春秋左傳卷十九

聖祖忍堂

毀之其何以共命寡君使
甸請命對曰以敝邑褊小
介於大國誅求無時是以
不敢寧居悉索敝賦以來
會時事逢執事之不閒而
未得見又不獲聞命未知

見時不敢輸幣亦不敢暴
露其輸之則君之府實也
非薦陳之不敢輸也其暴
露之則恐燥濕之不時而
朽蠹以重敝邑之罪僑聞
文公之爲盟主也宮室卑

春秋左傳卷十九

聖祖忍堂

庫無觀臺榭以崇大諸侯
之館館如公寢庫廡繕脩
司空以時平易道路圻人
以時塤館宮室諸侯賓至
甸設庭燎僕人巡宮車馬
有所賓從有代巾車脂轄

隸人牧圉各瞻其事百官之屬各展其物公不留賓而亦無廢事憂樂同之事則巡之教其不知而恤其不足賓至如歸無寧蓄患不畏寇盜而亦不患燥濕

春秋左傳卷九

聖廟忠堂

今銅鞮之宮數里而諸侯舍於隸人門不容車而不可踰越盜賊公行而天厲不戒賓見無時命不可知若又勿壞是無所藏幣以重罪也敢請執事將何所

命之雖君之有魯喪亦敝邑之憂也若獲薦幣脩垣而行君之惠也敢憚勤勞文伯復命趙文子曰信我實不德而以隸人之垣以羸諸侯是吾罪也使士文

春秋左傳卷九

聖廟忠堂

伯謝不敏焉晉侯見鄭伯有加禮厚其宴好而歸之乃築諸侯之館叔向曰辭之不可以已也如是夫子產有辭諸侯賴之若之何其釋辭也詩曰辭之輯矣

臣之協矣辭之繹矣臣之
莫矣其知之矣鄭子皮使
印段如楚以適晉告禮也
莒犁比公生去疾及展輿
既立展輿又廢之犁比公
虐國人患之十一月展輿

春秋左傳卷九

哭而忍堂

因國人以攻莒子弑之乃
立去疾奔齊齊出也展
輿吳出也書曰莒人弑其
君買朱鉏言罪之在也吳
子使屈狐庸聘于晉通路
也趙文子問焉曰延州來

季子其果立乎巢隕諸樊
閭戕戴吳天似啓之何如
對曰不立是二王之命也
非啓季子也若天所啓其
在今嗣君乎甚德而度德
不失臣度不失事臣親而

春秋左傳卷九

哭而忍堂

事有序其天所啓也有吳
國者必此君之子孫實終
之季子守節者也雖有國
不立十二月北宮文子相
衛襄公以如楚宋之盟故
也過鄭印段廷勞于棐

林如聘禮而以勞辭文子
入聘子羽爲行人馮簡子
與子大叔逆客事畢而出
言於衛侯曰鄭有禮其數
廿之福也其無大國之討
乎詩云誰能執熱逝不以

春秋左傳卷九

梁元帝忍堂

濯禮之於政如熱之有濯
也濯以救熱何患之有子
產之從政也擇能而使之
馮簡子能斷大事子大叔
美秀而文公孫揮能知四
國之爲而辨於其大夫之

族姓班位貴賤能否而又
善爲辭令裨諝能謀謀於
野則獲謀於邑則否鄭國
將有諸侯之事子產乃問
四國之爲於子羽且使多
爲辭令與裨諝乘以適野

春秋左傳卷九

辛卯忍堂

使謀可否而告馮簡子使
斷之事成乃授子大叔使
行之以應對賓客是以鮮
有敗事北宮文子所謂有
禮也鄭人游于鄉校以論
執政然明謂子產曰毀鄉

校如何子產曰何爲夫人朝夕退而游焉以議執政之善否其所善者吾則行之其所惡者吾則改之是吾師也若之何毀之我聞忠善以損怨不聞作威以防

春秋左傳卷九

至百忍堂

怨豈不遽止然猶防川大決所犯傷人必多吾不克救也不如小決使道不如吾聞而藥之也然明日蔑也今而後知吾子之信可事也小人實不才若果行

此其鄭國實賴之豈唯二三臣仲尼聞是語也曰以是觀之人謂子產不仁吾不信也子皮欲使尹何爲邑子產曰少未知可否子皮曰愿吾愛之不吾叛也

春秋左傳卷九

至百忍堂

使夫往而學焉夫亦愈知治矣子產曰不可人之愛人求利之也今吾子愛人則以政猶未能操刀而使割也其傷實多子之愛人傷之而已其誰敢求愛於

子子於鄭國棟也棟折榱
崩僑將厭焉敢不盡言子
有美錦不使人學製焉大
官大邑身之所庇也而使
學者製焉其爲美錦不亦
多乎僑聞學而後入政未

春秋左傳卷九

韋爾忍堂

聞以政學者也若果行
此必有所害譬如田獵射
御貫則能獲禽若未嘗登
車射御則敗績厭覆是懼
何暇思獲子皮曰善哉虎
不敏吾聞君子務知大者

遠者小人務知小者近者
我小人也衣服附在吾身
我知而慎之大官大邑所
以庇身也我遠而慢之微
子之言吾不知也他日我
曰子爲鄭國我爲吾家以

春秋左傳卷九

韋爾忍堂

庇焉其可也今而後知不
足自今請雖吾家聽子而
行子產曰人心之不同如
其面焉吾豈敢謂子面如
吾面乎抑心所謂危亦以
告也子皮以爲忠故委政

焉子產是以能爲鄭國衛侯在楚北宮文子見令尹圍之威儀言於衛侯曰令尹似君矣將有他志雖獲其志不能終也詩云靡不有初鮮克有終終之實難令

春秋左傳卷十九

孟西忍堂

尹其將不免公曰子何以知之對曰詩云敬慎威儀惟己之則令尹無威儀己無則焉己所不則以在己上不可以終公曰善哉何謂威儀對曰有威而可畏

謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之故能守其官職保族宜家順

春秋左傳卷十九

孟西忍堂

是以下皆如是是以上下能相固也衛詩曰威儀棣棣不可選也言君臣上下父子兄弟内外大小皆有威儀也周詩曰朋友攸攝攝以威儀言朋友之道必

相教訓以威儀也周書數
文王之德曰大國畏其力
小國懷其德言畏而愛之
也詩云不識不知順帝之
則言則而象之也紂四文
王七年諸侯皆從之四紂

春秋左傳卷九

孟子忍堂

於是乎懼而歸之可謂愛
之文王伐崇再駕而降爲
臣蠻夷帥服可謂畏之文
王之功天下誦而歌舞之
可謂則之文王之行至今
爲法可謂象之有威儀也

故君子在位可畏施舍可
愛進退可度周旋可則容
止可觀作事可法德行可
象聲氣可樂動作有文言
語有章以臨其下謂之有
威儀也

春秋左傳卷九

孟子忍堂

春秋卷第十九

春秋經傳集解昭元第廿

杜氏 盡三年

經元年春王正月公即位
叔孫豹會晉趙武楚公子
圍齊國弱宋向戌衛齊惡

春秋左傳卷十

十箇忍堂

陳公子招蔡公孫歸生鄭
罕虎許人曹人于虢三月
取鄆夏秦伯之弟鍼出奔
晉六月丁巳邾子華卒晉
荀吳帥師敗狄于大鹵秋
莒去疾自齊入于莒莒展

輿出奔吳叔弓帥師疆鄆
田葬邾悼公冬十有一月
己酉楚子麇卒楚公子比
出奔晉

傳元年春楚公子圍聘于
鄭且娶於公孫段氏伍舉

春秋左傳卷十

十箇忍堂

爲介將入館鄭人惡之使
行人子羽與之言乃館於
外旣聘將以眾逆子產患
之使子羽辭曰以敝邑褊
小不足以容從者請墀聽
命令尹命大宰伯州犂對

曰君辱貺寡大夫園謂園將使豐氏撫有而室園布几筵告於莊共之廟而來若野賜之是委君貺於草莽也是寡大夫不得列於諸卿也不寧唯是又使園

春秋左傳
卷二十

三
百忍堂

蒙其先君將不得爲寡君
老其蔑以復矣唯大夫圖
之子羽曰小國無罪恃實
其罪將恃大國之安靖已
而無乃包藏禍心以圖
之小國失恃而懲諸侯使

莫不憾者距違君命而有
所壅塞不行是懼不然敝
邑館人之屬也其敢愛
氏之祧伍舉知其有備也
請垂橐而入許之正月乙
未入逆而出遂會於虢尋

春秋左傳 卷二十

四
百
忍
堂

宋之盟也祁午謂趙文子
曰宋之盟楚人得志於晉
今令尹之不信諸侯之所
聞也子弗戒懼又如宋子
木之信稱於諸侯猶詐晉
而駕焉況不信之尤者乎

楚重得志於晉晉之恥也
子相晉國以爲盟主於今
七年矣再合諸侯三合大
夫服齊狄寧東夏平秦亂
城渾于師徒不頓國家不
罷已無謗讟諸侯無怨天

春秋左傳卷二十

五陋忍堂

無大災子之力也有令名
矣而終之以恥午也是懼
吾子其不可以不戒文子
曰武受賜矣然宋之盟子
未有禍人之心武有仁人
之心是楚所以駕於晉也

今武猶是心也楚又行僭
非所害也武將信以爲本
循而行之譬如農夫是穰
是蓂雖有饑饉必有豐
年且吾聞之能信不爲人
下吾未能也詩曰不僭不

春秋左傳卷二十

六陋忍堂

賊鮮不爲則信也能爲人
則者不爲人下矣吾不能
是難楚不爲患楚令尹圍
請用牲讀舊書加于牲上
而已晉人許之三月甲辰
盟楚公子圍設服離衛叔

孫穆子曰楚公子美矣君哉鄭子皮曰二執戈者前矣蔡子家曰蒲宮有前不亦可乎楚伯州犁曰此行也辭而假之寡君鄭行人揮曰假不反矣伯州犁曰

春秋左傳卷三十

七面忍堂

子姑憂子皙之欲背誕也子羽曰當辟猶在假而不反子其無憂乎齊國子曰吾代二子愍矣陳公子招曰不憂何成二子樂矣衛齊子曰苟或知之雖憂何

害宋合左師曰大國令小國共吾知共而已晉樂王鮒曰小旻之卒章善矣吾從之退會子羽謂子皮曰叔孫絞而婉宋左師簡而禮樂王鮒字而敬子與子

春秋左傳卷三十

八面忍堂

家持之皆保世之主也齊衛陳大夫其不免乎國子代人憂子招樂憂齊子雖憂弗害夫弗及而憂與可憂而樂與憂而弗害皆取憂之道也憂必及之大誓

曰臣之所欲天必從之三大夫北憂憂能無至乎言以知物其是之謂矣季武子伐莒取鄆莒人告於會楚告於晉曰尋盟未退而魯伐莒瀆齊盟請戮其使

春秋左傳卷二十

九
爾
忍
堂

樂桓子相趙文子欲求貨於叔孫而爲之請使請帶焉弗與梁其錡曰貨以藩身子何愛焉叔孫曰諸侯之會衛社稷也我以貨免魯必受師是禍之也何衛

之爲人之有牆以蔽惡也牆之隙壞誰之咎也衛而惡之吾又甚焉雖怨季孫魯國何罪叔出季處有自來矣吾又誰怨然鮒也賄弗與不已召使者裂裳帛

春秋左傳卷二十

十
爾
忍
堂

而與之曰帶其褊矣趙孟聞之曰臨患不忘國忠也思難不越官信也圖國忘死貞也謀主三者義也有是四者又可戮乎乃請諸楚曰魯雖有罪其執事不

辟難畏威而敬命矣子若免之以勸左右可也若子之羣吏處不辟污出不逃難其何患之有患之所生污而不治難而不守所由來也能是二者又何患焉不

春秋左傳卷十

十一節忍堂

靖其能其誰從之魯叔孫豹可謂能矣請免之以靖能者子會而赦有罪又賞其賢諸侯其誰不欣焉望楚而歸之視遠如邇疆場之邑一彼一此何常之有王

伯之令也引其封疆而樹之官舉之表旗而著之制令過則有刑猶不可壹於是乎虞有三苗夏有觀扈商有桀邳周有徐奄自無令王諸侯逐進狎主齊盟

春秋左傳卷十

十二節忍堂

其又可壹乎恤大舍小足以爲盟主又焉用之封疆之削何國蔑有主齊盟者誰能辯焉吳濮有釁楚之執事豈其顧盟莒之疆事楚勿與知諸侯無煩不亦

可乎莒魯爭鄆爲日久矣
苟無大害於其社稷可無
亢也去煩宥善莫不競勸
子其圖之固請諸楚楚人
許之乃免叔孫令尹享趙
孟賦大明之首章趙孟賦

春秋左傳卷三十

士師忍堂

小宛之二章事畢趙孟謂
叔向曰令尹自以爲王矣
何如對曰王弱令尹彊其
可哉雖可不終趙孟曰何
故對曰彊以克弱而安之
彊不義也不義而彊其斃

必速詩曰赫赫宗周褒姒
滅之彊不義也令尹爲王
必求諸侯晉少懦矣諸侯
將往若獲諸侯其虐滋甚
臣弗堪也將何以終夫以
彊取不義而克必以爲道

春秋左傳卷三十

士師忍堂

道以淫虐弗可久已矣夏
四月趙孟叔孫豹曹大夫
入于鄭鄭伯兼享之子皮
戒趙孟禮終趙孟賦瓠菜
子皮遂戒穆叔且告之穆
叔曰趙孟欲一獻子其從

之子皮曰敢乎穆叔曰夫
人之所欲也又何不敢及
享具五獻之籩豆於幕下
趙孟辭私於子產曰武請
於冢宰矣乃用一獻趙孟
爲客禮終乃宴穆叔賦鵲

春秋左傳卷三

十六節忍堂

巢趙孟曰武不堪也又賦
采芣繫曰小國爲繫大國省
穡而用之其何實非命子
皮賦野有死麕之卒章趙
孟賦常棣且曰吾兄弟比以
安龙也可使無吠穆叔子

皮及曹大夫興拜舉兕爵
曰小國賴子知免於戾矣飲
酒樂趙孟出曰吾不復此矣
天王使劉定公勞趙孟於
潁館於雒汭劉子曰美哉
禹功明德遠矣微禹吾其

春秋左傳卷三

十六節忍堂

魚乎吾與子弁冕端委以治
已臨諸侯禹之力也子盍亦
遠績禹功而大庇已乎對
曰老夫罪戾是懼焉能恤
遠吾儕偷食朝不謀夕何
其長也劉子歸以語王曰諺

所謂老將知而老及之者其
趙孟之謂乎爲晉正卿以主
諸侯而儕於隸人朝不謀
夕弃神人矣神怒已叛何以
能久趙孟不復年矣神怒
不歆其祀已叛不即其事

春秋左傳卷二十

十七 兩忍堂

祀事不從又何以年叔孫
歸曾夭御季孫以勞之旦
及日中不出曾夭謂曾阜
曰旦及日中吾知罪矣魯
以相忍爲國也忍其外不
忍其內焉用之阜曰數月

於外一旦於是庸何傷賈而
欲贏而惡踴乎阜謂叔孫
曰可以出矣叔孫指楹曰
雖惡是其可去乎乃出見
之鄭徐吾犯之妹美公孫
楚聘之矣公孫黑又使強

春秋左傳卷二十

十六 兩忍堂

委禽焉犯懼告子產子產
曰是國無政非子之患也
唯所欲與犯請於二子請
使女擇焉皆許之子皙盛
飾入布幣而出子南戎服
入左右射超乘而出女自

房觀之曰子皙信美矣抑子南夫也夫夫婦婦所謂順也適子南氏子皙怒旣而橐甲以見子南欲殺之而取其妻子南知之執戈逐之及衝擊之以戈子皙

春秋左傳卷三十

九百忍堂

傷而歸告大夫曰我好見之不知其有異志也故傷大夫皆謀之子產曰直鈞幼賤有罪罪在楚也乃執子南而數之曰國之大節有五女皆奸之畏君之威

聽其政尊其貴事其長養其親王者所以爲國也今君在國女用兵焉不畏威也奸國之紀不聽政也子皙上大夫女嬖大夫而弗下之不尊貴也幼而不忌

春秋左傳卷三十

千兩忍堂

不事長也兵其從兄不養親也君曰余不女忍殺宥女以遠勉速行乎無重而罪五月庚辰鄭放游楚於吳將行子南子產咨於大叔大叔曰吉不能亢身焉

能亢宗彼國政也非私難也子圖鄭國利則行之又何疑焉周公殺管叔而蔡蔡叔夫豈不愛王室故也吉若獲戾子將行之何有於諸游秦后子有寵於桓

春秋左傳卷二十

王肅忍堂

如二君於景其母曰弗去懼選癸卯鍼適晉其車千乘書曰秦伯之弟鍼出奔晉罪秦伯也后子享晉侯造舟于河十里舍車自雍及絳歸取酬幣終事八反

司馬侯問焉曰子之車盡於此而已乎對曰此之謂多矣若能少此吾何以得見女叔齊以告公且曰秦公子必歸臣聞君子能知其過必有令圖令圖天所

春秋左傳卷二十

王肅忍堂

贊也后子見趙孟趙孟曰吾子其曷歸對曰鍼懼選於寡君是以在此將待嗣君趙孟曰秦君何如對曰無道趙孟曰亡乎對曰何爲一亡無道國未艾也國

於天地有與立焉不數世
淫弗能斃也趙子孟曰天乎
對曰有焉趙孟曰其幾何
對曰鍼聞之國無道而年
穀和熟天贊之也鮮不五
稔趙孟視蔭曰朝夕不相

春秋左傳卷二十

三石齋忍堂

及誰能待五后子出而告
人曰趙孟將死矣主已翫
歲而愒日其與幾何鄭爲
游楚亂故六月丁巳鄭伯
及其大夫盟于公孫段氏
罕虎公孫僑公孫段印段

游吉駟帶私盟于閨門之
外實薰隧公孫黑強與於
盟使大史書其名且曰七
子子產弗討晉中行穆子
敗無終及羣狄于大原崇
卒也將戰魏舒曰彼徒我

春秋左傳卷二十

三石齋忍堂

車所遇又阬以什共車必
克困諸阬又克請皆卒自
我始乃毀車以爲行五乘
爲三伍荀吳之嬖人不肯
即卒斬以徇爲伍陳以相
離兩於前伍於後專爲右

角參爲左角偏爲前拒以
誘之翟人笑之未陳而薄
之大敗之莒展輿立而奪
羣公子秩公子召去疾於
齊秋齊公子鉏納去疾展
輿奔吳叔弓帥師疆鄆田

春秋左傳卷二十

王肅忍堂

因莒亂也於是莒務婁瞽
胡及公子滅明以大厖與
常儀靡奔齊君子曰莒展
之不立弃人也夫人可弃
乎詩曰無競惟人善矣晉
侯有疾鄭伯使公孫僑如

晉聘且問疾叔向問焉曰
寡君之疾病卜人曰實沈
臺駘爲祟史莫之知敢問
此何神也子產曰昔高辛
氏有二子伯曰閼伯季曰
實沈居于曠林不相能也

春秋左傳卷二十

王肅忍堂

日尋干戈以相征討后帝
不臧遷閼伯于商丘主辰
商人是因故辰爲商星遷
實沈于大夏主參唐人是
因以服事夏商其季世曰
唐叔虞當武王邑姜方震

大叔夢帝謂己余命而子
曰虞將與之唐屬諸參而
蕃育其子孫及生有文在
其手曰虞遂以命之及成
王滅唐而封大叔焉故參
爲晉星由是觀之則實沈

春秋左傳卷三十

王肅忍堂

參神也昔金天氏有裔子
曰昧爲玄冥師生允格臺
駘臺駘能業其官宣汾洮
障大澤以處大原帝用嘉
之封諸汾川沈姒蓐黃實
守其祀今晉主汾而滅之

矣由是觀之則臺駘汾神
也抑此二者不及君身山
川之神則水旱癘疫之災
於是乎崇之日月星辰之
神則雪霜風雨之不時於
是乎崇之若君身則亦出

春秋左傳卷三十

王肅忍堂

入飲食哀樂之事也山川
星辰之神又何爲焉僑聞
之君子有四時朝以聽政
晝以訪問夕以脩令夜以
安身於是乎節宣其氣勿
使有所壅閉湫底以露其

體茲心不爽而昏亂百度
今無乃壹之則生疾矣僑
又聞之內官不及同姓其
生不殖美先盡矣則相生
疾君子是以惡之故志曰
買妾不知其姓則卜之違

春秋左傳卷二十

毛西亭

此二者古之所慎也男女
辨姓禮之大司也今君內
實有四姬焉其無乃是也
乎若由是二者弗可爲也
已四姬有省猶可無則必
生疾矣叔向曰善哉肸未

之聞也此皆然矣叔向出
行人揮送之叔向問鄭故
焉且問子皙對曰其與幾
何無禮而好陵人怙富而
卑其上弗能久矣晉侯聞
子產之言曰博物君子也

春秋左傳卷二十

三子陌忍堂

重賄之晉侯求醫於秦秦
伯使醫和視之曰疾不可
爲也是謂近女室疾如蠱
非鬼非食惑以喪志良臣
將死天命不祐公曰女不
可近乎對曰節之先王之

樂所以節百事也故有五
節遲速本末以相及中聲
以降五降之後不容彈矣
於是有煩手淫聲悒堙心
耳乃忘平和君子弗聽也
物亦如之至於煩乃舍也

春秋左傳卷三十

主面忍堂

已無以生疾君子之近琴
瑟以儀節也非以悒心也
天有六氣降生五味發爲
五色徵爲五聲淫生六疾
六氣曰陰陽風雨晦明也
分爲四時序爲五節過則

爲菑陰淫寒疾陽淫熱疾
風淫末疾雨淫腹疾晦淫
惑疾明淫心疾女陽物而
晦時淫則生內熱惑蠱之
疾今君不節不時能無及
此乎出告趙孟趙孟曰誰

春秋左傳卷三十

主面忍堂

當良臣對曰主是謂矣主
相晉國於今八年晉國無
亂諸侯無闕可謂良矣和
聞之國之大臣榮其寵祿
任其大節有菑禍興而無
改焉必受其咎今君至於

淫以生疾將不能圖恤社稷禍孰大焉主不能禦吾是以云也趙孟曰何謂蠱對曰淫溺惑亂之所生也於文皿蟲爲蠱穀之飛亦爲蠱在周易女惑男風落

春秋左傳卷二十

韋而忍堂

山謂之蠱䷑皆同物也

趙孟曰良醫也厚其禮而歸之楚公子圍使公子黑肱伯州犂城犢櫟邾鄭人懼子產曰不害令尹將行大事而先除二子也禍不

及鄭何患焉冬楚公子圍將聘于鄭伍舉爲介未出竟聞王有疾而還伍舉遂聘十一月己酉公子圍至入問王疾縊而弑之遂殺其二子幕及平夏右尹子

春秋左傳卷二十

韋而忍堂

干出奔晉宮廕尹子皙出奔鄭殺大宰伯州犂于邾葬王子邾謂之邾敖使赴于鄭伍舉問應爲後之辭焉對曰寡大夫圍伍舉更之曰共王之子圍爲長子

千奔晉從車五乘叔向使
與秦公子同食皆百人之
餼趙文子曰秦公子富叔
向曰底祿以德德鈞以年
年同以尊公子以國不聞
以富且夫以千乘去其國

春秋左傳卷二十

孟子忍堂

彊禦已甚詩曰不侮鰥寡
不畏彊禦秦楚匹也使后
子與子干齒辭曰鍼懼選
楚公子不獲是以皆來亦
唯命且臣與羈齒無乃不
可乎史佚有言曰非羈何

忌楚靈王即位遠罷爲令
尹遠啓彊爲大宰鄭游吉
如楚葬邾敖且聘立君歸
謂子產曰具行器矣楚王
汰侈而自說其事必合諸
侯吾往無日矣子產曰不

春秋左傳卷二十

孟子忍堂

數年未能也十二月晉旣
烝趙孟適南陽將會子孟
子餘甲辰朔烝于溫庚戌
卒鄭伯如晉弔及雍乃復
經二年春晉侯使韓起來
聘夏叔弓如晉秋鄭殺其

大夫公孫黑冬公如晉至河乃復季孫宿如晉

傳二年春晉侯使韓宣子來聘且告爲政而來見禮也觀書於大史氏見易象與魯春秋曰周禮盡在魯

春秋左傳卷二十

王左爾忍堂

矣吾乃今知周公之德與周之所以王也公享之季武子賦緜之卒章韓子賦角弓季武子拜曰敢拜子之彌縫敝邑寡君有望矣武子賦節之卒章旣享宴

于季氏有嘉樹焉宣子譽

之武子曰宿敢不封殖此樹以無忘角弓遂賦甘棠宣子曰起不堪也無以及召公宣子遂如齊納幣見子雅子雅召子旗使見宣

春秋左傳卷二十

王左爾忍堂

子宣子曰非保家之主也不臣見子尾子尾見彊宣子謂之如子旗大夫多笑之唯晏子信之曰夫子君子也君子有信其有以知之矣自齊聘於衛衛侯享

之北宮文子賦淇澳宣子
賦木瓜夏四月韓須如齊
逆女齊陳無宇送女致少
姜少姜有寵於晉侯晉侯
謂之少齊謂陳無宇非卿
執諸中都少姜爲之請曰

春秋左傳卷十

卷十

送從逆班畏大國也猶有
所易是以亂作叔弓聘于
晉報宣子也晉侯使郊勞
辭曰寡君使弓來繼舊好
固曰女無敢爲賓徹命於
執事敝邑弘矣敢辱郊使

春秋左傳卷十

卷十

請辭致館辭曰寡君命下
臣來繼舊好好合使成臣
之祿也敢辱大館叔向曰
子叔子知禮哉吾聞之曰
忠信禮之器也卑讓禮之
宗也辭不忘國忠信也先
國後己卑讓也詩曰敬慎
威儀以近有德夫子近德
矣秋鄭公孫黑將作亂欲
去游氏而代其位傷疾作
而不果駟氏與諸大夫欲
殺之子產在鄙聞之懼弗

及乘遽而至使吏數之曰伯有之亂以大國之事而未爾討也爾有亂心無厭國不女堪專伐伯有而罪一也昆弟爭室而罪二也薰隧之盟女矯君位而罪

春秋左傳卷二十

單臚忍堂

三也有死罪三何以堪之不速死大刑將至再拜稽首辭曰死在朝夕無助天爲虐子產曰人誰不死凶人不終命也作凶事爲凶人不助天其助凶人乎請

以印爲褚師子產曰印也若才君將任之不才將朝夕從女女罪之不恤而又何請焉不速死司寇將至七月壬寅縊尸諸周氏之衢加木焉晉少姜卒公如

春秋左傳卷二十

單臚忍堂

晉及河晉侯使士文伯來辭曰非伉儷也請君無辱公還季孫宿遂致服焉叔向言陳無宇於晉侯曰彼何罪君使公族逆之齊使上大夫送之猶曰不共君

求以貪國則不共而執其
使君刑已頗何以爲盟主
且少姜有辭冬十月陳無
宇歸十一月鄭印段如晉
吊

經三年春王正月丁未滕

春秋左傳卷十

聖祖忠堂

子原卒夏叔弓如滕五月
葬滕成公秋小邾子來朝
八月大雩冬大雨雹北燕
伯款出奔齊

傳三年春王正月鄭游吉
如晉送少姜之葬梁丙與

張趯見之梁丙曰甚矣哉
子之爲此來也子大叔曰
將得已乎昔文襄之霸也
其務不煩諸侯令諸侯三
歲而聘五歲而朝有事而
會不協而盟君薨大夫吊

春秋左傳卷十

聖祖忠堂

卿共葬事夫人士弔大夫
送葬足以昭禮命事謀闕
而已無加命矣今嬖寵之
喪不敢擇位而數於守適
唯懼獲戾豈敢憚煩少齊
有寵而死齊必繼室今茲

吾又將來賀不唯此行也
張趯曰善哉吾得聞此數
也然自今子其無事矣譬
如火焉火中寒暑乃退此
其極也能無退乎晉將失
諸侯諸侯求煩不獲二大

春秋左傳卷二

聖朝忠堂

夫退子大叔告人曰張趯
有知其猶在君子之後乎
丁未滕子原卒同盟故書
名齊侯使晏嬰請繼室於
晉曰寡君使嬰曰寡人願
事君朝夕不倦將奉質幣

以無失時則國家多難是
以不獲不腆先君之適以
備內官焜燿寡人之望則
又無祿早世隕命寡人失
望君若不忘先君之好惠
顧齊國辱收寡人徼福於

春秋左傳卷二

聖朝忠堂

大公丁公照臨敝邑鎮撫
其社稷則猶有先君之適
及遺姑姊妹若而人君若
不弃敝邑而辱使董振擇
之以備嬪嬙寡人之望也
韓宣子使叔向對曰寡君

之願也寡君不能獨任其社稷之事未有伉儷在纁經之中是以未敢請君有辱命惠莫大焉若惠顧敝邑撫有晉國賜之內主豈唯寡君舉羣臣實受其貺

春秋左傳卷二十

聖雨忍堂

其自唐叔以下實寵嘉之既成昏晏子受禮叔向從之宴相與語叔向曰齊其何如晏子曰此季世也吾弗知齊其爲陳氏矣公弃其已而歸於陳氏齊舊四

量豆區釜鍾四升爲豆各自其四以登於釜釜十則鍾陳氏三量皆登一焉鍾乃大矣以家量貸而以公量收之山木如市弗加於山魚鹽蜃蛤弗加於海已

春秋左傳卷二十

聖雨忍堂

參其力二入於公而衣食其一公聚朽蠹而三老凍餒國之諸市屨賤踊貴已人痛疾而或燠休之其愛之如父母而歸之如流水欲無獲已將焉辟之箕伯

直柄虞遂伯戲其相胡公
大姬已在齊矣叔向曰然
雖吾公室今亦季世也戎
馬不駕卿無軍行公乘無
人卒列無長庶已罷敝而
宮室滋侈道殣相望而女

春秋左傳卷二十

畢昶忍堂

富溢尤已聞公命如逃寇
讎藥郤胥原狐續慶伯降
在阜隸政在家門已無所
依君日不悛以樂愒憂公
室之卑其何日之有讒鼎
之銘曰昧旦丕顯後世猶

怠況日不悛其能久乎晏
子曰子將若何叔向曰晉
之公族盡矣肝聞之公室
將卑其宗族枝葉先落則
公從之肝之宗十一族唯
羊舌氏在而已肝又無子

春秋左傳卷二十

畢昶忍堂

公室無度幸而得死豈其
獲祀初景公欲更晏子之
宅曰子之宅近市湫隘囂
塵不可以居請更諸爽塏
者辭曰君之先臣容焉臣
不足以嗣之於臣侈矣且

小人近市朝夕得所求小人之利也敢煩里旅公笑曰子近市識貴賤乎對曰既利之敢不識乎公曰何貴何賤於是景公繫於刑有鬻踊者故對曰踊貴屨

春秋左傳卷二十

孟子卷二十

賤既已告於君故與叔向語而稱之景公爲是省於刑君子曰仁人之言其利博哉晏子一言而齊侯省刑詩曰君子如祉亂庶遄已其是之謂乎及晏子如

春秋左傳卷二十

孟子卷二十

晉公更其宅反則成矣既拜乃毀之而爲里室皆如其舊則使宅人反之且諺曰非宅是卜唯鄰是卜二三子先卜鄰矣違卜不祥君子不犯非禮小人不犯

於晉國余聞而弗忘賜女
州田以胙乃舊勲伯石再
拜稽首受策以出君子曰
禮其人之急也乎伯石之
汰也一爲禮於晉猶荷其
祿況以禮終始乎詩曰人

春秋左傳卷三

韋而忍堂

而無禮胡不遄死其是之
謂乎初州縣欒豹之邑也
及欒氏亡范宣子趙文子
韓宣子皆欲之文子曰溫
吾縣也二宣子曰自郤
稱以別三傳矣晉之別

縣不唯州誰獲治之文子
病之乃舍之二子^宣曰吾
不可以正議而自與也皆
舍之及文子爲政趙獲曰
可以取州矣文子曰退二
子之言義也違義禍也余

春秋左傳卷三

韋而忍堂

不能治余縣又焉用州其
以徼禍也君子曰弗知實
難知而弗從禍莫大焉有
言州必死豐氏故主韓氏
伯石之獲州也韓宣子爲
之請之爲其復取之之故五

月叔弓如滕葬滕成公子服椒爲介及郊遇懿伯之忌敬子不入惠伯曰公事有公利無私忌椒請先入乃先受館敬子從之晉韓起如齊逆女公孫薑爲少

春秋左傳卷三十

孟子忍堂

姜之有寵也以其子更公女而嫁公子人謂宣子子尾欺晉晉胡受之宣子曰我欲得齊而遠其寵寵將來乎秋七月鄭罕虎如晉賀夫人且告曰楚人曰徵

春秋左傳卷三十

孟子忍堂

敝邑以不朝立王之故敝邑之往則畏執事其謂寡君而固有外心其不往則宋之盟云進退罪也寡君使虎布之宣子使叔向對曰君若辱有寡君在楚何害脩宋盟也君苟思盟寡君乃知免於戾矣君若不有寡君雖朝夕辱於敝邑寡君猜焉君實有心何辱命焉君其往也苟有寡君在楚猶在晉也張趯使謂

大叔曰自子之歸也小人
糞除先人之敝廬曰子其
將來今子皮實來小人失
望大叔曰吉賤不獲來畏
大國尊夫人也且孟曰而
將無事吉庶幾焉小邾穆

春秋左傳卷二十

聖明忍堂

公來朝季武子欲卑之穆
叔曰不可曹滕二邾實不
忘我好敬以逆之猶懼其
貳又卑一睦焉逆羣好也
其如舊而加敬焉志曰能
敬無災又曰敬逆來者天

所福也季孫從之八月大
雩旱也齊侯田於莒盧蒲
嫫見泣且請曰余髮如此
種種余奚能爲公曰諾吾
告二子歸而告之子尾欲
復之子雅不可曰彼其髮

春秋左傳卷二十

聖明忍堂

短而心甚長其或寢處我
矣九月子雅放盧蒲嫫于
北燕燕簡公多嬖寵欲去
諸大夫而立其寵人冬燕
大夫比以殺公之外嬖公
懼奔齊書曰北燕伯款出

奔齊罪之也十月鄭伯如
楚子產相楚子享之賦吉
日旣享子產乃具田備王
以田江南之夢齊公孫竈
卒司馬竈見晏子曰又喪
子雅矣晏子曰惜也子旗
不免殆哉姜族弱矣而媯
將始昌二惠競爽猶可又
弱一个焉姜其危哉

春秋左傳卷十

堯叟思堂

春秋卷第廿

春秋經傳集解昭二第廿一

杜氏 盡七年

經四年春王正月大雨雹
夏楚子蔡侯陳侯鄭伯許
男徐子滕子頓子胡子沈

春秋左傳卷三十一

一 耐忍堂

子小邾子宋世子佐淮夷
會于申楚人執徐子秋七
月楚子蔡侯陳侯許男頓
子胡子沈子淮夷伐吳執
齊慶封殺之遂滅賴九月
取郕冬十有二月乙卯叔

孫豹卒

傳四年春王正月許男如
楚楚子止之遂止鄭伯復
田江南許男與焉使椒舉
如晉求諸侯二君待之椒
舉致命曰寡君使舉曰日

春秋左傳卷三十一

二 耐忍堂

君有惠賜盟于宋曰晉楚
之從交相見也以歲之不
易寡人願結驩於二三君
使舉請間君若苟無四方
之虞則願假寵以請於諸
侯晉侯欲勿許司馬侯曰

不可楚王方侈天或者欲
逞其心以厚其毒而降之
罰未可知也其使能終亦
未可知也晉楚唯天所相
不可與爭君其許之而脩
德以待其歸若歸於德吾

春秋左傳卷五

平陽忠堂

猶將事之況諸侯乎若適
淫虐楚將弃之吾又誰與
爭公曰晉有三不殆其何
敵之有國險而多馬齊楚
多難有是三者何鄉而不
濟對曰恃險與馬而虞鄰

國之難是三殆也四嶽三
塗陽城大室荆山中南九
州之險也是不一姓異之
北土馬之所生無興國焉
恃險與馬不可以爲固也
從古以然是以先王務脩

春秋左傳卷五

四顧忠堂

德音以亨神人不聞其務
險與馬也鄰國之難不可
虞也或多難以固其國啓
其疆土或無難以喪其國
失其守宇若何虞難齊有
仲孫之難而獲桓公至今

賴之晉有里平之難而獲文公是以爲盟主衛邢無難敵亦喪之故人之難不可虞也恃此三者而不脩政德亡於不暇又何能濟君其許之紂作淫虐文王

春秋左傳卷三十一

六師忍堂

惠和殷是以隕周是以興夫豈爭諸侯乃許楚使使叔向對曰寡君有社稷之事是以不獲春秋時見諸侯君實有之何辱命焉椒舉遂請昏晉侯許之楚子

問於子產曰晉其許我諸侯乎對曰許君晉君少安不在諸侯其大夫多求莫匡其君在宋之盟又曰如一若不許君將焉用之王曰諸侯其來乎對曰必來

春秋左傳卷三十一

六師忍堂

從宋之盟承君之歡不畏大國何故不來不來者其魯衛曹邾乎曹畏宋邾畏魯魯衛偏於齊而親於晉唯是不來其餘君之所及也誰敢不至王曰然則

吾所求者無不可乎對曰
求逞於人不可與人同欲
盡濟大雨雹季武子問於
申豐曰雹可禦乎對曰聖
人在上無雹雖有不爲災
古者曰在北陸而藏冰西

春秋左傳卷三

七 顧忍堂

陸朝賣靚而出之其藏冰也
深山窮谷固陰沍寒於是
乎取之其出之也朝之祿
位賓食喪祭於是乎用之
其藏之也黑牡秬黍以享
司寒其出之也桃弧棘矢

以除其災其出入也時食
肉之祿冰皆與焉大夫命
婦喪浴用冰祭寒而藏之
獻羔而啓之公始用之火
出而畢賦自命夫命婦至
於老疾無不受冰山人取

春秋左傳卷三

八 顧忍堂

之縣人傳之輿人納之隸
人藏之夫冰以風壯而以
風出其藏之也周其用之
也徧則冬無愆陽夏無伏
陰春無淒風秋無苦雨雷
出不震無菑霜雹癘疾不

降已不夭札今藏川池之
冰弃而不用風不越而殺
雷不發而震電之爲雷誰
能禦之七月之卒章藏冰
之道也夏諸侯如楚魯衛
曹邾不會曹邾辭以難公

春秋左傳卷二十一

九曲堂

辭以時祭衛侯辭以疾鄭
伯先待于申六月丙午楚
子合諸侯于申椒舉言於
楚子曰臣聞諸侯無歸禮
以爲歸今君始得諸侯其慎
禮矣霸之濟否在此會也

夏啓有鈞臺之享商湯有景
亳之命周武有孟津之誓
成有岐陽之蒐康有豐宮
之朝穆有塗山之會齊桓
有召陵之師晉文有踐土
之盟君其何用宋向戌鄭

春秋左傳卷二十一

十曲堂

公孫僑在諸侯之良也君
其選焉王曰吾用齊桓王
使問禮於左師與子產左
師曰小國習之大國用之
敢不薦聞獻公合諸侯之
禮六子產曰小國共職敢

不薦守獻伯子男會公之
禮六君子謂合左師善守
先代子產善相小國王使
椒舉侍於後以規過卒事
不規王問其故對曰禮吾
所未見者有六焉又何以

春秋左傳卷三十一

十一 耐忍堂

規宋太子佐後至王田於
武城久而弗見椒舉請辭
焉王使往曰屬有宗祧之
事於武城寡君將墮幣焉
敢謝後見徐子吳出也以
爲貳焉故執諸申楚子示

諸侯侈椒舉曰夫六王二
公之事皆所以示諸侯禮
也諸侯所由用命也夏桀
爲仍之會有緡叛之商紂
爲黎之蒐東夷叛之周幽
爲大室之盟戎狄叛之皆

春秋左傳卷三十一

十一 耐忍堂

所以示諸侯汰也諸侯所
由弃命也今君以汰無乃
不濟乎王弗聽子產見左
師曰吾不患楚矣汰而愎
諫不過十年左師曰然不
十年侈其惡不遠遠惡而

後弃善亦如之德遠而後
興秋七月楚子以諸侯伐
吳宋太子鄭伯先歸宋華
費遂鄭大夫從使屈申圍
朱方八月甲申克之執齊慶
封而盡滅其族將戮慶封

春秋左傳卷三十一

韋而忍堂

椒舉曰臣聞無瑕者可以
戮人慶封唯逆命是以在
此其肯從於戮乎播於諸
侯焉用之王弗聽負之斧
鉞以徇於諸侯使言曰無
或如齊慶封弑其君弱其

孤以盟其大夫慶封曰無
或如楚共王之庶子圍弑
其君兄之子麋而代之以
盟諸侯王使速殺之遂以
諸侯滅賴賴子面縛銜璧
士袒輿櫬從之造於中軍

春秋左傳卷三十一

古而忍堂

王問諸椒舉對曰成王克
許許僖公如是王親釋其
縛受其璧焚其櫬王從之
遷賴於鄢楚子欲遷許於
賴使鬬韋龜與公子弃疾
城之而還申無宇曰楚禍

之首將在此矣召諸侯而
來伐國而克城竟莫校王
心不違已其居乎已之不
處其誰堪之不堪王命乃
禍亂也九月取鄆言易也
莒亂著丘公立而不撫鄆

春秋左傳卷三

孟子卷三

鄆叛而來故曰取凡克邑
不用師徒曰取鄭子產作
丘賦國人謗之曰其父死
於路已爲蠱尾以令於國
國將若之何子寬以告子
產曰何害苟利社稷死生

以之且吾聞爲善者不改
其度故能有濟也已不可
逞度不可改詩曰禮義不
愆何恤於人言吾不遷矣
渾罕曰國氏其先亡乎君
子作法於涼其敝猶貪作

春秋左傳卷三

孟子卷三

法於貪敝將若之何姬在
列者蔡及曹滕其先亡乎
偪而無禮鄭先衛亡偪而
無法政不率法而制於心
已各有心何上之有冬吳
伐楚入棘櫟麻以報朱方

之役楚沈尹射奔命於夏
汭歲尹宜咎城鍾離遠啓
疆城巢然丹城州來東國
水不可以城彭生罷賴之
師初穆子去叔孫氏及庚
宗遇婦人使私爲食而宿

春秋左傳卷三十一

十七 昭忍堂

焉問其行告之故哭而送
之適齊娶於國氏生孟丙
仲壬夢天壓己弗勝顧而
見人黑而上僂深目而顴
喙號之曰牛助余乃勝之
旦而皆召其徒無之且曰

志之及宣伯奔齊饋之宣
伯曰魯以先子之故將存
吾宗必召女召女何如對
曰願之久矣魯人召之不
告而歸旣立所宿庚宗之
婦人獻以雉問其姓對曰

春秋左傳卷三十一

十六 昭忍堂

余子長矣能奉雉而從我
矣召而見之則所夢也未
問其名號之曰牛曰唯皆
召其徒使視之遂使爲豎
有寵長使爲政公孫明知
叔孫於齊歸未逆國姜子

明取之故怒其子長而後
使逆之田於丘貉遂遇疾
焉豎牛欲亂其室而有之
強與孟盟不可叔孫爲孟
鐘曰爾未際饗大夫以落
之旣具使豎牛請日入弗

春秋左傳卷三

九節忍堂

謁出命之日及賓至聞鐘
聲牛曰孟有北婦人之客
怒將往牛止之賓出使拘
而殺諸外牛又強與仲盟
不可仲與公御菜書觀於
公公與之環使牛入示

之入不示出命佩之牛謂
叔孫見仲而何叔孫曰何
爲曰不見旣自見矣公與
之環而佩之矣遂逐之奔
齊疾急命召仲牛許而不
召杜洩見告之飢渴授之

春秋左傳卷三

十節忍堂

戈對曰求之而至又何去
焉豎牛曰夫子疾病不欲
見人使寘饋于个而退牛
弗進則置虛命徹十二月
癸丑叔孫不食乙卯卒牛
立昭子而相之公使杜洩

葬叔孫豎牛賂叔仲昭子與南遺使惡杜洩於季孫而去之杜洩將以路葬且盡卿禮南遺謂季孫曰叔孫未乘路葬焉用之且冢卿無路介卿以葬不亦左

春秋左傳卷三十一

主南忠堂

乎季孫曰然使杜洩舍路不可曰夫子受命於朝而聘於王王思舊勲而賜之路復命而致之君君不敢逆王命而復賜之使三官書之吾子爲司徒實書名夫

子爲司馬與工正書服孟孫爲司空以書勲今死而弗以是弃君命也書在公府而弗以是廢三官也若命服生弗敢服死又不以將焉用之乃使以葬季孫

春秋左傳卷三十一

主南忠堂

謀去中軍豎牛曰夫子固欲去之經五年春王正月舍中軍楚殺其大夫屈申公如晉夏莒牟夷以牟婁及防茲來奔秋七月公至自晉戊

辰叔弓帥師敗莒師于蚡
泉秦伯卒冬楚子蔡侯陳
侯許男頓子沈子徐人越
人伐吳

傳五年春王正月舍中軍
卑公室也毀中軍于施氏

春秋左傳卷三

圭臬忍堂

成諸臧氏初作中軍三分
公室而各有其一季氏盡
征之叔孫氏臣其子弟孟
氏取其半焉及其舍之也四
分公室季氏擇二二子各
一皆盡征之而貢于公以

書使杜洩告於殯曰子固
欲毀中軍旣毀之矣故告
杜洩曰夫子唯不欲毀也
故盟諸僖閔詛諸五父之
衢受其書而投之帥士而
哭之叔仲子謂季孫曰帶

春秋左傳卷三

圭臬忍堂

受命於子叔孫曰葬鮮者
自西門季孫命杜洩杜洩
曰卿喪自朝魯禮也吾子
爲國政未改禮而又遷之
羣臣懼死不敢自也旣葬
而行仲至自齊季孫欲立

之南遺曰叔孫氏厚則季氏薄彼實家亂子勿與知不亦可乎南遺使國人助豎牛以攻諸大庫之庭司宮射之中目而死豎牛取東鄙卅邑以與南遺昭子

春秋左傳卷二十一

筆南忠堂

即位朝其家衆曰豎牛禍叔孫氏使亂大從殺適立庶又披其邑將以赦罪罪莫大焉必速殺之豎牛懼奔齊孟仲之子殺諸塞關之外投其首於寧風之棘

上仲尼曰叔孫昭子之勞不可能也周任有言曰爲政者不賞私勞不罰私怨詩云有覺德行四國順之
初穆子之生也莊叔以周易筮之遇明夷 ䷣ 之

春秋左傳卷二十一

筆南忠堂

謙 ䷎ 以示卜楚丘曰是將行而歸爲子祀以讒人入其名曰牛卒以餒死明夷日也日之數十故有十時亦當十位自王已下其二爲公其三爲卿日上其二

中食日爲二旦日爲三
明夷之謙明而未融其當
三乎故曰爲子祀日之謙當
鳥故曰明夷于飛明而未
融故曰垂其翼象日之動
故曰君子于行當三在旦

春秋左傳卷三

三王昭忍堂

故曰三日不食離火也艮
山也離爲火火焚山山敗
於人爲言敗言爲讒故曰
有攸往主人有言言必讒
也純離爲牛世亂讒勝勝
將適離故曰其名曰牛謙

不足飛不翔垂不峻翼不
廣故曰其爲子後乎吾子
亞卿也抑少不終楚子以
屈申爲貳於吳乃殺之以
屈生爲莫敖使與令尹子
蕩如晉逆女過鄭鄭伯勞

春秋左傳卷三

三王昭忍堂

子蕩于汜勞屈生于菟氏
晉侯送女于邢丘子產相
鄭伯會晉侯于邢丘公如
晉自郊勞至于贈賄無失
禮晉侯謂女叔齊曰魯侯
不亦善於禮乎對曰魯侯

焉知禮公曰何爲自郊勞
至于贈賄禮無違者何故
不知對曰是儀也不可謂
禮禮所以守其國行其政
令無失其已者也今政令在
家不能取也有子家羈弗

春秋左傳卷二

三十一節忍堂

能用也奸大國之盟陵虐
小國利人之難不知其私
公室四分已食於他思莫
在公不圖其終爲國君難
將及身不恤其所禮之本
末將於此乎在而屑屑焉

習儀以亟言善於禮不亦
遠乎君子謂叔侯於是乎
知禮晉韓宣子如楚送女
叔向爲介鄭子皮子大叔
勞諸索氏大叔謂叔向曰
楚王汰侈已甚子其戒之

春秋左傳卷二

三十一節忍堂

叔向曰汰侈已甚身之災
也焉能及人若奉吾幣帛
慎吾威儀守之以信行之
以禮敬始而思終終無不
復從而失儀敬而不失
威道之以訓辭奉之以舊

法考之以先王度之以二
國雖汰侈若我何及楚楚
子朝其大夫曰晉吾仇敵
也苟得志焉無恤其他今
其來者上卿上大夫也若
吾以韓起爲閭以羊舌肸

孟子卷之七

孟子卷之七

爲司宮足以辱晉吾亦得
志矣可乎大夫莫對蘧啓
疆曰可苟有其備何故不
可恥匹夫不可以無備況
恥國乎是以聖王務行禮
不求恥人朝聘有珪享覲

孟子卷之七

孟子卷之七

有璋小有述職大有巡功
設机而不倚爵盈而不飲
宴有好貨殮有陪鼎入有
郊勞出有贈賄禮之至也
國家之敗失之道也則禍
亂興城濮之役晉無楚備
以敗於邲邲之役楚無晉
備以敗於鄢自鄢以來晉
不失備而加之以禮重之
以睦是以楚弗能報而求
親焉旣獲姻親又欲恥之
以召寇讎備之若何誰其

重此若有其人恥之可也
若其未有君亦圖之晉之
事君臣曰可矣求諸侯而
麋至求昏而薦女君親送
之上卿及上大夫致之猶
欲恥之君其亦有備矣不

春秋左傳卷二十一

韋雨忍堂

然奈何韓起之下趙成中
行吳魏舒范鞅知盈羊舌
肸之下祁午張趯籍談女
齊梁丙張骼輔躒苗賁皇
皆諸侯之選也韓襄爲公
族大夫韓須受命而使矣

箕襄邢帶叔禽叔椒子羽
皆大家也韓賦七邑皆成
縣也羊舌四族皆彊家也
晉人若喪韓起楊肸五卿
八大夫輔韓須楊石因其
十家九縣長轂九百其餘

春秋左傳卷二十一

韋雨忍堂

四十縣遺守四千奮其武
怒以報其大恥伯華謀之
中行伯魏舒帥之其蔑不
濟矣君將以親易怨實無
禮以速寇而未有其備使
羣臣往遺之禽以逞君心

何不可之有王曰不穀之過也大夫無辱厚爲韓子禮王欲教叔向以其所不知而不能亦厚其禮韓起反鄭伯勞諸圍辭不敢見禮也鄭罕虎如齊娶於子

春秋左傳卷三十一

孟南思堂

尾氏晏子驟見之陳桓子問其故對曰能用善人己之主也夏莒牟夷以牟婁及防茲來奔牟夷非卿而書尊地也莒人愬于晉晉侯欲止公范獻子曰不可

人朝而執之誘也討不以師而誘以成之惰也爲盟主而犯此二者無乃不可乎請歸之間而以師討焉乃歸公秋七月公至自晉莒人來討不設備戊辰叔

春秋左傳卷三十一

孟南思堂

弓敗諸蚡泉莒未陳也冬十月楚子以諸侯及東夷伐吳以報棘瀾麻之役蘧射以繁揚之師會於夏汭越大夫常壽過帥師會楚子于瑣聞吳師出蘧啓彊

帥師從之遽不設備吳人敗諸鵲岸楚子以駟至於羅汭吳子使其弟蹶由犒師楚人執之將以釁鼓王使問焉曰女卜來吉乎對曰吉寡君聞君將治兵於

春秋左傳卷二十一

三才而忍堂

敝邑卜之以守龜曰余亟使人犒師請行以觀王怒之疾徐而爲之備尚克知之龜兆告吉曰克可知也君若驩焉好逆使臣滋敝邑休怠而忘其死亡無日

矣今君奮焉震電馮怒虐執使臣將以釁鼓則吳知所備矣敝邑雖羸若早脩完其可以息師難易有備可謂吉矣且吳社稷是卜豈爲一人使臣獲釁軍鼓

春秋左傳卷二十一

三才而忍堂

而敝邑知備以禦不虞其爲吉孰大焉國之守龜其何事不卜一臧一否其誰能常之城濮之兆其報在邲今此行也其庸有報志乃弗殺楚師濟於羅汭沈

尹赤會楚子次於萊山遠射帥繁陽之師先入南懷楚師從之及汝清吳不可入楚子遂觀兵於坻箕之山是行也吳早設備楚無功而還以蹶由歸楚子懼

春秋左傳卷五

堯圃忍堂

吳使沈尹射待命于巢遠啓彊待命于雩婁禮也秦后子復歸於秦景公卒故也

經六年春王正月杞伯益姑卒葬秦景公夏季孫宿

如晉葬杞文公宋華合比出奔衛秋九月大雩楚遠罷帥師伐吳冬叔弓如楚齊侯伐北燕

傳六年春王正月杞文公卒弔如同盟禮也大夫如

春秋左傳卷五

堯圃忍堂

秦葬景公禮也三月鄭人鑄刑書叔向使詒子產書曰始吾有虞於子今則已矣昔先王議事以制不爲刑辟懼已之有爭心也猶不可禁禦是故閑之以義

糾之以政行之以禮守之以信奉之以仁制爲祿位以勸其從嚴斷刑罰以威其淫懼其未也故誨之以忠聳之以行教之以務使之以和臨之以敬泣之以

春秋左傳卷二十一

聖祖忍堂

彊斷之以剛猶求聖哲之上明察之官忠信之長慈惠之師已於是乎可任使也而不生禍亂已知有辟則不忍於上並有爭心以徵於書而徼幸以成之弗

可爲矣夏有亂政而作禹刑商有亂政而作湯刑周有亂政而作九刑三辟之興皆叔世也今吾子相鄭國作封洫立謗政制參辟鑄刑書將以靖已不亦難

春秋左傳卷二十一

聖祖忍堂

乎詩曰儀式刑文王之德日靖四方又曰儀刑文王萬邦作孚如是何辟之有已知爭端矣將弃禮而徵於書錐刀之末將盡爭之亂獄滋豐賄賂並行終子

之廿鄭其敗乎肝聞之國將亡必多制其此之謂乎復書曰若吾子之言僑不才不能及子孫吾以救世也既不承命敢忘大惠士文伯曰火見鄭其火乎火未

春秋左傳卷三

聖祖忍堂

出而作火以鑄刑器藏爭辟焉火如象之不火何爲夏季孫宿如晉拜莒田也晉侯享之有加籩武子退使行人告曰小國之事大國也苟免於討不敢求貺

春秋左傳卷三

聖祖忍堂

得貺不過三獻今豆有加下臣弗堪無乃戾也韓宣子曰寡君以爲驩也對曰寡君猶未敢況下臣君之隸也敢聞加貺固請徹加而後卒事晉人以爲知禮重其好貨宋寺人柳有寵大子佐惡之華合比曰我殺之柳聞之乃坎用牲埋書而告公曰合比將納亡人之族旣盟于北郭矣公使視之有焉遂逐華合比

合比奔衛於是華亥欲代右師乃與寺人柳比從爲之徵曰聞之久矣公使代之見於左師左師曰女夫也必亡女喪而宗室於人何有人亦於女何有詩曰

春秋左傳卷二

聖祖忍堂

宗子維城毋俾城壞毋獨斯畏女其畏哉六月丙戌鄭災楚公子弃疾如晉報韓子也過鄭鄭罕虎公孫僑游吉從鄭伯以勞諸相辭不敢見固請見之見如

見王以其乘馬八匹私面見子皮如上卿以馬六匹見子產以馬四匹見子大叔以馬二匹禁芻牧采樵不入田不樵樹不采藝不抽屋不強匄誓曰有犯命

春秋左傳卷二

聖祖忍堂

者君子廢小人降舍不爲暴主不恩賓往來如是鄭三卿皆知其將爲王也韓宣子之適楚也楚人弗逆公子弃疾及晉竟晉侯將亦弗逆叔向曰楚辟我衷

若何效辟詩曰爾之教矣
臣胥效矣從我而已焉用
效人之辟書曰聖作則無
寧以善人爲則而則人之
辟乎匹夫爲善臣猶則之
況國君乎晉侯說乃逆之

春秋左傳卷主

聖而忍堂

秋九月大雩旱也徐儀楚
聘于楚楚子執之逃歸懼
其叛也使蘧洩伐徐吳人
救之令尹子蕩帥師伐吳
師于豫章而次于乾谿吳
人敗其師於房鍾獲宮廄

尹弃疾子蕩歸罪於蘧洩
而殺之冬叔弓如楚聘且
弔敗也十一月齊侯如晉
請伐北燕也士匄相士鞅
逆諸河禮也晉侯許之十
二月齊侯遂伐北燕將納

春秋左傳卷主

聖而忍堂

簡公晏子曰不入燕有君
矣民不貳吾君賄左右諂
諛作大事不以信未嘗可
也

經七年春王正月暨齊平
三月公如楚叔孫婼如齊

壯盟夏四月甲辰朔日有
食之秋八月戊辰衛侯惡
卒九月公至自楚冬十有
一月癸未季孫宿卒十有
二月癸亥葬衛襄公

傳七年春王正月暨齊平

春秋左傳卷二十一

吳南忠堂

齊求之也癸巳齊侯次于
泚燕人行成曰敝邑知罪
敢不聽命先君之敝器請
以謝罪公孫皙曰受服而
退俟釁而動可也二月戊
午盟于濡上燕人歸燕姬

賂以瑤璫玉櫝罽耳不克
而還楚子之爲令尹也爲
王旌以田芋尹無宇斷之
曰一國兩君其誰堪之及
即位爲章華之宮納亡人
以實之無宇之閤入焉無

春秋左傳卷二十一

辛酉忍堂

宇執之有司弗與曰執人
於王宮其罪大矣執而謁
諸王王將飲酒無宇辭曰
天子經略諸侯正封古之
制也封略之內何非君土
食土之毛誰非君臣故詩

曰普天之下莫非王土率
土之濱莫非王臣天有十
日人有十等下所以事上
上所以共神也故王臣公
公臣大夫大夫臣士士臣
皐皐臣興興臣隸隸臣僚

春秋左傳卷三

辛酉思堂

僚臣僕僕臣臺馬有圉牛
有牧以待百事今有司曰
女胡執人於王宮將焉執
之周文王之法曰有亡荒
閱所以得天下也吾先君
文王作僕區之法曰盜所

隱器與盜同罪所以封汝
也若從有司是無所執逃
臣也逃而舍之是無陪臺
也王事無乃闕乎昔武王
數紂之罪以告諸侯曰紂
爲天下逋逃主萃浞藪故

春秋左傳卷三

辛酉思堂

夫致死焉君王始求諸侯
而則紂無乃不可乎若以
二文之法取之盜有所在
矣王曰取而臣以往盜有
寵未可得也遂赦之楚子
成章華之臺願與諸侯落

之大宰蘧啓彊曰臣能得
魯侯蘧啓彊來召公辭曰
昔先君成公命我先大夫
嬰齊曰吾不忘先君之好
將使衡父照臨楚國鎮撫
其社稷以輯寧爾已嬰齊

春秋左傳卷三十一

聖一顧忍堂

受命于蜀奉承以來弗敢
失墮而致諸宗祧曰我先
君共王引領北望日月以
異傳序相授於今四王矣
嘉惠未至唯襄公之辱臨
我喪孤與其二三臣悼心

失圖社稷之不皇況能懷
思君德今君若步玉趾辱
見寡君寵靈楚國以信蜀
之役致君之嘉惠是寡君
既受貺矣何蜀之敢望其
先君鬼神實嘉賴之豈唯

春秋左傳卷三十一

孟西顧忍堂

寡君君若不來使臣請問
行期寡君將承質幣而見
于蜀以請先君之貺公將
往夢襄公祖梓慎曰君不
果行襄公之適楚也夢周
公祖而行今襄公實祖君

其不行子服惠伯曰行先君未嘗適楚故周公祖以道之襄公適楚矣而祖以道君不行何之三月公如楚鄭伯勞于師之梁孟僖子爲介不能相儀及楚不

春秋左傳卷三十一

孟萬忍堂

能荅郊勞夏四月甲辰朔日有食之晉侯問於士文伯曰誰將當日食對曰魯衛惡之衛大魯小公曰何故對曰去衛地如魯地於是其有災魯實受之其大咎

其衛君乎魯將上卿公曰詩所謂彼日而食于何不臧者何也對曰不善政之謂也國無政不用善則自取謫于日月之災故政不可不慎也務三而已一曰

春秋左傳卷三十一

孟萬忍堂

擇人二曰因民三曰從時晉人來治杞田季孫將以成與之謝息爲孟孫守不可曰人有言曰雖有挈鉗之知守不假器禮也夫子從君而守臣喪邑雖吾子

亦有猜焉季孫曰君之在
楚於晉罪也又不聽晉魯
罪重矣晉師必至吾無以
待之不如與之間晉而取
諸杞吾與子桃成反誰敢
有之是得二成也魯無憂

春秋左傳卷二十一

五十六 爾忍堂

而孟孫益邑子何病焉辭
以無山與之萊柞乃遷于
桃晉人爲杞取成楚子享
公于新臺使長鬬者相好
以大屈旣而悔之遠啓彊
聞之見公公語之拜賀公

曰何賀對曰齊與晉越欲
此久矣寡君無適與也而
傳諸君君其備禦三鄰慎
守寶矣敢不賀乎公懼乃
反之鄭子產聘于晉晉侯
有疾韓宣子逆客私焉曰

春秋左傳卷二十一

五十六 爾忍堂

寡君寢疾於今三月矣並
走羣望有加而無瘳今夢
黃熊入于寢門其何厲鬼
也對曰以君之明子爲大
政其何厲之有昔堯殛鯀
于羽山其神化爲黃熊以

入于羽淵實爲夏郊三代
祀之晉爲盟主其或者未
之祀也乎韓子祀夏郊晉
侯有間賜子產莒之二方
鼎子產爲豐施歸州田於
韓宣子曰曰君以夫公孫

春秋左傳卷三

孟詵忍堂

段爲能任其事而賜之州
田今無祿早世不獲久享
君德其子弗敢有不敢以
聞於君私致諸子宣子辭
子產曰古人有言曰其父
析薪其子弗克負荷施將

懼不能任其先人之祿其
況能任大國之賜縱吾子
爲政而可後之人若屬有
疆場之言敝邑獲戾而豐
氏受其大討吾子取州是
免敝邑於戾而建置豐氏

春秋左傳卷三

孟詵忍堂

也敢以爲請宣子受之以
告晉侯晉侯以與宣子宣
子爲初言病有之以易原
縣於樂大心鄭人相驚以
伯有曰伯有至矣則皆走
不知所往鑄刑書之歲二

月或夢伯有介而行曰壬子余將殺帶也明年壬寅余又將殺段也及壬子駟帶卒國人益懼齊燕平之月壬寅公孫段卒國人愈懼其明月子產立公孫洩

春秋左傳卷三十一

空齋忍堂

及良止以撫之乃止子大叔問其故子產曰鬼有所歸乃不爲厲吾爲之歸也大叔曰公孫洩何爲子產曰說也爲身無義而圖說從政有所反之以取媚也

不媚不信不信臣不從也及子產適晉趙景子問焉曰伯有猶能爲鬼乎子產曰能人生始化曰魄既生魄陽曰魂用物精多則魂魄彊是以有精爽至於神

春秋左傳卷三十一

空齋忍堂

明匹夫匹婦強死其魂魄猶能馮依於人以爲淫厲況良霄我先君穆公之冑子良之孫子耳之子敝邑之卿從政三世矣鄭雖無腆抑諺曰蕞爾國而三世

執其政柄其用物也弘矣其取精也多矣其族又大所馮厚矣而強死能爲鬼不亦宜乎子皮之族飲酒無度故馬師氏與子皮氏有惡齊師還自燕之月罕

春秋左傳卷五十一

奎師忍堂

朔殺罕魋罕朔奔晉韓宣子問其位於子產子產曰君之羈臣苟得容以逃死何位之敢擇卿違從大夫之位罪人以其罪降古之制也朔於敝邑亞大夫

也其官馬師也獲戾而逃唯執政所寘之得免其死爲惠大矣又敢求位宣子爲子產之敏也使從嬖大夫秋八月衛襄公卒晉大夫言於范獻子曰衛事晉

春秋左傳卷五十一

奎師忍堂

爲睦晉不禮焉庇其賊人而取其地故諸侯貳詩曰鴟鵂在原兄弟急難又曰死喪之威兄弟孔懷兄弟之不睦於是乎不弔況遠人誰敢歸之今又不禮於

衛之嗣衛必叛我是絕諸侯也獻子以告韓宣子宣子說使獻子如衛弔且反戚田衛齊惡告喪于周且請命王使成簡公如衛弔且追命襄公曰叔父陟恪

春秋左傳卷三十一

奎爾忍堂

在我先王之左右以佐事上帝余敢忘高圉亞圉九月公至自楚孟僖子病不能相禮乃講學之苟能禮者從之及其將死也召其大夫曰禮人之幹也無

禮無以立吾聞將有達者曰孔丘聖人之後也而滅於宋其祖弗父何以有宋而授厲公及正考父佐戴武宣三命茲益共故其鼎銘云一命而僂再命而傴

春秋左傳卷三十一

奎爾忍堂

三命而俯循牆而走亦莫余敢侮饁於是鬻鬻於是以餬余口其共也如是臧孫紇有言曰聖人有明德者若不當世其後必有達人今其將在孔丘乎我若獲

沒必屬說與何忌於夫子
使事之而學禮焉以定其
位故孟懿子與南宮敬叔
師事仲尼仲尼曰能補過
者君子也詩曰君子是則
是效孟僖子可則效已矣

春秋左傳卷五

李爾忍堂

單獻公弃親用羈冬十月
辛酉襄頃之族殺獻公而
立成公十一月季武子卒
晉侯謂伯瑕曰吾所問曰
食從矣可常乎對曰不可
六物不同已心不壹事序

不類官職不則同始異終
胡可常也詩曰或燕燕居
息或憔悴事國其異終也
如是公曰何謂六物對曰
歲時日月星辰是謂也公
曰多語寡人辰而莫同何

春秋左傳卷五


李爾忍堂

謂辰對曰日月之會是謂
辰故以配日衛襄公夫人
姜氏無子嬖人媯始生孟
絜孔成子夢康叔謂己立
元余使羈之孫圉與史苟
相之史朝亦夢康叔謂己

余將命而子苟與孔丞鉏
之曾孫圉相元史朝見成
子告之夢夢協晉韓宣子
爲政聘于諸侯之歲媾
始生子名之曰元孟繫之
足不良能行孔成子以周

春秋左傳卷二

先儒忠堂

易筮之曰元尚享衛國主
其社稷遇屯  又曰
余尚立執繫尚克嘉之遇
屯  之比  以示史朝
史朝曰元亨又何疑焉成
子曰非長之謂乎對曰康

叔名之可謂長矣孟非人
也將不列於宗不可謂長
且其繇曰利建侯嗣吉何
建建非嗣也二卦皆云子
其建之康叔命之二卦告
之筮襲於夢武王所用也

春秋左傳卷二

先儒忠堂

弗從何爲弱足者居侯主
社稷臨祭祀奉巳人事鬼
神從會朝又焉得居各以
所利不亦可乎故孔成子
立靈公十二月癸亥葬衛
襄公

春秋卷第廿一

春秋左傳 卷二十一

主 兩忍堂

春秋經傳集解昭三第廿二

杜氏 盡十二年

經八年春陳侯之弟招殺
陳世子偃師夏四月辛丑
陳侯溺卒叔弓如晉楚人

春秋左傳卷三十三

一 昭忍堂

執陳行人干徵師殺之陳
公子留出奔鄭秋蒐于紅
陳人殺其大夫公子過大
雩冬十月壬午楚師滅陳
執陳公子招放之于越殺
陳孔奭葬陳哀公

傳八年春石言于晉魏榆
晉侯問於師曠曰石何故
言對曰石不能言或馮焉
不然民聽濫也抑臣又聞
之曰作事不時怨讟動于
民則有非言之物而言今

春秋左傳卷三十三

二 昭忍堂

宮室崇侈民力彫盡怨讟
並作莫保其性石言不亦
宜乎於是晉侯方築虎祁
之宮叔向曰子野之言君
子哉君子之言信而有徵
故怨遠於其身小人之言

僭而無徵故怨咎及之詩
曰哀哉不能言匪舌是出
唯躬是瘁哿矣能言巧言
如流俾躬處休其是之謂
乎是宮也成諸侯必叛君
必有咎夫子知之矣陳哀

春秋左傳卷三

王西忠堂

公元妃鄭姬生悼太子偃
師二妃生公子留下妃生
公子勝二妃嬖留有寵
屬諸司徒招與公子過哀
公有廢疾三月甲申公子
招公子過殺悼太子偃師

而立公子留夏四月辛亥
哀公縊于徵師赴于楚且
告有立君公子勝愬之于
楚楚人執而殺之公子留
奔鄭書曰陳侯之弟招殺
陳世子偃師罪在招也楚

春秋左傳卷三

王西忠堂

人執陳行人于徵師殺之
罪不在行人也叔弓如晉
賀虓祁也游吉相鄭伯以
如晉亦賀虓祁也史趙見
子大叔曰甚哉其相蒙也
可弔也而又賀之子大叔

曰若何弔也其非唯我賀
將天下實賀秋大蒐于紅
自根牟至于商衛革車千
乘七月甲戌齊子尾卒子
旗欲治其室丁丑殺梁嬰
八月庚戌逐子成子工子

春秋左傳卷三十三

五
百
忍
堂

車皆來奔而立子良氏之
宰其臣曰孺子長矣而相
吾室欲兼我也授甲將攻
之陳桓子善於子尾亦授
甲將助之或告子旗子旗
不信則數人告將往又數

人告於道遂如陳氏桓子
將出矣聞之而還游服而
逆之請命對曰聞彊氏授
甲將攻子子聞諸曰弗聞
子盍亦授甲無宇請從子
旗曰子胡然彼孺子也吾

春秋左傳卷三十三

六
百
忍
堂

誨之猶懼其不濟吾又寵
秩之其若先人何子盍謂
之周書曰惠不惠茂不茂
康叔所以服弘大也桓子
稽顙曰頃靈福子吾猶有
望遂和之如初陳公子招

歸罪於公子過而殺之九月楚公子弃疾帥師奉孫吳圍陳宋戴惡會之冬十一月壬午滅陳輿嬖素克殺馬毀玉以葬楚人將殺之請寘之既又請私私於

春秋左傳卷三十三

七陋忍堂

幄加絰於顙而逃使穿封戌爲陳公曰城麋之役不諂侍飲酒於王王曰城麋之役女知寡人之及此女其辟寡人乎對曰若知君之及此臣必致死禮以息

楚晉侯問於史趙曰陳其遂亡乎對曰未也公曰何故對曰陳顓頊之族也歲在鶉火是以卒滅陳將如之今在析木之津猶將復由且陳氏得政于齊而

春秋左傳卷三十三

八陋忍堂

後陳卒亡自幕至于瞽瞍無違命舜重之以明德寘德於遂遂世守之及胡公不淫故周賜之姓使祀虞帝臣聞盛德必百世祀虞之世數未也繼守將在齊

其兆既存矣

經九年春叔弓會楚子于

陳許遷于夷夏四月陳災

秋仲孫矍如齊冬築郎囿

傳九年春叔弓宋華亥鄭

游吉衛趙壓會楚子于陳

春秋左傳卷三十三

九韶忍堂

二月庚申楚公子棄疾遷

許于夷實城父取州來淮

北之田以益之伍舉授許

男田然丹遷城父人於陳

以夷濮西田益之遷方城

外人於許周甘人與晉閭

嘉爭閭田晉梁丙張趯率

陰戎伐潁王使詹桓伯辭

於晉曰我自夏以后稷魏

駘芮岐畢吾西土也及武

王克商蒲姑商奄吾東土

也巴濮楚鄧吾南土也肅

春秋左傳卷三十三

十韶忍堂

慎燕亳吾北土也吾何邇

封之有文武成康之建母

弟以蕃屏周亦其廢隊是

爲豈如弁髦而因以敝之

先王居櫛杙于四裔以禦

螭魅故允姓之姞居于瓜

州伯父惠公歸自秦而誘
以來使偪我諸姬入我郊
甸則戎焉取之戎有中國
誰之咎也后稷封殖天下
今戎制之不亦難乎伯父
圖之我在伯父猶衣服之

春秋左傳卷三十三

十一 耐忍堂

有冠冕木水之有本原已
人之有謀主也伯父若裂
冠毀冕拔本塞原專弃謀
主雖戎狄其何有余一人
叔向謂宣子曰文之伯也
豈能改物翼戴天子而加

之以共自文以來世有衰
德而暴蔑宗周以宣示其
侈諸侯之貳不亦宜乎且
王辭直子其圖之宣子說
王有姻喪使趙成如周弔
且致閭田與襚反潁俘王

春秋左傳卷三十三

十三 耐忍堂

亦使賓滑執甘大夫襄以
說於晉晉人禮而歸之夏
四月陳災鄭裨竈曰五年
陳將復封封五十二年而
遂亡子產問其故對曰陳
水屬也火水妃也而楚所

相也今火出而火陳逐楚而建陳也妃以五成故曰五年歲五及鶉火而後陳卒亡楚克有之天之道也故曰五十二年晉荀盈如齊逆女還六月卒于戲陽

春秋左傳卷三

士而忍堂

殯于絳未葬晉侯飲酒樂膳宰屠蒯趨入請佐公使尊許之而遂酌以飲工曰女爲君耳將司聰也辰在子卯謂之疾日君徹宴樂學人舍業爲疾故也君之

卿佐是謂股肱股肱或虧何痛如之女弗聞而樂是不聰也又飲外嬖嬖叔曰女爲君目將司明也服以旌禮禮以行事事有其物物有其容今君之容非其

春秋左傳卷三

士而忍堂

物也而女不見是不明也亦自飲也曰味以行氣氣以實志志以定言言以出令臣實司味二御失官而君弗命臣之罪也公說徹酒初公欲廢知氏而立其

外嬖爲是悛而止秋八月
使荀躒佐下軍以說焉孟子
僖子如齊殷聘禮也冬築
郎囿書時也季平子欲其
速成也叔孫昭子曰詩曰
經始勿亟庶民子來焉用
速成其以勦已也無囿猶
可無民其可乎

春秋左傳卷三

十五兩忍堂

經十年春王正月夏齊樂
施來奔秋七月季孫意如
叔弓仲孫貜帥師伐莒戊
子晉侯彪卒九月叔孫婼

如晉葬晉平公十有二月
甲子宋公成卒

傳十年春王正月有星出
于婺女鄭裨竈言於子產
曰七月戊子晉君將死今
茲歲在顓頊之虛姜氏任

春秋左傳卷三

十六兩忍堂

氏實守其地居其維首而
有妖星焉告邑姜也邑姜
晉之妣也天以七紀戊子
逢公以登星斯於是乎出
吾是以譏之齊惠樂高氏
比皆者酒信內多怨彊於陳

鮑氏而惡之夏有告陳桓
子曰子旗子良將攻陳鮑
亦告鮑氏桓子授甲而如
鮑氏遭子良醉而騁遂見
文子則亦授甲矣使視二
子則皆將飲酒桓子曰彼

春秋左傳卷三十一

七 兩忍堂

雖不信聞我授甲則必逐
我及其飲酒也先伐諸陳
鮑方睦遂伐欒高氏子良
曰先得公陳鮑焉往遂伐
虎門晏平仲端委立于虎
門之外四族召之無所往

其徒曰助陳鮑乎曰何善
焉助欒高乎曰庸愈乎然
則歸乎曰君伐焉歸公召
之而後入公卜使王黑以
靈姑鉅率吉請斷三尺焉
而用之五月庚辰戰于稷

春秋左傳卷三十一

大 兩忍堂

欒高敗又敗諸莊國人追
之又敗諸鹿門欒施高彊
來奔陳鮑分其室晏子謂
桓子必致諸公讓德之主
也讓之謂懿德凡有血氣
皆有爭心故利不可強思

義爲愈義利之本也蒞利
生孽姑使無蒞乎可以滋
長桓子盡致諸公而請老
于莒桓子召子山私具幄
幕器用從者之衣屨而反
棘焉子商亦如之而反其

春秋左傳卷三十一

九百忍堂

邑子周亦如之而與之夫
子反子城子公公孫捷而
皆益其祿凡公子公孫之
無祿者私分之邑國之貧
約孤寡者私與之粟曰詩
云陳錫載周能施也桓公

是以霸公與桓子莒之旁
邑辭穆孟姬爲之請高唐
陳氏始大秋七月平子伐
莒取郟獻俘始用人於亳
社臧武仲在齊聞之曰周
公其不饗魯祭乎周公饗

春秋左傳卷三十一

千兩忍堂

義魯無義詩曰德音孔昭
視已不佻佻之謂甚矣而
壹用之將誰福哉戊子晉
平公卒鄭伯如晉及河晉
人辭之游吉遂如晉九月
叔孫婁齊國弱宋華定衛

北宮喜鄭罕虎許人曹人
莒人邾人滕人薛人杞人
小邾人如晉葬平公也鄭子
皮將以幣行子產曰喪焉
用幣用幣必百兩百兩必
千人千人至將不行不行

春秋左傳卷三

王爾忍堂

必盡用之幾千人而國不
亡子皮固請以行既葬諸
侯之大夫欲因見新君叔
孫昭子曰非禮也弗聽叔
向辭之曰大夫之事畢矣
而又命孤孤斬焉在衰經

之中其以嘉服見則喪禮
未畢其以喪服見是重受
弔也大夫將若之何比日無
辭以見子皮盡用其幣歸
謂子羽曰非知之實難將
在行之夫子知之矣我則

春秋左傳卷三

王爾忍堂

不足書曰欲敗度縱敗禮
我之謂矣夫子知度與禮
矣我實縱欲而不能自克
也昭子至自晉大夫皆見
高彊見而退昭子語諸大
夫曰為人子不可不慎也哉

昔慶封亡子尾多受邑而稍致諸君君以爲忠而甚寵之將死疾于公宮輦而歸君親推之其子不能任是以在此忠爲令德其子弗能任罪猶及之難不慎

春秋左傳卷三十三

孟西伯忍堂

也喪夫人之力弃德曠宗以及其身不亦害乎詩曰不自我先不自我後其是之謂乎冬十二月宋平公卒初元公惡寺人柳欲殺之及喪柳熾炭于位將至

則去之比葬又有寵

經十有一年春王二月叔弓如宋葬宋平公夏四月丁巳楚子虔誘蔡侯般殺之于申楚公子棄疾帥師圍蔡五月甲申夫人歸氏

春秋左傳卷三十三

孟西伯忍堂

薨大蒐于比蒲仲孫纁會邾子盟于祿祥秋季孫意如會晉韓起齊國弱宋華亥衛北宮佗鄭罕虎曹人杞人于厥憇九月己亥葬我小君齊歸冬十有一月

丁酉楚師滅蔡執蔡世子
有以歸用之

傳十一年春王二月叔弓
如宋葬平公也景王問於
萇弘曰今茲諸侯何實吉
何實凶對曰蔡凶此蔡侯

春秋左傳卷三

韋南堂

般弑其君之歲也歲在豕
韋弗過此矣楚將有之然
壅土也歲及大梁蔡復楚凶
天之道也楚子在申召蔡
靈侯靈侯將往蔡大夫曰
王貪而無信唯蔡於感今

幣重而言甘誘我也不如

無往蔡侯不可三月丙申
楚子伏甲而饗蔡侯於申
醉而執之夏四月丁巳殺
之刑其士七十人公子弃疾
帥師圍蔡韓宣子問於

春秋左傳卷三

韋南堂

叔向曰楚其克乎對曰克
哉蔡侯獲罪於其君而不
能其已天將假手於楚
以斃之何故不克然肝聞
之不信以幸不可再也楚
王奉孫吳以討於陳曰將

定而國陳人聽命而遂縣之今又誘蔡而殺其君以圍其國雖幸而克必受其咎弗能久矣桀克有緡以喪其國紂克東夷而隕其身楚小位下而亟暴於二

春秋左傳卷三十三

孟子忍堂

王能無咎乎天之假助不善非祚之也厚其凶惡而降之罰也且譬之如天其有五材而將用之力盡而敝之是以無拯不可沒振五月齊歸薨大蒐于比蒲

非禮也孟僖子會邾莊公盟于祿祥脩好禮也泉丘人有女夢以其帷幕孟氏之廟遂奔僖子其僚從之盟于清丘之社曰有子無相棄也僖子使助遠氏之

春秋左傳卷三十三

孟子忍堂

造反自祿祥宿於遠氏生懿子及南宮敬叔於泉丘人其僚無子使字敬叔楚師在蔡晉荀吳謂韓宣子曰不能救陳又不能救蔡物以無親晉之不能亦可知也

已爲盟主而不恤亡國將
焉用之秋會于厥慙謀救
蔡也鄭子皮將行子產曰
行不遠不能救蔡也蔡小
而不順楚大而不德天將
弃蔡以壅楚盈而罰之蔡

春秋左傳卷三

元祐忍堂

必亡矣且喪君而能守者
鮮矣三年王其有咎乎美
惡周必復王惡周矣晉人
使狐父請蔡于楚弗許單
子會韓宣子于戚視下言
徐叔向曰單子其將死乎

朝有著定會有表衣有襚
帶有結會朝之言必聞于
表著之位所以昭事序也
視不過結襚之中所以道
容貌也言以命之容貌以
明之失則有闕今單子爲

春秋左傳卷三

元祐忍堂

王官伯而命事於會視不
登帶言不過步貌不道容
而言不昭矣不道不共不
昭不從無守氣矣九月葬
齊歸公不感晉士之送葬
者歸以語史趙史趙曰必

爲魯郊侍者曰何故曰歸
姓也不思親祖不歸也叔
向曰魯公室其卑乎君有
大喪國不廢蒐有三年之
喪而無一日之慼國不恤
喪不忌君也君無慼容不

孟子卷三

圭西忍堂

顧親也國不忌君君不
顧親能無卑乎殆其失國
冬十一月楚子滅蔡用隱
大子于岡山申無宇曰不
祥五牲不相爲用況用諸
侯乎王必悔之十二月單

成公卒楚子城陳蔡不羹
使弃疾爲蔡公王問於申
無宇曰弃疾在蔡何如對
曰擇子莫如父擇臣莫如
君鄭莊公城櫟而寘子元
焉使昭公不立齊桓公城

春秋左傳卷三

圭西忍堂

穀而寘管仲焉至于今賴
之臣聞五大不在邊五細
不在庭親不在外羈不在
內今弃疾在外鄭丹在內
君其少戒王曰國有大城
何如對曰鄭京櫟實殺曼

伯宋蕭亳實殺子游齊渠
丘實殺無知衛蒲戚實出
獻公若由是觀之則害於
國末大必折尾大不掉君
所知也

經十有二年春齊高偃帥

春秋左傳卷三

三國志堂

師納北燕伯于陽三月壬
申鄭伯嘉卒夏宋公使華
定來聘公如晉至河乃復
五月葬鄭簡公楚殺其大
夫成熊秋七月冬十月公
子愁出奔齊楚子伐徐晉

伐鮮虞

傳十二年春齊高偃納北
燕伯款于唐因其衆也三
月鄭簡公卒將爲葬除及
游氏之廟將毀焉子大叔
使其除徒執用以立而無

春秋左傳卷三

三國志堂

庸毀曰子產過女而問何
故不毀乃曰不忍廟也諾
將毀矣旣如是子產乃使
辟之司墓之室有當道者
毀之則朝而墉弗毀則日
中而墉子大叔請毀之曰

無若諸侯之賓何子產曰
諸侯之賓能來會吾喪豈
憚日中無損於賓而已不
害何故不爲遂弗毀日中
而葬君子謂子產於是乎
知禮禮無毀人以自成也

春秋左傳卷五

三才圖會

夏宋華定來聘通嗣君也
享之爲賦蓼蕭肅弗知又不
荅賦昭子曰必亡宴語之
不懷寵光之不宣令德之
不知同福之不受將何以
在齊侯衛侯鄭伯如晉朝

嗣君也公如晉至河乃復
取郟之役莒人愬于晉晉
有平公之喪未之治也故
辭公公子愁遂如晉晉侯
享諸侯子產相鄭伯辭於
享請免喪而後聽命晉人

春秋左傳卷五

三才圖會

許之禮也晉侯以齊侯宴
中行穆子相投壺晉侯先
穆子曰有酒如淮有肉如
坻寡君中此爲諸侯師中
之齊侯舉矢曰有酒如澠
有肉如陵寡人中此與君

伐興亦中之伯瑕謂穆子曰子失辭吾固師諸侯矣壺何爲焉其以中雋也齊君弱吾君歸弗來矣穆子曰吾軍帥彊禦卒乘競勸今猶古也齊將何事公孫

春秋左傳卷三

卷三

搜趨進曰日旰君勤可以出矣以齊侯出楚子謂成虎若教之餘也遂殺之或譖成虎於楚子成虎知之而不能行書曰楚殺其大夫成虎懷寵也六月葬鄭

簡公晉荀吳僞會齊師者假道於鮮虞遂入昔陽秋八月壬午滅肥以肥子緜皐歸周原伯絞虐其輿臣使曹逃冬十月壬申朔原輿人逐絞而立公子跪尋

春秋左傳卷三

卷三

絞奔郊甘簡公無子立其弟過過將去成景之族成景之族賂劉獻公丙申殺甘悼公而立成公之孫鮑丁酉殺獻太子之傅庚皮之子過殺瑕辛于市及宮

嬖綽王孫沒劉州鳩陰忌
老陽子季平子立而不禮
於南蒯南蒯謂子仲吾出
季氏而歸其室於公子更
其位我以費爲公臣子仲
許之南蒯語叔仲穆子且

春秋左傳卷之三

平陽忍堂

告之故季悼子之卒也叔
孫昭子以再命爲卿及平
子伐莒克之更受三命叔
仲子欲構二家謂平子曰
三命踰父兄非禮也平子
曰然故使昭子昭子曰叔

孫氏有家禍殺適立庶故
婁也及此若因禍以斃之
則聞命矣若不廢君命則
固有著矣昭子朝而命吏
曰婁將與季氏訟書辭無
頗季孫懼而歸罪於叔仲

春秋左傳卷之三

平陽忍堂

子故叔仲小南蒯公子慙
謀季氏慙告公而遂從公
如晉南蒯懼不克以費叛
如齊子仲還及衛聞亂逃
介而先及郊聞費叛遂奔
齊南蒯之將叛也其鄉人

或知之過之而歎且言曰
恤恤乎湫乎攸乎深思而
淺謀邇身而遠志家臣而
君圖有人矣哉南蒯枚筮
之遇坤䷁之比䷇曰黃
裳元吉以爲大吉也示子

春秋左傳卷三

昭公二十二年

服惠伯曰即欲有事何如
惠伯曰吾嘗學此矣忠信
之事則可不然必敗外彊
內溫忠也和以率貞信也
故曰黃裳元吉黃中之色
也裳下之飾也元善之長

也中不忠不得其色下不
共不得其飾事不善不得
其極外內倡和爲忠率事
以信爲共供養三德爲善
非此三者弗當且夫易不
可以占險將何事也且可

春秋左傳卷三

昭公二十二年

飾乎中美能黃上美爲元
下美則裳參成可筮猶有
闕也筮雖吉未也將適費
飲鄉人酒鄉人或歌之曰
我有圃生之杞乎從我者
子乎去我者鄙乎倍其鄰

者恥乎已乎已乎非吾黨之士乎平子欲使昭子逐叔仲小小聞之不敢朝昭子命吏謂小待政於朝曰吾不爲怨府楚子狩于州來次于潁尾使蕩侯潘子

春秋左傳卷三十一

四西顧忍堂

司馬督又目嚙尹午陵尹喜帥師圍徐以懼吳楚子次于乾谿以爲之援雨雪王皮冠秦復陶翠被豹舄執鞭以出僕析父從右尹子革夕王見之去冠被舍鞭與

之語曰昔我先王熊繹與呂級王孫牟變父禽父並事康王四國皆有分我獨無有今吾使人於周求鼎以爲分王其與我乎對曰與君王哉昔我先王熊繹

春秋左傳卷三十一

四西顧忍堂

辟在荆山篳路藍縷以處草莽跋涉山林以事天子唯是桃弧棘矢以共禦王事齊王舅也晉及魯衛王母弟也楚是以無分而彼皆有今周與四國服事君

王將唯命是從豈其愛鼎
王曰昔我皇祖伯父昆吾
舊許是宅今鄭人貪賴其
田而不我與我若求之其
與我乎對曰與君王哉周
不愛鼎鄭敢愛田王曰昔

春秋左傳卷三十一

四十五 陋忍堂

諸侯遠我而畏晉今我大
城陳蔡不羹美賦皆千乘子
與有勞焉諸侯其畏我乎
對曰畏君王哉是四國者
專足畏也又加之以楚敢
不畏君王哉尹路請曰

君王命剥圭以爲鍼秘敢
請命王入視之析父謂子
革吾子楚國之望也今
與王言如響晉國其若之何
子革曰摩厲以須王出吾
刃將斬矣王出復語左史

春秋左傳卷三十一

四十六 陋忍堂

倚相趨過王曰是良史也
子善視之是能讀三墳五
典八索九丘對曰臣嘗問
焉昔穆王欲肆其心周行
天下將皆必有車轍馬跡
焉祭公謀父作祈招之詩

以止王心王是以獲沒於
祗宮臣問其詩而不知也
若問遠焉其焉能知之王
曰子能乎對曰能其詩曰
祈招之惇惇式昭德音思
我王度式如玉式如金形

卷之五

聖而愚堂

已之力而無醉飽之心王
捐而入饋不食寢不寐數
日不能自克以及於難仲
尼曰古也有志克己復禮
仁也信善哉楚靈王若能
如是豈其辱於乾谿晉伐

鮮虞因肥之役也

春秋卷第廿二

卷之五

聖而愚堂

春秋經傳集解昭四第廿三

杜氏 盡十七年

經十有三年春叔弓帥師
圍費夏四月楚公子比自
晉歸于楚弑其君虔于乾

春秋左傳卷三

十一 昭公

谿楚公子弃疾殺公子比
秋公會劉子晉侯齊侯宋
公衛侯鄭伯曹伯莒子邾
子滕子薛伯杞伯小邾子
于平丘八月甲戌同盟于
平丘公不與盟晉人執季

孫意如以歸公至自會蔡
侯廬歸于蔡陳侯吳歸于

陳冬十月葬蔡靈公公如

晉至河乃復吳滅州來

傳十三年春叔弓圍費弗

克敗焉平子怒令見費人

春秋左傳卷三

十二 昭公

執之以爲囚俘冶區夫曰
非也若見費人寒者衣之
飢者食之爲之令主而共
其乏困費來如歸南氏亡
矣臣將叛之誰與居邑若
憚之以威懼之以怒臣疾

而叛爲之聚也若諸侯皆然費人無歸不親南氏將焉入矣平子從之費人叛南氏楚子之爲令尹也殺大司馬遠掩而取其室及即位奪遠居田遷許而質

春秋左傳卷三十一

三南忍堂

許圍蔡洧有寵於王王之滅蔡也其父死焉王使與於守而行申之會越大夫戮焉王奪闕韋龜中犍又奪成然邑而使爲郊尹蔓成然故事蔡公故遠氏之

族及遠居許圍蔡洧蔓成然皆王所不禮也因羣喪職之族啓越大夫常壽過作亂圍固城克息舟城而居之觀起之死也其子從在蔡事朝吳曰今不封蔡

春秋左傳卷三十一

四南忍堂

蔡不封矣我請試之以蔡公之命召子干子皙及郊而告之情強與之盟入襲蔡蔡公將食見之而逃觀從使子干食坎用牲加書而速行已徇於蔡曰蔡公

召二子將納之與之盟而遣之矣將師而從之蔡人聚將執之辭曰失賊成軍而殺余何益乃釋之朝吳曰二三子若能死亡則如違之以待所濟若求安定

春秋左傳卷三十三

五兩忍堂

則如與之以濟所欲且違上何適而可衆曰與之乃奉蔡公召二子而盟于鄧依陳蔡人以國楚公子比公子黑肱公子弃疾蔓成然蔡朝吳帥陳蔡不義美許

菜之師因四族之徒以入楚及郊陳蔡欲爲名故請爲武軍蔡公知之曰欲速且役病矣請藩而已乃藩爲軍蔡公使須務牟與史狎先入因正僕人殺大子

春秋左傳卷三十三

六兩忍堂

祿及公子罷敵公子比爲王公子黑肱爲令尹次于魚陂公子弃疾爲司馬先除王宮使觀從從師于乾谿而遂告之且曰先歸復所後者劓師及訾梁而潰

王聞羣公子之死也自投于車下曰人之愛其子也亦如余乎侍者曰甚焉小人老而無子知擠于溝壑矣王曰余殺人子多矣能無及此乎右尹子革曰請

卷之二十一

卷之二十一

待于郊以聽國人王曰衆怒不可犯也曰若入於大都而乞師於諸侯王曰皆叛矣曰若亡於諸侯以聽大國之圖君也王曰大福不再祇取辱焉然丹乃歸

于楚王汭夏將欲入鄢芋尹無宇之子申亥曰吾父再奸王命王弗誅惠孰大焉君不可忍惠不可弃吾其從王乃求王遇諸棘闈以歸夏五月癸亥王縊于芋

卷之二十一

卷之二十一

尹申亥氏申亥以其二女殉而葬之觀從謂子干曰不殺棄疾雖得國猶受禍也子干曰余不忍也子玉曰人將忍子吾不忍俟也乃行國每夜駭曰王入矣乙

卯夜弃疾使周走而呼曰
王至矣國人大驚使蔓成
然走告子干子皙曰王至
矣國人殺君司馬將來矣
君若早自圖也可以無辱
衆怒如水火焉不可爲謀

春秋左傳卷之三

九節忠堂

又有呼而走至者曰衆至
矣二子皆自殺丙辰弃疾
即位名曰熊居葬子干于
訾實訾教殺囚衣之王服
而流諸漢乃取而葬之以
靖國人使子旗爲令尹楚

師還自徐吳人敗諸豫章
獲其五帥平王封陳蔡復
遷邑致羣賂施舍寬民宥
罪舉職召觀從王曰唯爾
所欲對曰臣之先佐開卜
乃使爲卜尹使枝如子躬

春秋左傳卷之三

十節忠堂

聘于鄭且致驪牛櫟之田事
畢弗致鄭人請曰聞諸道
路將命寡君以驪牛櫟敢請
命對曰臣未聞命旣復王
問驪牛櫟降服而對曰臣過
失命未之致也王執其手

曰子毋勤姑歸不穀有事其告子也他年芋尹申亥以王樞告乃改葬之初靈王卜曰余尚得天下不吉投龜詬天而呼曰是區區者而不余畀余必自取之

春秋左傳卷三十三

主顧忍堂

已患王之無厭也故從亂如歸初共王無豕適有寵子五人無適立焉乃大有事于羣望而祈曰請神擇於五人者使主社稷乃徧以璧見於羣望曰當璧而

春秋左傳卷三十三

主顧忍堂

拜者神所立也誰敢違之既乃與巴姬密埋璧於大室之庭使五人齋而長入拜康王跨之靈王肘加焉子干子皙皆遠之平王弱抱而入再拜皆厭紐鬬韋龜屬成然焉且曰弃禮違命楚其危哉子干歸韓宣子問於叔向曰子干其濟乎對曰難宣子曰同惡相求如市賈焉何難對曰無與同好誰與同惡取國有

五難有寵而無人一也有
人而無主二也有主而無
謀三也有謀而無臣四也
有臣而無德五也子干在
晉十三年矣晉楚之從不
聞達者可謂無人族盡親

春秋左傳卷三十三

十四
耐忍堂

叛可謂無主無變而動可

謂無謀為羈終世可謂無
臣亡無愛徵可謂無德王
虐而不忌楚君子干涉五
難以弑舊君誰能濟之有
楚國者其弃疾乎君陳蔡

城外屬焉苛慝不作盜賊
伏隱私欲不違臣無怨心
先神命之國臣信之羊姓
有亂必季實立楚之常也
獲神一也有臣二也令德
三也寵貴四也居常五也

春秋左傳卷三十三

十四
耐忍堂

有五利以去五難誰能害
之子干之官則右尹也數
其貴寵則庶子也以神所
命則又遠之其貴亡矣其
寵弃矣臣無懷焉國無與
焉將可以立宣子曰齊桓

晉文不亦是乎對曰齊桓
衛姬之子也有寵於僖有
鮑叔牙賓須無隰朋以爲
輔佐有莒衛以爲外主有
國高以爲內主從善如流
下善齊肅不藏賄不從欲

春秋左傳卷三十一

孟西忍堂

施舍不倦求善不厭是以
有國不亦宜乎我先君文
公狐季姬之子也有寵於
獻好學而不貳生十七年
有士五人有先大夫子餘
子犯以爲腹心有魏騅牛賈

佗以爲股肱有齊宋秦楚
以爲外主有欒卻狐先以
爲內主亡十九年守志彌
篤惠懷弃已已從而與之
獻無異親已無異望天方
相晉將何以代文此二君

春秋左傳卷三十一

孟西忍堂

者異於子干共有寵子國
有與主無施於民無援於
外去晉而不送歸楚而不
逆何以異國晉成虎祁諸
侯朝而歸者皆有貳心爲
取郟故晉將以諸侯來討

叔向曰諸侯不可以不示威乃並徵會告于吳秋晉侯會吳子于良水道不可吳子辭乃還七月丙寅治兵于邾南甲車四千乘羊舌鮒攝司馬遂合諸侯于

春秋左傳卷三

平丘子產子大叔相鄭伯

平丘子產子大叔相鄭伯以會子產以幄幕九張行子大叔以四十旣而悔之每舍損焉及會亦如之次于衛地叔鮒求貨於衛淫芻蕘者衛人使屠伯饋叔

向義美與一篋錦曰諸侯事晉未敢攜貳況衛在君之宇下而敢有異志芻蕘者異於他日敢請之叔向受義美反錦曰晉有羊舌鮒者瀆貨無厭亦將及矣爲此

春秋左傳卷三

平丘子產子大叔相鄭伯

役也子若以君命賜之其已客從之未退而禁之晉人將尋盟齊人不可晉侯使叔向告劉獻公曰抑齊人不盟若之何對曰盟以底信君苟有信諸侯不

貳何患焉告之以文辭董之以武師雖齊不許君庸多矣天子之老請帥王賦元戎十乘以先啓行遲速唯君叔向告于齊曰諸侯求盟已在此矣今君弗利

春秋左傳卷三十三

九爾忍堂

寡君以爲請對曰諸侯討貳則有尋盟若皆用命何盟之尋叔向曰國家之敗有事而無業事則不經有業而無禮經則不序有禮而無威序則不共有威而

不昭共則不明不明棄共百事不終所由傾覆也是故明王之制使諸侯歲聘以志業間朝以講禮再朝而會以示威再會而盟以顯昭明志業於好講禮於

春秋左傳卷三十三

十爾忍堂

等示威於衆昭明於神自古以來未之或失也存亡之道恒由是興晉禮主盟懼有不治奉承齊犧而布諸君求終事也君曰余必廢之何齊之有唯君圖之

寡君聞命矣齊人懼對曰
小國言之大國制之敢不
聽從既聞命矣敬共以往
遲速唯君叔向曰諸侯有
間矣不可以不示衆八月
辛未治兵建而不旆壬申

春秋左傳卷三十三

王爾忍堂

復旆之諸侯畏之邾人莒
人愬于晉曰魯朝夕伐我
幾亡矣我之不共魯故之
以晉侯不見公使叔向來
辭曰諸侯將以甲戌盟寡
君知不得事君矣請君無

勤子服惠伯對曰君信蠻
夷之訴以絕兄弟之國弃
周公之後亦唯君寡君聞
命矣叔向曰寡君有甲車
四千乘在雖以無道行之
必可畏也況其率道其何

春秋左傳卷三十三

王爾忍堂

敵之有牛雖瘠僨於豚上
其畏不死南蒯子仲之憂
其庸可弃乎若奉晉之衆
用諸侯之師因邾莒杞郕
之怒以討魯罪閒其二憂
何求而弗克魯人懼聽命

甲戌同盟于平丘齊服也
令諸侯日中造于除癸酉
退朝子產命外僕速張於
除子大叔止之使待明日
及夕子產聞其未張也使
速往乃無所張矣及盟子

春秋左傳卷之五

卷之五

產爭承曰昔天子班貢輕
重以列列尊貢重周之制
也卑而貢重者甸服也鄭
伯男也而使從公侯之貢
懼弗給也敢以爲請諸侯
靖兵好以爲事行理之命

春秋左傳卷之五

卷之五

無月不至貢之無藝小國
有闕所以得罪也諸侯脩
盟存小國也貢獻無極亡
可待也存亡之制將在今
矣自日中以爭至于昏晉
人許之既盟子大叔咎之

曰諸侯若討其可瀆乎子
產曰晉政多門貳偷之不
暇何暇討國不競亦陵何
國之爲公不與盟晉人執
季孫意如以幕蒙之使狄
人守之司鐸射懷錦奉壺

飲冰以蒲伏焉守者御之
乃與之錦而入晉人以平
子歸子服湫從子產歸未
至聞子皮卒哭且曰吾已
無爲爲善矣唯夫子知我
仲尼謂子產於是行也足

春秋左傳卷三十三

王孟忍堂

以爲國基矣詩曰樂旨君
子邦家之基子產君子之
求樂者也且曰合諸侯藝
貢事禮也鮮虞人聞晉師
之悉起也而不敬言邊且不
脩備晉荀吳自著雍以上

軍侵鮮虞及中人驅衝競
大獲而歸楚之滅蔡也靈
王遷許胡沈道房申於荆
焉平王即位旣封陳蔡而
皆復之禮也隱大子之子
廬歸于蔡禮也悼大子之

春秋左傳卷三十三

王孟忍堂

子吳歸于陳禮也冬十月
葬蔡靈公禮也公如晉荀
吳謂韓宣子曰諸侯相朝
講舊好也執其卿而朝其
君有不好焉不如辭之乃
使士景伯辭公于河吳滅

州來令尹子旗請伐吳王弗許曰吾未撫臣人未事鬼神未脩守備未定國家而用臣力敗不可悔州來在吳猶在楚也子姑待之季孫猶在晉子服惠伯私

春秋左傳卷五

平陽忠堂

於中行穆子曰魯事晉何以不如夷之小國魯兄弟也土地猶大所命能具若爲夷弃之使事齊楚其何瘳於晉親親與大賞共罰否所以爲盟主也子其圖

之諺曰臣一主二吾豈無大國穆子告韓宣子且曰楚滅陳蔡不能救而爲夷執親將焉用之乃歸季孫惠伯曰寡君未知其罪合諸侯而執其老若猶有罪

春秋左傳卷五

平陽忠堂

死命可也若曰無罪而惠免之諸侯不聞是逃命也何免之爲請從君惠於會宣子患之謂叔向曰子能歸季孫乎對曰不能鮒也能乃使叔魚叔魚見季孫

曰昔鮒也得罪於晉君自歸於魯君微武子之賜不至於今雖獲歸骨於晉猶子則肉之敢不盡情歸子而不歸鮒也聞諸吏將爲子除館於西河其若之何

春秋左傳卷三

先師忠堂

且泣平子懼先歸惠伯待禮經十有四年春意如至自晉三月曹伯滕卒夏四月秋葬曹武公八月莒子去疾卒冬莒殺其公子意恢

傳十四年春意如至自晉尊晉罪己也尊晉罪己禮也南蒯之將叛也盟費人司徒老祁慮癸僞廢疾使請於南蒯曰臣願受盟而疾興若以君靈不死請待

春秋左傳卷三

先師忠堂

閒而盟許之二子因已之欲叛也請朝衆而盟遂劫南蒯曰羣臣不忘其君畏子以及今年聽命矣子若弗圖費人不忍其君將不能畏子矣子何所不逞

欲請送子請期五日遂奔
齊侍飲酒於景公公曰叛
夫對曰臣欲張公室也子
韓皙曰家臣而欲張公室
罪莫大焉司徒老祁慮癸
來歸費齊侯使鮑文子致

春秋左傳卷三

孟子卷三

之夏楚子使然丹簡上國
之兵於宋丘且撫其已分
貧振窮長孤幼養老疾收
介特救災患宥孤寡赦罪
戾詰姦慝舉淹滯禮新敘
舊祿勲合親任良物官使

屈罷簡東國之兵於召陵
亦如之好於邊疆息已五
年而後用師禮也秋八月
莒著丘公卒郊公不感國
人弗順欲立著丘公之弟
庚與蒲餘侯惡公子意恢

春秋左傳卷三

孟子卷三

而善於庚與郊公惡公子
鐸而善於意恢公子鐸因
蒲餘侯而與之謀曰爾殺
意恢我出君而納庚與許
之楚令尹子旗有德於王
不知度與養氏比而求無

厭王患之九月甲午楚子殺鬬成然而滅養氏之族使鬬辛居鄖以無忘舊勲冬十二月蒲餘侯茲夫殺莒公子意恢郊公奔齊公子鐸逆庚輿於齊齊隰黨

春秋左傳卷三

韋南忠堂

公子鉏送之有賂田晉邢侯與雍子爭鄆田久而無成士景伯如楚叔魚攝理韓宣子命斷舊獄罪在雍子雍子納其女於叔魚叔魚被罪邢侯怒殺叔

魚與雍子於朝宣子問其罪於叔向叔向曰三人同罪施生戮死可也雍子自知其罪而賂以買直鮒也鬻獄邢侯專殺其罪一也已惡而掠美爲昏貪以敗

春秋左傳卷三

韋南忠堂

官爲墨殺人不忌爲賊夏書曰昏墨賊殺皐陶之刑也請從之乃施邢侯而尸雍子與叔魚於市仲尼曰叔向古之遺直也治國制刑不隱於親三數叔魚之

惡不爲末減曰義也夫可
謂直矣平丘之會數其賄
也以寬衛國晉不爲暴歸
魯季孫稱其詐也以寬魯
國晉不爲虐邢侯之獄言
其貪也以正刑書晉不爲

春秋左傳卷三十一

孟子卷三十一

頗三言而除三惡加三利
殺親益榮猶義也夫
經十有五年春王正月吳
子夷末卒二月癸酉有事
于武宮籥入叔弓卒去樂
卒事夏蔡朝吳出奔鄭六

月丁巳朔日有食之秋晉
荀吳帥師伐鮮虞冬公如
晉

傳十五年春將禘于武公
戒百官梓慎曰禘之日其
有咎乎吾見赤黑之祲非

春秋左傳卷三十一

孟子卷三十一

祭祥也喪氛也其在泣事
乎二月癸酉禘叔弓泣事
籥入而卒去樂卒事禮也
楚費無極害朝吳之在蔡
也欲去之乃謂之曰王唯
信子故處子於蔡子亦長

矣而在下位辱必求之吾
助子請又謂其上之人曰
王唯信吳故處諸蔡二三
子莫之如也而在其上不
亦難乎弗圖必及於難夏
蔡人逐朝吳朝吳出奔鄭

春秋左傳卷三

王昭思堂

王怒曰余唯信吳故寘諸
蔡且微吳吾不及此女何
故去之無極對曰臣豈不
欲吳然而前知其爲人之
異也吳在蔡蔡必速飛去
吳所以翦其翼也六月乙

丑王太子壽卒秋八月戊
寅王穆后崩晉荀吳帥師
伐鮮虞圍鼓鼓人或請以
城叛穆子弗許左右曰師
徒不勤而可以獲城何故
不爲穆子曰吾聞諸叔向

春秋左傳卷三

王昭思堂

曰好惡不愆臣知所適事
無不濟或以吾城叛吾所
甚惡也人以城來吾獨何
好焉賞所甚惡若所好
何若其弗賞是失信也何
以庇臣力能則進否則退

量力而行吾不可以欲城而通茲所喪滋多使鼓人殺叛人而繕守備圍鼓三月鼓人或請降使其已見曰猶有食色姑脩而城軍吏曰獲城而弗取勤已而

春秋左傳卷五

卷五

頓兵何以事君穆子曰吾以事君也獲一邑而教已怠將焉用邑邑以賈怠不如完舊賈怠無卒弃舊不祥鼓人能事其君我亦能事吾君率義不爽好惡不

愆城可獲而已知義所有死命而無二心不亦可乎鼓人告食竭力盡而後取之克鼓而反不戮一人以鼓子戴鞮歸冬公如晉平丘之會故也十二月晉荀

春秋左傳卷五

卷五

躒如周葬穆后籍談爲介既葬除喪以文伯宴樽以魯壺王曰伯氏諸侯皆有以鎮撫王室晉獨無有何也文伯揖籍談對曰諸侯之封也皆受明器於王室

以鎮撫其社稷故能薦彝
器於王晉居深山戎狄之
與鄰而遠於王室王靈不
及拜戎不暇其何以獻器
王曰叔氏而忘諸乎叔父
唐叔成王之母弟也其反

春秋左傳

卷三

無分乎密須之鼓與其大
路文所以大蒐也闕玃革
之甲武所以克商也唐
叔受之以虘參虛匡有戎
獲其後襄之二路鉞鉞鉅
鬲彤弓虎賁文公受之以

有南陽之田撫征東夏非
分而何夫有勲而不廢有
績而載奉之以土田撫之
以彝器旌之以車服明之
以文章子孫不忘所謂福
也福祚之不登叔父焉在

春秋左傳

卷三

且昔而高祖孫伯鸞司晉
之典籍以爲大政故曰籍
氏及平有之二子董之晉
於是乎有董史女司典之
後也何故忘之籍談不能
對賓出王曰籍父其無後

乎數典而忘其祖籍談歸以告叔向叔向曰王其不終乎吾聞之所樂必卒焉今王樂憂若卒以憂不可謂終王一歲而有三年之喪二焉於是乎以喪賓宴

春秋左傳卷三

聖廟忠堂

又求彝器樂憂甚矣且非禮也彝器之來嘉功之由非由喪也三年之喪雖貴遂服禮也王雖弗遂宴樂以早亦非禮也禮王之大經也一動而失二禮無大

經矣言以考典典以志經忘經而多言舉典將焉用之

經十有六年齊侯伐徐楚子誘戎蠻子殺之夏公至自晉秋八月己亥晉侯夷

春秋左傳卷三

聖廟忠堂

卒九月大雩季孫意如如晉冬十月葬晉昭公傳十六年春王正月公在晉晉人止公不書諱之也齊侯伐徐楚子聞蠻氏之亂也與蠻子之無質也使然

丹誘戎蠻子嘉殺之遂取
蠻氏既而復立其子焉禮
也二月丙申齊師至于蒲
隧徐人行成徐子及邾人
莒人會齊侯盟于蒲隧賂
以甲父之鼎叔孫昭子曰

春秋左傳卷三十三

哀公十四年

諸侯之無伯害哉齊君之
無道也興師而伐遠方會
之有成而還莫之亢也無
伯也夫詩曰宗周既滅靡
所止戾正大夫離居莫知
我肄其是之謂乎三月晉

韓起聘于鄭鄭伯享之子
產戒曰苟有位於朝無有
不共恪孔張後至立於客
間執政禦之適客後又禦
之適縣間客從而笑之事
畢富子諫曰夫大國之人

春秋左傳卷三十三

哀公十四年

不可不慎也幾爲之笑而
不陵我我皆有禮夫猶鄙
我國而無禮何以求榮孔
張失位吾子之恥也子產
怒曰發命之不衷出令之
不信刑之頗類獄之放紛

會朝之不敬使命之不聽
取陵於大國罷民而無功
罪及而弗知僑之恥也孔
張君之昆孫子孔之後也
執政之嗣也爲嗣大夫承
命以使周於諸侯國人所

春秋左傳卷十三

哀公十四年

尊諸侯所知立於朝而祀
於家有祿於國有賦於軍
喪祭有職受脤歸脤其祭
在廟已有著位在位數世
世守其業而忘其所僑焉
得恥之辟邪之人而皆及

執政是先王無刑罰也子
寧以他規我宣子有環其
一在鄭商宣子謁諸鄭伯
子產弗與曰非官府之守
器也寡君不知子大叔子
羽謂子產曰韓子亦無幾

春秋左傳卷十三

哀公十四年

求晉國亦未可以貳晉國
韓子不可偷也若屬有讒
人交鬪其間鬼神而助之
以興其凶怒悔之何及吾
子何愛於一環其以取憎
於大國也盍求而與之子

產曰吾非偷晉而有二心將終事之是以弗與忠信故也僑聞君子非無賄之難立而無令名之患僑聞爲國非不能事大字小之難無禮以定其位之患夫

春秋左傳卷三

兜陌忍堂

大國之人令於小國而皆獲其求將何以給之一共一否爲罪滋大大國之求無禮以斥之何厭餐之有吾且爲鄙邑則失位矣若韓子奉命以使而求玉焉貪

淫甚矣獨非罪乎出一玉以起二罪吾又失位韓子成貪將焉用之且吾以玉賈罪不亦銳乎韓子買諸賈人旣成賈矣商人曰必告君大夫韓子請諸子產

春秋左傳卷三

五陌忍堂

曰日起請夫環執政弗義弗敢復也今買諸商人商人曰必以聞敢以爲請子產對曰昔我先君桓公與商人皆出自周庸次比耦以艾殺此地斬之蓬蒿藜

藿而共處之世有盟誓以相信也曰爾無我叛我無強賈毋或勾奪爾有利市寶賄我勿與知恃此質誓故能相保以至于今今吾子以好來辱而謂敝邑強

景刊唐開成石經附賈刻孟子嚴氏校文

孟子卷之七

奪商人是教敝邑背盟誓也毋乃不可乎吾子得玉而失諸侯必不爲也若大國令而共無藝鄭鄙邑也亦弗爲也僑若獻玉不知所成敢私布之韓子辭玉

曰起不敏敢求玉以徼二罪敢辭之夏四月鄭六卿餞宣子於郊宣子曰二三君子請皆賦起亦以知鄭志子蠹賦野有蔓草宣子曰孺子善哉吾有望矣子

景刊唐開成石經附賈刻孟子嚴氏校文

孟子卷之七

產賦鄭之羔裘宣子曰起不堪也子大叔賦褰裳宣子曰起在此敢勤子至於他人乎子大叔拜宣子曰善哉子之言是不有是事其能終乎子游賦風雨子

旗賦有女同車子柳賦擗
兮宣子喜曰鄭其庶乎二
三君子以君命貺起賦不
出鄭志皆昵燕好也二三
君子數世之主也可以無
懼矣宣子皆獻馬焉而賦

春秋左傳卷三十三

五季 耐忍堂

我將子產拜使五卿皆拜
曰吾子靖亂敢不拜德宣
子私覲於子產以玉與馬
曰子命起舍夫玉是賜我
玉而免吾死也敢不藉手
以拜公至自晉子服昭伯

語季平子曰晉之公室其
將遂卑矣君幼弱六卿彊
而奢傲將因是以習習實
爲常能無卑乎平子曰爾
幼惡識國秋八月晉昭公
卒九月大雩旱也鄭大旱

春秋左傳卷三十三

五季 耐忍堂

使屠擊祝款豎柎有事於
桑山斬其木不雨子產曰
有事於山藝山林也而斬
其木其罪大矣奪之官邑
冬十月季平子如晉葬昭
公平子曰子服回之言猶

信子服氏有子哉

經十有七年春小邾子來
朝夏六月甲戌朔日有食
之秋郟子來朝八月晉荀
吳帥師滅陸渾之戎冬有
星孛于大辰楚人及吳戰

春秋左傳卷三十一

韋而忍堂

于長岸

傳十七年春小邾穆公來
朝公與之燕季平子賦采
叔穆公賦菁菁者莪昭子
曰不有以國其能久乎夏
六月甲戌朔日有食之祝

史請所用幣昭子曰日有
食之天子不舉伐鼓於社
諸侯用幣於社伐鼓於朝
禮也平子禦之曰止也唯
正月朔慝未作日有食之
於是乎有伐鼓用幣禮也

春秋左傳卷三十一

韋而忍堂

其餘則否大史曰在此月
也日過分而未至三辰有
災於是乎百官降物君不
舉辟移時樂奏鼓祝用幣
史用辭故夏書曰辰不集
于房瞽奏鼓嗇夫馳庶人

走此月朔之謂也當夏四月是謂孟夏平子弗從昭子退曰夫子將有異志不君君矣秋郟子來朝公與之宴昭子問焉曰少皞氏鳥名官何故也郟子曰吾

春秋左傳卷三

卷三

祖也我知之昔者黃帝氏以雲紀故爲雲師而雲名炎帝氏以火紀故爲火師而火名共工氏以水紀故爲水師而水名太皞氏以龍紀故爲龍師而龍名我

高祖少皞摯之立也鳳鳥適至故紀於鳥爲鳥師而鳥名鳳鳥氏歷正也玄鳥氏司分者也伯趙氏司至者也青鳥氏司啓者也丹鳥氏司閉者也祝鳩氏司

春秋左傳卷三

卷三

徒也鵠鳩氏司馬也鵠鳩氏司空也爽鳩氏司寇也鵠鳩氏司事也五鳩鳩氏者也五雉爲五工正利器用正度量夷已者也九扈爲九農正扈已無淫者也

自顓頊以來不能紀遠乃紀於近爲已師而命以已事則不能故也仲尼聞之見於郊子而學之旣而告人曰吾聞之天子失官官學在四夷猶信晉侯使屠

春秋左傳卷三十三

李爾忍堂

蒯如周請有事於雒與三塗萇弘謂劉子曰客容猛非祭也其伐戎乎陸渾氏甚睦於楚必是故也君其備之乃警戎備九月丁卯晉荀吳帥師涉自棘津使

祭史先用牲于雒陸渾人弗知師從之庚午遂滅陸渾數之以其貳於楚也陸渾子奔楚其衆奔甘鹿周大獲宣子夢文公攜荀吳而授之陸渾故使穆子帥

春秋左傳卷三十三

李爾忍堂

師獻俘于文宮冬有星孛于大辰西及漢申須曰彗所以除舊布新也天事恒象今除於火火出必布焉諸侯其有火災乎梓慎曰往年吾見之是其徵也火

出而見今茲火出而章必
火入而伏其居火也久矣
其與不然乎火出於夏爲
三月於商爲四月於周爲
五月夏數得天若火作其
四國當之六物之占在宋衛陳鄭乎

春秋左傳卷三十三

奎二 顧忍堂

宋大辰之虛也陳大暉之
虛也鄭祝融之虛也皆火
房也星孛及漢漢水祥也
衛顓頊之虛也故爲帝丘
其星爲大水水火之牡也
其以丙子若壬午作乎水

火所以合也若火入而伏
必以壬午不過其見之月
鄭裨竈言於子產曰宋衛
陳鄭將同日火若我用瓘
斚玉瓚鄭必不火子產弗
與吳伐楚陽句爲令尹卜

春秋左傳卷三十三

奎二 顧忍堂

戰不吉司馬子魚曰我得
上流何故不吉且楚故司
馬令龜我請改卜令曰
魴也以其屬死之楚師繼
之尚大克之吉戰于長岸
子魚先死楚師繼之大敗

吳師獲其乘舟餘皇使隨
人與後至者守之環而斬
之及泉盈其隧炭陳以待
命吳公子光請於其衆曰
喪先王之乘舟豈唯光之
罪衆亦有焉請藉取之以

孟子卷之三

莊子卷之三

救死衆許之使長鬚者三
人潛伏於舟側曰我呼餘
皇則對師夜從之三呼皆
迭對楚人從而殺之楚師
亂吳人大敗之取餘皇以
歸

春秋卷第廿三

春秋左傳卷之三

書南史堂

春秋經傳集解昭文第廿四

杜氏 盡廿二年

經十有八年春王三月曹伯須卒夏五月壬午宋衛陳鄭災六月邾人入郕秋

春秋左傳卷二十四

二南忍堂

葬曹平公冬許遷于白羽傳十八年春王二月乙卯周毛得殺毛伯過而代之萇弘曰毛得必亡是昆吾稔之日也侈故之以而毛得以濟侈於王都不亡何

待三月曹平公卒夏五月火始昏見丙子風梓慎曰是謂融風火之始也七日其火作乎戊寅風甚壬午大甚宋衛陳鄭皆火梓慎登大庭氏之庫以望之曰

春秋左傳卷二十四

二南忍堂

宋衛陳鄭也數日皆來告火裨竈曰不用吾言鄭又將火鄭人請用之子產不可子大叔曰寶以保民也若有火國幾亡可以救亡子何愛焉子產曰天道遠

人道邇非所及也何以知之竈焉知天道是亦多言矣豈不或信遂不與亦不復火鄭之未災也里析告子產曰將有大祥已震動國幾亡吾身泯焉弗良及

春秋左傳卷十四

丰碩忍堂

也國遷其可乎子產曰雖可吾不足以定遷矣及火里析死矣未葬子產使輿三十人遷其柩火作子產辭晉公子公孫于東門使司寇出新客禁舊客勿出於

宮使子寬子上巡羣屏攝至于大宮使公孫登徙大龜使祝史徙主祔於周廟告于先君使府人庫人各敝其事商成公敝司宮出舊宮人寘諸火所不及司

春秋左傳卷十四

四碩忍堂

馬司寇列居火道行火所炊城下之人伍列登城明日使野司寇各保其徵郊人助祝史除於國北禳火于玄冥回祿祈于四鄩書焚室而寬其征與之材三

春秋左傳
卷二十四

五
百
忍
堂

春秋左傳
卷二十四

六
百忍堂

春秋左傳卷二四

廟北曰子產過女而命速
除乃毀於而向子產朝過
而怒之除者南毀子產及
衝使從者止之曰毀於北
方火之作也子產授兵登
陴子大叔曰晉無乃討乎

春秋左傳卷之六

卷之六

子產曰吾聞之小國忘守
則危況有災乎國之不可
小有備故也既晉之邊吏
讓鄭曰鄭國有災晉君大
夫不敢寧居卜筮走望不
愛牲玉鄭之有災寡君之

春秋左傳卷之六

卷之六

憂也今執事掎然授兵登
陴將以誰罪邊人恐懼不
敢不告子產對曰若吾子
之言敝邑之災君之憂也
敝邑失政天降之災又懼
讒慝之間謀之以啓貪人
荐爲敝邑不利以重君之
憂幸而不亡猶可說也不
幸而亡君雖憂之亦無及
也鄭有他竟望走在晉既
事晉矣其敢有二心楚左
尹王子勝言於楚子曰許

於鄭仇敵也而居楚地以
不禮於鄭晉鄭方睦鄭若
伐許而晉助之楚喪地矣
君盍遷許許不專於楚鄭
方有令政許曰余舊國也
鄭曰余俘邑也萊在楚國

春秋左傳卷二十四

九

方城外之蔽也土不可易
國不可小許不可俘讎不
可啓君其圖之楚子說冬
楚子使王子勝遷許於析
實白羽
經十有九年春宋公伐邾

夏五月戊辰許世子止弑
其君買己卯地震秋齊高
發帥師伐莒冬葬許悼公
傳十九年春楚工尹赤遷
陰于下陰令尹子瑕城邾
叔孫昭子曰楚不在諸侯

春秋左傳卷二十四

十

矣其僅自完也以持其世
而已楚子之在蔡也鄖陽
封人之女奔之生太子建
及即位使伍奢爲之師費
無極爲少師無寵焉欲譖
諸王曰建可室矣王爲之

聘於秦無極與逆勸王取之正月楚夫人羸氏至自秦鄆夫人宋向戌之女也故向寧請師二月宋公伐邾圍蟲三月取之乃盡歸鄆俘夏許悼公瘡五月戊

春秋左傳卷十四

士爾忍堂

辰飲太子止之藥卒太子

奔晉書曰弑其君君子曰

盡心力以事君舍藥物可也邾人邾人徐人會宋公乙亥同盟于蟲楚子爲舟師以伐濮費無極言於楚子

曰晉之伯也邇於諸夏而楚辟陋故弗能與爭若大城城父而寘太子焉以通北方王收南方是得天下也王說從之故太子建居于城父令尹子瑕聘于秦

春秋左傳卷十四

士爾忍堂

拜夫人也秋齊高發帥師伐莒莒子奔紀鄆使孫書伐之初莒有婦人莒子殺其夫已爲嫠婦及老託於紀鄆紡焉以度而去之及師至則投諸外或獻諸子

占子占使師夜縋而登登者六十人縋絕師鼓譟城上之人亦譟莒共公懼啓西門而出七月丙子齊師入紀是歲也鄭駟偃卒子游娶於晉大夫生絲弱其

春秋左傳卷十四

韋南忠堂

父兄立子瑕子產憎其爲人也且以爲不順弗許亦弗止駟氏聳他日絲以告其舅冬晉人使以幣如鄭問駟乞之立故駟氏懼駟乞欲逃子產弗遣請龜以

卜亦弗予大夫謀對子產不待而對客曰鄭國不天寡君之二三臣札瘥夭昏今又喪我先大夫偃其子幼弱其一二父兄懼墜宗主私族於謀而立長親寡

春秋左傳卷十四

韋南忠堂

君與其二三老曰抑天實剥亂是吾何知焉諺曰無過亂門已有亂兵猶憚過之而況敢知天之所亂今大夫將問其故抑寡君實不敢知其誰實知之平丘

之會君尋舊盟曰無或失
職若寡君之二三臣其即
世者晉大夫而專制其位
是晉之縣鄙也何國之爲
辭客幣而報其使晉人舍
之楚人城州來沈尹戌曰

春秋左傳卷三

十一
孟惠堂

楚人必敗昔吳滅州來子
旗請伐之王曰吾未撫吾
已今亦如之而城州來以
挑吳能無敗乎侍者曰王
施舍不倦息已五年可謂
撫之矣戌曰吾聞撫已者節

用於內而樹德於外已樂
其性而無寇讎今宮室無
量已人日駭勞罷死轉忘
寢與食非撫之也鄭大水
龍鬪于時門之外洧浞國
人請爲禳焉子產弗許曰

春秋左傳卷三

十一
孟惠堂

我鬪龍不我覲也龍鬪我獨
何覲焉禳之則彼其室也
吾無求於龍龍亦無求於
我乃止也令尹子瑕言蹶由
於楚子曰彼何罪諺所謂
怒於室而色於市者楚之謂

矣舍前之忿可也乃歸蹶由
經十年春王正月夏曹公
孫會自鄆出奔宋秋盜殺
衛侯之兄縶冬十月宋華
亥向寧華定出奔陳十有
一月辛卯蔡侯廬卒

春秋左傳卷二十四

大南忠堂

傳十年春王二月己丑日
南至梓慎望氛曰今茲宋
有亂國幾亡三年而後弭
蔡有大喪叔孫昭子曰然
則戴桓也汰侈無禮已甚
亂所在也費無極言於楚

子曰建與伍奢將以方城
之外叛自以爲猶宋鄭也
齊晉又交輔之將以害楚
其事集矣王信之問伍奢
伍奢對曰君一過多矣何
信於讒王執伍奢使城父

春秋左傳卷二十四

大南忠堂

司馬奮揚殺太子未至而
使遣之三月太子建奔宋
王召奮揚奮揚使城父人
執已以至王曰言出於余
口入於爾耳誰告建也對
曰臣告之君王命臣曰事

建如事余臣不佞不能苟
貳奉初以還不忍後命故
遣之既而悔之亦無及已
王曰而敢來何也對曰使
而失命召而不來是再奸
也逃無所入王曰歸從政

春秋左傳卷十四

九節忍堂

如他日無極曰奢之子材
若在吳必憂楚國盍以免
其父召之彼仁必來不然
將爲患王使召之曰來吾
免而父棠君尚謂其弟負
曰爾適吳我將歸死吾知

不逮我能死爾能報聞免
父之命不可以莫之奔也
親戚爲戮不可以莫之報
也奔死免父孝也度功而
行仁也擇任而往知也知
死不辟勇也父不可弃名

春秋左傳卷十四

十節忍堂

不可廢爾其勉之相從爲
愈伍尚歸奢聞負不來曰
楚君大夫其盱食乎楚人
皆殺之負如吳言伐楚之
利於州于公子光曰是宗
爲戮而欲反其讎不可從

也負曰彼將有他志余姑爲之求士而鄙以待之乃見鱄設諸焉而耕於鄙宋元公無信多私而惡華向華定華亥與向寧謀曰亡愈於死先諸華亥僞有

春秋左傳 卷二十四

主三耐忍堂

疾以誘羣公子公子問之則執之夏六月丙申殺公子寅公子御戎公子朱公子固公孫援公孫丁拘向勝向行於其廩公如華氏請焉弗許遂劫之癸卯取

大子欒與母弟辰公子地以爲質公亦取華亥之子無憾向寧之子羅華定之子啓與華氏盟以爲質衛公孟縶狎齊豹奪之司寇與鄆有役則反之無則取

春秋左傳 卷二十四

主三耐忍堂

之公孟惡北宮喜褚師圃欲去之公子朝通于襄夫人宣姜懼而欲以作亂故齊豹北宮喜褚師圃公子朝作亂初齊豹見宗魯於公孟爲驂乘焉將作亂而謂

之曰公孟之不善子所知也勿與乘吾將殺之對曰吾由子事公孟子假吾名焉故不吾遠也雖其不善吾亦知之抑以利故不能去是吾過也今聞難而

孟子卷之六

孟子卷之六

逃是僭子也子行事乎吾將死之以周事子而歸死於公孟其可也丙辰衛侯在平壽公孟有事於蓋獲之門外齊子氏帷於門外而伏甲焉使祝鼃寘戈於

孟子卷之六

孟子卷之六

車薪以當門使一乘從公孟以出使華齊御公孟宗魯驂乘及閔中齊氏用戈擊公孟宗魯以背蔽之斷肱以中公孟之肩皆殺之公聞亂乘驅自閔門入慶比御公公南楚驂乘使華寅乘貳車及公宮鴻駟駟乘于公公載寶以出褚師子申遇公于馬路之衢遂從過齊氏使華寅肉袒執蓋以當其闕齊氏射公中南

楚之背公遂出寅閉郭門
踰而從公公如死烏析朱
鉏宵從竇出徒行從公齊
侯使公孫青聘于衛旣出
聞衛亂使請所聘公曰猶
在竟內則衛君也乃將事

春秋左傳卷二十四

王肅忍堂

焉遂從諸死烏請將事辭
曰亡人不佞失守社稷越
在草莽吾子無所辱君命
賓曰寡君命下臣於朝曰
阿下執事臣不敢貳主人
曰君若惠顧先君之好昭

臨敝邑鎮撫其社稷則有
宗祧在乃止衛侯固請見
之不獲命以其良馬見爲
未致使故也衛侯以爲乘
馬賓將攝主人辭曰亡人
之憂不可以及吾子草莽

春秋左傳卷二十四

王肅忍堂

之中不足以辱從者敢辭
賓曰寡君之下臣君之牧
圉也若不獲扞外役是不
有寡君也臣懼不免於戾
請以除死親執鐸終夕與
於燎齊氏之宰渠子召

北宮子北宮氏之宰不與
聞謀殺渠子遂伐齊氏滅
之丁巳晦公入與北宮喜
盟于彭水之上秋七月戊
午朔遂盟國人八月辛亥
公子朝褚師圃子玉霄子

春秋左傳卷十四

韋昭注

高魴出奔晉閏月戊辰殺
宣姜衛侯賜北宮喜謚曰
貞子賜析朱鉏謚曰成子
而以齊氏之墓予之衛侯
告寧于齊且言子石齊侯
將飲酒徧賜大夫曰二三

子之教也苑何忌辭曰與
於青之賞必及於其罰在
康誥曰父子兄弟罪不相
及況在羣臣臣敢貪君賜
以干先王琴張聞宗魯死
將往弔之仲尼曰齊豹之

春秋左傳卷十四

二天百忍堂

盜而孟縶之賊女何弔焉
君子不食姦不受亂不爲
利疚於回不以回待人不
蓋不義不犯非禮宋華向
之亂公子城公孫忌樂舍
司馬彊向宜向鄭楚建鄴

甲出奔鄭其徒與華氏戰于鬼閭敗子城子城適晉華亥與其妻必盟而食所質公子者而後食公與夫人每日必適華氏食公子而後歸華亥患之欲歸公

春秋左傳卷二十四

左傳卷二十四

子向寧曰唯不信故質其子若又歸之死無日矣公請於華費遂將攻華氏對曰臣不敢愛死無乃求去憂而滋長乎臣是以懼敢不聽命公曰子死亡有命

余不忍其詢冬十月公殺華向之質而攻之戊辰華向奔陳華登奔吳向寧欲殺大子華亥曰干君而出又殺其子其誰納我且歸之有庸使少司寇輕以歸

春秋左傳卷二十四

左傳卷二十四

曰子之齒長矣不能事人以三公子爲質必免公子既入華輕將自門行公遽見之執其手曰余知而無罪也入復而所齊侯疥遂痊期而不瘳諸侯之賓問

疾者多在梁丘據與裔款
言於公曰吾事鬼神豐於
先君有加矣今君疾病爲
諸侯憂是祝史之罪也諸
侯不知其謂我不敬君盍
誅於祝固史嚚以辭賓公

孟子卷之七

說告晏子晏子曰日宋之
盟屈建問范會之德於趙
武趙武曰夫子之家事治
言於晉國竭情無私其祝
史祭祀陳信不愧其家事
無猜其祝史不祈建以語

孟子卷之七

孟子卷之七

康王康王曰神人無怨宜
夫子之光輔五君以爲諸
侯主也公曰據與款謂寡
人能事鬼神故欲誅於祝
史子稱是語何故對曰若
有德之君外內不廢上下

無怨動無違事其祝史薦
信無愧心矣是以鬼神用
饗國受其福祝史與焉其
所以蕃祉老壽者爲信君
使也其言忠信於鬼神其
適遇淫君外內頗邪上下

怨疾動作辟違從欲厭私
高臺深池撞鐘舞女斬刈
臣力輸掠其聚以成其違
不恤後人暴虐淫從肆行
非度無所還忌不思謗譴
不憚鬼神神怒臣痛無悛

春秋左傳

卷二四

於心其祝史薦信是言罪
也其蓋失數美是矯誣
也進退無辭則虛以求媚
是以鬼神不饗其國以禍
之祝史與焉所以天昏孤
疾者爲暴君使也其言僭

嫚於鬼神公曰然則若之
何對曰不可爲也山林之
木衡鹿守之澤之萑蒲舟
鮫守之藪之薪蒸虞候守
之海之鹽蜃祈望守之縣
鄙之人入從其政偪介之

春秋左傳

卷二四

關暴征其私承嗣大夫強
易其賄布常無藝徵斂無
度宮室日更淫樂不違內
寵之妾肆奪於市外寵
之臣僭令於鄙私欲養
求不給則應臣人苦病夫

婦皆詛祝有益也詛亦有損聊攝以東姑尤以西其爲人也多矣雖其善祝豈能勝億兆人之詛君若欲誅於祝史脩德而後可公說使有司寬政毀關去禁

春秋左傳卷三十四

三美齋忍堂

薄斂已責十二月齊侯田于沛招虞人以弓不進公使執之辭曰昔我先君之田也旃以招大夫弓以招士皮冠以招虞人臣不見皮冠故不敢進乃舍之仲

尼曰守道不如守官君子韙之齊侯至自田晏子侍于遄臺子猶馳而造焉公曰唯據與我和夫晏子對曰據亦同也焉得爲和公曰和與同異乎對曰異和

春秋左傳卷三十四

三美齋忍堂

如羹美焉水火醯醢鹽梅以烹魚肉燂之以薪宰夫和之齊之以味濟其不及以洩其過君子食之以平其心君臣亦然君所謂可而有否焉臣獻其否以成其

可君所謂否而有可焉臣
獻其可以去其否是以政
平而不干已無爭心故詩
曰亦有和羹既戒既平駿
嘏無言時靡有爭先王之
濟五味和五聲也以平其

春秋左傳卷十四

王昭忍堂

心成其政也聲亦如味一
氣二體三類四物五聲六
律七音八風九歌以相成
也清濁小大短長疾徐哀
樂剛柔遲速高下出入周
疏以相濟也君子聽之以

平其心心平德和故詩曰
德音不瑕今據不然君所
謂可據亦曰可君所謂否
據亦曰否若以水濟水誰
能食之若琴瑟之專壹誰
能聽之同之不可也如是

春秋左傳卷十四

王昭忍堂

飲酒樂公曰古而無死其
樂若何晏子對曰古而無
死則古之樂也君何得焉
昔爽鳩氏始居此地季荊
因之有逢伯陵因之蒲姑
氏因之而後大公因之古

若無死爽鳩氏之樂非君
所願也鄭子產有疾謂子
大叔曰我死子必爲政唯
有德者能以寬服已其次
莫如猛夫火烈民望而畏
之故鮮死焉水懦弱民狎

春秋左傳卷之

卷之

而翫之則多死焉故寬難
疾數月而卒大叔爲政不
忍猛而寬鄭國多盜取人
於藿蒲之澤大叔悔之曰
吾早從夫子不及此興徒
兵以攻藿蒲之盜盡殺之

春秋左傳卷之

卷之

盜少止仲尼曰善哉政寬
則已慢慢則糾之以猛猛
則已殘殘則施之以寬寬
以濟猛猛以濟寬政是以
和詩曰已亦勞止汽可小
康惠此中國以綏四方施

之以寬也毋從詭隨以謹
無良式遏寇虐慘不畏明
糾之以猛也柔遠能邇以
定我王平之以和也又曰
不競不絀不剛不柔布政
優優百祿是適和之至也

及子產卒仲尼聞之出涕
曰古之遺愛也

經十有一年春王三月葬
蔡平公夏晉侯使士鞅來
聘宋華亥向寧華定自陳
入于宋南里以叛秋七月

壬午朔日有食之八月乙

亥叔輒卒冬蔡侯朱出奔

楚公如晉至河乃復

傳十一年春天王將鑄無

射泠州鳩曰王其以心疾死

乎夫樂天子之職也夫晉

樂之興也而鍾晉之器也

天子省風以作樂器以鍾

之興以行之小者不窵大

者不櫛則和於物物和則

嘉成故和聲入於耳而藏

於心心億則樂窵則不減

櫛則不容心是以咸咸實

生疾今鍾櫛矣王心弗堪

其能久乎三月葬蔡平公

蔡太子朱失位位在卑大

夫送葬者歸見昭子昭子

問蔡故以告昭子歎曰蔡

其亡乎若不亡是君也必
不終詩曰不解于位臣之
攸暨今蔡侯始即位而適
卑身將從之夏晉士鞅來
聘叔孫爲政季孫欲惡諸
晉使有司以齊鮑國歸費

春秋左傳卷五

聖廟忍堂

之禮爲士鞅士鞅怒曰鮑
國之位下其國小而使鞅
從其牢禮是卑敝邑也將
復諸寡君魯人恐加四牢
焉爲十一牢宋華費遂生
華貜華多僚華登貜爲少

司馬多僚爲御士與貜相
惡乃譖諸公曰貜將納亡
人亟言之公曰司馬以吾
故亡其良子死亡有命吾
不可以再亡之對曰君若
愛司馬則如亡死如可逃

春秋左傳卷五

聖廟忍堂

何遠之有公懼使侍人召
司馬之侍人宜僚飲之酒
而使告司馬司馬歎曰必
多僚也吾有讒子而弗能
殺吾又不死抑君有命可
若何乃與公謀逐華貜將

使田孟諸而遣之公飲之酒厚酬之賜及從者司馬亦如之張句尤之曰必有故使子皮承宜僚以劍而訊之宜僚盡以告張句欲殺多僚子皮曰司馬老矣

春秋左傳卷三十四

墨子忍堂

登之謂甚吾又重之不如亡也五月丙申子皮將見司馬而行則遇多僚御司馬而朝張句不勝其怒遂與子皮曰任鄭翩殺多僚劫司馬以叛而召亡人壬

寅華向入樂大心豐愆華恠禦諸橫華氏居盧門以南里叛六月庚午宋城舊鄘及桑林之門而守之秋七月壬午朔日有食之公問於梓慎曰是何物也禍

春秋左傳卷三十四

墨子忍堂

福何爲對曰二至二分日有食之不爲災日月之行也分同道也至相過也其他月則爲災陽不克也故常爲水於是叔輒哭日食昭子曰子叔將死非所哭

也八月叔輒卒冬十月
華登以吳師救華氏齊烏
枝鳴戍宋廚人濮曰軍志
有之先人有奪人之心後
人有待其衰盍及其勞且
未定也伐諸若入而固則

孟子卷五

華氏衆矣悔無及也從之
丙寅齊師宋師敗吳師于
鴻口獲其二帥公子苦雒
偃州負華登帥其餘以敗
宋師公欲出廚人濮曰吾
小人可藉死而不能送

孟子卷五

思堂

亡君請待之乃徇曰揚徽
者公徒也衆從之公自揚
門見之下而巡之曰國亡
君死二三子之恥也豈專
孤之罪也齊烏枝鳴曰用
少莫如齊致死齊致死莫

如去備彼多兵矣請皆用
劒從之華氏北復即之廚
人濮以裳裹首而荷以走
曰得華登矣遂敗華氏于
新里翟僂新居于新里旣
戰說甲于公而歸華姓居

于公里亦如之十一月癸未公子城以晉師至曹翰胡會晉荀吳齊苑何忌衛公子朝救宋丙戌與華氏戰于赭丘鄭翩願爲鶴其御願爲鵞子祿御公子城

春秋左傳卷二十四

吳爾忍堂

莊董爲右干鑾御呂封人華豹張匄爲右相遇城還華豹曰城也城怒而反之將注豹則關矣曰平公之靈尚輔相余豹射出其間將注則又關矣曰不狎鄙抽矢

城射之殪張匄抽矢而下射之折股扶伏而擊之折軫又射之死干鑾請一矢城曰余言女於君對曰不死伍乘軍之大刑也干刑而從子君焉用之子速諸

春秋左傳卷二十四

平爾忍堂

乃射之殪大敗華氏圍諸南里華亥搏膺而呼見華軹曰吾爲欒氏矣軹曰子無我廷不幸而後亡使華登如楚乞師華軹以車十五乘徒七十人犯師而出

食於睢上哭而送之乃復入楚蘧越帥師將逆華氏大宰犯諫曰諸侯唯宋事其君今又爭國釋君而臣是助無乃不可乎王曰而告我也後既許之矣蔡侯

朱出奔楚費無極取貨於東國而謂蔡人曰朱不用命於楚君王將立東國若不先從王欲楚必圍蔡蔡人懼出朱而立東國朱愬于楚楚子將討蔡無極曰

朱出奔楚費無極取貨於東國而謂蔡人曰朱不用命於楚君王將立東國若不先從王欲楚必圍蔡蔡人懼出朱而立東國朱愬于楚楚子將討蔡無極曰

平侯與楚有盟故封其子有二心故廢之靈王殺隱太子其子與君同惡德君必甚又使立之不亦可乎且廢置在君蔡無他矣公如晉及河鼓叛晉晉將伐

春秋左傳卷十四

三〇忍堂

鮮虞故辭公

經廿有二年春齊侯伐莒宋華亥向寧華定自宋南里出奔楚大蒐于昌間夏四月乙丑天王崩六月叔鞅如京師葬景王王室亂

劉子單子以王猛居于皇
秋劉子單子以王猛入于
王城冬十月王子猛卒
十有二月癸酉朔日有
食之

傳廿二年春王二月甲子

春秋左傳卷二十四

至聖忍堂

齊北郭啓帥師伐莒莒子
將戰苑羊牧之諫曰齊帥
賤其求不多不如下之大
國不可怒也弗聽敗齊師
于壽餘齊侯伐莒莒子行
成司馬竈如莒涖盟莒子

如齊涖盟盟于稷門之外
莒於是乎大惡其君楚遠
越使告于宋曰寡君聞君
有不令之臣爲君憂無寧
以爲宗羞寡君請受而戮
之對曰孤不佞不能媚於

春秋左傳卷二十四

至聖忍堂

父兄以爲君憂拜命之辱
抑君臣曰戰君曰余必臣
是助亦唯命人有言曰唯
亂門之無過君若惠保敝
邑無亢不衷以獎亂人孤
之望也唯君圖之楚人患

之諸侯之成謀曰若華氏
知困而致死楚恥無功而
疾戰非吾利也不如出之
以爲楚功其亦能無爲也
已救宋而除其害又何求
乃固請出之宋人從之已

春秋左傳卷二十四

孟昭忍堂

已宋華亥向寧華定華貙
華登皇奄傷省臧士平出
奔楚宋公使公孫忌爲大
司馬邊卬爲大司徒樂祁
爲司城仲幾爲左師樂大
心爲右師樂輓爲大司寇

以靖國人王子朝賔起有
寵於景王王與賔孟說之
欲立之劉獻公之庶子伯
盆事單穆公惡賔孟之爲
人也願殺之又惡王子朝
之言以爲亂願去之賔孟

春秋左傳卷二十四

孟昭忍堂

適郊見雄雞自斷其尾問
之侍者曰自憚其犧也遽
歸告王且曰雞其憚爲人
用乎人異於是犧者實用
人人犧實難己犧何害王
弗應夏四月王田北山使

公卿皆從將殺單子劉子
王有心疾乙丑崩于榮錡
氏戊辰劉子摯卒無子單
子立劉蚩五月庚辰見王
遂攻賓起殺之盟羣王子
于單氏晉之取鼓也旣獻

春秋左傳卷二十四

韋昭忍堂

而反鼓子焉又叛於鮮虞
六月荀吳略東陽使師僞
糴者負甲以息於昔陽之
門外遂襲鼓滅之以鼓子
鳶鞮歸使涉佗守之丁巳
葬景王王子朝因舊官百

工之喪職秩者與靈景之
族以作亂帥郊要餞之甲
以逐劉子壬戌劉子奔揚
單子逆悼王于莊宮以歸
王子還夜取王以如莊宮
癸亥單子出王子還與召

春秋左傳卷二十四

韋昭忍堂

莊公謀曰不殺單旗不捷
與之重盟必來背盟而克
者多矣從之樊頃子曰非
言也必不克遂奉王以追
單子及領大盟而復殺摯
荒以說劉子如劉單子

亡乙丑奔于平時羣王子
追之單子殺還姑發弱駸
延定稠子朝奔京丙寅伐
之京人奔山劉子入于王
城辛未鞏簡公敗績于京
乙亥甘平公亦敗焉叔鞅

春秋左傳卷十四

平昭忍堂

至自京師言王室之亂也
閔馬父曰子朝必不克其
所與者天所廢也單子欲
告急於晉秋七月戊寅以
王如平時遂如圃車次于
皇劉子如劉單子使王子

處守于王城盟百工于平
宮辛卯鄆盱伐皇大敗獲
鄆盱壬辰焚諸王城之市
八月辛酉司徒醜以王師
敗績于前城百工叛己巳
伐單氏之宮敗焉庚午反

春秋左傳卷十四

平昭忍堂

伐之辛未伐東園冬十月
丁巳晉籍談荀躒帥九州
之戎及焦瑕溫原之師以
納王于王城庚申單子劉
盂以王師敗績于郊前城
人敗陸渾于社十一月

乙酉王子猛卒不成喪也
己丑敬王即位館于子旅
氏十二月庚戌晉籍談荀
躒賈辛司馬督帥師軍于
陰于侯氏于谿泉次于社
王師軍于汜于解次于任

春秋左傳卷二十四

李爾忍堂

人閏月晉箕遺樂徵右行
詭濟師取前城軍其東南
王師軍于京楚辛丑伐京
毀其西南子朝奔郊

春秋卷第廿四

春秋經傳集解昭六第廿五

杜氏 盡廿六年

經廿有三年春王正月叔
孫婼如晉癸丑叔鞅卒晉
人執我行人叔孫婼晉人

春秋左傳卷五

十國忠堂

圍郊夏六月蔡侯東國卒
于楚秋七月莒子庚輿來
奔戊辰吳敗頓胡沈蔡陳
許之師于雞父胡子髡沈
子逞滅獲陳夏齧天王居
于狄泉尹氏立王子朝八

月乙未地震冬公如晉至
河有疾乃復

傳廿三年春王正月壬寅
朔二師圍郊癸卯郊郭潰
丁未晉師在平陰王師在
澤邑王使告閒庚戌還邾

春秋左傳卷五

二國忍堂

人城翼還將自離姑公孫
鉏曰魯將御我欲自武城
還循山而南徐鉏丘弱茅
地曰道下遇雨將不出是
不歸也遂自離姑武城人
塞其前斷其後之木而弗

殊邾師過之乃推而蹙之
遂取邾師獲鉏弱地邾人
愬于晉晉人來討叔孫婼
如晉晉人執之書曰晉人
執我行人叔孫婼言使人
也晉人使與邾大夫坐叔

春秋左傳卷五

手詒忍堂

孫曰列國之卿當小國之
君固周制也邾又夷也寡
君之命介子服回在請使
當之不敢廢周制故也乃
不果坐韓宣子使邾人聚
其衆將以叔孫與之叔孫

聞之去衆與兵而朝士彌
牟謂韓宣子曰子弗良圖
而以叔孫與其讎叔孫必
死之魯亡叔孫必亡邾邾
君亡國將焉歸子雖悔之
何及所謂盟主討違命也

春秋左傳卷五

四詒忍堂

若皆相執焉用盟主乃弗
與使各居一館士伯聽其
辭而愬諸宣子乃皆執之
士伯御叔孫從者四人過
邾館以如吏先歸邾子士
伯曰以芻蕘之難從者之

病將館子於都叔孫旦而
立期焉乃館諸箕舍子服
昭伯於他邑范獻子求貨
於叔孫使請冠焉取其冠
法而與之兩冠曰盡矣爲
叔孫故申豐以貨如晉叔

春秋左傳卷之

卷之

孫曰見我吾告女所行貨
見而不出吏人之與叔孫
居於箕者請其吠狗弗與
及將歸殺而與之食之叔
孫所館者雖一日必葺其
牆屋去之如始至夏四月

乙酉單子取訾劉子取牆
人直人六月壬午王子朝
入于尹癸未尹圉誘劉
佗殺之丙戌單子從阪道
劉子從尹道伐尹單子
先至而敗劉子還己丑召

春秋左傳卷之

卷之

伯奂南宮極以成周人戍
尹庚寅單子劉子樊齊以
王如劉甲午王子朝入于
王城次于左巷秋七月戊
申鄆羅納諸莊宮尹辛敗
劉師于唐丙辰又敗諸鄆

甲子尹辛取西闡丙寅攻
蒯蒯潰莒子庚輿虐而好
劍苟鑄劍必弑諸人國人患
之又將叛齊烏存帥國人
以逐之庚輿將出聞烏存
執殳而立於道左懼將止

春秋左傳卷五

七
耐忍堂

死苑羊牧之曰君過之烏
存以力聞可矣何必以弑
君成名遂來奔齊人納郊
公吳人伐州來楚薳越帥
師及諸侯之師奔命救州
來吳人禦諸鍾離子瑕卒

楚師燿吳公子光曰諸侯
從於楚者衆而皆小國也
畏楚而不獲已是以來吾
聞之曰作事威克其愛雖
小必濟胡沈之君幼而狂
陳大夫齧壯而頑頓與許

春秋左傳卷五

八
耐忍堂

蔡疾楚政楚令尹死其師
燿帥賤多寵政令不壹七
國同役而不同心帥賤而
不能整無大威命楚可敗
也若分師先以犯胡沈與
陳必先奔三國敗諸侯之

師乃搖心矣諸侯乖亂楚必大奔請先者去備薄威後者敦陳整旅吳子從之戊辰晦戰于雞父吳子以罪人三千先犯胡沈與陳三國爭之吳爲三軍以繫

春秋左傳卷五

九百忍堂

於後中軍從王光帥右掩餘帥左吳之罪人或奔或止三國亂吳師擊之三國敗獲胡沈之君及陳大夫舍胡沈之囚使奔許與蔡頓曰吾君死矣師譟而

從之三國奔楚師大奔書曰胡子髡沈子逞滅獲陳夏齧君臣之辭也不言戰楚未陳也八月丁酉南宮極震萇弘謂劉文公曰君其勉之先君之力可濟也

春秋左傳卷五

十一百忍堂

周之亡也其三川震今西王之大臣亦震天弃之矣東王必大克楚太子建之母在郢召吳人而啓之冬十月甲申吳太子諸樊入郢取楚夫人與其寶器以

歸楚司馬遠越追之不及
將死衆曰請遂伐吳以徼
之遠越曰再敗君師死且
有罪亡君夫人不可以莫
之死也乃縊於遠蒞公爲
叔孫故如晉及河有疾

春秋左傳卷五

十二節忍堂

而復楚囊瓦爲令尹城郢
沈尹戌曰子常必亡郢苟
不能衛城無益也古者天
子守在四夷天子卑守在
諸侯諸侯守在四鄰諸侯
卑守在四竟慎其四竟結

其四援已狎其野三務成
功已無內憂而又無外懼
國焉用城今吳是懼而城
於郢守已小矣卑之不獲
能無亡乎昔梁伯溝其公
宮而已潰已弃其上不亡

春秋左傳卷五

十三節忍堂

何待夫正其疆場脩其土
田險其走集親其民人明
其伍候信其鄰國慎其官
守守其交禮不僭不貪不
懦不耆完其守備以待不
虞又何畏矣詩曰無念爾

祖聿脩厥德無亦監乎若
教蚡冒至于武文土不過
同慎其四竟猶不城郢今
土數圻而郢是城不亦難
乎

經廿有四年春王二月丙

春秋左傳卷五

圭函忍堂

戊仲孫矍卒嫗至自晉夏
五月乙未朔日有食之秋
八月大雩丁酉杞伯郁釐
卒冬吳滅巢葬杞平公
傳廿四年春王正月辛丑
召簡公南宮嚭以甘桓公

見王子朝劉子謂萇弘曰
甘氏又往矣對曰何害同
德度義大誓曰紂有億兆
夷人亦有離德余有亂十
人同心同德此周所以興
也君其務德無患無人戍

春秋左傳卷五

十四函忍堂

午王子朝入于鄔晉士彌
牟逆叔孫于箕叔孫使梁
其經待于門內曰余左顧
而歎乃殺之右顧而笑乃
止叔孫見士伯士伯曰寡
君以爲盟主之故是以久

子不腆敝邑之禮將致諸從者使彌牟逆吾子叔孫受禮而歸二月媯至自晉尊晉也三月庚戌晉侯使士景伯涖問周故士伯立于乾祭而問於介衆晉人

春秋左傳卷五

十五 顧忠堂

乃辭王子朝不納其使夏五月乙未朔日有食之梓慎曰將水昭子曰旱也日過分而陽猶不克克必甚能無旱乎陽不克莫將積聚也六月壬申王子朝之

師攻瑕及杏皆潰鄭伯如晉子大叔相見范獻子獻子曰若王室何對曰老夫其國家不能恤敢及王室抑人亦有言曰嫠不恤其緯而憂宗周之隕爲將及

春秋左傳卷五

十六 顧忠堂

焉今王室實蠢蠢焉吾小國懼矣然大國之憂也吾儕何知焉吾子其早圖之詩曰鉶之磬矣惟蠹之恥王室之不寧晉之恥也獻子懼而與宣子圖之乃徵

會於諸侯期以明年秋八月大雩旱也冬十月癸酉王子朝用成周之寶珪于河甲戌津人得諸河上陰不佞以溫人南侵拘得玉者取其玉將賣之則爲

春秋左傳卷十五

七 耐忍堂

石王定而獻之與之東訾楚子爲舟師以略吳疆沈尹戌曰此行也楚必亡邑不撫民而勞之吳不動而速之吳踵楚而疆場無備邑能無亡乎越大夫胥犴

勞王於豫章之汭越公子倉歸王乘舟倉及壽夢帥師從王王及圍陽而還吳人踵楚而邊人不備遂滅巢及鍾離而還沈尹戌曰亡郢之始於此在矣王壹

春秋左傳卷十五

大 耐忍堂

動而亡二姓之帥幾如是而不及郢詩曰誰生厲階至今爲梗其王之謂乎經廿有五年春叔孫婁如宋夏叔詣會晉趙鞅宋樂大心衛北宮喜鄭游吉曹

人邾人滕人薛人小邾人
于黃父有鸛鵒來巢秋七
月上辛大雩季辛又雩九
月己亥公孫于齊次于陽
州齊侯唁公于野井冬十
月戊辰叔孫婁卒十有一

春秋左傳卷三十五

九百忍堂

月己亥宋公佐卒于曲棘
十有二月齊侯取鄆
傳廿五年春叔孫婁聘于
宋桐門右師見之語卑宋
大夫而賤司城氏昭子告
其人曰右師其亡乎君子

貴其身而後能及人是以
有禮今夫子卑其大夫而
賤其宗是賤其身也能有
禮乎無禮必亡宋公享昭
子賦新宮昭子賦車轄明
日宴飲酒樂宋公使昭子

春秋左傳卷三十五

三百忍堂

右坐語相泣也樂祁佐退
而告人曰今茲君與叔孫
其皆死乎吾聞之哀樂而
樂哀皆喪心也心之精爽
是謂魂魄魂魄去之何以
能久季公若之姊爲小邾

夫人生宋元夫人生子以妻季平子昭子如宋聘且逆之公若從謂曹氏勿與魯將逐之曹氏告公公告樂祁樂祁曰與之如是魯君必出政在季氏三廿矣

春秋左傳卷五

王肅忍堂

魯君喪政四公矣無臣而能逞其志者未之有也國君是以鎮撫其臣詩曰人之云亡心之憂矣魯君失臣矣焉得逞其志靖以待命猶可動必憂夏會于黃

父謀王室也趙簡子令諸侯之大夫輸王粟具戍人曰明年將納王子大叔見趙簡子簡子問揖讓周旋之禮焉對曰是儀也非禮也簡子曰敢問何謂禮對

春秋左傳卷五

王肅忍堂

曰吉也聞諸先大夫子產曰夫禮天之經也地之義也臣之行也天地之經而民實則之則天之明因地之性生其六氣用其五行氣爲五味發爲五色章爲

五聲淫則昏亂民失其性
是故為禮以奉之為六畜
五牲三犧以奉五味為九
文六采五章以奉五色為
九歌八風七音六律以奉
五聲為君臣上下以則地

春秋左傳卷五

王昭忍堂

義為夫婦外內以經二物
為父子兄弟姑姊甥舅昏
媾姻亞以象天明為政事
庸力行務以從四時為刑
罰威獄使民畏忌以類其
震曜殺戮為溫慈惠和以

效天之生殖長育民有好
惡喜怒哀樂生于六氣是
故審則宜類以制六志哀
有哭泣樂有歌舞喜有施
舍怒有戰鬪喜生于好怒
生于惡是故審行信令禍

春秋左傳卷五

王昭忍堂

福賞罰以制死生生好物
也死惡物也好物樂也惡
物哀也哀樂不失乃能協
于天地之性是以長久簡
子曰甚哉禮之大也對曰
禮上下之紀天地之經緯

也臣之所以生也是以先王尚之故人之能自由直以赴禮者謂之成人夫不亦宜乎簡子曰鞅也請終身守此言也宋樂大心曰我不輸粟我於周爲客若

春秋左傳卷五

孟頫忍堂

之何使客晉士伯曰自踐土以來宋何役之不會而何盟之不同曰同恤王室子焉得辟之子奉君命以會大事而宋背盟無乃不可乎右師不敢對受牒而

退士伯告簡子曰宋右師必亡奉君命以使而欲背盟以干盟主無不祥大焉有鸛鵒來巢書所無也師己曰異哉吾聞文成之世童謡有之曰鸛之鵒之公

春秋左傳卷五

孟頫忍堂

出辱之鸛鵒之羽公在外野往饋之馬鸛鵒跕跕公在乾侯徵褰與襦鸛鵒之巢遠哉遙遙裋父喪勞宋父以驕鸛鵒往歌來哭童謡有是今鸛鵒來巢

其將及乎秋書再雩旱甚也初季公鳥娶妻於齊鮑文子生甲公鳥死季公亥與公思展與公鳥之臣申夜姑相其室及季妣與甕人檀通而懼乃使其妾扶已

春秋左傳卷五

韋南忠堂

以示秦遄之妻曰公若欲使余余不可而扶余又訴於公甫曰展與夜姑將要余秦姬以告公之公之與公甫告平子平子拘展於卞而執夜姑將殺之公若

泣而哀之曰殺是是殺余也將爲之請平子使豎勿內日中不得請有司逆命公之使速殺之故公若怨平子季郈之雞鬪季氏介其雞郈氏爲之金距平子

春秋左傳卷五

韋南忠堂

怒益宮於郈氏且讓之故郈昭伯亦怨平子臧昭伯之從弟會爲讒於臧氏而逃於季氏臧氏執旃平子怒拘臧氏老將禘於襄公萬者二人其衆萬於季氏

臧孫曰此之謂不能庸先君之廟大夫遂怨平子公若獻弓於公爲且與之出射於外而謀去季氏公爲告公果公賁公果公賁使侍人僚祖告公公寢將以

春秋左傳卷五

左傳卷五

戈擊之乃走公曰執之亦無命也懼而不出數月不見公不怒又使言公執戈以懼之乃走又使言公曰非小人之所及也公果自言公以告臧孫臧孫以

難告邠孫邠孫以可勸告子家懿伯懿伯曰讒人以君徼幸事若不成君受其名不可爲也舍民數世以求克事不可必也且政在焉其難圖也公退之辭

春秋左傳卷五

左傳卷五

曰臣與聞命矣言若洩臣不獲死乃館於公叔孫昭子如闕公居於長府九月戊戌伐季氏殺公之于門遂入之平子登臺而請曰君不察臣之罪使有司

討臣以干戈臣請待於沂
上以察罪弗許請囚于費
弗許請以五乘亡弗許子
家子曰君其許之政自之
出久矣隱民多取食焉爲
之徒者衆矣日入慝作弗

春秋左傳卷五

王昭忍堂

可知也衆怒不可蓄也蓄
而弗治將蕝蕝蓄已將生
心生心同求將合君必悔
之弗聽郈孫曰必殺之公
使郈孫逆孟懿子叔孫氏
之司馬駿戾言於其衆曰

若之何莫對又曰我家臣
也不敢知國凡有季氏與
無於我孰利皆曰無季氏
是無叔孫氏也駿戾曰然
則救諸帥徒以往陷西北
隅以入公徒釋甲執冰而

春秋左傳卷五

王昭忍堂

踞遂逐之孟氏使登西北
隅以望季氏見叔孫氏之
旌以告孟氏執郈昭伯殺
之于南門之西遂伐公徒
子家子曰諸臣僞劫君者
而負罪以出君止意如之

事君也不敢不改公曰余不忍也與臧孫如墓謀遂行已亥公孫于齊次于陽州齊侯將唁公于平陰公先至于野井齊侯曰寡人之罪也使有司待于平陰

春秋左傳卷五

三石齋忍堂

爲近故也書曰公孫于齊次于陽州齊侯唁公于野井禮也將求於人則先下之禮之善物也齊侯曰自莒疆以西請致千社以待君命寡人將帥敝賦以從

執事唯命是聽君之憂寡人之憂也公喜子家子曰天祿不再天若胙君不過周公以魯足矣失魯而以千社爲臣誰與之立且齊君無信不如早之晉弗從

春秋左傳卷五

三石齋忍堂

臧昭伯率從者將盟載書曰勗力壹心好惡同之信罪之有無繾綣從公無通外內以公命示子家子子家子曰如此吾不可以盟羈也不佞不能與二三

子同心而以爲皆有罪
或欲通外內且欲去君二
三子好亡而惡定焉可同
也陷君於難罪孰大焉通
外內而去君君將速入弗
通何爲而何守焉乃不與

春秋左傳卷五十五

孟子忍堂

盟昭子自闕歸見平子平
子稽顙曰子若我何昭子
曰人誰不死子以逐君成
名子孫不忘不亦傷乎將
若子何平子曰苟使意如
得改事君所謂生死而肉

骨也昭子從公于齊與公
言子家子命適公館者執
之公與昭子言於幄內曰
將安衆而納公公徒將殺
昭子伏諸道左師展告
公公使昭子自鑄歸平子

春秋左傳卷五十五

孟子忍堂

有異志冬十月辛酉昭子
齊於其寢使祝宗祈死戊
辰卒左師展將以公乘馬
而歸公徒執之王申尹文
公涉于鞏焚東訾弗克十
一月宋元公將爲公故如

晉夢太子欒即位於廟己
與平公服而相之旦召六
卿公曰寡人不佞不能事
父兄以爲二三子憂寡人
之罪也若以羣子之靈獲
保首領以沒唯是楸枌所

春秋左傳卷五

孟子忍堂

以藉幹者請無及先君仲
幾對曰君若以社稷之故
私降昵宴羣臣弗敢知若
夫宋國之法死生之度先
君有命矣羣臣以死守之
弗敢失墜臣之失職常刑

不赦臣不忍其死君命祇
辱宋公遂行己亥卒于曲
棘十二月庚辰齊侯圍鄆
初臧昭伯如晉臧會竊其
寶龜僂句以卜爲信與僭
僭吉臧氏老將如晉問會

春秋左傳卷五

孟子忍堂

請往昭伯問家故盡對及
內子與母弟叔孫則不對
再三問不對歸及郊會逆
問又如初至次於外而察
之皆無之執而戮之逸奔
郕郕魴假使爲賈正焉計

於季氏臧氏使五人以戈
楯伏諸桐汝之間會出逐
之反奔執諸季氏中門之
外平子怒曰何故以兵入
吾門拘臧氏老季臧有惡
及昭伯從公平子立臧會

春秋左傳卷五

先雨思堂

會曰儻句不余欺也楚子
使蘧射城州屈復茹人焉
城丘皇遷訾人焉使熊相
禰郭巢季然郭卷子大叔
聞之曰楚王將死矣使臣
不安其土臣必憂憂將及

王弗能久矣

經二十有六年春王正月葬
宋元公三月公至自齊居
于鄆夏公圍成秋公會齊
侯莒子邾子杞伯盟于鄆
陵公至自會居于鄆九月

春秋左傳卷五

先雨思堂

庚申楚子居卒冬十月天
王入于成周尹氏召伯毛
伯以王子朝奔楚

傳廿六年春王正月庚申
齊侯取鄆葬宋元公如先
君禮也三月公至自齊處

于鄆言魯地也夏齊侯將
納公命無受魯貨申豐從
女賈以幣錦二兩縛一如
瑱適齊師謂子猶之人高
齎能貨子猶爲高氏後粟
五千庾高齎以錦示子猶

春秋左傳卷五

聖二函忍堂

子猶欲之齎曰魯人買之
百兩一布以道之不通先
入幣財子猶受之言於齊
侯曰羣臣不盡力於魯君
者非不能事君也然據有
異焉宋元公爲魯君如晉

卒於曲棘叔孫昭子求納
其君無疾而死不知天之
弃魯邪抑魯君有罪於鬼
神故及此也君若待于曲
棘使羣臣從魯君以卜焉
若可師有濟也君而繼之

春秋左傳卷五

聖二函忍堂

茲無敵矣若其無成君無
辱焉齊侯從之使公子鉏
帥師從公成大夫公孫朝
謂平子曰有都以衛國也
請我受師許之請納質弗
許曰信女足矣告於齊師

曰孟氏魯之敝室也用成已甚弗能忍也請息肩於齊齊師圍成成人伐齊師之飲馬於淄者曰將以厭衆魯成備而後告曰不勝衆師及齊師戰于炊鼻齊

春秋左傳卷五

聖祖堂

子汎捷從洩聲子射之中楯瓦繇胸汰輶七入者三寸聲子射其馬斬鞅殪改駕人以爲駿戾也而助之子車曰齊人也將擊子車子車射之殪其御曰又

之子車曰衆可懼也而不可怒也子囊帶從野洩吐之洩曰軍無私怒報乃私也將亢子又吐之亦吐之冉豎射陳武子中手失弓而罵以告平子曰有君子白

春秋左傳卷五

聖祖堂

皙鬚鬚眉甚口平子曰必子疆也無乃亢諸對曰謂之君子何敢亢之林雍羞爲顏鳴右下苑何忌取其耳顏鳴去之苑子之御曰視下顧苑子刺林雍斷其

足輶而乘於他車以歸顏
鳴三入齊師呼曰林雍乘
四月單子如晉告急五月
戊午劉人敗王城之師于
尸氏戊辰王城人劉人戰
于施谷劉師敗績秋盟于

春秋左傳卷五

栗爾忍堂

鄆陵謀納公也七月己巳
劉子以王出庚午次于渠
王城人焚劉丙子王宿于
褚氏丁丑王次于萑谷庚
辰王入于胥靡辛巳王次
于滑晉知躒趙鞅帥師納

王使女寬守闕塞九月楚
平王卒令尹子常欲立子
西曰太子王弱其母非適
也王子建實聘之子西長
而好善立長則順建善則
治王順國治可不務乎子

春秋左傳卷五

栗爾忍堂

西怒曰是亂國而惡君王
也國有外援不可瀆也王
有適嗣不可亂也敗親速
讎亂嗣不祥我受其名賂
吾以天下吾滋不從也楚
國何爲必殺令尹令尹懼

乃立昭王冬十月丙申王起師于滑辛丑在郊遂次于尸十一月辛酉晉師克鞏召伯盈逐王子朝王子朝及召氏之族毛伯得尹氏固南宮嚚奉周之典籍

春秋左傳卷三十五

聖而忍堂

以奔楚陰忌奔莒以叛召伯逆王于尸及劉子單子盟遂軍圍澤次于隄上癸酉王入于成周甲戌盟于襄宮晉師使成公般戍周而還十二月癸未王入于

莊宮王子朝使告于諸侯曰昔武王克殷成王靖四方康王息民並建母弟以蕃屏周亦曰吾無專享文武之功且爲後人之迷敗傾覆而溺入于難則振救

春秋左傳卷三十五

聖而忍堂

之至于夷王王愆于厥身諸侯莫不並走其望以祈王身至于厲王王心戾虐萬民弗忍居王于彘諸侯釋位以間王政宣王有志而後效官至于幽王天不

弔周王昏不若用愆厥位
攜王奸命諸侯替之而建
王嗣用遷邲鄆則是兄弟
之能用力於王室也至于
惠王天不靖周生積禍心
施于叔帶惠襄辟難越去

春秋左傳卷五

梁丘惠堂

王都則有晉鄭咸黜不端
以綏定王家則是兄弟之
能率先王之命也在定王
六年秦人降妖曰周其有
頤王亦克能脩其職諸侯
服享二世共職王室其有

春秋左傳卷五

李師忍堂

間王位諸侯不圖而受其
亂災至于靈王生而有頤
王甚神聖無惡於諸侯靈
王景王克終其世今王室
亂單旗劉狄剝亂天下壹
行不若謂先王何常之有
唯余心所命其誰敢討之
帥羣不弔之人以行亂于
王室侵欲無厭規求無度
貫瀆鬼神慢棄刑法倍奸
齊盟傲很威儀矯誣先王
晉爲不道是攝是贊思肆

其罔極茲不穀震盪播越
竄在荆蠻未有攸底若我
一二兄弟甥舅將順天法
無助狡猾以從先王之命
毋速天罰赦圖不穀則所
願也敢盡布其腹心及先

春秋左傳卷十五

至三
百忍堂

王之經而諸侯實深圖之
昔先王之命曰王后無適
則擇立長年鈞以德德鈞
以卜王不立愛公卿無私
古之制也穆后及太子壽
早夭即廿單劉贊私立少

以間先王亦唯伯仲叔季
圖之閔馬父聞子朝之辭
曰文辭以行禮也子朝干
景之命遠晉之大以專其
志無禮甚矣文辭何爲齊
有彗星齊侯使禳之晏子

春秋左傳卷十五

至三
百忍堂

曰無益也祇取誣焉天道
不諂不貳其命若之何禳
之且天之有彗也以除穢
也君無穢德又何禳焉若
德之穢禳之何損詩曰惟
此文王小心翼翼昭事上

帝聿懷多福厥德不回以受方國君無違德方國將至何患於彗詩曰我無所監夏后及商用亂之故臣卒流亡若德回亂臣將流亡祝史之爲無能補也公

說乃止齊侯與晏子坐于路寢公歎曰美哉室其誰有此乎晏子曰敢問何謂也公曰吾以爲在德對曰如君之言其陳氏乎陳氏雖無大德而有施於臣豆

區釜鍾之數其取之公也^六薄其施之民也厚公厚歛焉陳氏厚施焉民歸之矣詩曰雖無德與女式歌且舞陳氏之施臣歌舞之矣後世若少惰陳氏而不亡

春秋左傳卷三

孟子卷三

則國其國也已公曰善哉是可若何對曰唯禮可以已之在禮家施不及國臣不遷農不移工賈不變士不濫官不滔大夫不收公利公曰善哉我不能矣吾

今而後知禮之可以爲國也對曰禮之可以爲國也久矣與天地並君令臣共父慈子孝兄愛弟敬夫和妻柔姑慈婦聽禮也君令而不違臣共而不貳父慈

春秋左傳卷三十五

聖廟忠堂

而教子孝而箴兄愛而友弟敬而順夫和而義妻柔而正姑慈而從婦聽而婉禮之善物也公曰善哉寡人今而後聞此禮之上也對曰先王所稟於天地以

爲其臣也是以先王上之

春秋卷第廿五

春秋左傳卷三十五

聖廟忠堂

春秋經傳集解昭七第其

杜氏 盡廿二年

經廿有七年春公如齊公
至自齊居于鄆夏四月吳
弑其君僚楚殺其大夫郢

春秋左傳卷三十一

二〇四四

宛秋晉士鞅宋樂祁犁衛
北宮喜曹人邾人滕人會
于扈冬十月曹伯午卒邾
快來奔公如齊公至自齊
居于鄆
傳廿七年春公如齊公至

春秋左傳卷三十六

二〇四四

自齊處于鄆言在外也吳
子欲因楚喪而伐之使公
子掩餘公子燭庸帥師圍
潛使延州來季子聘于上
國遂聘于晉以觀諸侯楚
莠尹然工尹麋帥師救潛
左司馬沈尹戌帥都君子
與王馬之屬以濟師與吳
師遇于窮谷令尹子常以舟
師及沙汭而還左尹卻宛
工尹壽帥師至于潛吳師
不能退吳公子光曰此時

也弗可失也告鱄設諸曰
上國有言曰不索何獲我
王嗣也吾欲求之事若克
季子雖至不吾廢也鱄設
諸曰王可弑也母老子弱
是無若我何光曰我爾身

春秋左傳卷三十五

平昭忍堂

也夏四月光伏甲於堀室
而享王王使甲坐於道及
其門門階戶席皆王親也
夾之以鉞羞者獻體改服
於門外執羞者坐行而入
執鉞者夾承之及體以相

授也光僞足疾入于堀室
鱄設諸寘劒於魚中以進
抽劒刺王鉞交於匈遂弑
王闔廬以其子爲卿季子
至曰苟先君無廢祀臣人
無廢主社稷有奉國家無

春秋左傳卷三十六

四昭忍堂

傾乃吾君也吾誰敢怨哀
死事生以待天命非我生
亂立者從之先人之道也
復命哭墓復位而待吳公
子掩餘奔徐公子燭庸奔
鍾吾楚師聞吳亂而還卻

宛直而和國人說之鄢將
師爲右領與費無極比而
惡之令尹子常賄而信讒
無極譖卻宛焉謂子常曰
子惡欲飲子酒又謂子惡
令尹欲飲酒於子氏子惡

春秋左傳卷二十六

五 酈忍堂

曰我賤人也不足以辱令
尹令尹將必來辱爲惠已
甚吾無以酬之若何無極
曰令尹好甲兵子出之吾
擇焉取五甲五兵曰寘諸
門令尹至必觀之而從以

酬之及饗日惟諸門左無
極謂令尹曰吾幾禍子子
惡將爲子不利甲在門矣
子必無往且此役也吳可
以得志子惡取賂焉而還
又誤羣帥使退其師曰乘

春秋左傳卷二十六

六 酈忍堂

亂不祥吳乘我喪我乘其
亂不亦可乎令尹使視卻
氏則有甲焉不往召鄢將
師而告之將師退遂令攻
卻氏且執之子惡聞之遂
自殺也國人弗執令曰不

熱卻氏與之同罪或取一
編管焉或取一秉秆焉國
人投之遂弗熱也令尹炮
之盡滅卻氏之族黨殺陽
令終與其弟完及佗與晉
陳及其子弟晉陳之族呼

春秋左傳卷二十六

七
顧忍堂

於國曰鄢氏費氏自以爲
王專禍楚國弱寡王室蒙
王與令尹以自利也令尹
盡信之矣國將如何令尹
病之秋會于扈令戍周且
謀納公也宋衛皆利納公

固請之范獻子取貨於季
孫謂司城子梁與北宮貞
子曰季孫未知其罪而君
伐之請囚請亡於是乎不
獲君又弗克而自出也夫
豈無備而能出君乎季氏

春秋左傳卷二十六

八
顧忍堂

之復天救之也休公徒之
怒而啓叔孫氏之心不然
豈其伐人而說甲執冰以
游叔孫氏懼禍之濫而自
同於季氏天之道也魯君
守齊三年而無成季氏甚

得其臣淮夷與之有十年之備有齊楚之援有天之贊有已之助有堅守之心有列國之權而弗敢宣也事君如在國故鞅以爲難二子皆圖國者也而欲納

春秋左傳卷三

九節忍堂

魯君鞅之願也請從二子以圍魯無成死之二子懼皆辭乃辭小國而以難復孟懿子陽虎伐鄆鄆人將戰子家子曰天命不怙久矣使君亡者必此衆也天

旣禍之而自福也不亦難乎猶有鬼神此必敗也烏呼爲無望也夫其死於此乎公使子家子如晉公徒敗于且知楚卻宛之難國言未已進胙者莫不謗令尹

春秋左傳卷三

十節忍堂

沈尹戌言於子常曰夫左尹與中廢尹莫知其罪而子殺之以興謗讟至于今不已戍也惑之仁者殺人以掩謗猶弗爲也今吾子殺人以興謗而弗圖不亦

異乎夫無極楚之讒人也
臣莫不知去朝吳出蔡侯
朱喪太子建殺連尹奢屏
王之耳目使不聰明不然平
王之溫惠共儉有過成莊
無不及焉所以不獲諸侯

春秋左傳卷二十六

士爾忍堂

邇無極也今又殺三不辜
以興大謗幾及子矣子而
不圖將焉用之夫鄢將師
矯子之命以滅三族國之
良也而不愆位吳新有君
疆場日駭楚國若有大事

子其危哉知者除讒以自
安也今子愛讒以自危也
甚矣其惑也子常曰是瓦
之罪敢不良圖九月己未
子常殺費無極與鄢將師
盡滅其族以說于國謗言

春秋左傳卷二十六

士爾忍堂

乃止冬公如齊齊侯請饗
之子家子曰朝夕立於其
朝又何饗焉其飲酒也乃
飲酒使宰獻而請安子仲
之子曰重爲齊侯夫人曰
請使重見子家子乃以君

出十二月晉籍秦致諸侯
之戎于周魯人辭以難

經廿有八年春王三月葬
曹悼公公如晉次于乾侯
夏四月丙戌鄭伯寧卒六
月葬鄭定公秋七月癸巳

春秋左傳卷十六

春秋左傳卷十六

滕子寧卒冬葬滕悼公

傳十八年春公如晉將如
乾侯子家子曰有求於人
而即其安人孰矜之其造
於竟弗聽使請逆於晉晉
人曰天禍魯國君淹恤在

外君亦不使一个辱在寡
人而即安於甥舅其亦使
逆君使公復于竟而後逆
之晉祁勝與鄆臧通室祁
盈將執之訪於司馬叔游
叔游曰鄭書有之惡直醜

春秋左傳卷十六

十四 顧忍堂

正實蕃有徒無道立矣子
懼不免詩曰已之多辟無
自立辟姑已若何盈曰祁
氏私有討國何有焉遂執
之祁勝賂荀躒荀躒爲之
言於晉侯晉侯執祁盈祁

盈之臣曰鈞將皆死慙使
吾君聞勝與臧之死也以
爲快乃殺之夏六月晉殺
祁盈及楊食我食我祁盈
之黨也而助亂故殺之遂
滅祁氏羊舌氏初叔向欲

春秋左傳卷二十六

十五 耐忍堂

娶於申公巫臣氏其母欲
娶其黨叔向曰吾母多而
庶鮮吾懲舅氏矣其母曰
子靈之妻殺三夫一君一
子而亡一國兩卿矣可無
懲乎吾聞之甚美必有甚

惡是鄭穆少妃姚子之子
子貉之妹也子貉早死無
後而天鍾美於是將必以
是大有敗也昔有仍氏生
女黥黑而甚美光可以鑑
名曰玄妻樂正后蔓取之

春秋左傳卷二十六

十六 耐忍堂

生伯封實有豕心貪惓無
饜忿類無期謂之封豕有
窮后羿滅之蔓是以不祀
且三代之亡共子之廢皆
是物也女何以爲哉夫有
尤物足以移人苟非德義

則必有禍叔向懼不敢取
平公強使取之生伯石伯
石始生子容之母走謁諸
姑曰長叔姒生男姑視之
及堂聞其聲而還曰是豺
狼之聲也狼子野心非是

春秋左傳卷十六

七
孟忍堂

莫喪羊舌氏矣遂弗視秋
晉韓宣子卒魏獻子爲政
分祁氏之田以爲七縣分
羊舌氏之田以爲三縣司
馬彌牟爲鄆大夫賈辛爲
祁大夫司馬烏爲平陵大

春秋左傳卷十六

六
孟忍堂

夫魏戌爲梗陽大夫知徐
吾爲塗水大夫韓固爲馬
首大夫孟丙爲孟大夫樂
霄爲銅鞮大夫趙朝爲平
陽大夫僚安爲楊氏大夫
謂賈辛司馬烏爲有力於
王室故舉之謂知徐吾趙
朝韓固魏戌餘子之不失
職能守業者也其四人者
皆受縣而後見於魏子以
賢舉也魏子謂成鱣吾與
戌也縣人其以我爲黨乎

對曰何也戊之爲人也遠
不忘君近不偪同居利思
義在約思紂有守心而無
淫行雖與之縣不亦可乎
昔武王克商光有天下其
兄弟之國者十有五人姬

春秋左傳卷二十六

元圃忍堂

姓之國者四十人皆舉親
也夫舉無他唯善所在親
疏一也詩曰唯此文王帝
度其心莫其德音其德克
明克明克類克長克君王
此大國克順克比比于文

王其德靡悔旣受帝祉施
于孫子心能制義曰度德
正應和曰莫照臨四方曰
明勤施無私曰類教誨不
倦曰長賞慶刑威曰君慈
和徧服曰順擇善而從之曰

春秋左傳卷二十六

元圃忍堂

比經緯天地曰文九德不
愆作事無悔故襲天祿子
孫賴之主之舉也近文德
矣所及其遠哉賈辛將適
其縣見於魏子魏子曰辛
來昔叔向適鄭駸蔑惡欲

觀叔向從使之收器者而往立於堂下一言而善叔向將飲酒聞之曰必駿明也下執其手以上曰昔賈大夫惡娶妻而美三年不言不笑御以如皐射雉獲

春秋左傳卷五

主顧忍堂

之其妻始笑而言賈太夫曰才之不可以已我不能射女遂不言不笑夫今子少不賜子若無言吾幾失子矣言之不可以已也如是遂如故知今女有力於王

室吾是以舉女行乎敬之哉母墮乃力仲尼聞魏子之舉也以爲義曰近不失親遠不失舉可謂義矣又聞其命賈辛也以爲忠詩曰永言配命自求多福忠

春秋左傳卷五

主顧忍堂

也魏子之舉也義其命也忠其長有後於晉國乎冬梗陽人有獄魏戊不能斷以獄上其大宗賂以女樂魏子將受之魏戊謂閭沒女寬曰主以不賄聞於諸

侯若受梗陽人賄莫甚
焉吾子必諫皆許諾退朝
待於庭饋入召之比置三
歎既食使坐魏子曰吾聞
諸伯叔諺曰唯食忘憂吾
子置食之間三歎何也同

春秋左傳卷二十六

圭爾忍堂

辭而對曰或賜二小人酒
不夕食饋之始至恐其不
足是以歎中置自咎曰豈
將軍食之而有不足是以
再歎及饋之畢願以小人
之腹爲君子之心屬厭而

已獻子辭梗陽人
經廿有九年春公至自乾
侯居于鄆齊侯使高張來
唁公公如晉次于乾侯夏
四月庚子叔詣卒秋七月
冬十月鄆潰

春秋左傳卷二十六

圭爾忍堂

傳廿九年春公至自乾侯
處于鄆齊侯使高張來唁
公稱主君子家子曰齊卑
君矣君祇辱焉公如乾侯
三月己卯京師殺召伯盈
尹氏固及原伯魯之子尹

固之復也有婦人遇之周
郊尤之曰處則勸人爲禍
行則數日而反是夫也其
過三歲乎夏五月庚寅王
子趙車入于鄆以叛陰不
佞敗之平子每歲賈馬具

春秋左傳卷三

韋南忍堂

從者之衣屨而歸之于乾
侯公執歸馬者賣之乃不
歸馬衛侯來獻其乘馬曰
啓服塹而死公將爲之櫛
子家子曰從者病矣請以
食之乃以帷裹之公賜公

衍羔裘使獻龍輔於齊侯
遂入羔裘齊侯喜與之陽
穀公衍公爲之生也其母
皆出公衍先生公爲之母
曰相與偕出請相與偕告
三日公爲生其母先以告

春秋左傳卷三

韋南忍堂

公爲爲兄公私喜於陽穀
而思於魯曰務人爲此禍
也且後生而爲兄其誣也
久矣乃黜之而以公衍爲
大子秋龍見于絳郊魏獻
子問於蔡墨曰吾聞之蟲

莫知於龍以其不生得也
謂之知信乎對曰人實不
知非龍實知古者畜龍故
國有豢龍氏有御龍氏獻
子曰是二氏者吾亦聞之
而不知其故是何謂也對

春秋左傳卷二十六

王肅忍堂

曰昔有颺叔安有裔子曰
董父實甚好龍能求其耆
欲以飲食之龍多歸之乃
擾畜龍以服事帝舜帝賜
之姓曰董氏曰豢龍封諸
鬲川駿夷氏其後也故帝

舜氏世有畜龍及有夏孔
甲擾于有帝帝賜之乘龍
河漢各二各有雌雄孔甲
不能食而未獲豢龍氏有
陶唐氏既衰其後有劉累
學擾龍于豢龍氏以事孔

春秋左傳卷二十六

王肅忍堂

甲能飲食之夏后嘉之賜
氏曰御龍以更豕韋之後
龍一雌死潛醢以食夏后
夏后饗之既而使求之懼
而遷于魯縣范氏其後也
獻子曰今何故無之對曰

夫物物有其官官脩其方朝夕思之一日失職則死及之失官不食官宿其業其物乃至若泯弃之物乃坻伏鬱湮不育故有五行之官是謂五官實列受氏

春秋左傳卷三六

三十一 爾忍堂

姓封爲上公祀爲貴神社稷五祀是尊是奉木正曰句芒火正曰祝融金正曰蓐收水正曰玄冥土正曰后土龍水物也水官弃矣故龍不生得不然周易有

之在乾䷀之姤䷫曰潛龍勿用其同人䷌曰見龍在田其大有䷍曰飛龍在天其史䷐曰亢龍有悔其坤䷁曰見羣龍無首吉坤之剝䷖曰龍戰于野若不

春秋左傳卷三六

三十一 爾忍堂

朝夕見誰能物之獻子曰社稷五祀誰氏之五官也對曰少皞氏有四叔曰重曰該曰脩曰熙實能金木及水使重爲句芒該爲蓐收脩及熙爲玄冥世不失

職遂濟窮桑此其三祀也
顓頊氏有子曰犁爲祝融
共工氏有子曰句龍爲后
土此其二祀也后土爲社
稷田正也有烈山氏之子
曰柱爲稷自夏以上祀之

春秋左傳卷二十六

三石忍堂

周弃亦爲稷自商以來祀
之冬晉趙鞅荀寅帥師城
汝濱遂賦晉國一鼓鐵以
鑄刑鼎著范宣子所爲刑
書焉仲尼曰晉其亡乎失
其度矣夫晉國將守唐叔

之所受法度以經緯其民
卿大夫以序守之民是以
能尊其貴貴是以能守其
業貴賤不愆所謂度也文
公是以作執秩之官爲被
廬之法以爲盟主今弃是

春秋左傳卷二十六

三石忍堂

度也而爲刑鼎民在鼎矣
何以尊貴貴何業之守貴
賤無序何以爲國且夫宣
子之刑夷之蒐也晉國之
亂制也若之何以爲法蔡
史墨曰范氏中行氏其亡

乎中行寅爲下卿而干上
令擅作刑器以爲國法是
法姦也又加范氏焉易之
亡也其及趙氏趙孟與焉
然不得已若德可以免

經卅年春王正月公在乾

春秋左傳卷三

韋南忠堂

侯夏六月庚辰晉侯去疾
卒秋八月葬晉頃公冬十
有二月吳滅徐徐子章羽
奔楚

傳卅年春王正月公在乾
侯不先書鄆與乾侯非公

且徵過也夏六月晉頃公
卒秋八月葬鄭游吉弔且
送葬魏獻子使士景伯詰
之曰悼公之喪子西弔子
蟯送葬今吾子無貳何故
對曰諸侯所以歸晉君禮

春秋左傳卷三

韋南忠堂

也禮也者小事大大字小
之謂事大在共其時命字
小在恤其所無以敝邑居
大國之間共其職貢與其
備御不虞之患豈忘共命
先王之制諸侯之喪士弔

大夫送葬唯嘉好聘享三
軍之事於是乎使卿晉之
喪事敝邑之間先君有所
助執紼矣若其不間雖士
大夫有所不獲數矣大國
之惠亦慶其加而不討其

春秋左傳卷二十六

孟昭忍堂

之明底其情取備而已以
為禮也靈王之喪我先君
簡公在楚我先大夫印段
實往敝邑之少卿也王吏
不討恤所無也今大夫曰
女盍從舊舊有豐有省不

知所從從其豐則寡君幼
弱是以不共從其省則吉
在此矣唯大夫圖之晉人
不能詰吳子使徐人執掩
餘使鍾吾人執燭庸二公
子奔楚楚子大封而定其

春秋左傳卷二十六

孟昭忍堂

徙使監馬尹大心逆吳公
子使居養莠尹然左司馬
沈尹戌城之取於城父與
胡田以與之將以害吳也
子西諫曰吳光新得國而
親其臣視臣如子辛苦同

之將用之也若好吾邊疆
使柔服焉猶懼其至吾又
彊其讎以重怒之無乃不
可乎吳周之胄裔也而弃
在海濱不與姬通今而始
大比于諸華光又甚文將

春秋左傳卷三

孟子忍堂

自同於先王不知天將以
爲虐乎使翦喪吳國而封
大異姓乎其抑亦將卒以
祚吳乎其終不遠矣我盍
姑億吾鬼神而寧吾族姓
以待其歸將焉用自播揚

焉王弗聽吳子怒冬十二
月吳子執鍾吳子遂伐徐
防山以水之己卯滅徐徐
子章禹斷其髮攜其夫人
以逆吳子吳子唁而送之
使其邇臣從之遂奔楚楚

春秋左傳卷三

孟子忍堂

沈尹戌帥師救徐弗及遂
城夷使徐子覲之吳子問
於伍員曰初而言伐楚余
知其可也而恐其使余往
也又惡人之有余之功也
今余將自有之矣伐楚何

如對曰楚執政衆而乖
莫適任患若爲三師以肄
焉一師至彼必皆出彼出
則歸彼歸則出楚必道敝
亟肄以罷之多方以誤之
旣罷而後以三軍繼之必

春秋左傳卷二十六

左傳卷二十六

大克之闔廬從之楚於是
乎始病
經卅有一年春王正月公
在乾侯季孫意如會晉荀
躒于適歷夏四月丁巳薛
伯穀卒晉侯使荀躒唁公

于乾侯秋葬薛獻公冬黑
肱以濫來奔十有二月辛
亥朔日有食之

傳卅一年春王正月公在
乾侯言不能外內也晉侯
將以師納公范獻子曰若

春秋左傳卷二十六

四子忍堂

召季孫而不來則信不臣
矣然後伐之若何晉人召
季孫獻子使私焉曰子必
來我受其無咎季孫意如
會晉荀躒于適歷荀躒曰
寡君使躒謂吾子何故出

君有君不事周有常刑子其圖之季孫練冠麻衣跣行伏而對曰事君臣之所不得也敢逃刑命君若以臣爲有罪請囚于費以待君之察也亦唯君若以

春秋左傳卷二十六

聖廟忍堂

先臣之故不絕季氏而賜之死若弗殺弗亡君之惠也死且不朽若得從君而歸則固臣之願也敢有異心夏四月季孫從知伯如乾侯子家子曰君與之歸

一慙之不忍而終身慙乎公曰諾衆曰在一言矣君必逐之荀躒以晉侯之命言公且曰寡君使躒以君命討於意如意如不敢逃死君其入也公曰君惠顧

春秋左傳卷二十六

聖廟忍堂

先君之好施及亡人將使歸糞除宗祧以事君則不能見夫人已所能見夫人者有如河荀躒掩耳而走曰寡君其罪之恐敢與知魯國之難臣請復於寡君

退而謂季孫君怒未怠
子姑歸祭子家子曰君以
一乘入于魯師季孫必與
君歸公欲從之衆從者脅
公不得歸薛伯穀卒同盟
故書秋吳人侵楚伐夷侵

春秋左傳卷二十六

聖廟忍堂

潛六楚沈尹戌帥師救潛
吳師還楚師遷潛於南岡
而還吳師圍弦左司馬戌
右司馬稽帥師救弦及豫
章吳師還始用子胥之謀
也冬邾黑肱以濫來奔賤

而書名重地故也君子曰名
之不可不慎也如是夫有
所有名而不如其已以地
叛雖賤必書地以名其人
終爲不義弗可滅已是故
君子動則思禮行則思義

春秋左傳卷二十六

聖廟忍堂

不爲利回不爲義疚或求
名而不得或欲蓋而名章
懲不義也齊豹爲衛司寇
守嗣大夫作而不義其書
爲盜邾庶其莒牟夷邾黑
肱以土地出求食而已不

求其名賤而必書此二物者所以懲肆而去貪也若艱難其身以險危大人而有名章徹攻難之士將奔走之若竊邑叛君以徼大利而無名貪冒之民將寘

春秋左傳卷三六

墨爾忍堂

力焉是以春秋書齊豹曰盜三叛人名以懲不義數惡無禮其善志也故曰春秋之稱微而顯婉而辨上之人能使昭明善人勸焉淫人懼焉是以君子貴之

十二月辛亥朔日有食之是夜也趙簡子夢童子羸而轉以歌旦占諸史墨曰吾夢如是今而日食何也對曰六年及此月也吳其入郢乎終亦弗克入郢必

春秋左傳卷三六

墨爾忍堂

以庚辰日月在辰尾庚午之日始有謫火勝金故弗克

經卅有二年春王正月公在乾侯取闕夏吳伐越秋七月冬仲孫何忌會晉韓

不信齊高張宋仲幾衛世
叔申鄭國參曹人莒人薛
人杞人小邾人城成周十
有二月己未公薨于乾侯
傳卅二年春王正月公在
乾侯言不能外內又不能

春秋左傳卷二六

史記卷二六

用其人也夏吳伐越始用
師於越也史墨曰不及四
十年越其有吳乎越得歲
而吳伐之必受其凶秋八
月王使富辛與石張如晉
請城成周天子曰天降禍

于周俾我兄弟並有亂心
以爲伯父憂我一二親昵
甥舅不皇啓處於今十年
勤戍五年余一人無日忘
之閔閔焉如農夫之望歲
懼以待時伯父若肆大惠

春秋左傳卷二六

史記卷二六

復二文之業弛周室之憂
徼文武之福以固盟主宣
昭令名則余一人有大願
矣昔成王合諸侯城成周
以爲東都崇文德焉今我
欲徼福假靈于成王脩成

周之城俾成人無勤諸侯
用寧螫賊遠屏晉之力也
其委諸伯父使伯父實重
圖之俾我一人無徵怨于
百姓而伯父有榮施先王
庸之范獻子謂魏獻子曰

春秋左傳卷二十六

平陽忍堂

與其戍周不如城之天子
實云雖有後事晉勿與知
可也從王命以紓諸侯晉
國無憂是之不務而又焉
從事魏獻子曰善使伯音
對曰天子有命敢不奉承

以奔告於諸侯遲速衰序
於是焉在冬十一月晉魏
舒韓不信如京師合諸侯
之大夫于狄泉尋盟且令
城成周魏子南面衛彪傒
曰魏子必有大咎于位以

春秋左傳卷二十六

平陽忍堂

令大事非其任也詩曰敬
天之怒不敢戲豫敬天之
渝不敢馳驅況敢干位以作
大事乎己丑士彌牟營成
周計丈數揣高卑度厚薄
仞溝洫物土方議遠邇量

事期計徒庸慮材用書餼糧以令役於諸侯屬役賦丈書以授帥而效諸劉子韓簡子臨之以爲成命十二月公疾徧賜大夫大夫不受賜子家子雙琥一環

春秋左傳卷二十六

季康子之母死

一鬴輕服受之大夫皆受其賜己未公薨子家子反賜於府人曰吾不敢逆君命也大夫皆反其賜書曰公薨于乾侯言失其所也趙簡子問於史墨曰季氏

出其君而巳服焉諸侯與之君死於外而莫之或罪也對曰物生有兩有三有五有陪貳故天有三辰地有五行體有左右各有妃耦王有公諸侯有卿皆有

春秋左傳卷二十六

季康子之母死

貳也天生季氏以貳魯侯爲日久矣巳之服焉不亦宜乎魯君世從其失季氏世脩其勤巳忘君矣雖死於外其誰矜之社稷無常奉君臣無常位自古以然

故詩曰高岸爲谷深谷爲陵三后之姓於今爲庶主所知也在易卦雷乘乾曰大壯䷡天之道也昔成季友桓之季也文姜之愛子也始震而卜卜人謁之曰

春秋左傳卷十六

韋南堂

生有嘉聞其名曰友爲公室輔及生如卜人之言有文在其手曰友遂以名之旣而有大功於魯受費以爲上卿至於文子武子世增其業不廢舊績魯文

公薨而東門遂殺適立庶魯君於是乎失國政在季氏於此君也四公矣臣不知君何以得國是以爲君慎器與名不可以假人

春秋左傳卷十六

韋南堂

春秋卷第廿六

春秋經傳集解定上第七

杜氏 盡七年

經元年春王三月晉人執
宋仲幾于京師夏六月
癸亥公之喪至自乾侯戊

春秋左傳卷二十七

二 爾忍堂

辰公即位秋七月癸巳葬
我君昭公九月大雩立煬
宮冬十月隕霜殺菽
傳元年春王正月辛巳晉
魏舒合諸侯之大夫于狄
泉將以城成周魏子泣政

衛彪傒曰將建天子而易
位以令非義也大事奸義
必有大咎晉不失諸侯魏
子其不免乎是行也魏獻
子屬役於韓簡子及原壽
過而田於大陸焚焉還卒

春秋左傳卷二十七

二 爾忍堂

於甯范獻子去其柏槔以
其未復命而田也孟懿子
會城成周庚寅栽宋仲幾
不受功曰滕薛郕吾役也
薛宰曰宋爲無道絕我小
國於周以我適楚故我常

從宋晉文公爲踐土之盟
曰凡我同盟各復舊職若
從踐土若從宋亦唯命仲
幾曰踐土固然薛宰曰薛
之皇祖奚仲居薛以爲夏
車正奚仲遷于邳仲虺居

春秋左傳卷三十七

平陽忠堂

薛以爲湯左相若復舊職
將承王官何故以役諸侯
仲幾曰三代各異物薛焉
得有舊爲宋役亦其職也
士彌牟曰晉之從政者新
子姑受功歸吾視諸故府

仲幾曰縱子忘之山川鬼
神其忘諸乎士伯怒謂韓
簡子曰薛徵於人宋徵於
鬼宋罪大矣且已無辭而
抑我以神誣我也啓寵
納侮其此之謂矣必以仲

春秋左傳卷三十七

四節忍堂

幾爲戮乃執仲幾以歸三
月歸諸京師城三旬而畢
乃歸諸侯之戍齊高張
後不從諸侯晉女叔寬曰
周萇弘齊高張皆將不免
萇叔違天高子違人天之

所壞不可支也衆之所爲不可奸也夏叔孫成子逆公之喪于乾侯季孫曰子家子亟言於我未嘗不中吾志也吾欲與之從政子必止之且聽命焉子家子

春秋左傳卷二十七

五陋忍堂

不見叔孫易幾而哭叔孫請見子家子子家子辭曰羈未得見而從君以出君不命而薨羈不敢見叔孫使告之曰公衍公爲實使羣臣不得事君若公子宋

主社稷則羣臣之願也凡從君出而可以入者將唯子是聽子家氏未有後季孫願與子從政此皆季孫之願也使不敢以告對曰若立君則有卿士大夫與

春秋左傳卷二十七

六陋忍堂

守龜在羈弗敢知若從君者則貌而出者入可也寇而出者行可也若羈也則君知其出也而未知其入也羈將逃也喪及壞墮公子宋先入從公者皆自壞

隤反六月癸亥公之喪至
自乾侯戊辰公即位季孫
使役如闕公氏將溝焉榮
駕鶩曰生不能事死又離
之以自旌也縱子忍之後
必或恥之乃止季孫問於

榮駕鶩

卷二十七

榮駕鶩曰吾欲爲君謚使
子孫知之對曰生弗能事
死又惡之以自信也將焉
用之乃止秋七月癸巳葬
昭公於墓道南孔子之爲
司寇也溝而合諸墓昭公

出故季平子禱于煬公九
月立煬宮周鞏簡公弃其
子弟而好用遠人

經二年春王正月夏五月
壬辰雉門及兩觀災秋楚
人伐吳冬十月新作雉門

春秋左傳卷二十七

八爾忍堂

及兩觀

傳二年夏四月辛酉鞏氏
之羣子弟賊簡公桐叛楚
吳子使舒鳩氏誘楚人曰
以師臨我我伐桐爲我使
之無忌秋楚囊瓦伐吳師

于豫章吳人見舟于豫章而潛師于巢冬十月吳軍楚師于豫章敗之遂圍巢克之獲楚公子繁邾莊公與夷射姑飲酒私出閤乞肉焉奪之杖以敲之

春秋左傳卷二十七

九爾忍堂

經三年春王正月公如晉至河乃復二月辛卯邾子穿卒夏四月秋葬邾莊公冬仲孫何忌及邾子盟于拔
傳三年春二月辛卯邾子

在門臺臨廷閭以蜚水沃廷邾子望見之怒閭曰夷射姑旋焉命執之弗得滋怒自投于牀廢于鑪炭爛遂卒先葬以車五乘殉五人莊公卞急而好絜故及

春秋左傳 卷二十七

十爾忍堂

是秋九月鮮虞人敗晉師于平中獲晉觀虎恃其勇也冬盟于郟脩邾好也蔡昭侯爲兩佩與兩裘以如楚獻一佩一裘於昭王昭王服之以享蔡侯蔡侯亦

服其一子常欲之弗與三年止之唐成公如楚有兩肅爽馬子常欲之弗與亦三年止之唐人或相與謀請代先從者許之飲先從者酒醉之竊馬而獻之子

春秋左傳卷二十七

十一 爾忍堂

常子常歸唐侯自拘於司敗曰君以弄馬之故隱君身棄國家羣臣請相夫人以償馬必如之唐侯曰寡人之過也二三子無辱皆賞之蔡人聞之固請而獻

佩子子常子常朝見蔡侯之徒命有司曰蔡君之久也官不共也明日禮不畢將死蔡侯歸及漢執玉而沈曰余所有濟漢而南者有若大川蔡侯如晉以其

春秋左傳卷二十七

十一 爾忍堂

子元與其大夫之子爲質焉而請伐楚經四年春王二月癸巳陳侯吳卒三月公會劉子晉侯宋公蔡侯衛侯陳子鄭伯許男曹伯莒子邾子頓

子胡子滕子薛伯杞伯小邾子齊國夏于召陵侵楚夏四月庚辰蔡公孫姓帥師滅沈以沈子嘉歸殺之五月公及諸侯盟于臯鼬杞伯成卒于會六月葬陳

春秋左傳卷二十七

車南學堂

惠公許遷于容城秋七月公至自會劉卷卒葬杞悼公楚人圍蔡晉士鞅衛孔圉帥師伐鮮虞葬劉文公冬十有一月庚午蔡侯以吳子及楚人戰于柏舉楚

師敗績楚囊瓦出奔鄭庚辰吳入郢

傳四年春三月劉文公合諸侯于召陵謀伐楚也晉荀寅求貨於蔡侯弗得言於范獻子曰國家方危諸

春秋左傳卷二十七

十四 昭忍堂

侯方貳將以襲敵不亦難乎水潦方降疾瘧方起中山不服弃盟取怨無損於楚而失中山不如辭蔡侯吾自方城以來楚未可以得志祇取勤焉乃辭蔡侯

晉人假羽旄於鄭鄭人與之明日或旆以會晉於是乎失諸侯將會衛子行敬子言於靈公曰會同難嘖有煩言莫之治也其使祝佗從公曰善乃使子魚子

春秋左傳卷二十七

十五 爾忍堂

魚辭曰臣展四體以率舊職猶懼不給而煩刑書若又共二徼大罪也且夫祝社稷之常隸也社稷不動祝不出竟官之制也君以軍行祓社釁鼓祝奉以從

於是乎出竟若嘉好之事君行師從卿行旅從臣無事焉公曰行也及臯鼬將長蔡於衛衛侯使祝佗私於萇弘曰聞諸道路不知信否若聞蔡將先衛信乎

春秋左傳卷二十七

十六 爾忍堂

萇弘曰信蔡叔康叔之兄也先衛不亦可乎子魚曰以先王觀之則尚德也昔武王克商成王定之選建明德以蕃屏周故周公相王室以尹天下於周爲睦

分魯公以大路大旂夏后氏之璜封父之繁弱殷臣六族條氏徐氏蕭氏索氏長勺氏尾勺氏使帥其宗氏輯其分族將其類醜以法則周公用即命于周是

春秋左傳卷二十七

十七 昭忍堂

使之職事于魯以昭周公之明德分之土田陪敦祝宗卜史備物典策官司彝器因商奄之臣命以伯禽而封於少皞之虛分康叔以太路少帛靖茂旃旌大

呂殷臣七族陶氏施氏繁氏錡氏樊氏饑氏終葵氏封畛土略自武父以南及圃田之北竟取於有閭之土以共王職取於相土之東都以會王之東蒐聃季

春秋左傳卷二十七

十六 昭忍堂

授土陶叔授臣命以康誥而封於殷虛皆啓以商政疆以周索分唐叔以大路密須之鼓闕鞏沽洗懷姓九宗職官五正命以唐誥而封於夏虛啓以夏政疆

以戎索三者皆叔也而有
令德故昭之以分物不然
文武成康之伯猶多而不
獲是分也唯不尚年也管
蔡啓商其間王室王於是
乎殺管叔而蔡蔡叔以車

春秋左傳卷三

七年

七乘徒七十人其子蔡仲
改行帥德周公舉之以爲
己卿士見諸王而命之以
蔡其命書云王曰胡無若
爾考之違王命也若之何
其使蔡先衛也武王之母

春秋左傳卷三

二十

第八人周公爲大宰康叔
爲司寇聃季爲司空五叔
無官豈尚年哉曹文之昭
也晉武之穆也曹爲伯甸
非尚年也今將尚之是反
先王也晉文公爲踐土之
盟明衛成公不在夷叔其母
弟也猶先蔡其載書云王
若曰晉重魯申衛武蔡甲
午鄭捷齊潘宋王臣莒期
藏在周府可覆視也吾子
欲復文武之略而不正其

德將如之何甚弘說告劉子與范獻子謀之乃長衛侯於盟反自召陵鄭子大叔未至而卒晉趙簡子爲之臨甚哀曰黃父之會夫子語我九言曰無始亂無怙

春秋左傳卷二十七

王三石忍堂

富無恃寵無違同無敖禮無驕能無復怒無謀非德無犯非義沈人不曾于召陵晉人使蔡伐之夏蔡滅沈秋楚爲沈故圍蔡伍員爲吳行人以謀楚楚之殺

卻宛也伯氏之族出伯州犂之孫嚭爲吳大宰以謀楚楚自昭王即位無歲不有吳師蔡侯因之以其子乾與其大夫之子爲質於吳冬蔡侯吳子唐侯伐楚

春秋左傳卷二十七

王三石忍堂

舍舟于淮汭自豫章與楚夾漢左司馬戌謂子常曰子汭漢而與之上下我悉方城外以毀其舟還塞大隧直轅冥阬子濟漢而伐之我自後擊之必大敗之

既謀而行武城黑謂子常
曰吳用木也我用革也不
可久也不如速戰史皇謂
子常楚人惡子而好司馬
若司馬毀吳舟于淮塞
城口而入是獨克吳也子

春秋左傳卷三十七

韋而忍堂

必速戰不然不免乃濟漢
而陳自小別至于大別三
戰子常知不可欲奔史皇
曰安求其事難而逃之將
何所入子必死之初罪必
盡說十一月庚午二師陳

于柏舉闔廬之弟夫槩王
晨請於闔廬曰楚瓦不仁
其臣莫有死志先伐之其
卒必奔而後大師繼之必
克弗許夫槩王曰所謂臣
義而行不待命者其此之

春秋左傳卷三十七

孟而忍堂

謂也今日我死楚可入也
以其屬五千先擊子常之
卒子常之卒奔楚師亂吳
師大敗之子常奔鄭史皇
以其乘廣死吳從楚師及
清發將擊之夫槩王曰困

獸猶鬪況人乎若知不免而致死必敗我若使先濟者知免後者慕之蔑有鬪心矣半濟而後可擊也從之又敗之楚人爲食吳人及之奔食而從之敗諸雍

春秋左傳卷二十七

王孟忍堂

蒞五戰及郢己卯楚子取其妹季芊畀我以出涉睢鍼尹固與王同舟王使執燧象以奔吳師庚辰吳入郢以班處宮子山處令尹之宮夫旣王欲攻之懼而

去之夫旣王入之左司馬戌及息而還敗吳師于雍蒞傷初司馬臣闔廬故恥爲禽焉謂其臣曰誰能免吾首吳句卑曰臣賤可乎司馬曰我實失子可哉三

春秋左傳卷二十七

王孟忍堂

戰皆傷曰吾不可用也已句卑布裳剄而裹之藏其身而以其首免楚子涉睢濟江入于雲中王寢盜攻之以戈擊王王孫由于以背受之中肩王奔鄖鍾建

負季芊以從由于徐蘇而
從鄖公辛之弟懷將弑王
曰平王殺吾父我殺其子
不亦可乎辛曰君討臣誰
敢讎之君命天也若死天
命將誰讎詩曰柔亦不茹

春秋左傳卷五

孟子卷五

剛亦不吐不侮矜寡不畏
彊禦唯仁者能之違彊陵
弱非勇也乘人之約非仁
也滅宗廢祀非孝也動無
令名非知也必犯是余將
殺女鬬辛與其弟巢以王

奔隨吳人從之謂隨人曰
周之子孫在漢川者楚實
盡之天誘其衷致罰於楚
而君又竄之周室何罪君
若顧報周室施及寡人以
將天衷君之惠也漢陽之

春秋左傳卷五

孟子卷五

田君實有之楚子在公宮
之北吳人在其南子期似
王逃王而已爲王曰以我
與之王必免隨人卜與之
不吉乃辭吳曰以隨之辟
小而密邇於楚楚實存之

世有盟誓至于今未改若
難而弃之何以事君執事
之患不唯一人若鳩楚竟
敢不聽命吳人乃退鑪金
初宦於子期氏實與隨人
要言王使見辭曰不敢以

春秋左傳卷二十七

无陋忍堂

約爲利王割子期之心以
與隨人盟初伍員與申包
胥友其亡也謂申包胥曰
我必復楚國申包胥曰勉
之子能復之我必能興之
及昭王在隨申包胥如秦

乞師曰吳爲封豕長蛇以
荐食上國虐始於楚寡君
失守社稷越在草莽使下
臣告急曰夷德無厭若鄰
於君疆場之患也逮吳之
未定君其取分焉若楚之

春秋左傳卷二十七

无陋忍堂

遂亡君之土也若以君靈
撫之世以事君秦伯使辭
焉曰寡人聞命矣子姑就
館將圖而告對曰寡君越
在草莽未獲所伏下臣何
敢即安立依於庭牆而哭

日夜不絕聲勺飲不入口
七日秦哀公爲之賦無衣
九頓首而坐秦師乃出

經五年春王三月辛亥朔
日有食之夏歸粟于蔡於
越入吳六月丙申季孫意

如卒秋七月壬子叔孫不
敢卒冬晉士鞅帥師圍鮮
虞

傳五年春王人殺子朝于
楚夏歸粟于蔡以周亟矜
無資_也越入吳吳在楚也六

月季平子行東野還未至
丙申卒于房陽虎將以璆
璫斂仲梁懷弗與曰改步
改玉陽虎欲逐之告公山

春秋左傳卷之六

孟子卷之六

及費子洩爲費宰逆勞於
郊桓子敬之勞仲梁懷仲
梁懷弗敬子洩怒謂陽虎
子行之乎申包胥以秦
師至秦子蒲子虎帥車五
百乘以救楚子蒲曰吾未

知吳道使楚人先與吳人戰而自稷會之大敗夫槩王于沂吳人獲遠射於柏舉其子帥奔徒以從子西敗吳師於軍祥秋七月子期子蒲滅唐九月夫槩王

春秋左傳卷二十七

韋爾忍堂

歸自立也以與王戰而敗奔楚爲堂谿氏吳師敗楚師于雍澨秦師又敗吳師吳師居麋子期將焚之子西曰父兄親暴骨焉不能收又焚之不可子期曰國

亡矣死者若有知也可以歌舊祀豈憚焚之焚之又戰吳師敗又戰于公壻之谿吳師大敗吳子乃歸囚闔閭與罷闔閭與罷請先逐逃歸萊公諸梁之弟后臧

春秋左傳卷二十七

韋爾忍堂

從其母於吳不待而歸萊公終不正視乙亥陽虎囚季桓子及公父文伯而逐仲梁懷冬十月丁亥殺公何藐己丑盟桓子于稷門之內庚寅大誚逐公父歆

及秦遄皆奔齊楚子入于郢初鬬辛聞吳人之爭宮也曰吾聞之不讓則不和和不可以遠征吳爭於楚必有亂有亂則必歸焉能定楚王^楚之奔隨也將涉

春秋左傳卷五

孟子南忠堂

於成曰藍尹亶涉其帑不與王舟及寧王欲殺之子西曰子常唯思舊怨以敗君何效焉王曰善使復其所吾以志前惡王賞鬬辛王孫由于王孫圉鍾建鬬

巢申包胥王孫賈宋木鬬懷子西曰請舍懷也王曰大德滅小怨道也申包胥曰吾爲君也非爲身也君旣定矣又何求且吾尤子旗其又爲諸遂逃賞王將

春秋左傳卷五

孟子南忠堂

嫁季芊季芊辭曰所以爲女子遠丈夫也鍾建負我矣以妻鍾建以爲樂尹王之在隨也子西爲王輿服以保路國于脾洩聞王所在而後從王王使由于城

麋復命子西問高厚大小焉弗知子西曰不能如辭城不知高厚小大何知對曰固辭不能子使余也人各有能有不能王遇盜於雲中余受其戈其所猶在

袒而示之背曰此余所能也脾洩之事余亦弗能也晉士鞅圍鮮虞報觀虎之敗也

經六年春王正月癸亥鄭游速帥師滅許以許男斯

歸二月公侵鄭公至自侵鄭夏季孫斯仲孫何忌如晉秋晉人執宋行人樂祁犁冬城中城季孫斯仲孫忌帥師圍鄆

傳六年春鄭滅許因楚敗

也二月公侵鄭取匡爲晉討鄭之伐胥靡也往不假道於衛及還陽虎使季孟自南門入出自東門舍於豚澤衛侯怒使彌子瑕追之公叔文子老矣輦而如

公曰尤人而效之非禮也
昭公之難君將以文之舒
鼎成之昭兆定之般鞮苟
可以納之擇用一焉公子
與二三臣之子諸侯苟憂
之將以爲之質此羣臣之

春秋左傳卷三十一

堯而忠堂

所聞也今將以小忿蒙舊
德無乃不可乎大姒之子
唯周公康叔爲相睦也而
效小人以弃之不亦誣乎
天將多陽虎之罪以斃之
君姑待之若何乃止夏季

桓子如晉獻鄭俘也陽虎
強使孟懿子往報夫人之
幣晉人兼享之孟孫立于
房外謂范獻子曰陽虎若
不能居魯而息肩於晉所
不以爲中軍司馬者有如

春秋左傳卷三十一

卑而忠堂

先君獻子曰寡君有官將
使其人鞅何知焉獻子謂
簡子曰魯人患陽虎矣孟
孫知其豐以爲必適晉故
強爲之請以取入焉四月
己丑吳太子終累敗楚舟

師獲潘子臣小惟子及大
夫七人楚國大惕懼亡子
期又以陵師敗于繁揚令
尹子西喜曰乃今可爲
矣於是乎遷郢於都而改
紀其政以定楚國周儋翩

春秋左傳卷二十七

聖賢堂

率王子朝之徒因鄭人將
以作亂于周鄭於是乎伐
馮滑胥靡負黍狐人闕外
六月晉閻沒戍周且城胥
靡秋八月宋樂祁言於景
公曰諸侯唯我事晉今使

不往晉其憾矣樂祁告其
宰陳寅陳寅曰必使子往
他日公謂樂祁曰唯寡人
說子之言子必往陳寅曰
子立後而行吾室亦不亡
唯君亦以我爲知難而行

春秋左傳卷二十七

聖賢堂

也見溷而行趙簡子逆而
飲之酒於縣上獻楊楯六
十於簡子陳寅曰昔吾主
范氏今子主趙氏又有納
焉以楊楯賈禍弗可爲也
已然子死晉國子孫必得

志於宋范獻子言於晉侯
曰以君命越疆而使未致
使而私飲酒不敬二君不可
不討也乃執樂祁陽虎又
盟公及三桓於周社盟國
人于亳社詛于五父之衢
冬十二月天王處于姑猶
辟僖翩之亂也

春秋左傳卷三

聖祖忍堂

經七年春王正月夏四月
秋齊侯鄭伯盟于鹹齊人
執衛行人北宮結以侵衛
齊侯衛侯盟于沙大雩齊

國夏帥師伐我西鄙九月
大雩冬十月

傳七年春二月周僖翩入
于儀栗以叛齊人歸鄆陽
關陽虎居之以爲政夏四
月單武公劉桓公敗尹氏

春秋左傳卷三

聖祖忍堂

于窮谷秋齊侯鄭伯盟于
鹹徵會于衛衛侯欲叛晉
諸大夫不可使北宮結如
齊而私於齊侯曰執結以
侵我齊侯從之乃盟于瑣
齊國夏伐我陽虎御季桓

子公斂處父御孟懿子將
宵軍齊師齊師聞之墮伏
而待之處父曰虎不圖禍
而必死苦夷曰虎陷二子
於難不待有司余必殺女
虎懼乃還不敗冬十一月

春秋左傳

聖祖忍堂

戊午單子劉子逆王于慶
氏晉籍秦送王己巳王入
于王城館于公族黨氏而
後朝于莊宮

春秋卷第廿七

春秋經傳集解定下第六

杜氏 盡十五年

經八年春王正月公侵齊
公至自侵齊二月公侵齊
三月公至自侵齊曹伯露

春秋左傳卷六

二百里忍堂

卒夏齊國夏帥師伐我西
鄙公會晉師于瓦公至自
瓦秋七月戊辰陳侯柳卒
晉士鞅帥師侵鄭遂侵衛
葬曹靖公九月葬陳懷公
季孫斯仲孫何忌帥師侵

春秋左傳卷六

二百里忍堂

衛冬衛侯鄭伯盟于曲濮
從祀先公盜竊寶玉大弓
傳八年春王正月公侵齊
門于陽州士皆坐列曰顏
高之弓六鈞皆取而傳觀
之陽州人出顏高奪人弱
弓籍丘子鉏擊之與一人
俱斃偃且射子鉏中頰殪
顏息射人中眉退曰我無
勇吾志其目也師退冉猛
僞傷足而先其兄會乃呼
曰猛也殿二月己丑單子

伐穀城劉子伐儀栗辛卯
單子伐簡城劉子伐孟以
定王室趙鞅言於晉侯曰
諸侯唯宋事晉好逆其使
猶懼不至今又執之是絕
諸侯也將歸樂祁士鞅曰

春秋左傳

卷二八

三年止之無故而歸之宋
必叛晉獻子私謂子梁曰
寡君懼不得事宋君是以
止子子姑使溷伐子子梁
以告陳寅陳寅曰宋將叛
晉是奔溷也不如待之樂

祁歸卒于大行士鞅曰宋
必叛不如止其尸以求成
焉乃止諸州公侵齊攻廩
丘之郭主人焚衝或濡馬
褐以救之遂毀之主人出
師奔陽虎僞不見冉猛者

春秋左傳

卷二八

曰猛在此必敗猛逐之顧
而無繼僞顛虎曰盡客氣
也苦越生子將待事而名
之陽州之役獲焉名之曰
陽州夏齊國夏高張伐我
西鄙晉士鞅趙鞅荀寅救

我公會晉師于瓦范獻子
執羔趙簡子中行文子皆
執鴈魯於是始尚羔晉師
將盟衛侯于鄆澤趙簡子
曰羣臣誰敢盟衛君者涉
佗成何曰我能盟之衛人

春秋左傳卷五

齊魯忍堂

請執牛耳成何曰衛吾溫
原也焉得視諸侯將歆涉
佗拔衛侯之手及腕衛侯
怒王孫賈趨進曰盟以信
禮也有如衛君其敢不唯
禮是事而受此盟也衛侯

欲叛晉而患諸大夫王孫
賈使次于郊大夫問故公
以晉詬語之且曰寡人辱
社稷其改卜嗣寡人從焉
大夫曰是衛之禍豈君之
過也公曰又有患焉謂寡

春秋左傳卷五

六西忍堂

人必以而子與大夫之子
爲質大夫曰苟有益也公
子則往羣臣之子敢不皆
負羈紼以從將行王孫賈
曰苟衛國有難工商未嘗
不爲患使皆行而後可公

以告大夫乃皆將行之行
有日公朝國人使賈問焉
曰若衛叛晉晉五伐我病
何如矣皆曰五伐我猶可
以能戰賈曰然則如叛之
病而後質焉何遲之有乃

春秋左傳卷二十八

左傳卷二十八

叛晉晉人請改盟弗許秋
晉士鞅會成桓公侵鄭圍
蟲牢報伊闕也遂侵衛九
月師侵衛晉故也季寤公
鉏極公山不狃皆不得志
於季氏叔孫輒無寵於叔

孫氏叔仲志不得志於魯
故五人因陽虎陽虎欲去
三桓以季寤更季氏以叔
孫輒更叔孫氏己更孟氏
冬十月順祀先公而祈焉
辛卯禘于僖公壬辰將享

春秋左傳卷二十八

左傳卷二十八

季氏于蒲圃而殺之戒都
車曰癸巳至成宰公斂處
父告孟孫曰季氏戒都車
何故孟孫曰吾弗聞處父
曰然則亂也必及於子先
備諸與孟孫以壬辰爲期

陽虎前驅林楚御桓子虞人以鉞盾夾之陽越殿將如蒲圃桓子咋謂林楚曰而先皆季氏之良也爾以是繼之對曰臣聞命後陽虎爲政魯國服焉違之徵

春秋左傳卷三

九百忍堂

死死無益於主桓子曰何後之有而能以我適孟氏乎對曰不敢愛死懼不免主桓子曰往也孟氏選圉人之壯者三百人以爲公期築室於門外林楚怒馬

及衢而騁陽越射之不中築者闔門有自門閒射陽越殺之陽虎劫公與武叔以伐孟氏公斂處父帥成人自上東門入與陽氏戰于南門之內弗勝又戰于

春秋左傳卷三

十百忍堂

棘下陽氏敗陽虎說甲如公宮取寶玉大弓以出舍于五父之衢寢而爲食其徒曰追其將至虎曰魯人聞余出喜於徵死何暇追余從者曰嘻速駕公斂陽

在公斂陽請追之孟孫弗許陽欲殺桓子孟孫懼而歸之子言辨舍爵於季氏之廟而出陽虎入于謹陽關以叛鄭駟歆嗣子大叔爲政

春秋左傳卷二十八

士師忍堂

經九年春王正月夏四月戊申鄭伯蠆卒得寶玉大弓六月葬鄭獻公秋齊侯衛侯次于五氏秦伯卒冬葬秦哀公傳九年春宋公使樂大心

盟于晉且逆樂祁之尸辭僞有疾乃使向巢如晉盟且逆子梁之尸子明謂桐門右師出曰吾猶衰經而子擊鐘何也右師曰喪不在此故也旣而告人曰已

春秋左傳卷二十八

士師忍堂

衰經而生子余何故舍鐘子明聞之怒言於公曰右師將不利戴氏不肯適晉將作亂也不然無疾乃逐桐門右師鄭駟歆殺鄧析而用其竹刑君子謂子然

於是不忠苟有可以加於
國家者弃其邪可也靜女
之三章取彤管焉竿旄何
以告之取其忠也故用其
道不弃其人詩云蔽芾甘
棠勿翦勿伐召伯所茇思

春秋左傳卷之六

孟子卷之六

其人猶愛其樹況用其道
而不恤其人乎子然無以
勸能矣夏陽虎歸寶玉大
弓書曰得得器用也凡獲
器用曰得得用焉曰獲六
月伐陽關陽虎使焚萊門

師驚犯之而出奔齊請師
以伐魯曰三加必取之齊
侯將許之鮑文子諫曰臣
嘗爲隸於施氏矣魯未可
取也上下猶和衆庶猶睦
能事大國而無天菑若之

春秋左傳卷之六

孟子卷之六

何取之陽虎欲勤齊師也
齊師罷大臣必多死亡已
於是乎奮其詐謀夫陽虎
有寵於季氏而將殺季孫
以不利魯國而求容焉親
富不親仁君焉用之君富

於季氏而大於魯國茲陽
虎所欲傾覆也魯免其疾
而君又收之無乃害乎齊
侯執陽虎將東之陽虎願
東乃囚諸西鄙盡借邑人
之車鑿其軸麻約而歸之

春秋左傳卷二十八

卷二十八

載葱靈寢於其中而逃追
而得之囚於齊又以葱靈
逃奔宋遂奔晉適趙氏仲
尼曰趙氏其世有亂乎秋
齊侯伐晉夷儀敝無存之
父將室之辭以與其弟曰

此役也不死反必娶於高
國先登求自門出死於雷
下東郭書讓登犁彌從之
曰子讓而左我讓而右使
登者絕而後下書左彌先
下書與王猛息猛曰我先

春秋左傳卷二十八

卷二十八

登書斂甲曰曩者之難今
又難焉猛笑曰吾從子如
驂之靳晉車千乘在中牟
衛侯將如五氏卜過之龜
焦衛侯曰可也衛車當其
半寡人當其半敵矣乃過

中牟中牟人欲伐之衛褚師圃亡在中牟曰衛雖小其君在焉未可勝也齊師克城而驕其帥又賤遇必敗之不如從齊乃伐齊師敗之齊侯致襍媚杏於衛

春秋左傳卷六

十六爾忍堂

齊侯賞犁彌犁彌辭曰有先登者臣從之皙幘而衣狸製公使視東郭書曰乃夫子也吾貺子公賞東郭書辭曰彼賓旅也乃賞犁彌齊師之在夷儀也齊侯

謂夷儀人曰得敝無存者以五家免乃得其尸公三褫之與之犀軒與直蓋而先歸之坐引者以師哭之親推之三

春秋左傳卷六

十六爾忍堂

夏公會齊侯于夾谷公至自夾谷晉趙鞅帥師圍衛齊人來歸鄆謹龜陰田叔孫州仇仲孫何忌帥師圍郕秋叔孫州仇仲孫何忌帥師圍郕宋樂大心出

奔曹宋公子地出奔陳冬
齊侯衛侯鄭游速會于安
甫叔孫州仇如齊宋公之
弟辰暨仲佗石彊出奔陳
傳十年春及齊平夏公會
齊侯于祝其實夾谷孔丘

春秋左傳卷三十八

十九 爾忍堂

相犁彌言於齊侯曰孔丘
知禮而無勇若使萊人以
兵劫魯侯必得志焉齊侯
從之孔丘以公退曰士兵
之兩君合好而裔夷之俘
以兵亂之非齊君所以命

諸侯也裔不謀夏夷不亂
華俘不干盟兵不偪好於
神爲不祥於德爲愆義於
人爲失禮君必不然齊侯
聞之遽辟之將盟齊人加
於載書曰齊師出竟而不

春秋左傳卷三十八

二十 爾忍堂

以甲車三百乘從我者有
如此盟孔丘使茲無還揖
對曰而不反我汶陽之田
吾以共命者亦如之齊侯
將享公孔丘謂梁丘據曰
齊魯之故吾子何不聞焉

事既成矣而又享之是勤
執事也且犧象不出門嘉
樂不野合饗而既具是弃
禮也若其不具用秕稗也
用秕稗君辱弃禮名惡子
盍圖之夫享所以昭德也

春秋左傳卷三

三

不昭不如其已也乃不果
享齊人來歸鄆謹龜陰之
田晉趙鞅圍衛報夷儀也
初衛侯伐邯鄲午於寒氏
城其西北而守之宵燿及
晉圍衛午以徒七十人門

春秋左傳卷三

三

於衛西門殺人於門中曰
請報寒氏之役涉佗曰夫
子則勇矣然我往必不敢
啓門亦以徒七十人旦門
焉步左右皆至而立如植
日中不啓門乃退反役晉
人討衛之叛故曰由涉佗
成何於是執涉佗以求成
於衛衛人不許晉人遂殺
涉佗成何奔燕君子曰此
之謂弃禮必不鈞詩曰人
而無禮胡不遄死涉佗亦

端矣哉初叔孫成子欲立武叔公若藐固諫曰不可成子立之而卒公南使賊射之不能殺公南爲馬正使公若爲郈宰武叔旣定使郈馬正侯犯殺公若弗

春秋左傳卷二十八

圭爾忍堂

能其圉人曰吾以劔過朝公若必曰誰之劔也吾稱子以告必觀之吾僞固而授之末則可殺也使如之公若曰爾欲吳王我乎遂殺公若侯犯以郈叛武叔懿

子圍郈弗克秋二子及齊師復圍郈弗克叔孫謂郈工師駟赤曰郈非唯叔孫氏之憂社稷之患也將若之何對曰臣之業在揚水卒章之四言矣叔孫稽首

春秋左傳卷二十八

圭爾忍堂

駟赤謂侯犯曰居齊魯之際而無事必不可矣子盍求事於齊以臨臣不然將叛侯犯從之齊使至駟赤與郈人爲之宣言於郈中曰侯犯將以郈易於齊齊

人將遷郕已衆兇懼駟赤
謂侯犯曰衆言異矣子不
如易於齊與其死也猶是
郕也而得紓焉何必止齊
人欲以此偪魯必倍與子
地且盍多舍甲於子之門

春秋左傳卷之六

孟子忍堂

以備不虞侯犯曰諾乃多
舍甲焉侯犯請易於齊齊
有司觀郕將至駟赤使用
走呼曰齊師至矣郕人大
駭介侯犯之門甲以圍侯
犯駟赤將射之侯犯止之

曰謀免我侯犯請行許之
駟赤先如宿侯犯殿每出
一門郕人閉之及郭門止
之曰子以叔孫氏之甲出
有司若誅之羣臣懼死駟
赤曰叔孫氏之甲有物吾

春秋左傳卷之六

孟子忍堂

未敢以出侯犯謂駟赤曰
子止而與之數駟赤止而
納魯人侯犯奔齊齊人乃
致郕宋公子地嬖遽富獵
十一分其室而以其五與
之公子地有白馬四公嬖

向魋欲之公取而朱其尾鬣以與之地怒使其徒扶魋而奪之魋懼將走公閉門而泣之目盡腫母弟辰曰子分室以與獵也而獨卑魋亦有頗焉子爲君

春秋左傳卷二十八

主而忍堂

禮不過出竟君必止子公子地出奔陳公弗止辰爲之請弗聽辰曰是我廷吾兄也吾以國人出君誰與處冬母弟辰暨仲佗石彊出奔陳武叔聘于齊齊侯

享之曰子叔孫若使郈在君之他竟寡人何知焉屬與敝邑際故敢助君憂之對曰非寡君之望也所以

春秋左傳卷二十八

主而忍堂

事君封疆社稷是以敢以家隸勤君之執事夫不令之臣天下之所惡也君豈以爲寡君賜

經十有一年春宋公之弟辰及仲佗石彊公子地自陳入于蕭以叛夏四月秋宋樂大心自曹入于蕭冬

及鄭平叔還如鄭泣盟
傳十一年春宋公母弟辰
暨仲佗石彊公子地入于
蕭以叛秋樂大心從之大
爲宋患寵向魋故也冬及
鄭平始叛晉也

春秋左傳卷三

无百忍堂

經十有二年春薛伯定卒
夏葬薛襄公叔孫州仇帥
師墮郈衛公孟彊帥師伐
曹季孫斯仲孫何忌帥師
墮費秋大雩冬十月癸亥
公會齊侯盟于黃十有一

月丙寅朔日有食之公至
自黃十有二月公圍成公
至自圍成
傳十二年夏衛公孟彊伐
曹克郊還滑羅殿未出不
退於列其御曰殿而在列

春秋左傳卷三

无百忍堂

其爲無勇乎羅曰與其素
厲寧爲無勇仲由爲季氏
宰將墮三都於是叔孫氏
墮郈季氏將墮費公山不
狃叔孫輒帥費人以襲魯
公與三子入于季氏之宮

登武子之臺費人攻之弗克入及公側仲尼命申句須樂頎下伐之費人北國人追之敗諸姑蔑二子奔齊遂墮費將墮成公斂處父謂孟孫墮成齊人必至

春秋左傳卷二十八

主三思堂

于北門且成孟氏之保障也無成是無孟氏也子僞不知我將不墮冬十二月公圍成弗克

經十有三年春齊侯衛侯次于垂葭夏築蛇汭囿大

蒐于比蒲衛公孟彊帥師伐曹秋晉趙鞅入于晉陽以叛冬晉荀寅士吉射入于朝歌以叛晉趙鞅歸于晉薛弒其君比

春秋左傳卷二十八

主三思堂

于垂葭實郟氏使師伐晉將濟河諸大夫皆曰不可邴意茲曰可銳師伐河內傳必數日而後及絳絳不三月不能出河則我旣濟水矣乃伐河內齊侯皆斂

諸大夫之軒唯邴意茲乘
軒齊侯欲與衛侯乘與之
宴而駕乘廣載甲焉使告
曰晉師至矣齊侯曰比君
之駕也寡人請攝乃介而
與之乘驅之或告曰無晉

春秋左傳卷之六

孟子卷之六

師乃止晉趙鞅謂邴鄆午
曰歸我衛貢五百家吾舍
諸晉陽午許諾歸告其
父兄父兄皆曰不可衛是
以爲邴鄆而寘諸晉陽絕
衛之道也不如侵齊而謀

之乃如之而歸之于晉陽
趙孟怒召午而囚諸晉陽
使其從者說劍而入涉賓
不可乃使告邴鄆人曰吾
私有討於午也二三子唯
所欲立遂殺午趙稷涉賓

春秋左傳卷之六

孟子卷之六

以邴鄆叛夏六月上軍司
馬籍秦圍邴鄆邴鄆午荀
寅之甥也荀寅范吉射之
姻也而相與睦故不與圍
邴鄆將作亂董安于聞之
告趙孟曰先備諸趙孟曰

晉國有命始禍者死爲後
可也安于曰與其害於己
寧我獨死請以我說趙孟
不可秋七月范氏中行氏
伐趙氏之宮趙鞅奔晉陽
晉人圍之范臯夷無寵於

春秋左傳卷二十八

三才圖會

范吉射而欲爲亂於范氏
梁嬰父嬖於知文子文子
欲以爲卿韓簡子與中行
文子相惡魏襄子亦與范
昭子相惡故五子謀將逐
荀寅而以梁嬰父代之逐

范吉射而以范臯夷代之
荀躒言於晉侯曰君命大
臣始禍者死載書在河今
三臣始禍而獨逐鞅刑已
不鈞矣請皆逐之冬十一
月荀躒韓不信魏曼多奉

春秋左傳卷二十八

三才圖會

公以伐范氏中行氏弗克
二子將伐公齊高彊曰三
折肱知爲良醫唯伐君爲
不可已弗與也我以伐君
在此矣三家未睦可盡克
也克之君將誰與若先伐

君是使睦也弗聽遂伐公
國人助公二子敗從而伐
之丁未荀寅士吉射奔朝
歌韓魏以趙氏爲請十二
月辛未趙鞅入于絳盟于
公宮初衛公叔文子朝而

春秋左傳卷三

三子而忍堂

請享靈公退見史鮑而告
之史鮑曰子必禍矣子富
而君貪罪其及子乎文子
曰然吾不先告子是吾罪
也君旣許我矣其若之何
史鮑曰無害子臣可以免

富而能臣必免於難上下
同之戎也驕其亡乎富而
不驕者鮮吾唯子之見驕
而不亡者未之有也戎必
與焉及文子卒衛侯始惡
於公叔戎以其富也公叔

春秋左傳卷三

三子而忍堂

戎又將去夫人之黨夫人
愬之曰戎將爲亂
經十有四年春衛公叔戎
來奔衛趙陽出奔宋二月
辛巳楚公子結陳公孫佗
人帥師滅頓以頓子牂歸

夏衛北宮結來奔五月於
越敗吳于檇李吳子光卒
公會齊侯衛侯于牽公至
自會秋齊侯宋公會于洮
天王使石尚來歸脤衛世
子蒯聵出奔宋衛公孟彊

春秋左傳卷二十八

三石齋忍堂

出奔鄭宋公之弟辰自蕭
來奔大蒐于比蒲邾子來
會公城莒父及霄

傳十四年春衛侯逐公叔
戌與其黨故趙陽奔宋戌
來奔梁嬰父惡董安于謂

知文子曰不殺安于使終
爲政於趙氏趙氏必得晉
國盡以其先發難也討於
趙氏文子使告於趙孟曰
范中行氏雖信爲亂安于
則發之是安于與謀亂也

春秋左傳卷二十八

四石齋忍堂

晉國有命始禍者死二子
既伏其罪矣敢以告趙孟
患之安于曰我死而晉國
寧趙氏定將焉用生人誰
不死吾死莫矣乃縊而死
趙孟尸諸市而告於知氏

范

曰主命戮罪人安于旣伏其罪矣敢以告知伯從趙孟盟而後趙氏定祀安于於廟頓子牂欲事晉背楚而絕陳好二月楚滅頓夏衛北宮結來奔公叔戍之故

春秋左傳卷三

聖百忍堂

也吳伐越越子勾踐禦之陳于檣李勾踐患吳之整也使死士再禽焉不動使罪人三行屬劍於頸而辭曰二君有治臣奸旗鼓不敏於君之行前不敢逃刑

敢歸死遂自剄也師屬之目越子因而伐之大敗之靈姑浮以戈擊闔廬闔廬傷將指取其一屨還卒於陘去檣李七里夫差使人立於庭苟出入必謂己曰

春秋左傳卷三

聖百忍堂

夫差而忘越王之殺而父乎則對曰唯不敢忘三年乃報越晉人圍朝歌公會齊侯衛侯于脾上梁之間謀救范中行氏也析成鮒小王桃甲率狄師以襲晉

戰于絳中不克而還士鮒
奔周小王桃甲入于朝歌
秋齊侯宋公會于洮范氏
故也衛侯爲夫人南子召
宋朝會于洮太子蒯聵獻
孟子齊過宋野野人歌之

春秋左傳卷三

聖祖忍堂

曰既定爾婁豬盍歸吾艾
玃太子羞之謂戲陽速曰
從我而朝少君少君見我
我顧乃殺之速曰諾乃朝
夫人夫人見太子太子三
顧速不進夫人見其色啼

而走曰蒯聵將殺余公執
其手以登臺太子奔宋盡
逐其黨故公孟彊出奔鄭
自鄭奔齊太子告人曰戲
陽速禍余戲陽速告人曰
太子則禍余太子無道使

春秋左傳卷三

聖祖忍堂

余殺其母余不許將戕於
余若殺夫人將以余說余
是故許而弗爲以紓余死
諺曰已保於信吾以信義
也冬十二月晉人敗范中
行氏之師於潞獲籍秦高

彊又敗鄭師及范氏之師
于百泉

經十有五年春王正月邾
子來朝麇鼠食郊牛牛死
改卜牛二月辛丑楚子滅
胡以胡子豹歸夏五月辛

春秋左傳卷三

墨爾忍堂

亥郊壬申公薨于高寢鄭
罕達帥師伐宋齊侯衛侯
次于渠蔭邾子來奔喪秋
七月壬申妣氏卒八月庚
辰朔日有食之九月滕子
來會葬丁巳葬我君定公

春秋左傳卷三

墨爾忍堂

雨不克葬戊午日下昊乃
克葬辛巳葬定妣冬城漆
傳十五年春邾隱公來朝
子貢觀焉邾子執玉高其
容仰公受玉卑其容俯子
貢曰以禮觀之二君者皆
有死亡焉夫禮死生存亡
之體也將左右周旋進退俯
仰於是乎取之朝祀喪戎
於是乎觀之今正月相朝
而皆不度心已亡矣嘉事
不體何以能久高仰驕也

卑俯替也。驕近亂，替近疾。君爲主，其先亡乎？吳之入楚也，胡子盡俘楚邑之近胡者。楚旣定，胡子豹又不事楚，曰：存亡有命，事楚何爲？多取費焉。二月，楚滅胡。

春秋左傳卷二十八

四七 爾忍堂

夏五月壬申，公薨。仲尼曰：賜不幸言而中，是使賜多言者也。鄭罕達敗宋師于老丘。齊侯、衛侯次于蘧棼，謀救宋也。秋七月壬申，如氏卒，不稱夫人，不赴，且不

祔也。葬定公，雨，不克襄事，禮也。葬定，如不稱小君，不成喪也。冬，城漆，書不時，告也。

春秋卷第廿八

春秋左傳卷二十八

四八 爾忍堂

春秋經傳集解哀上第廿

杜氏 盡十三年

經元年春王正月公即位
楚子陳侯隨侯許男圍蔡
驪鼠食郊牛改卜牛夏四

春秋左傳卷之六

十一 昭忠堂

月辛巳郊秋齊侯衛侯伐
晉冬仲孫何忌帥師伐邾
傳元年春楚子圍蔡報柏
舉也里而栽廣丈高倍夫
屯晝夜九日如子西之素
蔡人男女以辨使疆于江

汝之間而還蔡於是乎請
遷于吳吳王夫差敗越于
夫椒報檇李也遂入越越
子以甲楯五千保于會稽
使大夫種因吳大宰嚭以
行成吳子將許之伍員曰

春秋左傳卷之六

十二 昭忠堂

不可臣聞之樹德莫如滋
去疾莫如盡昔有過澆殺
斟灌以伐斟鄩滅夏后相
后緡方娠逃出自竇歸于
有仍生少康焉爲仍牧正
甚澆能戒之澆使椒求之

逃奔有虞爲之庖正以除其害虞思於是妻之以二姚而邑諸綸有田一成有衆一旅能布其德而兆其謀以收夏衆撫其官職使女艾諫澆使季杼誘豷遂

春秋左傳卷二十九

三
爾忍堂

滅過戈復禹之績祀夏配天不失舊物今吳不如過而越大於少康或將豐之不亦難乎句踐能親而務施施不失人親不弃勞與我同壤而廿爲仇讎於是

乎克而弗取將又存之違天而長寇讎後雖悔之不可食已姬之衰也日可俟也介在蠁夷而長寇讎以是求伯必不行矣弗聽退而告人曰越十年生聚而

春秋左傳卷二十九

四
爾忍堂

十年教訓十年之外吳其爲沼乎三月越及吳平吳入越不書吳不告慶越不告敗也夏四月齊侯衛侯救邯鄲圍五鹿吳之入楚也使召陳懷公懷公朝國

人而問焉曰欲與楚者右
欲與吳者左陳人從田無
田從黨逢滑當公而進曰
臣聞國之興也以福其亡
也以禍今吳未有福楚未
有禍楚未可棄吳未可從

春秋左傳卷五

五陋忍堂

而晉盟主也若以晉辭吳
若何公曰國勝君亡非禍
而何對曰國之有是多矣
何必不復小國猶復況大
國乎臣聞國之興也視己
如傷是其福也其亡也以

民爲土芥是其禍也楚雖
無德亦不艾殺其已吳日
敝於兵暴骨如莽而未見
德焉天其或者正訓楚也
禍之適吳其何日之有陳
侯從之及夫差克越乃脩

春秋左傳卷五

六陋忍堂

先君之怨秋八月吳侵陳
脩舊怨也齊侯衛侯會于
乾侯救范氏也師及齊師
衛孔圉鮮虞人伐晉取棘
蒲吳師在陳楚大夫皆懼
曰闔廬惟能用其已以敗

我於柏舉今聞其嗣又甚
焉將若之何子西曰二三
子恤不相睦無患矣昔
闔廬食不二味居不重席
室不崇壇器不彤鏤宮室
不觀舟車不飾衣服財用

春秋左傳卷十九

七爾忍堂

擇不取費在國天有菑厲
親巡孤寡而共其乏困在
軍熟食者分而後敢食其
所嘗者卒乘與焉勤恤其
民而與之勞逸是以民不
罷勞死不知曠吾先大夫

子常易之所以敗我也今
聞夫差次有臺榭陂池焉
宿有妃嬙嬪御焉一日之
行所欲必成玩好必從珍
異是聚觀樂是務視臣如
讎而用之日新夫先自敗

春秋左傳卷十九

八爾忍堂

也已安能敗我冬十月晉
趙鞅伐朝歌
經二年春王二月季孫斯
叔孫州仇仲孫何忌帥師
伐邾取漵東田及沂西田
癸巳叔孫州仇仲孫何忌

及邾子盟于句繹夏四月
丙子衛侯元卒滕子來朝
晉趙鞅帥師納衛世子蒯
聵于戚秋八月甲戌晉趙
鞅帥師及鄭罕達帥師戰
于鐵鄭師敗績冬十月葬

春秋左傳卷五

九爾忍堂

衛靈公十有一月蔡遷于

州來蔡殺其大夫公子駟

傳二年春伐邾將伐絞邾

人愛其土故賂以漙沂之

田而受盟初衛侯遊于郊

子南僕公曰余無子將立

女不對他日又謂之對曰
郕不足以辱社稷君其改
圖君夫人在堂三揖在下
君命祇辱夏衛靈公卒夫
人曰命公子郕爲太子君
命也對曰郕異於他子且

春秋左傳卷五

十爾忍堂

君沒於吾手若有之郕必
聞之且亡人之子輒在乃
立輒六月乙酉晉趙鞅納
衛太子于戚宵迷陽虐曰
右河而南必至焉使太子
纁八人褻經僞自衛逆者

告於門哭而入遂居之秋
八月齊人輸范氏粟鄭子
姚子般送之士吉射逆之
趙鞅禦之遇於戚陽虎曰
吾車少以兵車之旆與罕
駟兵車先陳罕駟自後隨

春秋左傳卷十九

士爾忍堂

而從之彼見吾貌必有懼
心於是乎會之必大敗之
從之卜戰龜焦樂丁曰詩
曰爰始爰謀爰契我龜謀
協以故兆詢可也簡子誓
曰范氏中行氏反易天明

斬艾百姓欲擅晉國而滅
其君寡君恃鄭而保焉今
鄭爲不道弃君助臣二三
子順天明從君命經德義
除詬恥在此行也克敵者
上大夫受縣下大夫受郡

春秋左傳卷十九

士爾忍堂

士田十萬庶人工商遂人
臣隸圉免志父無罪君實
圖之若其有罪絞縊以戮
桐棺三寸不設屬辟素車
樸馬無入於兆下卿之罰
也甲戌將戰郵無恤御簡

子衛太子爲右登鐵上望見鄭師衆太子懼自投于車下子良授太子綏而乘之曰婦人也簡子巡列曰畢萬匹夫也七戰皆獲有馬百乘死於牖下羣子勉

春秋左傳卷五

韋爾忍堂

之死不在寇繫羽御趙羅宋勇爲右羅無勇麋之吏詰之御對曰疋作而伏衛太子禱曰曾孫蒯聵敢昭告皇祖文王烈祖康叔文祖襄公鄭勝亂從晉午在

難不能治亂使鞅討之蒯聵不敢自佚備持矛焉敢告無絕筋無折骨無面傷以集大事無作三祖羞大命不敢請佩玉不敢愛鄭人擊簡子中肩斃于車中

春秋左傳卷五

古爾忍堂

獲其蠶旗太子救之以戈鄭師北獲溫大夫趙羅太子復伐之鄭師大敗獲齊粟千車趙孟喜曰可矣傅佻曰雖克鄭猶有知在憂未艾也初周人與范氏田

公孫尤稅焉趙氏得而獻之吏請殺之趙孟曰爲其主也何罪止而與之田及鐵之戰以徒五百人宵攻鄭師取逢蠡旗於子姚之幕下獻曰請報主德追鄭師

春秋左傳卷十九

士匭忍堂

姚般公孫林殿而射前列多死趙孟曰國無小旣戰簡子曰吾伏弢嘔血鼓音不衰今日我上也大子曰吾救主於車退敵於下我右之上也郵良曰我兩靽

將絕吾能止之我御之上也駕而乘材兩靽皆絕吳洩庸如蔡納聘而稍納師師畢入衆知之蔡侯告大夫殺公子駟以說哭而遷墓冬蔡遷于州來

春秋左傳卷十九

士匭忍堂

經三年春齊國夏衛石曼姑帥師圍戚夏四月甲午地震五月辛卯桓宮僖宮災季孫斯叔孫州仇帥師城啓陽宋樂髡帥師伐曹秋七月丙子季孫斯卒蔡

人放其大夫公孫獵于吳
冬十月癸卯秦伯卒叔孫
州仇仲孫何忌帥師圍邾
傳三年春齊衛圍戚求援
于中山夏五月辛卯司鐸
火火踰公宮桓僖災救火

者皆曰顧府南宮敬叔至
命周人出御書俟於宮曰
庀女而不在死子服景伯
至命宰人出禮書以待命
命不共有常刑校人乘馬
巾車脂轄百官官備府庫

慎守官人肅給濟濡帷幕
鬱攸從之蒙葺公屋自大
廟始外內以悛助所不給
有不用命則有常刑無赦
公父文伯至命校人駕乘
車季桓子至御公立于象

魏之外命救火者傷人則
止財可爲也命藏象魏曰
舊章不可亡也富父槐至
曰無備而官辦者猶拾
藩也於是乎去表之橐道
還公宮孔子在陳聞火曰

其桓僖乎劉氏范氏廿爲
昏姻萇弘事劉文公故周
與范氏趙鞅以爲討六月
癸卯周人殺萇弘秋季孫
有疾命正常曰無死南孺
子之子男也則以告而立

春秋左傳卷二十九

左傳卷二十九

之女也則肥也可季孫卒
康子即位既葬康子在朝
南氏生男正常載以如朝
告曰夫子有遺言命其圉
臣曰南氏生男則以告於
君與大夫而立之今生矣

男也敢告遂奔衛康子請
退公使共劉視之則或殺
之矣乃討之召正常正常
不反冬十月晉趙鞅圍朝
歌師于其南荀寅伐其郛
使其徒自北門入己犯師

春秋左傳卷二十九

左傳卷二十九

而出癸丑奔邯鄲十一月
趙鞅殺士皐夷惡范氏也
經四年春王二月庚戌盜
弑蔡侯申蔡公孫辰出奔
吳葬秦惠公宋人執小邾
子夏蔡殺其大夫公孫姓

公孫霍晉人執戎蠻子赤
歸于楚城西郢六月辛丑
亳社災秋八月甲寅滕子
結卒冬十有二月葬蔡昭
公葬滕頃公
傳四年春蔡昭侯將如吳

春秋左傳卷五

王伯忍堂

諸大夫恐其又遷也承公
孫翩逐而射之入於家人
而卒以兩矢門之衆莫敢
進文之錯後至曰如牆而
進多而殺二人錯執弓而
先翩射之中肘錯遂殺之

故逐公孫辰而殺公孫姓
公孫盱夏楚人既克夷虎
乃謀北方左司馬眖申公
壽餘萊公諸梁致蔡於負
函致方城之外於緇關曰
吳將沂江入郢將奔命焉

春秋左傳卷五

王伯忍堂

爲一昔之期襲梁及霍單
浮餘圍蠻氏蠻氏潰蠻子赤
奔晉陰地司馬起豐析與狄
戎以臨上雒左師軍于蒐
和右師軍于倉野使謂陰
地之命大夫士蔑曰晉楚

有盟好惡同之若將不廢
寡君之願也不然將通於
少習以聽命士蔑請諸趙
孟趙孟曰晉國未寧安能
惡於楚必速與之士蔑乃
致九州之戎將裂田以與

春秋左傳卷九

主事顧思堂

蠻子而城之且將爲之卜
蠻子聽卜遂執之與其五
大夫以畀楚師于三戶
司馬致邑立宗焉以誘
其遺民而盡俘以歸秋七
月齊陳乞弦施衛甯跪救

范氏庚午圍五鹿九月趙
鞅圍邯鄲冬十一月邯鄲
降荀寅奔鮮虞趙稷奔臨
十二月弦施逆之遂墮臨
國夏伐晉取邢任欒郤逆
時陰人孟壺口會鮮虞納

春秋左傳卷九

主事顧思堂

荀寅于柏人
經五年春城毗夏齊侯伐
宋晉趙鞅帥師伐衛秋九
月癸酉齊侯杵臼卒冬叔
還如齊閏月葬齊景公
傳五年春晉圍柏人荀寅

士吉射奔齊初范氏之臣
王生惡張柳朔言諸昭子
使爲柏人昭子曰夫非而
讎乎對曰私讎不及公好
不廢過惡不去善義之經
也臣敢違之及范氏出張

春秋左傳卷三十九

孟子忍堂

柳朔謂其子爾從主勉之
我將止死王生授我矣吾
不可以僭之遂死於柏人
夏趙鞅伐衛范氏之故也
遂圍中牟齊燕姬生子不
成而死諸子鬻姒之子荼

嬖諸大夫恐其爲大子也
言於公曰君之齒長矣未
有大子若之何公曰二三
子閒於憂虞則有疾疢亦
姑謀樂何憂於無君公疾
使國惠子高昭子立荼寘

春秋左傳卷三十九

孟子忍堂

羣公子於萊秋齊景公卒
冬十月公子嘉公子駒公
子黔奔衛公子鉏公子陽
生來奔萊人歌之曰景公
死乎不與埋三軍之事乎
不與謀師乎師乎何黨之

乎

鄭駟秦富而侈嬖大夫也而常陳卿之車服於其庭鄭人惡而殺之子思曰詩曰不解于位臣之攸暨不守其位而能久者鮮矣商頌曰不僭不濫不敢怠皇

春秋左傳卷三十九

王肅忍堂

命以多福

經六年春城邾瑕晉趙鞅帥師伐鮮虞吳伐陳夏齊國夏及高張來奔叔還會吳于柤秋七月庚寅楚子軫卒齊陽生入于齊齊陳乞

弑其君荼冬仲孫何忌帥師伐邾宋向巢帥師伐曹傳六年春晉伐鮮虞治范氏之亂也吳伐陳復脩舊怨也楚子曰吾先君與陳有盟不可以不救乃救陳

春秋左傳卷三十九

王肅忍堂

師于城父齊陳乞僞事高國者每朝必驂乘焉所從必言諸大夫曰彼皆偃蹇將弃子之命皆曰高國得君必偪我盍去諸固將謀子子早圖之圖之莫如盡

滅之需事之下也及朝則
曰彼虎狼也見我在子之
側殺我無日矣請就之位
又謂諸大夫曰二子者禍
矣恃得君而欲謀二三子
曰國之多難貴寵之由盡

春秋左傳卷三十九

三十一 耐忍堂

去之而後君定既成謀矣
盍及其未作也先諸作而
悔後亦無及也大夫從之
夏六月戊辰陳乞鮑牧及
諸大夫以甲入于公宮昭
子聞之與惠子乘如公戰

于莊敗國人追之國夏奔
莒遂及高張晏圍弦施來
奔秋七月楚子在城父將
救陳卜戰不吉卜退不吉
王曰然則死也再敗楚師
不如死弃盟逃讎亦不如

春秋左傳卷三十九

三十一 耐忍堂

死死一也其死讎乎命公
子申爲王不可則命公子
結亦不可則命公子啓五
辭而後許將戰王有疾庚
寅昭王攻大冥卒于城父
子聞退曰君三舍其子而

讓羣臣敢忘君乎從君之命
順也立君之子亦順也二
順不可失也與子西子期
謀潛師閉塗逆越女之子
章立之而後還是歲也有
雲如衆赤鳥夾日以飛三

春秋左傳卷五

三三 顧忍堂

曰楚子使問諸周大史周
大史曰其當王身乎若榮
之可移於令尹司馬王曰
除腹心之疾而寘諸股肱
何益不穀不有大過天其
夭諸有罪受罰又焉移之

遂弗榮初昭王有疾卜曰
河爲祟王弗祭大夫請祭
諸郊王曰三代命祀祭不
越望江漢睢漳楚之望也
禍福之至不是過也不穀
雖不德河非所獲罪也遂

春秋左傳卷五

三三 顧忍堂

弗祭孔子曰楚昭王知大
道矣其不失國也宜哉夏
書曰惟彼陶唐帥彼天常
有此翼方今失其行亂其
紀綱乃滅而亡又曰允出
兹在兹由已率常可矣八

月齊邴意茲來奔陳僖子
使召公子陽生陽生駕而
見南郭且子曰嘗獻馬於
季孫不入於上乘故又獻
此請與子乘之出萊門而
告之故闕止知之先待諸

春秋左傳卷五

韋南忠堂

外公子曰事未可知反與
壬也處戒之遂行逮夜至
於齊國人知之僖子使子
士之母養之與饋者皆入
冬十月丁卯立之將盟鮑
子醉而往其臣差車鮑點

曰此誰之命也陳子曰受
命於鮑子遂誣鮑子曰子
之命也鮑子曰女忘君之
爲孺子牛而折其齒乎而
背之也悼公稽首曰吾子
奉義而行者也若我可不

春秋左傳卷五

三西昭忍堂

必亡一大夫若我不可不
必亡一公子義則進否則
退敢不唯子是從廢興無
以亂則所願也鮑子曰誰
非君之子乃受盟使胡姬
以安孺子如賴去鬻鬻如殺

王甲拘江說囚王豹于句
竇之丘公使朱毛告於陳
子曰微子則不及此然君
異於器不可以二器二不
匱君二多難敢布諸大夫
僖子不對而泣曰君舉不

春秋左傳卷二十九

孟子忍堂

信羣臣乎以齊國之困困
又有憂少君不可以訪是
以求長君庶亦能容羣臣
乎不然夫孺子何罪毛復
命公悔之毛曰君大訪於
陳子而圖其小可也使毛

遷孺子於駘不至殺諸野
幕之下葬諸父冒淳

經七年春宋皇瑗帥師侵
鄭晉魏曼多帥師侵衛夏
公會吳于郕秋公伐邾八
月己酉入邾以邾子益來

春秋左傳卷二十九

孟子忍堂

宋人圍曹冬鄭駟弘帥師
救曹

傳七年春宋師侵鄭鄭叛
晉故也晉師侵衛衛不服
也夏公會吳于郕吳來徵
百牢子服景伯對曰先王

未之有也吳人曰宋百牢
我魯不可以後宋且魯牢
晉大夫過十吳王百牢不
亦可乎景伯曰晉范鞅貪
而弃禮以大國懼敝邑故
敝邑十一牢之君若以禮

春秋左傳卷之六

孟子卷之六

命於諸侯則有數矣若亦
弃禮則有淫者矣周之王
也制禮上物不過十二以
爲天之大數也今弃周禮
而曰必百牢亦唯執事吳
人弗聽景伯曰吳將亡矣

棄天而背本不與必棄疾於
我乃與之大宰嚭召季康
子康子使子貢辭大宰嚭
曰國君道長而大夫不出
門此何禮也對曰豈以爲
禮畏大國也大國不以禮

春秋左傳卷之六

孟子卷之六

命於諸侯苟不以禮豈可
量也寡君旣共命焉其老
豈敢弃其國大伯端委以
治周禮仲雍嗣之斷髮文
身贏以爲飾豈禮也哉有
由然也反自郢以吳爲無

能爲也季康子欲伐邾乃
饗大夫以謀之子服景伯
曰小所以事大信也大所
以保小仁也背大國不信
伐小國不仁臣保於城城
保於德失二德者危將焉

春秋左傳卷三十九

三九 昭忍堂

保孟孫曰二三子以爲何
如惡賢而逆之對曰禹合
諸侯於塗山執玉帛者萬
國今其存者無數十焉唯
大不字小小不事大也知
必危何故不言魯德如邾

而以衆加之可乎不樂而
出秋伐邾及范門猶聞鐘
聲大夫諫不聽茅成子請
告於吳不許曰魯擊柝聞
於邾吳二千里不三月不
至何及於我且國內豈不

春秋左傳卷三十九

三九 昭忍堂

足成子以茅叛師遂入邾
虜其公宮衆師晝掠邾衆
保于繹師宵掠以邾子益
來獻于亳社囚諸負瑕負
瑕故有繹邾茅夷鴻以束
帛乘韋自請救於吳曰魯

弱晉而遠吳馮恃其衆而背君之盟辟君之執事以陵我小國邾非敢自愛也懼君威之不立君威之不立小國之憂也若夏盟於鄆衍秋而背之成求而不

春秋左傳卷十九

聖三顧忍堂

違四方諸侯其何以事君

且魯賦八百乘君之貳也

邾賦六百乘君之私也以

私奉貳唯君圖之吳子從

之宋人圍曹鄭桓子思曰

宋人有曹鄭之患也不可

以不救冬鄭師救曹侵宋初曹人或夢衆君子立于社宮而謀亡曹曹叔振鐸請待公孫彊許之旦而求之曹無之戒其子曰我死爾聞公孫彊爲政必去之

春秋左傳卷十九

聖三顧忍堂

及曹伯陽即位好田弋曹

鄙人公孫彊好弋獲白鴈

獻之且言田弋之說說之

因訪政事大說之有寵使

爲司城以聽政夢者之子

乃行彊言霸說於曹伯曹

伯從之乃背晉而奸宋宋人伐之晉人不救築五邑於其郊曰黍丘捐丘大城鍾邗

經八年春王正月宋公入曹以曹伯陽歸吳伐我夏

春秋左傳卷二十九

墨爾忍堂

齊人取讎及闡歸邾子益于邾秋七月冬十有二月癸亥杞伯過卒齊人歸讎及闡

傳八年春宋公伐曹將還褚師子肥殿曹人詬之不

行師待之公聞之怒命反之遂滅曹執曹伯陽及司城彊以歸殺之吳爲邾故將伐魯問於叔孫輒叔孫輒對曰魯有名而無情伐之必得志焉退而告公山

春秋左傳卷二十九

墨爾忍堂

不狃公山不狃曰非禮也君子違不適讎國未臣而有伐之奔命焉死之可也所託也則隱且夫人之行也不以所惡廢鄉今子以小惡而欲覆宗國不亦難乎

若使子率子必辭王將使
我子張病之王問於子洩
對曰魯雖無與立必有與
斃諸侯將救之未可以得
志焉晉與齊楚輔之是四
讎也夫魯齊晉之脣脣亡

春秋左傳卷三十九

四孟 耐忍堂

齒寒君所知也不救何爲
三月吳伐我子洩率故道
險從武城初武城人或有
因於吳竟田焉拘鄆人之
漚管者曰何故使吾水滋
及吳師至拘者道之以伐

武城克之王犯嘗爲之宰
澹臺子羽之父好焉國人
懼懿子謂景伯若之何
對曰吳師來斯與之戰何
患焉且召之而至又何求
焉吳師克東陽而進舍於

春秋左傳卷三十九

四孟 耐忍堂

五梧明日舍於蠶室公賓
庚公甲叔子與戰于夷獲
叔子與析朱鉏獻於王王
曰此同車必使能國未可
望也明日舍於庚宗遂次
於泗上微虎欲宵攻王舍

私屬徒七百人三踊於幕
庭卒三百人有若與焉及
稷門之內或謂季孫曰不
足以害吳而多殺國士不
如已也乃止之吳子聞之
一夕三遷吳人行成將盟

春秋左傳卷二十九

四十七 顧忍堂

景伯曰楚人圍宋易子而
食析骸而爨猶無城下之
盟我未及虧而有城下之
盟是弃國也吳輕而遠不
能久將歸矣請少待之弗
從景伯負載造於萊門

乃請釋子服何於吳吳人
許之以王子姑曹當之而
後止吳人盟而還齊悼公
之來也季康子以其妹妻
之即位而逆之季魴侯通
焉女言其情弗敢與也齊

春秋左傳卷二十九

四十八 顧忍堂

侯怒夏五月齊鮑牧率師
伐我取讎及闡或譖胡姬
於齊侯曰安孺子之黨也
六月齊侯殺胡姬齊侯使
如吳請師將以伐我乃歸
邾子邾子又無道吳子使

大宰子餘討之囚諸樓臺
栴之以棘使諸大夫奉大
子革以爲政秋及齊平九
月臧賔如如齊涖盟齊問
丘明來涖盟且逆季姬以
歸嬖鮑牧又謂羣公子曰

春秋左傳卷五

哭爾忍堂

使女有馬千乘乎公子
慙之公謂鮑子或譖子子
姑居於潞以察之若有之
則分室以行若無之則反
子之所出門使以三分之
一行半道使以二乘及潞

麋之以入遂殺之冬十二
月齊人歸讙及闡季姬嬖
故也

經九年春王二月葬杞僖
公宋皇瑗帥師取鄭師于
雍丘夏楚人伐陳秋宋公

春秋左傳卷五

辛爾忍堂

伐鄭冬十月

傳九年春齊侯使公孟綽
辭師于吳吳子曰昔歲寡
人聞命今又革之不知所
從將進受命於君鄭武子
賸之嬖許瑕求邑無以與

之請外取許之故圍宋雍丘宋皇瑗圍鄭師每日遷舍壘合鄭師哭子姚救之大敗二月甲戌宋取鄭師于雍丘使有能者無死以邾張與鄭羅歸夏楚人伐

春秋左傳卷二十九

聖祖忍堂

陳陳即吳故也宋公伐鄭秋吳城邾溝通江淮晉趙鞅卜救鄭遇水適火占諸史趙史墨史龜史龜曰是謂沈陽可以興兵利以伐姜不利子商伐齊則可敵

宋不吉史墨曰盈水名也子水位也名位敵不可干也炎帝爲火師姜姓其後也水勝火伐姜則可史趙曰是謂如川之滿不可游也鄭方有罪不可救也救

春秋左傳卷二十九

聖祖忍堂

鄭則不吉不知其他陽虎以周易筮之遇泰䷊之需䷄曰宋方吉不可與也微子啓帝乙之元子也宋鄭甥舅也社祿也若帝乙之元子歸妹而有吉祿我安

得吉焉乃止冬吳子使來
敝師伐齊

經十年春王二月邾子益
來奔公會吳伐齊三月戊
戌齊侯陽生卒夏宋人伐
鄭晉趙鞅帥師侵齊五月

春秋左傳卷五

五圭爾忍堂

公至自伐齊葬齊悼公衛
公孟彊自齊歸于衛薛伯
夷卒秋葬薛惠公冬楚公
子結帥師伐陳吳救陳
傳十年春邾隱公來奔齊
甥也故遂奔齊公會吳子

邾子邾子伐齊南鄙師于
鄆齊人弑悼公赴于師吳
子三日哭于軍門之外徐
承帥舟師將自海入齊齊
人敗之吳師乃還夏趙鞅
帥師伐齊大夫請卜之趙

春秋左傳卷五

五圭爾忍堂

孟曰吾卜於此起兵事不
再令卜不襲吉行也於是
乎取犂及轅毀高唐之郭
侵及賴而還秋吳子使來
復敝師冬楚子期伐陳吳
延州來季子救陳謂子期

曰二君不務德而力爭諸侯已何罪焉我請退以爲子名務德而安已乃還經十有一年春齊國書帥師伐我夏陳轅頗出奔鄭五月公會吳伐齊甲戌齊

春秋左傳卷三十九

孟西忍堂

國書帥師及吳戰于艾陵齊師敗績獲齊國書秋七月辛酉滕子虞母卒冬十有一月葬滕隱公衛世叔齊出奔宋傳十一年春齊爲鄆故國

書高無平帥師伐我及清季孫謂其宰冉求曰齊師在清必魯故也若之何求曰一子守二子從公禦諸竟季孫曰不能求曰居封疆之間季孫告二子二子

春秋左傳卷三十九

孟西忍堂

不可求曰若不可則君無出一子帥師背城而戰不屬者非魯人也魯之羣室衆於齊之兵車一室敵車優矣子何患焉二子之不^哉欲戰也宜政在季氏當子

之身齊人伐魯而不能戰
子之恥也大不列於諸侯
矣季孫使從於朝俟於黨
氏之溝武叔呼而問戰焉
對曰君子有遠慮小人何
知懿子強問之對曰小人

春秋左傳卷九

季孫忍堂

慮材而言量力而共者也
武叔曰是謂我不成丈夫
也退而蒐乘孟孺子洩帥
右師顏羽御邴洩爲右冉
求帥左師管周父御櫜遲
爲右季孫曰須也弱有子

曰就用命焉季氏之甲七
千冉有以武城人三百爲
己徒卒老幼守宮次于雩
門之外五日右師從之公
叔務人見保者而泣曰事
充政重上不能謀士不能

春秋左傳卷九

季孫忍堂

死何以治臣吾旣言之矣
敢不勉乎師及齊師戰于
郊齊師自稷曲師不踰溝
樊遲曰非不能也不信子
也請三刻而踰之如之衆
從之師入齊軍右師奔齊

人從之陳瓘陳莊涉泗孟之側後入以爲殿抽矢策其馬曰馬不進也林不狃之伍曰走乎不狃曰誰不如曰然則止乎不狃曰惡賢徐步而死師獲甲首八

春秋左傳卷三十九

五十九 顧忍堂

十齊人不能師宵諫曰齊人遁冉有請從之三季孫弗許孟孺子語人曰我不如顏羽而賢於邴洩子羽銳敏我不欲戰而能默洩曰驅之公爲與其嬖僮汪

錡乘皆死皆殯孔子曰能執干戈以衛社稷可無殤也冉有用矛於齊師故能入其軍孔子曰義也夏陳轅頗出奔鄭初轅頗爲司徒賦封田以嫁公女有餘

春秋左傳卷三十九

六十一 顧忍堂

以爲己大器國人逐之故出道渴其族轅咺進稻醴梁糗暇脯焉喜曰何其給也對曰器成而具曰何不吾諫對曰懼先行爲郊戰故公會吳子伐齊五月

克博壬申至于嬴中軍從
王胥門巢將上軍王子姑
曹將下軍展如將右軍齊
國書將中軍高無丕將上
軍宗樓將下軍陳僖子謂
其弟書爾死我必得志宗

春秋左傳卷三十九

三三三忍堂

子陽與問丘明相厲也桑
掩胥御國子公孫夏曰
二子必死將戰公孫夏命
其徒歌虞殯陳子行命其
徒具含玉公孫揮命其徒
曰人尋約吳騃短東郭書

曰三戰必死於此三矣使
問弦多以琴曰吾不復見
子矣陳書曰此行也吾聞
鼓而已不聞金矣甲戌戰
于艾陵展如敗高子國子
敗胥門巢王卒助之大敗

春秋左傳卷三十九

三三三忍堂

齊師獲國書公孫夏問丘
明陳書東郭書革車八百
乘甲首三千以獻于公將
戰吳子呼叔孫曰而事何
也對曰從司馬王賜之甲
劔鉞曰奉爾君事敬無廢

命叔孫未能對衛賜進曰
州仇奉甲從君而拜公使
大史固歸國子之元寘之
新篋慰之以玄纁加組帶
焉寘書于其上曰天若不
識不衷何以使下國吳將

春秋左傳卷三十九

奎 陌忍堂

伐齊越子率其衆以朝焉
王及列士皆有饋賂吳人
皆喜唯子胥懼曰是豢吳
也夫諫曰越在我心腹之
疾也壤地同而有欲於我
夫其柔服求濟其欲也不

如早從事焉得志於齊猶
獲石田也無所用之越不
爲沼吳其泝矣使醫除疾
而曰必遺類焉者未之有
也盤庚之誥曰其有顛越
不共則劓殄無遺育無俾

春秋左傳卷三十九

奎 陌忍堂

易種于茲邑是商所以興
也今君易之將以求大不
亦難乎弗聽使於齊屬其
子於鮑氏爲王孫氏反役
王聞之使賜之屬鏹以死
將死曰樹吾墓檟檟可材

也吳其亡乎三年其始弱矣盈必毀天之道也秋季孫命脩守備曰小勝大禍也齊至無日矣冬衛大叔疾出奔宋初疾娶于宋子朝其娣嬖子朝出孔文子

春秋左傳卷五

韋而忍堂

使疾出其妻而妻之疾使侍人誘其初妻之娣寘於犁而爲之一宮如二妻文子怒欲攻之仲尼止之遂奪其妻或淫于外州外州人奪之軒以獻恥是二者

故出衛人立遺使室孔媾疾臣向魋納美珠焉與之城鉏宋公求珠魋不與由是得罪及桓氏出城鉏人攻大叔疾衛莊公復之使處巢死焉殯於鄆葬於少

春秋左傳卷五

韋而忍堂

禘初晉悼公子慙亡在衛使其女僕而田大叔懿子止而飲之酒遂聘之生悼子悼子即位故夏戊爲大夫悼子亡衛人翦夏戊孔文子之將攻大叔也訪於

仲尼仲尼曰胡簋之事則
嘗學之矣甲兵之事未之
聞也退命駕而行曰鳥則
擇木木豈能擇鳥文子遽
止之曰圉豈敢度其私訪
衛國之難也將止魯人以

春秋左傳卷五

宋顧憲堂

幣召之乃歸季孫欲以田
賦使冉有訪諸仲尼仲尼
曰丘不識也三發卒曰子
爲國老待子而行若之何
子之不言也仲尼不對而
私於冉有曰君子之行也

度於禮施取其厚事舉
其中斂從其薄如是則以
丘亦足矣若不度於禮而
貪冒無厭則雖以田賦將
又不足且子季孫若欲行
而法則周公之典在若欲

春秋左傳卷五

宋顧憲堂

苟而行又何訪焉弗聽
經十有二年春用田賦夏
五月甲辰孟子卒公會吳
于橐臯秋公會衛侯宋皇
瑗于鄆宋向巢帥師伐鄭
冬十有二月螽

傳十二年春王正月用田
賦夏五月昭夫人孟子卒
昭公娶于吳故不書姓死
不赴故不稱夫人不反哭
故不言葬小君孔子與弔
適季氏季氏不絕放經而

春秋左傳卷十九

充爾忍堂

拜公會吳于橐皋吳子使
大宰嚭請尋盟公不欲使
子貢對曰盟所以周信也
故心以制之玉帛以奉之
言以結之明神以要之寡
君以爲苟有盟焉弗可改

也已若猶可改日盟何益
今吾子曰必尋盟若可尋
也亦可寒也乃不尋盟吳徵
會于衛初衛人殺吳行人
且姚而懼謀於行人子羽
子羽曰吳方無道無乃辱

春秋左傳卷十九

充爾忍堂

吾君不如止也子木曰吳
方無道國無道必棄疾於
人吳雖無道猶足以患衛
往也長木之斃無不標也
國狗之瘕無不噬也而況
大國乎秋衛侯會吳于鄆

公及衛侯宋皇瑗盟而卒
辭吳盟吳人藩衛侯之舍
子服景伯謂子貢曰夫諸
侯之會事既畢矣侯伯致
禮地主歸餼以相辭也今
吳不行禮於衛而藩其君

春秋左傳卷三十九

主三耐忍堂

舍以難之子盍見大宰嚭
乃請束錦以行語及衛故
大宰嚭曰寡君願事衛君
衛君之來也緩寡君懼故
將止之子貢曰衛君之來
必謀於其衆其衆或欲或

否是以緩來其欲來者子
之黨也其不欲來者子之
讎也若執衛君是墮黨而
崇讎也夫墮子者得其志
矣且合諸侯而執衛君誰
敢不懼墮黨崇讎而懼諸

春秋左傳卷三十九

主三耐忍堂

侯或者難以霸乎大宰嚭
說乃舍衛侯衛侯歸效夷
言子之尚幼曰君必不免
其死於夷乎執焉而又說
其言從之固矣冬十二月
螽季孫問諸仲尼仲尼曰

丘聞之火伏而後蟄者畢
今火猶西流司歷過也宋
鄭之間有隙地焉曰彌作
頃丘玉暢岳戈錫子產與
宋人爲成曰勿有是及宋
平元之族自蕭本⁺鄭鄭人

春秋左傳卷十九

圭臬忍堂

爲之城岳戈錫九月宋向
巢伐鄭取錫殺元公之孫
遂圍岳十二月鄭罕達救
岳丙申圍宋師

經十有三年春鄭罕達帥
師取宋師于岳夏許男成

卒公會晉侯及吳子于黃
池楚公子申帥師伐陳於
越入吳秋公至自會晉魏
曼多帥師侵衛葬許元公
九月冬螽冬十有一月有星
孛于東方盜殺陳夏區夫

春秋左傳卷十九

圭臬忍堂

十有二月冬螽

傳十三年春宋向魋救其
師鄭子賡使徇曰得桓魋
者有賞魋也逃歸遂取宋
師于岳獲成謹郤延以六
邑爲虛夏公會單平公晉

定公吳夫差于黃池六月
丙子越子伐吳爲二隧時
無餘謳陽自南方先及郊
吳大子友王子地王孫彌
庸壽於姚自泓上觀之彌
庸見姑蔑之旗曰吾父之

春秋左傳卷十九

圭 詒忍堂

旗也不可以見讎而弗殺
也大子曰戰而不克將亡
國請待之彌庸不可屬徒
五千王子地助之乙酉戰
彌庸獲疇無餘地獲謳陽
越子至王子地守丙戌復

戰大敗吳師獲大子友王
孫彌庸壽於姚丁亥入吳
吳人告敗于王王惡其聞
也自剄七人於幕下秋七
月辛丑盟吳晉爭先吳人
曰於周室我爲長晉人曰

春秋左傳卷十九

圭 詒忍堂

於姬姓我爲伯趙鞅呼司
馬寅曰曰盱矣大事未成
二臣之罪也建鼓整列二
臣死之長幼必可知也對
曰請姑視之反曰肉食者
無墨今吳王有墨國勝乎

大子死乎且夷德輕不忍
久請少待之乃先晉人吳
人將以公見晉侯子服景
伯對使者曰王合諸侯則
伯帥侯牧以見於王伯合
諸侯則侯帥子男以見於

春秋左傳卷三十九

李商隱堂

伯自王以下朝聘玉帛不
同故敝邑之職貢於吳有
豐於晉無不及焉以爲伯
也今諸侯會而君將以寡
君見晉君則晉成爲伯矣
敝邑將改職貢魯賦於吳

八百乘若爲子男則將半
邾以屬於吳而如邾以事
晉且執事以伯召諸侯而
以侯終之何利之有焉吳
人乃止旣而悔之將四景
伯景伯曰何也立後於魯

春秋左傳卷三十九

李商隱堂

矣將以二乘與六人從遲
速唯命遂囚以還及戶牖
謂大宰曰魯將以十月上
辛有事於上帝先王季辛
而畢何世有職焉自襄以
來未之改也若不會祝宗

將曰吳實然且謂魯不共
而執其賤者七人何損焉
大宰嚭言於王曰無損於
魯而祇爲名不如歸之乃
歸景伯吳申叔儀乞糧於
公孫有山氏曰佩玉纓兮

春秋左傳卷三十九

七十九 耐忍堂

余無所繫之旨酒一盛兮
余與褐之父睨之對曰梁
則無矣麇麇則有之若登首
山以呼曰庚癸乎則諾王
欲伐宋殺其丈夫而囚其
婦人大宰嚭曰可勝也而

弗能居也乃歸冬吳及越
平

春秋卷第廿九

春秋左傳卷三十九

八十 耐忍堂

春秋經傳集解哀下第廿

杜氏 盡廿七年

經十有四年春西狩獲麟
小邾射以句繹來奔夏四
月齊陳恒執其君寘于舒

春秋左傳卷十

二百里忍堂

州庚戌叔還卒五月庚申
朔日有食之陳宗豎出奔
楚宋向魋入于曹以叛莒
子狂卒六月宋向魋自曹
出奔衛宋向巢來奔齊人
弑其君壬于舒州秋晉趙

鞅帥師伐衛八月辛丑仲
孫何忌卒冬陳宗豎自楚
復入于陳陳人殺之陳轅
買出奔楚有星孛饑
傳十四年春西狩於大野
叔孫氏之車子鉏商獲麟

春秋左傳卷十

二百里忍堂

以爲不祥以賜虞人仲尼
觀之曰麟也然後取之小
邾射以句繹來奔曰使季
路要我吾無盟矣使子路
子路辭季康子使冉有謂
之曰千乘之國不信其盟

而信子之言子何辱焉對
曰魯有事于小邾不敢問
故死其城下可也彼不臣
而濟其言是義之也由弗
能齊簡公之在魯也闕止
有寵焉及即位使爲政陳

春秋左傳卷三

平陽堂

成子憚之驟顧諸朝諸御
鞅言於公曰陳闕不可並
也君其擇焉弗聽子我夕
陳逆殺人逢之遂執以入
陳氏方睦使疾而遺之潘
沐備酒肉焉饗守囚者醉

而殺之而逃子我盟諸陳
於陳宗初陳豹欲爲子我
臣使公孫言己己有喪而
止旣而言之曰有陳豹者
長而上僂望視事君子必
得志欲爲子臣吾憚其爲

春秋左傳卷三

四雨忍堂

人也故緩以告子我曰何
害是其在我也使爲臣他
日與之言政說遂有寵謂
之曰我盡逐陳氏而立女
若何對曰我遠於陳氏矣
且其違者不過數人何盡

逐焉遂告陳氏子行曰彼
得君弗先必禍子子行舍
於公宮夏五月壬申成子
兄弟四乘如公子我在幄
出逆之遂入閉門侍人禦
之子行殺侍人公與婦人

春秋左傳卷三十

五陋忍堂

飲酒于檀臺成子遷諸寢
公執戈將擊之大史子餘
曰非不利也將除害也成
子出舍于庫間公猶怒將
出曰何所無君子行抽劒
曰需事之賊也誰非陳宗

所不殺子者有如陳宗乃
止子我歸帥屬徒攻闥與
大門皆不勝乃出陳氏追
之失道於弇中適豐丘豐
丘人執之以告殺諸郭關
成子將殺大陸子方陳逆

春秋左傳卷三十

六陋忍堂

請而免之以公命取車於
道及彫衆知而東之出雍
門陳豹與之車弗受曰逆
爲余請豹與余車余有私
焉事子我而有私於其讎
何以見魯衛之士東郭賈

奔衛庚辰陳恒執公于舒州公曰吾早從鞅之言不及此宋桓魋之寵害於公公使夫人驟請享焉而將討之未及魋先謀公請以宰輦易薄公曰不可薄宗邑

春秋左傳卷三

七
百忍堂

也乃益宰輦七邑而請享公焉以日中爲期家備盡往公知之告皇野曰余長魋也今將禍余請即救司馬子仲曰有臣不順神之所惡也而況人乎敢不承命

不得左師不可請以君命召之左師每食擊鐘聞鐘聲公曰夫子將食既食又奏公曰可矣以乘車往曰迹人來告曰逢澤有介麋焉公曰雖魋未來得左師

春秋左傳卷三

八
百忍堂

吾與之田若何君憚告子野曰嘗私焉君欲速故以乘車逆子與之乘至公告之故拜不能起司馬曰君與之言公曰所難子者上有天下有先君對曰魋之

不共宋之禍也敢不唯命是聽司馬請瑞焉以命其徒攻桓氏其父兄故臣曰不可其新臣曰從吾君之命遂攻之子頎騁而告桓司馬司馬欲入子車止之

春秋左傳卷三十

九節忍堂

曰不能事君而又伐國臣不與也祇取死焉向魋遂入于曹以叛六月使左師巢伐之欲質大夫以入焉不能亦入于曹取質魋曰不可既不能事君又得罪

于民將若之何乃舍之民遂叛之向魋奔衛向巢來奔宋公使止之曰寡人與子有言矣不可以絕向氏之祀辭曰臣之罪大盡滅桓氏可也若以先臣之故

春秋左傳卷三十

十節忍堂

而使有後君之惠也若臣則不可以入矣司馬牛致其邑與珪焉而適齊向魋出於衛地公文氏攻之求夏后氏之璜焉與之他玉而奔齊陳成子使爲次卿司

馬牛又致其邑焉而適吳
吳人惡之而反趙簡子召
之陳成子亦召之卒於魯
郭門之外阮氏葬諸丘輿
甲午齊陳恒弑其君壬子
舒州孔丘三日齊而請伐

春秋左傳卷三

士師忍堂

齊三公曰魯爲齊弱久矣
子之伐之將若之何對曰
陳恒弑其君臣之不與者
半以魯之衆加齊之半可
克也公曰子告季孫孔子
辭退而告人曰吾以從大

夫之後也故不敢不言初
孟孺子洩將圍馬於成成
宰公孫宿不受曰孟孫爲
成之病不圍馬焉孺子怒
襲成從者不得入乃反成
有司使孺子鞭之秋八月

春秋左傳卷三

士師忍堂

辛丑孟懿子卒成人奔喪
弗內袒免哭于衢聽共弗
許懼不歸

經十有五年春王正月成
叛夏五月齊高無平出奔
北燕鄭伯伐宋秋八月大

雩晉趙鞅帥師伐衛冬晉侯伐鄭及齊平衛公孟彊出奔齊

傳十五年春成叛于齊武伯伐成不克遂城輸夏楚子西子期伐吳及桐汭陳

春秋左傳卷三

圭西忍堂

侯使公孫貞子弔焉及良而卒將以尸入吳子使大宰嚭勞且辭曰以水潦之不時無乃廩然隕大夫之尸以重寡君之憂寡君敢辭上介芋尹蓋對曰寡君

聞楚爲不道荐伐吳國滅厥民寡君使蓋備使弔君之下吏無祿使人逢天之憾大命隕墜絕世于良廢日共積一日遷次今君命逆使人曰無以尸造于

春秋左傳卷三

圭西忍堂

門是我寡君之命委于草莽也且臣聞之曰事死如生禮也於是乎有朝聘而終以尸將事之禮又有朝聘而遭喪之禮若不以尸將命是遭喪而還也無

乃不可乎以禮防已猶或踰之今大夫曰死而弃之是弃禮也其何以爲諸侯主先已言曰無穢虐士備使奉尸將命苟我寡君之命達于君所雖隕于深

春秋左傳卷三

士而忍堂

淵則天命也非君與涉人之過也吳人內之秋齊陳瓘如楚過衛仲由見之曰天或者以陳氏爲斧斤旣斲喪公室而他人有之不可知也其使終饗之亦不

可知也若善魯以待時不亦可乎何必惡焉子玉曰然吾受命矣子使告我弟冬及齊平子服景伯如齊子贛爲介見公孫成曰人皆臣人而有背人之心況

春秋左傳卷三

士而忍堂

齊人雖爲子役其有不貳乎子周公之孫也多饗大利猶思不義利不可得而喪宗國將焉用之成曰善哉吾不早聞命陳成子館客曰寡君使恒告曰寡君

願事君如事衛君景伯揖
子贛而進之對曰寡君之
願也昔晉人伐衛齊爲衛
故伐晉冠氏喪車五百因
與衛地自濟以西襍媚杏
以南書社五百吳人加敝

春秋左傳卷十

十一兩忍堂

邑以亂齊因其病取讎與
闡寡君是以寒心若得視
衛君之事君也則固所願
也成子病之乃歸成公孫
宿以其兵甲入于嬴衛孔
圉取大子蒯聵之姊生悝

春秋左傳卷十

十一兩忍堂

孔氏之豎渾良夫長而美
孔文子卒通於內大子在
戚孔姬使之焉大子與之
言曰苟使我入獲國服冕
乘軒三死無與與之盟爲
請於伯姬閏月良夫與大
子入舍於孔氏之外圃昏
二人蒙衣而乘寺人羅御
如孔氏孔氏之老藥寧問
之稱姻妾以告遂入適伯
姬氏既食孔伯姬杖戈而
先大子與五人介輿貶從

之迫孔懼於廁強盟之遂劫以登臺欒寧將飲酒炙未熟聞亂使告季子召獲駕乘車行爵食炙奉衛侯輒來奔季子將入遇子羔將出曰門已閉矣季子曰

春秋左傳卷三

九思堂

吾姑至焉子羔曰弗及不踐其難季子曰食焉不辟其難子羔遂出子路入及門公孫敢門焉曰無入爲也季子曰是公孫也求利焉而逃其難由不然利其

祿必救其患有使者出乃入曰大子焉用孔懼雖殺之必或繼之且曰大子無勇若燔臺半必舍孔叔大子聞之懼下石乞孟賁敵子路以戈擊之斷纓子路

春秋左傳卷三

九思堂

曰君子死冠不免結纓而死孔子聞衛亂曰柴也其來由也死矣孔懼立莊公莊公害故政欲盡去之先謂司徒瞞成曰寡人離病於外久矣子請亦嘗之

歸告褚師比欲與之伐公
不果

經十有六年春王正月己
卯衛世子蒯聵自戚入于
衛衛侯輒來奔二月衛子
還成出奔宋夏四月己丑

孔丘卒

傳十六年春瞞成褚師比
出奔宋衛侯使鄆武子告
于周曰蒯聵得罪于君父
君母逋竄于晉^晉以王室之
故不奔兄弟寘諸河上天

誘其衷獲嗣守封焉使下
臣肝敢告執事王使單平
公對曰肝以嘉命來告余
一人往謂叔父余嘉乃成
世復爾祿次敬之哉方天
之休弗敬弗休悔其可追

春秋左傳卷三

王昭忍堂

夏四月己丑孔丘卒公誅
之曰旻天不弔不憖遺一
老俾屏余一人以在位孳
孳余在疚嗚呼哀哉尼父
無自律子貢曰君其不沒
於魯乎夫子之言曰禮失

則昏名失則愆失志爲昏
失所爲愆生不能用死而
誅之非禮也稱一人非名
也君兩失之六月衛侯飲
孔悝酒於平陽重酬之大
夫皆有納焉醉而送之夜

春秋左傳卷三十

孟西河忍堂

半而遣之載伯姬於平陽
而行及西門使貳車反柁
於西園子伯季子初爲孔
氏臣新登于公請追之遇
載柁者殺而乘其車許公
爲反柁遇之曰與不仁人

爭明無不勝必使先射射
三發皆遠許爲許爲射之
殪或以其車從得柁於橐
中孔悝出奔宋楚太子建
之遇讒也自城父奔宋又
辟華氏之亂於鄭鄭人甚

春秋左傳卷三十

孟西河忍堂

善之又適晉與晉人謀襲
鄭乃求復焉鄭人復之如
初晉人使諗於子木請行
而期焉子木暴虐於其私
邑邑人訴之鄭人省之得
晉諗焉遂殺子木其子曰

勝在吳子西欲召之葉公
曰吾聞勝也詐而亂無乃
害乎子西曰吾聞勝也信
而勇不爲不利舍諸邊竟
使衛藩焉葉公曰周仁之
謂信率義之謂勇吾聞勝

卷之十

孟子卷之十

也好復言而求死士殆有
私乎復言非信也期死非
勇也子必悔之弗從召之
使處吳竟爲白公請伐鄭
子西曰楚未節也不然吾
不忘也他日又請許之未

起師晉人伐鄭楚救之與
之盟勝怒曰鄭人在此讎
不遠矣勝自厲劒子期之
子平見之曰王孫何自厲
也曰勝以直聞不告女庸
爲直乎將以殺爾父平以

卷之十

孟子卷之十

告子西子西曰勝如夕余
翼而長之楚國第我死令
尹司馬非勝而誰勝聞之
曰令尹之狂也得死乃非
我子西不悛勝謂石乞曰
王與二卿士皆五百人當

之則可矣乞曰不可得也
曰市南有熊^相宜僚者若得
之可以當五百人矣乃從
白公而見之與之言說告
之故辭承之以劍不動勝
曰不爲利諂不爲威惕不

春秋左傳卷三

王昭忍堂

洩人言以求媚者去之吳
人伐慎白公敗之請以戰
備獻許之遂作亂秋七月
殺子西子期于朝而劫惠
王子西以被掩面而死子
期曰昔者吾以力事君不

可以弗終挾豫章以殺人
而後死石乞曰焚庫弑王
不然不濟白公曰不可弑
王不祥焚庫無聚將何以
守矣乞曰有楚國而治其
臣以敬事神可以得祥且

春秋左傳卷三

王昭忍堂

有聚矣何患弗從萊公在
蔡方城之外皆曰可以入
矣子高曰吾聞之以險徼
幸者其求無厭餐偏重必離
聞其殺齊管脩也而後入
白公欲以子閭爲王子閭

不可遂劫以兵子問曰王
孫若安靖楚國匡正王室
而後庇焉啓之願也敢不
聽從若將專利以傾王室
不顧楚國有死不能遂殺
之而以王如高府石乞尹

春秋左傳卷三

孟昭忍堂

門圉公陽穴宮負王以如
昭夫人之宮萊公亦至及
北門或遇之曰君胡不胄
國人望君如望慈父母焉
盜賊之矢若傷君是絕臣
望也若之何不胄乃胄而

進又遇一人曰君胡胄國
人望君如望歲焉日日以
幾若見君面是得艾也臣
知不死其亦夫有奮心猶
將旌君以徇於國而又掩
面以絕臣望不亦甚乎乃

春秋左傳卷三

孟昭忍堂

免胄而進遇箴尹固帥其
屬將與白公子高曰微二
子者楚不國矣弃德從賊
其可保乎乃從萊公使與
國人以攻白公白公奔山
而縊其徒微之生拘石乞

而問白公之死焉對曰余知其死所而長者使余勿言曰不言將烹乞曰此事也克則爲卿不克則烹固其所也何害乃烹石乞王孫燕奔潁黃氏沈諸梁兼

春秋左傳卷三

三石忍堂

二事國寧乃使寧爲令尹使寬爲司馬而老於萊衛侯占夢嬖人求酒於大叔僖子不得與卜人比而告公曰君有大臣在西南隅弗去懼害乃逐大叔遺遺

奔晉衛侯謂渾良夫曰吾繼先君而不得其器若之何良夫代執火者而言曰疾與亡君皆君之子也召之而擇材焉可也若不材器可得也豎告太子太子

春秋左傳卷三

三石忍堂

使五人輿殽從己劫公而強盟之且請殺良夫公曰其盟免三死曰請三之後有罪殺之公曰諾哉傳十七年春衛侯爲虐幄於藉圃成求令名者而與

之始食焉。大子請使良夫
良夫乘衷甸兩牡紫衣狐
裘至袒裘不釋劍而食。大
子使牽以退。數之以三罪
而殺之。三月越子伐吳。吳
子禦之笠澤夾水而陳。越

春秋左傳卷十

圭臬忍堂

子爲左右句卒使夜。或左
或右鼓譟而進。吳師分以
御之。越子以三軍潛涉。當
吳中軍而鼓之。吳師大亂。
遂敗之。晉趙鞅使告于衛。
曰君之在晉也。志父爲主。

請君若大子來。以免志父。
不然寡君其曰志父之爲
也。衛侯辭以難。大子又使
豚之。夏六月趙鞅圍衛。齊
國觀陳瓘救衛。得晉人之
致師者。子玉使服而見之。

春秋左傳卷十

圭臬忍堂

曰國子實執齊柄而命瓘
曰無辟晉師豈敢廢命。子
又何辱簡子曰我卜伐衛
未卜與齊戰。乃還。楚白公
之亂陳人恃其聚而侵楚。
楚旣寧將取陳。麥楚子問

帥於大師子穀與萊公諸
梁子穀曰右領差車與左
史老皆相令尹司馬以伐
陳其可使也子高曰率賤
民慢之懼不用命焉子穀
曰觀丁父都俘也武王以

春秋左傳卷三十

三十一 爾忍堂

為軍率是以克州蓼服隨
唐大啓羣蠻彭仲爽申俘
也文王以為令尹實縣申
息朝陳蔡封畛於汝唯其
任也何賤之有子高曰天
命不詔令尹有憾於陳天

若亡之其必令尹之子是
與君盡舍焉臣懼右領與
左史有二俘之賤而無其
令德也王卜之武城尹吉
使帥師取陳麥陳人御之
敗遂圍陳秋七月己卯楚

春秋左傳卷三十

三十二 爾忍堂

公孫朝帥師滅陳王與萊
公枚卜子良以為令尹沈
尹朱曰吉過於其志葉公
曰王子而相國過將何為
他日改卜子國而使為令
尹衛侯夢于北宮見人登

昆吾之觀被髮北面而譟
曰登此昆吾之虛縣縣生
之爪余爲渾良夫叫天無
辜公親筮之胥彌赦占之
曰不害與之邑寘之而逃
奔宋衛侯貞卜其繇曰如

春秋左傳

卷三十

魚窺尾衡流而方羊齧焉
大國滅之將亡闔門塞竇
乃自後踰冬十月晉復伐
衛入其郭將入城簡子曰
止叔向有言曰怙亂滅國
者無後衛人出莊公而與

晉平晉立襄公之孫般
師而還十一月衛侯自鄆
入般師出初公登城以望
見戎州問之以告公曰我
姬姓也何戎之有焉翦之
公使匠久公欲逐石圃未

春秋左傳

卷三十

及而難作辛巳石圃因匠
氏攻公公閉門而請弗許
踰于北方而隊折股戎州
人攻之太子疾公子青踰
從公戎州人殺之公入于
戎州己氏初公自城上見

己氏之妻驂姜使驂之而
爲呂姜驂旣入焉而示之
璧曰活我吾與女璧己氏
曰殺女璧其焉往遂殺之
而取其璧衛人復公孫般
師而立之十二月齊人伐

春秋左傳卷三十

三
元
韶
忍
堂

衛衛人請平立公子起執
般師以歸舍諸潞公會齊
侯盟于蒙孟武伯相齊侯
稽首公拜齊人怒武伯曰
非天子寡君無所稽首武
伯問於高柴曰諸侯盟誰

執牛耳季羔曰鄆衍之役
吳公子姑曹發陽之役衛
石魋武伯曰然則彘也宋
皇瑗之子麋有友曰田丙
而奪其兄鄆般邑以與之
鄆般愠而行告桓司馬之

春秋左傳卷三十

四
元
韶
忍
堂

臣子儀克子儀克適宋告
夫人曰麋將納桓氏公問
諸子仲初子仲將以杞姒
之子非我爲子麋曰必立
伯也是良材子仲怒弗從
故對曰右師則老矣不識

麋也公執之皇瑗奔晉召之

傳十八年春宋殺皇瑗公聞其情復皇氏之族使皇緩爲右師巴人伐楚圍鄆初右司馬子國之卜也觀

春秋左傳卷十

聖而忍堂

瞻曰如志故命之及巴師至將卜帥王曰寧如志何卜焉使帥師而行請承王曰寢尹工尹勤先君者也三月楚公孫寧吳由于蘧固敗巴師于鄆故封子國

春秋左傳卷十

聖而忍堂

於析君子曰惠王知志夏書曰官占唯能蔽志昆命于元龜其是之謂乎志曰聖人不煩卜筮惠王其有焉夏衛石圃逐其君起起奔齊衛侯輒自齊復歸逐石圃而復石魋與大叔遺傳十九年春越人侵楚以誤吳也夏楚公子慶公孫寬追越師至冥不及乃還秋楚沈諸梁伐東夷三夷男女及楚師盟于敖冬叔

青如京師敬王崩故也

傳廿年春齊人來徵會夏會于廩丘爲鄭故謀伐晉鄭人辭諸侯秋師還吳公子慶忌驟諫吳子曰不改必亡弗聽出居于艾遂適

春秋左傳卷三十

聖祖忍堂

楚聞越將伐吳冬請歸平越遂歸欲除不忠者以說于越吳人殺之十一月越圍吳趙孟降於喪食楚隆曰三年之喪親暱之極也主又降之無乃有故乎趙

孟曰黃池之役先主與吳王有質曰好惡同之今越圍吳嗣子不廢舊業而敵之非晉之所能及也吾是以爲降楚隆曰若使吳王知之若何趙孟曰可乎隆

春秋左傳卷三十

聖祖忍堂

曰請嘗之乃往先造于越軍曰吳犯間上國多矣聞君親討焉諸夏之人莫不欣喜唯恐君志之不從請入視之許之告于吳王曰寡君之老無恤使陪臣隆敢

展謝其不共黃池之役君
之先臣志父得承齊盟曰
好惡同之今君在難無恤
不敢憚勞非晉國之所能
及也使陪臣敢展布之王
拜稽首曰寡人不佞不能

春秋左傳卷三

墨爾忍堂

事越以爲大夫憂拜命之
辱與之一簞珠使問趙孟
曰句踐將生憂寡人寡人
死之不得矣王曰溺人必
笑吾將有問也史黯何以
得爲君子對曰黯也進不

見惡退無謗言王曰宜哉
傳十一年夏五月越人始
來秋八月公及齊侯邾子
盟于顧齊人責稽首因歌
之曰魯人之皐數年不覺
使我高蹈唯其儒書以爲

春秋左傳卷三

墨爾忍堂

二國憂是行也公先至于
陽穀齊問丘息曰君辱舉
玉趾以在寡君之軍羣臣
將傳遽以告寡君比其復
也君無乃勤爲僕人之未
次請除館於舟道辭曰敢

勤僕人

傳廿二年夏四月邾隱公自齊奔越曰吳爲無道執父立子越人歸之太子革奔越冬十一月丁卯越滅吳請使吳王居甬東辭

春秋左傳卷三十

墨子忍堂

曰孤老矣焉能事君乃縊越人以歸

傳廿三年春宋景曹卒季康子使冉有弔且送葬曰敝邑有社稷之事使肥與有職競焉是以不得助執

紼使求從輿人曰以肥之得備彌甥也有不腆先人之產馬使求薦諸夫人之宰其可以稱旌繁乎夏六月晉荀瑶伐齊高無平帥師御之知伯視齊師馬駭

春秋左傳卷三十

墨子忍堂

遂驅之曰齊人知余旗其謂余畏而反也及壘而還將戰長武子請卜知伯曰君告于天子而卜之以守龜於宗祧吉矣吾又何卜焉且齊人取我英丘君命

瑤瑤非敢耀武也治英丘也
以辭伐罪足矣何必卜壬
辰戰于犁丘齊師敗績知
伯親禽顏庚秋八月叔青
如越始使越也越諸鞅來
聘報叔青也

春秋左傳卷十

定公四年

傳廿四年夏四月晉侯將
伐齊使來乞師曰昔臧文
仲以楚師伐齊取穀宣叔
以晉師伐齊取汶陽寡君
欲徼福於周公願乞靈於
臧氏臧石帥師會之取廩

丘軍吏令繕甲將進萊章曰
君卑政暴往歲克敵今又
勝都天奉多矣又焉能進
是衛是言也役將班矣晉師
乃還餽臧石牛大史謝之
曰以寡君之在行牢禮不

春秋左傳卷十

平陽忍堂

度敢展謝之邾子又無道
越人執之以歸而立公子
何何亦無道公子荆之母
嬖將以爲夫人使宗人鬬
夏獻其禮對曰無之公怒
曰女爲宗司立夫人國之

春秋左傳 卷三十

五
百
忍
堂

春秋左傳卷三〇

春秋左傳卷三

五
百忍堂

八

其帑賜彭封彌子彌子飲
公酒納夏戊之女嬖以爲
夫人其弟期大叔疾之從
孫甥也少畜於公以爲
司徒夫人寵衰期得罪公
使三匠久公使優狡盟拳

春秋左傳卷三十

五三 耐忍堂

彌而甚近信之故褚師比
公孫彌牟公文要司寇亥
司徒期因三匠與拳彌以
作亂皆執利兵無者執斤
使拳彌入于公宮而自大
子疾之宮譟以攻公鄆子

士請禦之彌援其手曰子
則勇矣將若君何不見先
君乎君何所不逞欲且君
嘗在外矣豈必不反當今
不可衆怒難犯休而易閒
也乃出將適蒲彌曰晉無

春秋左傳卷三十

五三 耐忍堂

信不可將適鄆彌曰齊晉
爭我不可將適泠彌曰魯
不足與請適城鉏以鉤越
越有君乃適城鉏彌曰衛
盜不可知也請速自我始
乃載寶以歸公爲支離之

卒因祝史揮以侵衛衛人
病之懿子知之見子之請
逐揮文子曰無罪懿子曰
彼好專利而妄夫見君之
入也將先道焉若逐之必
出於南門而適君所夫越

春秋左傳卷三十

孟西忍堂

新得諸侯將必請師焉揮
在朝使吏遣諸其室揮出
信弗內五日乃館諸外里
遂有寵使如越請師六月
公至自越季康子孟武伯
逆於五梧郭重僕見二子

曰惡言多矣君請盡之公
宴於五梧武伯爲祝惡郭
重曰何肥也季孫曰請飲
彘也以魯國之密邇仇讎
臣是以不獲從君克免於
大行又謂重也肥公曰是

春秋左傳卷三十

孟西忍堂

食言多矣能無肥乎飲酒
不樂公與大夫始有惡
傳廿六年夏五月叔孫舒
帥師會越皐如舌庸宋樂
蔑納衛侯文子欲納之懿
子曰君愎而虐少待之必

毒於已乃睦於子矣師侵外州大獲出禦之大敗掘褚師定子之墓焚之于平莊之上文子使王孫齊私於皐如曰子將大滅衛乎抑納君而已乎皐如曰寡君

春秋左傳卷十

至五 爾忍堂

之命無他納衛君而已文子致衆而問焉曰君以蠻夷伐國國幾亡矣請納之衆曰勿納曰彌牟亡而有益請自北門出衆曰勿出重賂越人申開守陴而納

春秋左傳卷十

至五 爾忍堂

公公不敢入師還立悼公南氏相之以城鉏與越人公曰期則爲此令苟有怨於夫人者報之司徒期聘於越公攻而奪之幣期告王王命取之期以衆取之公怒殺期之甥之爲大子者遂卒于越宋景公無子取公孫周之子得與啓畜諸公宮未有立焉於是皇緩爲右師皇非我爲大司馬皇懷爲司徒靈不緩爲

左師樂伐爲司城樂朱鉏
爲大司寇六卿三族降
聽政因大尹以達大尹常
不告而以其欲稱君命以
令國人惡之司城欲去大
尹左師曰縱之使盈其罪

春秋左傳卷三

韋昭忍堂

重而無基能無敝乎冬十
月公游于空澤卒已卒于
連中大尹興空澤之士千
甲奉公自空桐入如沃宮
使召六子曰聞下有師君
請六子畫六子至以甲劫

之曰君有疾病請二三子
盟乃盟于少寢之庭曰無
爲公室不利大尹立啓奉
喪殯于大宮三日而後國
人知之司城伐使宣言于
國曰大尹惑蠱其君而專

春秋左傳卷三

韋昭忍堂

其利今君無疾而死死又
匿之是無他矣大尹之罪
也得夢啓北首而寢於盧
門之外已爲鳥而集於其
上味加於南門尾加於桐
門曰余夢美必立大尹謀

曰我不在盟無乃逐我復
盟之乎使祝爲載書六子
在唐孟將盟之祝襄以載
書告皇非我皇非我因子
潞門尹得左師謀曰臣與
我逐之乎皆歸授甲使徇

春秋左傳卷三

孟子忠堂

于國曰大尹惑蠱其君以
陵虐公室與我者救君者
也衆曰與之大尹徇曰戴
氏皇氏將不利公室與我
者無憂不富衆曰無別戴
氏皇氏欲伐公樂得曰不

可彼以陵公有罪我伐公
則甚焉使國人施于大尹
大尹奉啓以奔楚乃立得
司城爲上卿盟曰三族共
政無相害也衛出公自城
鉏使以弓問子贛且曰吾

春秋左傳卷三

孟子忠堂

其入乎子贛稽首受弓對
曰臣不識也私於使者曰
昔成公遜於陳甯武子孫
莊子爲宛濮之盟而君入
獻公遜於齊子鮮子展爲
夷儀之盟而君入今君再

在遜矣內不聞獻之親外
不聞成之卿則賜不識所
由入也詩曰無競惟人四
方其順之若得其人四方
以爲主而國於何有

傳廿七年春越子使舌庸

春秋左傳卷三十

奎函忍堂

來聘且言邾田封于駘上
二月盟于平陽三子皆從
康子病之言及子贛曰若
在此吾不及此夫武伯曰
然何不召曰固將召之文
子曰他日請念夏四月己

亥季康子卒公弔焉降禮
晉荀瑶帥師伐鄭次于桐
丘鄭駟弘請救于齊齊師
將興陳成子屬孤子三日
朝設乘車兩馬繫五邑焉
召顏涿聚之子晉曰隰之

春秋左傳卷三十

奎函忍堂

役而父死焉以國之多難
未女恤也今君命女以是
邑也服車而朝毋廢前勞
乃救鄭及留舒違穀七里
穀人不知及濮雨不涉子
思曰大國在敝邑之宇下

是以告急今師不行恐無及也成子衣製杖戈立於阪上馬不出者助之鞭之知伯聞之乃還曰我卜伐鄭不卜敵齊使謂成子曰大夫陳子陳之自出陳之

春秋左傳卷三

李商隱集

不祀鄭之罪也故寡君使瑤察陳衷焉謂大夫其恤陳乎若利本之顛瑤何有焉成子怒曰多陵人者皆不在知伯其能久乎中行文子告成子曰有自晉師

告寅者將爲輕車千乘以壓齊師之門則可盡也成子曰寡君命恒曰無及寡無畏衆雖過千乘敢辟之乎將以子之命告寡君文子曰吾乃今知所以亡君

春秋左傳卷三

李商隱集

子之謀也始衷終皆舉之而後入焉今我三不知而入之不亦難乎公患三桓之侈也欲以諸侯去之三桓亦患公之妄也故君臣多間公游于陵阪遇孟武

伯於孟氏之衢曰請有問
於子余及死乎對曰臣無
由知之三問卒辭不對公
欲以越伐魯而去三桓秋
八月甲戌公如公孫有陘
氏因遜于邾乃遂如越國

春秋左傳卷三

李西忠堂

人施公孫有山氏悼之四
年晉荀瑶帥師圍鄭未至
鄭駟弘曰知伯復而好勝
早下之則可行也乃先保
南里以待之知伯入南里
門于桔柣之門鄭人俘鄩

魁壘賂之以知政閉其口
而死將門知伯謂趙孟入
之對曰主在此知伯曰惡
而無勇何以爲子對曰以
能忍恥庶無害趙宗乎知
伯不悅趙襄子由是甚知

春秋左傳卷三

李西忠堂

伯遂喪之知伯貪而復故
韓魏反而喪之

春秋卷第卅

後序

大康元年三月吳寇始平
余自江陵還襄陽解甲休
兵乃申杼舊意脩成春秋
釋例及經傳集解始訖會
汲郡汲縣有發其界內舊冢

春秋左傳

朱子思堂

者大得古書皆簡編科斗文
字發冢者不以爲意往往
散亂科斗書久廢推尋不
能盡通始者藏在祕府余
晚得見之所記大凡七十
五卷多雜碎怪妄不可訓

知周易及紀年最爲分了
周易上下篇與今正同別
有陰陽說而無彖象文言
繫辭疑于時仲尼造之於
魯尚未播之於遠國也其
紀年篇起自夏殷周皆三

春秋左傳

朱子思堂

代王事無諸國別也唯特
記晉國起自殤叔次文侯
昭侯以至曲沃莊伯莊伯
之十一年十一月魯隱公
之元年正月也皆用夏正
建寅之月爲歲首編年相

次晉國滅獨記魏事下至
魏哀王之十年蓋魏國之
史記也推按哀王十年大
歲在壬戌是周赧王之十
六年秦昭王之八年韓襄
王之十三年趙武靈王之

春秋左傳

圭爾忍堂

廿七年楚懷王之卅年燕
昭王之十三年齊湣王之
廿五年也上去孔丘卒百
八十一歲下去今大康三
年五百八十一歲哀王於
史記襄王之子惠王之孫

也惠王卅六年卒而襄王
立立十六年卒而哀王立
古書紀年篇惠王卅六年
改元從一年始至十六年
而稱惠成王卒即惠王也
疑史記誤分惠成之卅以

春秋左傳

圭爾忍堂

爲後王年也哀王廿三年
乃卒故特不稱謚謂之今
王其著書文意大似春秋
經推此足見古者國史策
書之常也文稱魯隱公及
邾莊公盟于姑蔑即春秋

所書邾儀父未王命故不
書爵曰儀父貴之也又稱
晉獻公會虞師伐虢滅下
陽即春秋所書虞師晉師
滅下陽先書虞賄故也又
稱周襄王會諸侯于河陽

春秋左傳

韋南思堂

即春秋所書天王狩于河
陽以臣召君不可以訓也
諸若此輩甚多略舉數條
以明國史皆承告據實而
書時事仲尼脩春秋以義
而制異文也又稱衛懿公

及赤翟戰于洞澤疑洞當
爲洄即左傳所謂熒澤也
齊國佐來獻玉磬紀公之
甌即左傳所謂賓媚人也
諸所記多與左傳符同異
於公羊穀梁知此二書近

春秋左傳

韋南思堂

世穿鑿非春秋本意審矣
雖不皆與史記尚書同然
參而求之可以端正學者
又別有一卷紅集疏左氏
傳卜筮事上下次第及其
文義皆與左傳同名曰師

春師春似是抄集者人名也紀年又稱殷仲壬即位居亳其卿士伊尹仲壬崩伊尹放大甲于桐乃自立也伊尹即位放大甲七年大甲潛出自桐殺伊尹乃

春秋左傳

奎爾忠堂

立其子伊陟伊奮命復其父之田宅而中分之左氏傳伊尹放大甲而相之卒無怨色然則大甲雖見放還殺伊尹而猶以其子爲相也此爲大與尚書敘說

大甲事乖異不知老叟之伏生或致昏忘將此古書亦當時雜記未足以取審也爲其粗有益於左氏故略記之附集解之末焉

春秋左傳

奎爾忠堂